

KAFKA

FRANZ

A stylized, cubist illustration of Franz Kafka's face, rendered in shades of blue and grey. He is wearing a dark hat and a dark jacket. The background is a collage of architectural elements, including a church spire on the left, a building with a cross on the right, and various geometric shapes and lines, all in a muted, sepia-toned palette. The overall style is reminiscent of mid-20th-century modernist art.

THE TRIAL

UNABRIDGED • READ BY GEOFFREY HOWARD
TRANSLATED BY BREON MITCHELL

ფრანც კაფკას რომანის „პროცესის“ ცხოვრებისეული ფონი პირობითი და აბსტრაქტულია. ნაწარმოებში მთელი სისრულითაა გადმოცემული მწერლის მსოფლმხედველობის ძირითადი მრწამსი, რომ ადამიანი ფატალურად უძლურია მასზე მაღლა მდგომი ყოვლისშემძლე იდუმალი ძალების წინაშე. რომანის მთავარი გმირი, ბანკის მოხელე იოზეფ კ., სრულიად უმწეო აღმოჩნდა შემზარავი და უღმობელი სამსჯავროს წინაშე.

რედაქტორი მ. თურქია, მხატვარი რ. მაქარაშვილი, მხატვრული რედაქტორი აკ. თევზაძე, ტექნიკური რედაქტორი ზ. გვიმრაძე, კორექტორი ქ. ქავთარაძე, გამომწვეები ნ. ჩხეტიანი

გადაეცა წარმოებას 28.01.92. ხელმოწერილია დასაბეჭდად 20.05.92. საბეჭდი ქალაქი № 1. 84X1081/32. გარნიტურა ვენა. ბეჭდვა მაღალი. პირობითი ნაბეჭდი თაბახი 10,6. პირ. სალ.-გატ. 10,9. სააღრ.-საგამომც. თაბახი 11,44. ტირაჟი 10.000. შეკვ. № 60.

ფასი 15 მან.

გამომცემლობა „საქართველო“
თბილისი, მარჯანიშვილის 5.

საქართველოს რესპუბლიკის ბეჭდვითი საქმის
დეპარტამენტის № 4 სტამბა
380060, ქ. თბილისი, ვაჟა-ფშაველას პრ. № 29.

4702460100—013

კ —92

M 601 (08)—013

© ქართული თარგმანი, გამომცემლობა „საქართველო“
თბილისი, 1992



თავი პირველი

დაპატიმრება
საუბარი ფრაუ გრუბახთან
ფროილან ბიურსთენერი

ეტყობა, ვილაცამ ცილი დასწამა იოზეფ კ-ს, რადგან არაფერი დაუშავებია და ერთ მშვენიერ დილას მაინც დააპატიმრეს. ბინის პატრონის, ფრაუ გრუბახის მზარეული ქალი, რომელსაც ყოველდღე, დილის რვა საათზე, საუზმე მოჰქონდა მისთვის, ამჯერად არ გამოჩენილა. ამგვარი რამ არასოდეს მომხდარა. კ. მცირე ხანს მოთმინებით აღიჭურვა და ბალიშზე თავმიდებულნი უყურებდა მოპარდაპირე სახლში მცხოვრებ დედაბერს, რომელიც რაღაცნაირი უჩვეულო ცნობისმოყვარეობით ფანჯრიდან უმზერდა, შემდეგ კი გაოგნებულმა და მოშიებულმა დარეკა ზარი. კარზე იმწამსვე დააკაკუნეს. ოთახში შემოვიდა უცხო მამაკაცი, რომელიც ამ ბინაში არასოდეს ენახა. სტუმარი ტანადიც იყო და ძვალმსხვილიც. ტანთ ეცვა შავი, მორგებული კოსტიუმი, რომელსაც გარდა ქამრისა, იმდენი ნაკეცი, ჯიბე, ბალთა და ღილი ჰქონდა, რომ სამგზავრო ტანსაცმელს უფრო ჰგავდა. თუმცა ერთბაშად ვერც მიხვდებოდა კაცი, რა დანიშნულება ჰქონდა ყოველივე ამას, მაგრამ სახმარად ძალზე პრაქტიკული ჩანდა.

— ვინ ბრძანდებით? — ჰკითხა კ-მ და საწოლიდან ნახევრად წამოიწია.

მამაკაცმა ყურით არ შეიხერტყა, თითქოს მისი სტუმრობა ჩვეულებრივ ამბად უნდა მიეჩნიათ და კ-ს მხოლოდ ეს უთხრა:

— თქვენ დარეკეთ?

— ანამ საუზმე უნდა მომიტანოს, — თქვა კ-მ და შეეცადა ჯერჯერობით ხმის ამოუღებლად დაკვირვებოდა და ალლოთი მიმხვდარიყო, ვინ უნდა ყოფილიყო ეს ვაჟბატონი. მაგრამ ახალმოსულმა თვალი აარიდა მის ხანგრძლივ მზერას, კარისკენ შეტრიალდა, ოდნავ გამოაღო და კარს უკან ვილაცას უთხრა:

— მას სურს, ანამ საუბრე მოუტანოს.

მეზობელ ოთახში სიცილი გაისმა და მაშინვე შეწყდა. ხმის მიხედვით ძნელი მისახვედრი იყო, ერთი კაცი იცინოდა თუ რამდენიმე. და თუმცა უცხო მამაკაცს ისეთი რა უნდა შეეცყო, რაც აღრევე არ იცოდა, კ-ს მაინც ოფიციალურ კილოზე მოახსენა:

— ეს შეუძლებელია.

— აი, ახალი ამბავი, — ჩაილაპარაკა კ-მ, საწოლიდან წამოხტა და სწრაფად ჩაიკვია შარვალი. — მინდა ვნახო, ვინ არიან მეზობელ ოთახში და რით გამართლებს ფრაუ გრუბახი, მყუდროება რომ დამირღვიეს.

ეს კი თქვა, მაგრამ მაშინვე გაუელვა აზრმა, ამგვარი რამ ხმამაღლა არ უნდა დასცდენოდა, რადგან ამით თითქოს ზედამხედველობის უფლებას აძლევდა უცხო მამაკაცს. თუმცა ამჯერად მისთვის ამას მნიშვნელობა არ ჰქონდა. უცხო მამაკაცმა მაინც სწორად გაიგო მისი აზრი და უთხრა:

— უმჯობესია აქ დარჩეთ.

— შე არც აქ დარჩენა მსურს და არც თქვენთან ლაპარაკი, ვიდრე არ მეტყვიოთ, ვინა ხართ.

— თქვენთვის კარგი მინდა, — უთხრა უცნობმა და თვითონვე გაულო კარი.

მეზობელ ოთახში, სადაც კ. უფრო ნელა გავიდა, ვიდრე სურდა, ერთი შეხედვით ყველაფერი თითქმის ისე გამოიყურებოდა, როგორც წინა საღამოს. ეს გახლდათ ფრაუ გრუბახის საერთო ოთახი. შეიძლება ავეჯით, გადასაფარებლებით, ფაიფურითა და ფოტოსურათებით გამოტენილ ოთახში დღეს ოდნავ მეტი ხალვათობა იყო, ვიდრე სხვა დროს, მაგრამ ამას მაშინვე ვერ შეამჩნევდა კაცი, რადგან გადასხვაფერება უმთავრესად იმან გამოიწვია, რომ ოთახში ღია ფანჯარასთან ვიღაც მამაკაცი იჯდა, რომელსაც ხელში წიგნი ეჭირა და კ-ს ქვემოდან შესცქეროდა.

თქვენს ოთახში უნდა დარჩენილიყავით! განა ფრანცმა არ გაგაფრთხილათ?

— გამაფრთხილა, მაგრამ გამაგებინეთ, რა გინდათ ჩემთან? — ჰკითხა კ-მ, ახალ ნაცნობს თვალი მოარიდა და ახლა იმას შეხედა, ვისაც ფრანცს ეძახდნენ და კარებში იდგა, მერე კი ისევ სავარძელში მჯდომს მიაპყრო მზერა. ღია ფანჯრიდან ისევ მოჩანდა დედაბერი. ქვეშარიტად ბებრული ცნობისმოყვარეობით შეპყრობილს ახლა მეორე ფანჯარასთან გადაენაცვლებინა, რათა უკეთ დაენახა, რა ხდებოდა ოთახში.

— ფრაუ გრუბახის ნახვა მინდოდა, — თქვა კ-მ და თუმცა მასა და მამაკაცებს შორის საკმაო მანძილი იყო, ისე გაიწია

კარისაკენ, თითქოს უნდოდა ხელიდან დასხლტომოდა ორივეს, მაგრამ ამ დროს ფანჯარასთან მჯდარმა მამაკაცმა დაუყვირა:

— არ შეიძლება, — შემდეგ წიგნი მაგიდაზე დაავლო და ფეხზე წამოდგა. — აქედან გასვლის უფლება არა გაქვთ, დაპატიმრებული ბრძანდებით.

— ეტყობა, ასეა, — თქვა კ-მ და იკითხა: — კი მაგრამ, რისთვის?

— ამის ახსნა ჩვენთვის არავის დაუვალვია. შედით თქვენს ოთახში და მოთმინებით აღიჭურვეთ. თქვენ წინააღმდეგ უკვე აღძრულია სისხლის სამართლის საქმე და თავის დროზე ყველაფერს შეიტყობთ: ისედაც ზედმეტი უფლება მივეცი ჩემს თავს ასე მეგობრულად რომ გელაპარაკებით. მაგრამ, იმედოვნა, ფრანცის გარდა არავინ გვისმენს, ფრანცი კი წესდებას ანგარიშს არ უწყევს და თავაზიანად გეპყრობათ. თუ ბედმა კვლავაც ისე გაგიღიმათ, როგორც მცველების შერჩევაში, შეგიძლიათ მშვიდად ბრძანდებოდეთ.

კ-ს უნდოდა დამჯდარიყო, მაგრამ მთელ ოთახში ფანჯარასთან დადგმული სავარძლის გარდა დასაჯდომი ვერაფერი აღმოაჩინა.

— თქვენ არაერთხელ დარწმუნდებით, რომ მართალს გეუბნებით, — თქვა ფრანცმა და ორივე ერთდროულად მიიჭრა კ-სთან. მეორე მამაკაცი კ-ზე ბევრად მაღალი იყო და წამდაუწყებლად ხელს ურტყამდა მხარზე. მცველებმა კ-ს ღამის პერანგს დაუწყეს სინჯვა და თან ეუბნებოდნენ, ამიერიდან ბევრად უარესი პერანგის ჩაცმა მოგიწევთ, ამ პერანგს და საერთოდ თქვენს საცვლებს კი შევინახავთ და თუ საქმე თქვენს სასარგებლოდ გადაწყდება, უკანვე დაგიბრუნებთ.

— უმჯობესია ჩვენ მოგვეცეთ, ვიდრე საწყობში ჩააბაროთ, — განაგრძობდნენ ისინი. — საწყობში ხშირად ნივთებს იპარავენ, გარკვეული დროის გასვლის შემდეგ კი, სულ ერთია, საქმე დამთავრდება თუ არა, ყველაფერს ყიდნიან. ამგვარი პროცესები დიდხანს გრძელდება, განსაკუთრებით ამ ბოლო დროს. მართალია, საბოლოოდ საწყობი აგინაზღაურებთ ნივთების საფასურს, მაგრამ, ჯერ ერთი, თანხა თავისთავად უმნიშვნელოა, რადგან ნივთის შეფასებისას გადამწყვეტია ქრთამი და არა მისი ნამდვილი ფასი, მეორეც, გამოცდილებით ვიცით, რომ ფული ყოველწლიურად ხელიდან ხელში გადადის და იღვევა.

კ. ყურადღებას არ აქცევდა კაცების ლაპარაკს, განა სულ ერთი არ იყო, ვინ დაეპატრონებოდა თეთრეულს, ჯერჯერობით ვითომც მის საკუთრებად რომ ითვლებოდა? ახლა მთავარი იყო გარკვეულიყო იმ ამბავში, რაც თავს დაატყდა. მაგრამ უცხო მამაკაცების თანდასწრებით ფიქრსაც კი ვერ ახერ-

ხებდა ხეირიანად. მეორე მცველი — სხვა ვინ უნდა ყოფი-
ლიყვნენ, თუ არა მცველები! — თითქოსდა მეგობრულად წამ-
დაუწუმ მუცლით ეჯახებოდა, მაგრამ როცა კი ახედავდა,
თვალში ხვდებოდა სქელი ტანისათვის სრულიად შეუფერე-
ბელი ჩამომხმარი გაძვალტყავებული სახე, მსხვილი, გვერდ-
ზე მოქცეული ცხვირი. იმასაც ამჩნევდა, თვალთ რომ ანიშ-
ნებდა. რალაცას მეორე მცველს. მაინც ვინ არიან, რა ხალხია?
რაზე ლაპარაკობენ? რომელ უწყებას ეკუთვნიან? კ. ხომ სა-
მართლებრივ სახელმწიფოში ცხოვრობს, ირგვლივ სიმშვიდე
სუფევს, ყველა კანონი ძალაშია, ვინ ბედავს თავს დაესხას
საკუთარ ბინაში? იგი იმთავითვე როგორღაც იოლად უყუ-
რებდა ცხოვრებას და მხოლოდ მაშინ აღიარებდა, საქმე ცუდა-
დააო, როცა უარესი ძნელი წარმოსადგენი იყო. მომავლის
დარდი არ ჰქონდა, მაშინაც კი, როცა ყოველმხრივ საფრთხე
ემუქრებოდა. მაგრამ ახლა გული ეუბნებოდა, ამჯერად ასე
არ ივარგებსო. თუმცა მთელი ეს ამბავი იქნებ უხეში ხუმ-
რობაც იყო, რაც ღმერთმა იცის, რისთვის მოიგონეს კოლე-
გებმა, მასთან ერთად რომ მსახურობენ ბანკში; იქნებ იმიტომ
იმასხრეს, რომ დღეს ოცდაათი წელი შეუსრულდა? ნამდვი-
ლად ასე იქნება. მცველებს სიცილით რომ შეგებებოდა, მათაც
გაეციებოდათ; ან იქნებ სულაც მეზარეულები არიან, ქუჩის
კუთხეში რომ დგანან ჩვეულებრივ? ჰგვანან კიდევ მათ. მი-
უხედავად ამგვარი ფიქრებისა, როგორც კი თვალი შეავლო
ფრანცს, გადაწყვიტა ხელიდან არ გაეშვა სულ მცირე უპირა-
ტესობაც კი, რაც შეიძლება ამ ადამიანებთან შეღარებით
ჰქონდა. კ-ს ყველაზე ნაკლებად აფრთხობდა ის ამბავი, რომ
შემდეგ ამხანაგები უსაყვედურებდნენ, ხუმრობა არ გცოდ-
ნიაო, სამაგიეროდ კარგად ახსოვდა — თუმცა საერთოდ არ
სჩვეოდა შეძენილი გამოცდილების ხარჯზე ჰქუა ესწავლა —
ისეთი თავისთავად უმნიშვნელო შემთხვევებიც, როცა მეგობ-
რებისაგან განსხვავებით შეგნებულად არ უწევდა ანგარიშს
მოსალოდნელ შედეგებს, დაუდევრად იქცეოდა და ამის გამო
საბოლოოდ ისჯებოდა. ასეთი რამ აღარ უნდა განმეორდეს, ამ-
ჯერად მაინც და თუ ეს კომედიია, იგი მათ მხარს აუბამს.

მაგრამ ჯერ ხომ თავისუფალია.

— გამატარეთ, — თქვა მან, მცველებს შორის სწრაფად გა-
იარა და თავის ოთახში შევიდა.

— ეტყობა, გონიერი კაცია, — მოესმა უკნიდან ერთ-ერთი
მცველის სიტყვები.

ოთახში შესულმა სწრაფად გამოსწია საწერი. მაგიდის
უჯრები, სადაც სანიმუშო წესრიგი სუფევდა, მაგრამ მიუხე-
დავად გულმოდგინე ძებნისა, აღელვებულმა ვერაფრით ვერ
იპოვა საბუთები. ბოლოს მიაგნო ველოსიპედის ფლობისა და

ტარების მოწმობას და უკვე აპირებდა მცველებისათვის ეჩვე-
ნებინა, მაგრამ მაშინვე გაიფიქრა, ვერაფერი საბუთთაო, კვლავ
მიუბრუნდა უჯრებს და მანამდე იქეჭებოდა, სანამ დაბადების
მოწმობა არ აღმოაჩინა. როცა კ. კვლავ დაბრუნდა მეზობელ
ოთახში, მოპირდაპირე კარი გაიღო და ზღურბლზე ერთი წა-
მით გამოჩნდა ფრაუ გრუბახი, რომელიც შემოსვლას აპირებ-
და, მაგრამ როგორც კი კ-ს თვალი მოჰკრა, უმაღ შეცბა, ბო-
ლიში მოიხდა, უკან დაიხია და ძალზე ფრთხილად დასურა
კარი.

— მობრძანდით, — კ-მ მეტი ვერაფრის თქმა ვერ მოას-
წრო. შუა ოთახში გაჩერებულს ხელში საბუთები ეჭირა და
შეჰყურებდა კარს, რომელიც აღარ იღებოდა. იგი მცველების
შეძახილმა მოიყვანა გონს. ისინი ღია ფანჯარასთან მაგიდას
მისხდომოდნენ და კ. იმწამსვე მიხვდა, რომ მის საუზმეს მი-
ირთმევდნენ.

— რატომ არ შემოვიდა? — იკითხა კ-მ.

— უფლება არა აქვს, — უპასუხა მალალმა მცველმა. —
თქვენ ხომ დაპატიმრებული ხართ.

— რას ჰქვია დაპატიმრებული, განა დაპატიმრება ასე ხდე-
ბა?

— დაიწყეთ ისევ თქვენებური, — თქვა მცველმა და კარა-
ქიანი ჰური თაფლის ქილაში ამოავლო. — ასეთ კითხვებზე
ჩვენ პასუხს არ ვიძლევი.

— პასუხის გაცემა მაინც მოგიწევთ, — უთხრა კ-მ, — აი,
ჩემი პიროვნების დამადასტურებელი საბუთები, ახლა კი თქვე-
ნი მაჩვენეთ, პირველ რიგში დაპატიმრების ორდერი.

— ღმერთო ჩემო! — თქვა მცველმა, — რატომ ვერ ეგუე-
ბით თქვენს მდგომარეობას, რატომ დაგისახავთ მიზნად ტყუ-
ილუბრალოდ გაგვლიზიანოთ ქვეყანაზე ამჟამად თქვენთვის
აღბათ ყველაზე ახლობელი ადამიანები!

— ასეა, ასე, დაგვიჯერეთ, — თქვა ფრანცმა და ყავის ფინ-
ჯანი, ხელში რომ ეჭირა, პირთან აღარ მიიტანა, ხანგრძლივი,
მრავლისმეტყველი, მაგრამ უცნაური მზერა კ-ს მიაპყრო. კ-მ
მისდა უნებურად ამგვარივე მზერით უპასუხა ფრანცს, მცირე
ხნის შემდეგ კი ისევ თავის საბუთებს დაუბრუნდა და თქვა:

— აი, ჩემი საბუთები.

— რა თავში ვიხლით თქვენს საბუთებს? — წამოიძახა ახ-
ლა მალალმა მცველმა. — ბავშვზე უარესად იქცევით. რა
გინდათ? ნუთუ გგონიათ, რომ ისეთი დიდი საშინელი პრო-
ცესი, როგორც თქვენია, მალე დამთავრდება თუ რალაც
მოწმობებზე და დაპატიმრების ორდერზე დავვიწყებთ დავას?
ჩვენ დაბალი რანგის მოხელეები ვართ, მოწმობებისა არაფერი

გაგვეგება და თქვენს პროცესთანაც არაფერი გვესაქმება. ჩვენი მოვალეობა მხოლოდ ისაა, დღეში ათი საათი გიდარაჯოთ, ამ საქმისთვის გვიხდინან ფულს, ამის მეტი არაფერი გვეკითხება. თუმცა ისიც კარგად ვიცით, რომ უმადლესი ხელისუფლება, რომელსაც ჩვენ ვემორჩილებით, სანამ ვინმეს დააპატიმრებს, ზუსტად ადგენს დაპატიმრების მიზეზსაც და დაპატიმრებულის ვინაობასაც. ამ საქმეში შეცდომა გამორიცხებულია. ჩვენი უწყება, რამდენადაც ჩემთვის ცნობილია, — მე კი იქ მხოლოდ ყველაზე დაბალი რანგის მოხელეებს ვიცნობ, — თავად კი არ ეძებს დანაშაულს მოსახლეობაში, არამედ, როგორც ეს კანონში წერია, დანაშაული თვითონ იზიდავს მას და ამის გამო უწყებას ჩვენი, მცველების, დაგზავნა უხდება. ასეთია კანონი, რა შეცდომა შეიძლება იყოს აქ?

— მე ასეთ კანონს არ ვიცნობ, — თქვა კ-მ.

— მით უარესი თქვენთვის, — უთხრა მცველმა.

— ამგვარი კანონი მხოლოდ თქვენს თავში არსებობს, — მიუგო კ-მ. მას სურდა როგორმე ჩასწვდომოდა მცველთა აზრებს, თავის სასარგებლოდ წარემართა, ან თვითონაც გამსჭვალულიყო ამ აზრებით, მაგრამ ამ დროს მცველმა აგდებით უთხრა:

— ამ კანონის ძალას საკუთარ ტყავზე გამოსცდით.

— აი, ხომ ხედავ, ვილემ, მან აღიარა, კანონს არ ვიცნობო და ამავე დროს ამტკიცებს, უდანაშაულო ვარო, — ჩაერია საუბარში ფრანცი.

— მართალს ამბობ, მაგრამ ამას ვერაფერს გააგებინებ, — მიუგო ვილემმა.

კ-ს მათთვის ხმა აღარ გაუცია. ნუთუ, ფიქრობდა იგი, ამ უმდაბლეს მოხელეებს — ისინი ხომ თვითონ აღიარებენ უმდაბლესნი ვართო — თავიანთი ლაყბობით უნდა აგაბნევიონ თავგზა? ისინი ხომ აშკარად ისეთ ამბებზე ლაპარაკობენ, რაზედაც არავითარი წარმოდგენა არა აქვთ. თავდაჯერებულნი კი მხოლოდ სიბრძნის გამო არიან. ჩემი წრის კაცს ორიოდ სიტყვაც რომ ვუთხრა, ყველაფერს ვავაგებინებ, ამათთან კი დღედაღამ ლაპარაკითაც ვერაფერს გახდები. კ-მ რამდენჯერმე გაიარ-გამოიარა ოთახში, მოპირდაპირე სახლში დაინახა დედაბერი, რომელსაც მასზე უფრო ხანდაზმული ბერიკაცი მოეტრია ფანჯარასთან და რომ არ წაქცეულიყო, ხელი მოეხვია. დრო იყო, ბოლო მოღებოდა ამ სანახაობას.

— წამიყვანეთ თქვენს უფროსთან, — მიმართა კ-მ მცველებს.

— მხოლოდ მაშინ, როცა თავად მოისურვებს, მანამდე ვერა, — უპასუხა მცველმა, რომელსაც ვილემი ერქვა და დასძინა: — ახლა კი გირჩევთ თქვენს ოთახში შეხვიდეთ, დამშ-

ვიდდეთ და დაელოდოთ უფროსების განკარგულებას. გირჩევთ აგრეთვე უსარგებლო ფიქრით ნუ დაიღლით თავს, ჯობია გონიერებას მოუხმოთ, რადგან დიდ მოთხოვნებს წამოგიყენებენ. თქვენ ისე არ მოგვექცით, როგორც ჩვენი თავაზიანობით დავიმსახურეთ. ეტყობა, დაგავიწყდათ, ვინც არ უნდა ვიყოთ, ახლა თქვენთან შედარებით მაინც თავისუფალი ადამიანები ვართ, ეს კი მცირე უპირატესობა როდია. მიუხედავად ამისა, თუ ფული გაქვთ, შეგვიძლია ქუჩის მეორე მხარეს მდებარე კაფედან საუზმე მოგიტანოთ.

კ-ს პასუხი არ გაუცია და ერთხანს ჩუმად იდგა: იგი რომ მეზობელ ოთახში ან წინკარში შევიდეს, შეიძლება მცველებმა ვერც გახედონ მისი შეჩერება, იქნებ ესაა ყველაზე მარტივი გადაწყვეტა ამ ამბისა, ასე რომ აზვიადებს, მაგრამ ხომ შეიძლება ხელი სტაცონ, და თუ ერთხელ მოთოკავენ, მაშინ იმ უპირატესობასაც დაკარგავს, რასაც ვარკვეული თვალსაზრისით მათთან შედარებით ჯერ კიდევ ინარჩუნებს. ამიტომ ამჯობინა კვანძის უფრო საიმედო გახსნას დალოდებოდა, რაც მოვლენათა ბუნებრივ მსვლელობას უნდა მოჰყოლოდა. კ-ს იმე შევიდა თავის ოთახში, რომ არც მას დასცდენია სიტყვა და არც მცველებს.

იგი საწოლზე წამოწვა და ჰირსაბანიდან ლოყაწითელი ვაშლი აიღო. ვაშლი წუხელის მოიმარაგა საუზმეზე დასაყოლებლად. ახლა მხოლოდ ეს იყო მისი საუზმე. კ-მ ვაშლი მაგრად ჩაკბიჩა და საკუთარი თავი დაარწმუნა, ბინძურ ღამის კაფეში ნაყიდ და მცველების სამადლოდ მოტანილ საუზმეს ხოლო თუ არ დაუჯერებდნენ, რაც ამ შემთხვევაში გასაგები იქნება, შეუძლია მოწმედ ფრატე გრუბახი ან მოპირდაპირე სახლში მცხოვრები მოხუცები დაასახელოს, ახლა ალბათ მეორე ფანჯრისაკენ რომ იმაცვლებენ ადგილს. კ-ს უკვირდა, უფრო სწორად, მცველებისა ვერაფერი გაეგო, როგორ მოუვიდათ აზრად, რომ საკუთარ ოთახში შეაგდეს და მარტო დატოვეს, აქ ხომ მას თავისუფლად შეიძლო თავის მოკლა, მაგრამ იმწამსვე აწონ-დაწონა მდგომარეობა და გაიფიქრა: რა მჭირს თავის მოსაკლავი, ნუთუ ის; რომ გვერდით ოთახში ორი კაცი ზის და ჩემს საუზმეს მიირთმევს? ამის გამო თავის მოკვლა ისეთი უაზრობა იქნებოდა, რომ სდომოდა კიდევც,

ამ განზრახვაზე თვითონ უაზრობა ააღებინებდა ხელს; მცველების გონებრივი შეზღუდულობა რომ ცხადზე ცხადი არ ყოფილიყო, შეეძლო ევარაუდა, ისინიც ამ დასკვნამდე მივიდნენ და არავითარ საფრთხეს არ ხედავენ, მარტომ რომ დატოვეს. თუ მოისურვებდნენ, შეეძლოთ დაენახათ, როგორ მივიდა იგი კედლის კარადასთან, სადაც საუცხოო არაყი ჰქონდა გადანახული, როგორ გადააპკრა ჯერ ერთი პატარა ჭიქა საუზმის მაგივრად; ხოლო მეორე გასამხნეველად, მერე მესამეც მიაყოლა, — სიფრთხილეს თავი არა სტკივა ვაითუ სიმხნევე დამჭირდესო, თუმცა ასეთი შემთხვევა დაუჩერებელი ეჩვენებოდა.

უეცრად გვერდით ოთახიდან ძახილი მოესმა: „ზედამხედველი გიხმობთ!“ კ-ს ისე შეეშინდა, კბილებს კაწკაწი აუტეხა ჭიქაზე. იგი მხოლოდ შეძახილმა შეაერთო, მოკლე, წყვეტილმა, ჯარისკაცურმა შეძახილმა, რასაც არაფრით არ მოელოდა მცველი ფრანცისგან, თვით ბრძანებამ კი პირიქით, დიდად გაახარა.

— როგორც იქნა! — გასძახა მან პასუხად, კედლის კარადა დაკეტა და იმწამსვე გაეშურა მეორე ოთახისაკენ. კართან ორივე მცველს გადააწყდა და ისევ უკან, თავის ოთახში შეაგდეს, თითქოს ასე იყო საჭირო.

— როგორ ბედავთ! — უყვირეს მათ. — პერანგის ამარა გინდათ გამოეცხადოთ ზედამხედველს? იგი თქვენს თავსაც მიაბეგვინებს და არც ჩვენ დაგვყარის კარგ დღეს!

— დალაზვროს ეშმაკმა, გამიშვით! — წამოიძახა კ-მ, რომელიც ამასობაში ტანსაცმლის კარადასთან მიეგდოთ. — კაცს ლოგინში ესხმიან თავს და ახლა იმასაც მოითხოვენ, საზეიმოდ გამოეწყვიტო.

— სხვა გზა არ არის, — უთხრეს მცველებმა, რომლებიც კ-ს ყოველ აყვირებაზე შესამჩნევად მშვიდდებოდნენ, სევდაც კი ერეოდით, რაც კ-ს თავგზასაც უბნევედა და გონზეც მოჰყავდა.

— სასაცილო ცერემონიაა! — ჩაიბუზღუნა კ-მ, მაგრამ მაინც დაავლო ხელი სკამზე გადაკიდებულ პიჯაკს და ერთხანს ისე ეჭირა გაშლილი, თითქოს მცველების აზრის გაგება სურდა, თუ ივარგებსო. მათ უარის ნიშნად თავი გაიქნიეს.

— შავი ჰიჯაკია საჭირო, — უთხრეს მცველებმა. კ-მ ამ სიტყვების გაგონებაზე პიჯაკი იატაკზე დააგდო და თვითონაც არ იცოდა, რა აზრი ჩაღო ამ სიტყვებში: „კი მაგრამ, ახლა ხომ არ ირჩევა საქმე“.

მცველებს გაეღიმათ, მაგრამ მაინც დაუინებით გაუმეორეს: შავი პიჯაკია საჭირო.

— რა გაეწყობა, თუ ეს საქმეს დააჩქარებს, საწინააღმდეგო არაფერი მაქვს, — თქვა კ-მ, გააღო ტანსაცმლით გამოტე-

ნილი კარადა; დიდხანს იქეჭებოდა, ბოლოს შეარჩია საუკეთესო შავი კოსტიუმი, რომელიც ისე ადგა ტანზე, რომ ნაცნობების საყოველთაო აღტაცებას იწვევდა. შემდეგ ახალი პერანგიც გამოიღო და გულმოდგინედ შეუდგა ჩაცმას. თან გუნებაში გაივლო, ახლა მე მგონი, აღარაფერი დამაყოვნებს, რაკი მცველებს დაავიწყდათ და არ მაიძულებს მებანავაო. იგი თვალყურს ადევნებდა მათ, იქნებ უეცრად გაახსენდეთო, მაგრამ მცველებს ამგვარი რამ აზრადაც არ მოსდიოდათ, სამაგიეროდ ვიღემს არ დავიწყებია ფრანცი ზედამხედველთან გაეგზავნა იმის მოსახსენებლად, კ. იცვამსო.

როცა ჩაცმა მოათავა, კ. ოთახიდან გავიდა და ვიღემიც ფეხდაფეხ მიჰყვა უკან. მათ ცარიელი ოთახი გაიარეს და მომდევნო ოთახში შევიდნენ, სადაც უკვე ფართოდ გაედოთ კარი. კ-მ დანამდვილებით იცოდა, რომ ცოტა ხნის წინათ ამ ოთახში ვიღაც მემანქანე, ფროილიან ბიურსთენერი დასახლდა. ქალიშვილი ძალიან ადრე მიდიოდა სამსახურში, შინ გვიან ბრუნდებოდა და ამიტომ მათ შორის სალამისა და მოკითხვის მეტი არაფერი თქმულა. ახლა კი ფროილიან ბიურსთენერის პატარა მაგიდა, რომელიც აქამდე საწოლთან იდგა, შუა ოთახში გადაედგათ დაკითხვისათვის და მაგიდასთან ზედამხედველი დამჯდარიყო, ფეხი ფეხზე გადაედო, ცალი მკლავი კი სკამის ზურგზე გადაეკიდა.

ოთახის ერთ კუთხეში სამი ახალგაზრდა კაცი იდგა და ფროილიან ბიურსთენერს ფოტოსურათებს ათვალერებდნენ, კედელზე გაკრულ ჭილოფში რომ იყო ჩამაგრებული. ღია ფანჯრის სახელურზე ქალის თეთრი კოფთა ეკიდა. მოპირდაპირე ფანჯარას უკვე მოსდგომოდნენ მოხუცები, მაგრამ მათ კიდევ შემატებოდა ერთი მაყურებელი, მათზე ზევრად მაღალი მკერდგაღელილი მამაკაცი, რომელიც მოხუცების ზურგს უკან იდგა და უღალ, წაწვერებულ წვერს ბლუჯავდა და იგრებდა.

— იოზეფ კ. ბრძანდებით? — ჰკითხა ზედამხედველმა ალბათ უფრო იმიტომ, რომ ყურადღებაგაფანტულ კ-ს მისთვის შეეხედა. კ-მ თავი დაუქნია.

— თქვენ ალბათ ძალიან გაგაკვირვათ ამდღიანდელმა ამბავმა? — უთხრა ზედამხედველმა და ორივე ხელით ისე მისწია თავისკენ მაგიდაზე დალაგებული ნივთები — სანთელი, ასანთი, წიგნი და ნემსების დასაბნევი ბალიში, თითქოს დაკითხვისათვის სჭირდებოდა.

— რა თქმა უნდა, — უპასუხა კ-მ და სასიამოვნო გრძნობამ შეიპყრო; როგორც იქნა, ჰკვიანი კაცი შეხვდა და შეუძლია საქმეზე ელაპარაკოს. — რა თქმა უნდა, გაკვირვებული ვარ, თუმცა არც ისე ძლიერ.

— არც ისე ძლიერ? — ჰკითხა ზედამხედველმა და ახლა სანთელი შუა მაგიდაზე დადგა. სხვა ნივთებს კი მის ირგვლივ მოუყარა თავი.

— ეტყობა სხვაგვარად გაიგეთ ჩემი სიტყვები, — აჩქარებით დასძინა კ-მ. — მე მხოლოდ იმის თქმა მინდოდა... — მაგრამ მან ლაპარაკი შეწყვიტა და თვალით სავარძელს დაუწყობა. — ხომ შეიძლება დავჯდე? — იკითხა მან.

— წესი არ არის, — უპასუხა ზედამხედველმა.

— მე მხოლოდ იმის თქმა მინდოდა, — განაგრძო კ-მ სხაპასუხებით, — მართალია, ძლიერ გაკვირვებული ვარ, მაგრამ როცა ქვეყანაზე ოცდაათ წელიწადს ბოგინებ და მარტოს ვიხედება თავის გატანა, როგორც ეს მე მარგუნა ბედმა წილად, ძალაუხნებურად ეჩვევი ყოველგვარ მოულოდნელობას და გულთან ახლოს არ მივაქვს; განსაკუთრებით ისეთი ამბები, როგორიც დღევანდელია.

— რატომ მაინცდამაინც ისეთი, როგორიც დღევანდელია?

— მე იმის თქმა კი არ მინდა, რომ ყველაფერი რაც მოხდა, ხუმრობად მიმაჩნია! სად გაგონილა ხუმრობით ამდენი დავი-დარაბის ატეხა. ჰანსიონის მდგმურები და თქვენ ყველანი თუ აწრიალდით, ეს ხომ ყოველგვარი ხუმრობის საზღვრებს სცილდება. ამიტომაც არ მინდა იმის თქმა, რომ ეს ხუმრობაა.

— მართალი ბრძანდებით, — თქვა ზედამხედველმა და ასანთის კოლოფში ჩაიხედა, რამდენი ღერო დარჩა შიგო.

— მეორე მხრივ, — განაგრძო კ-მ ყველას გასაგონად, მას უნდოდა იმ სამი ახალგაზრდა კაცის ყურადღებაც მიეპყრო, ფოტოსურათებს რომ ათვალეიერებდნენ, — მეორე მხრივ არ შეიძლება ეს საქმე დიდად მნიშვნელოვანი იყოს. ამ დასკვნამდე იმიტომ მივედი, რომ რალაცაში მადანაშაულებენ, მაგრამ არაფერი დამიშავებია ისეთი, რის გამოც შეუძლიათ ბრალი დამდონ. თუმცა არსებითი არც ესაა. მთავარია, ვინ მდებს ბრალს, რომელი უწყება აწარმოებს ჩვენს საქმეს? თქვენ მოხელეები ხართ? — მაშინ რატომ არ გაცვიათ ფორმა, თუ ფორმად არ ჩავთვლით, — მიმართა მან ფრანკს, — თქვენს ტანსაცმელს, რომელიც სამგზავრო ტანსაცმელს უფრო ჰგავს. ამიტომ მე ამ საკითხების გარკვევას ვითხოვ და დარწმუნებელი ვარ, როგორც კი გაირკვევა, ჩვენ გულთბილად დავშორდებით ერთმანეთს.

ზედამხედველმა ასანთის კოლოფი მაგიდას დაჰკრა. — მწარედ ცდებით, — თქვა მან, — არც ამ ბატონებს და არც მე არავითარი კავშირი არა გვაქვს ამ საქმესთან, უფრო მეტიც, ამის შესახებ თითქმის არაფერი ვიცი. ნამდვილი ფორმაც რომ გვცმოდა, თქვენი საქმე ამის გამო ოდნავადაც არ გაუარესდებოდა. მე იმასაც კი ვერ დავიდარსტურებთ, ბრალს გღე-

ბენ თუ არა თქვენ რამეში და საერთოდ არც ვიცი, ხართ თუ არა ბრალდებული. ცხადი მხოლოდ ისაა, რომ დაპატიმრებული ხართ. მეტი მე არაფერი ვიცი. შესაძლოა მცველებმა აქ რალაც მოჩამხეს, მაგრამ მათ ლაყბობას ყურს ნუ დაუგდებთ. მართალია, კითხვებზე პასუხს ვერ გაგცემთ, მაგრამ ერთ რამეს გირჩევთ — ნაკლებად იფიქრეთ ჩვენზე და იმაზე, რაც გელით, უმჯობესია მეტი იფიქროთ საკუთარ თავზე. თანაც რატომ ტეხთ ამდენ აურზაურს თქვენი უდანაშაულობის დასამტკიცებლად, გრძნობების აყოლა აფუჭებს იმ საკმაოდ კარგ მთაბეჭდილებას, საერთოდ რომ ახდენთ. ერთი სიტყვით, მეტი თავდაპყრა გმართებთ ლაპარაკის დროს. თითქმის ყველაფერი, რაც აქამდე თქვით, მაინც გასაგები იქნებოდა თქვენი ქცევის მიხედვით, ორიოდე სიტყვაც რომ გეთქვათ. გარდა ამისა ისეთი არაფერი წამოგცდენიათ, თქვენთვის რომ სახეირო ყოფილიყო.

კ. ზედამხედველს მიაშტერდა. მოწაფესავით ჰკუთას არიგებდა კაცი, რომელიც შეიძლება მასზე უმცროსიც კი იყო. გულახდილობისათვის საყვედური დაიმსახურა. ამავე დროს ვერაფერი გაიგო ვერც დაპატიმრების მიზეზსა და ვერც იმ კაცზე, ვინც ამგვარი ბრძანება გასცა. კ. აღშფოთებამ მოიცვა, ოთახში წინ და უკან სიარულს მოჰყვა, ხელს არავინ უშლიდა. შედეგ მანუეტები სახელოებს ქვეშ შემალა, გულისპირი გაისწორა, თმაზე ხელი გადაისვა, და როცა სამ ახალგაზრდას ჩაუყარა, ჩაილაპარაკა: „რამხელა უაზრობაა!“ ამ სიტყვების გაგონებაზე სამივე ახალგაზრდა მისკენ შემობრუნდა და თანაგრძნობით, მაგრამ მკაცრად შეხედეს. ბოლოს ისევ ზედამხედველის მაგიდის წინ გაჩერდა.

— პროკურორი ჰასტერერი ჩემი კარგი მეგობარია, — თქვა მან, — შეიძლება დავურეკო?

— რა თქმა უნდა, — უპასუხა ზედამხედველმა, — მაგრამ თუ პირად საქმეზე არაფერი გაქვთ სალაპარაკო, არ მესმის, რა აზრი აქვს დარეკვას.

— რა აზრი? — წამოიძახა კ-მ უფრო გაოგნებულმა, ვიდრე გაბრაზებულმა. — ბოლოს და ბოლოს ვინა ხართ? ეძებთ აზრს და ისეთ უაზრობას სჩადიხართ, წარმოდგენაც კი ჭირს! მოდი და ნუ გაცეცხლდები! ეს ვაჟბატონები ჯერ თავს დამესხნენ, ახლა კი დამსხდარან აქ და უნდათ თავიანთ ჰკუთაზე მატარონ. გამომიცხადეთ, დაპატიმრებული ხართო და ახლა მე უბნებით, რა აზრი აქვს პროკურორთან დარეკვასო? კარგი, არ დავრეკავ.

— რატომ, — უთხრა ზედამხედველმა და ხელი გაიშვირა წინკარისკენ, სადაც ტელეფონი ეკიდა, — დარეკეთ, თუ გნებავთ!

— არა, აღარ მინდა, — თქვა კ-მ და ფანჯარასთან მივიდა. მოპირდაპირე სახლის ფანჯარასთან კვლავ შეჩვეულად დედაბერი და მისი ამაღლა, მაგრამ კ-ს ფანჯარასთან მისვლამ ხელი შეუშალა მშვიდად ეცქირათ. მოხუცები წამოდგომას აპირებდნენ, მაგრამ ისინი მათ უკან მდგარმა მამაკაცმა დააშოშმინა.

— შეხედეთ ერთი, რას გვიყურებენ, — მიმართა კ-მ მეტისმეტად ხმაშლილად ზედამხედველს და მოპირდაპირე ფანჯარაზე მიუთითა. — მოსცილდით ფანჯარას, — გასძახა შემდეგ მოთვალვალეთ.

სამივემ რამდენიმე ნაბიჯით უკან დაიხია, მოხუცები მამაკაცის ზურგს ამოეფარნენ და მანაც თავისი დიდი სხეულით ისინი თითქმის მთლიანად დაფარა. მამაკაცს ტუჩების მოძრაობაზე ეტყობოდა, რაღაცას ამბობდა, მაგრამ ამ სიშორიდან აბა რას გაიგონებდი! წასვლით მაინც არსად წასულან, თითქოს იმ წამს ელოდნენ, როდის მიეცემოდათ საშუალება, კვლავ შეუმჩნევლად მიახლოებოდნენ ფანჯარას.

— რა აბეზარი, რა მოურიდებელი ხალხია, — თქვა კ-მ და ოთახისაკენ შემობრუნდა.

ზედამხედველი თითქოს დაეთანხმა. ყოველ შემთხვევაში, ასე მოეჩვენა კ-ს, როცა აღმაცერად გახედა. თუმცა, შეიძლება სულაც არ უსმენდა, რადგან ცალი ხელი ისე ბრტყლად დაედო მაგიდაზე, თითქოს თითებს ატოლებსო ერთმანეთს. ორივე მცველი ფარდაგადაფარებულ სკივრზე ჩამომჯდარიყო და მუხლებს იხელდნენ. სამი დოინჯშემოყრილი ახალგაზრდა უმიზნოდ იცქირებოდა აქეთ-იქით. ოთახში ისეთი სიჩუმე ჩამოვარდნილიყო, როგორც მიგდებულ დაწესებულებაში იცის.

— ბატონებო! — წამოიძახა კ-მ და ერთი წუთით მოეჩვენა, ყველაფერი მე დამაწვა მხრებზეო. — სახეზე გეტყობათ, ჩემი საქმე დამთავრებულია. ჩემის აზრით, ჯობს ნულარ ჩავუფიქრებოთ, თქვენი საქციელი გამართლებულია თუ გაუმართლებელი. ჩამოვართვათ ერთმანეთს ხელი და მშვიდობიანად დავასრულოთ ეს საქმე. თუ ჩემს აზრს იზიარებთ, მაშინ... — იგი მაგიდას მიადგა და ზედამხედველს ხელი გაუწოდა.

ზედამხედველმა თავი ასწია და გამოწვდილ ხელს ტუჩების კვანძით შეხედა. კ-ს ერთხანს ეგონა ხელს ჩამომართმევსო, მაგრამ ზედამხედველი წამოდგა, ფროილან ბიურსთნერის საწოლზე დაგდებული გახევებული, მრგვალი ქუდი აიღო და ორივე ხელით ისე ფრთხილად დაიხურა, როგორც ეს ახალი ქუდის მორგების დროს იცინან.

— რა მარტივად წარმოგიდგენიათ ყველაფერი, — უთხრა კ-ს ზედამხედველმა, — თქვენ ბრძანეთ, საქმე მშვიდობიანად დავამთავროთ? არა, არა, აქედან არაფერი გამოვა. თუმცა

არც იმის თქმა მინდა, გული გაიტეხეთ-მეთქი. პირიქით, რა გჭირთ ასეთი? ჯერჯერობით დაპატიმრებული ხართ და მეტი არაფერი. მე მხოლოდ ამის შეტყობინება მევალებოდა, შეგატყობინეთ და ისიც ვნახე, როგორ მიიღეთ ეს ამბავი. დღეისათვის კმარა, შეგვიძლია დროებით გამოვემშვიდობოთ ერთმანეთს. თქვენ ალბათ ბანკში წასვლას მოისურვებთ?

— ბანკში? — იკითხა კ-მ, — მე ხომ დაპატიმრებული ვარ. — კ-მ ეს სიტყვები გამომწვევად წარმოთქვა: თუმცა გააწბილეს და ხელი არ ჩამოართვეს, ამ აღამიანებისაგან სულ უფრო დამოუკიდებლად გრძნობდა თავს, განსაკუთრებით მას შემდეგ, რაც ზედამხედველი წამოდგა. იგი მათ ეთამაშებოდა. ის კი არადა, განიზრახა, როცა წავიდოდნენ, ალყაფის კარებამდე გაჰკიდებოდა და ეთხოვა, დამაპატიმრეთო, ამიტომაც გაიმეორა:

— როგორ უნდა წავიდე ბანკში, თუკი დაპატიმრებული ვარ?

— აი, თურმე რა, — უთხრა კართან მისულმა ზედამხედველმა, — ეტყობა, კარგად ვერ გამიგეთ. დაპატიმრებული კი ხართ, მაგრამ ხელი არ უნდა შეგეშალოთ სამსახურებრივი მოვალეობის აღსრულებაში და საერთოდ თქვენი ცხოვრება ჩვეულებრივად უნდა მიმდინარეობდეს.

— თუ ასეა, პატიმრობა არც ისე ცუდი ყოფილა, — თქვა კ-მ და ზედამხედველს მიუახლოვდა.

— სხვანაირად არც მე მიფიქრია, — უპასუხა ზედამხედველმა.

— მაშინ არც იმის შეტყობინებას ჰქონია აზრი, რომ დაპატიმრებული ვარ, — უთხრა კ-მ და კიდევ უფრო მიუახლოვდა ზედამხედველს. მათ დანარჩენებიც შეუერთდნენ, ყველა ერთ ადგილას, კართან შეჩვეულად.

— ეს იყო ჩემი მოვალეობა, — თქვა ზედამხედველმა.

— სულელური მოვალეობაა, — უთხრა კ-მ ჭიუტად.

— შეიძლება, — უპასუხა ზედამხედველმა, — მაგრამ არ ღირს ასეთ საუბარზე დროის დაკარგვა. მეგონა, ბანკში გინდოდათ წასვლა. რადგან ყველა სიტყვას მნიშვნელობას ანიჭებთ, დავსძენ: ბანკში წასვლას არ გადალებთ, მეგონა თვითონ გინდოდათ წასვლა, ხოლო ამ ნაბიჯის გადადგმა რომ გამეადვილებინა თქვენთვის და ბანკში თქვენი მისვლაც შეუმჩნეველი დარჩენილიყო, აი, ეს სამი ახალგაზრდა კოლეგა აქ მოგგვარეთ.

— როგორ? — იყვირა კ-მ და სამ ახალგაზრდას გაკვირვებით მიაჩერდა. ეს უსახური, უხერხემლო ახალგაზრდები წელან ჯგუფად რომ იდგნენ და ფოტოსურათებს აბვალიერებდნენ, სინამდვილეში მისი ბანკის მოხელეები აღმოჩნდნენ და

არა კოლეგები; კოლეგობას ბევრი უკლდათ, ეს კი იმაზე მეტ-
ყველებდა, რომ ვითომდა ყოვლისმცოდნე ზედამხედველმა
ყველაფერი როდი იცოდა. საკვირველია, როგორ ვერ იცნო
კ-მ ისინი. როგორ შეიყოლიეს ზედამხედველმა და მცველებმა
ისე, რომ ამ სამ ახალგაზრდას ყურადღება არ მიაქცია! რო-
გორ ვერ იცნო სარგადაყლაპული რაბენშთაინერი, ხელებს
რომ იქნევს წარამარა, ან ეს თვალბჩაკეცილი ქერა ქული-
პი, და ან კიდევ ქამინერი, რომელსაც სახის კუნთები განუწ-
ყვეტილ უთამაშებს და ამის გამო საძაგელი ღიმილი აქვს.

— დილა მშვიდობისა, — მიესალმა მათ კ. მცირე ხნის
შემდეგ და სამივე ვაჟბატონს ხელი გაუწოდა. მათ თავაზიანად
დაუქრეს თავი. — სულ ვერ გიცანით, მამასადამე, ერთად
წავალთ სამსახურში, არა?

ვაჟბატონებმა გაიციინეს და ისეთი მონდომებით დაუქრეს
თავი, თითქოს მთელი ამ ხნის მანძილზე ამის თქმას ელოდნე-
ნო, ხოლო როცა კ-მ ქული მოისაკლისა, ისინი ქულის მო-
სატანად მის ოთახში ფაცხაფუცხით გაცვივდნენ, რაც მათ
ერთგვარ დაბნეულობაზე მეტყველებდა. კ. ჩუმად იდგა და
ორივე მოღიავებულ კარში შეეძლო თვალი გაეყოლებინა მათ-
თვის. ბოლოში, რა თქმა უნდა, გულგრილი რაბენშთაინერი მო-
ექცა, იგი ელეგანტურად მითოხარიკობდა. ქამინერმა ქული
მოართვა და კ-მ გაიფიქრა, — ეს აზრი ბანკშიც ხშირად
სწვევია, — ქამინერი განზრახ კი არ იღიებოდა ასე, არამედ
სხვაგვარად გაღიებდა საერთოდ არ შეეძლო. წინკარში ფრაუ
გრუბანმა, რომელსაც სრულიად არ ჰქონდა დამნაშავე, ადა-
მიანის გამომეტყველება, მთელ ჯგუფს კარი გაუღო. და კ-მ,
ჩვეულებისამებრ, თვალი შეავლო მისი წინსაფრის თასმას,
რომელიც ყოველთვის ღრმად იყო შეჭრილი ქალის მსუქან
სხეულში. ქუჩაში კ-მ დახედა საათს, ხელში რომ ეჭირა და
გადაწყვიტა ტაქსი გაეჩერებინა, რათა ნახევარი საათით ისე-
დაც დაგვიანებულს კიდევ უფრო არ დაეგვიანებინა. ქამინერი
ქუჩის კუთხისკენ გაიქცა მანქანის დასაჭერად, დანარჩენი
ორი კი აშკარად ცდილობდა კ. გაერთო. უეცრად ქულიპმა
ხელი გაიშვირა მოპირდაპირე სახლის ალაყაფის კარისაკენ,
საიდანაც ის იყო გამოვიდა მალალი, ულაღვეერა მამაკაცი, და
ოდნავ შემცბარმა იმის გამო, რომ მთელი ტანით გამოჩნდა,
უკან დაიხია და იქვე კედელს მიეყრდნო. მოხუცები, ეტყობა,
ქერ კიდევ კიბეზე ჩამოდიოდნენ. კ. გაბრაზდა, ქულიპმა რომ
ყურადღება მიაქცევინა მამაკაცზე, რომელიც წელან თვითონ
დაინახა ფანჯარაში და რომლის გამოჩენას ელოდა კიდევ.

— ნუ იყურებით იქით! — წამოიძახა მან ისე, რომ არ
გაუთვალისწინებია, რა გამომწვევია ასეთი კილო მოზრდილ
ადამიანებთან ურთიერთობაში. მაგრამ არაფრის ახსნა აღარ

დასჭირდა, რადგან ამ დროს ავტომანქანა გაჩერდა, ყველანი
ერთად ჩასხდნენ და წავიდნენ. მხოლოდ ავტომანქანაში გაახ-
სენდა კ-ს, რომ ზედამხედველისა და მცველების წასვლა ვერ
შეამჩნია, ჯერ იყო და ზედამხედველის გამო ბანკის სამი მო-
ხელე ვერ იცნო, ახლა კი სამი მოხელის გამო ზედამხედველი
გაეპარა თვალსა და ხელს შუა. ეს კი იმაზე მეტყველებდა,
რომ სულის სიმხნევე აკლდა და კ-მ გადაწყვიტა უფრო ყუ-
რადღებით დაკვირვებოდა საკუთარ თავს. მიუხედავად ამისა,
მანც მოტრიალდა, მანქანიდან თავი გამოყო და ერთხელ კი-
დევ სცადა თვალი მოეკრა ზედამხედველისა და მცველები-
სათვის. მაგრამ იმწამსვე გასწორდა, მოხერხებულად მოიკალა-
თა მანქანის კუთხეში და აღარავის მოძებნა აღარ უცდია. გა-
რეგნულად თითქოს არაფერი ეტყობოდა, მაგრამ სწორედ ახ-
ლა სჭირდებოდა ყველაზე მეტად, ვინმე გამოლაპარაკებოდა.
ბანკის მოხელეები დალილი ჩანდნენ, რაბენშთაინერი მარჯვ-
ნივ იყურებოდა, ქულიპი მარცხნივ, ლაპარაკის ხასიათზე თით-
ქოს მხოლოდ ულაზათოდ მომღიმარი ქამინერი იყო; მაგრამ
კატომოყვარე ადამიანი ხომ ვერ იკადრებდა მის აბუჩად ავ-
დებას, აქაოდა, სულ იკრიჭებო.

ამ გაზაფხულზე კ. საღამოებს ჩვეულებრივ ასე ატარებდა:
სამსახურის შემდეგ ხშირად ცხრა საათამდე ბანკში რჩებო-
და, ხოლო როცა მოიცლიდა, მარტო ან რომელიმე თანამშ-
რომელთან ერთად სეირნობდა, ბოლოს კი ლუდხანაში შედიო-
და და იქაურ თანამეინახეებთან, ხანში შესულ მამაკაცებთან
ერთად ღამის თერთმეტ საათამდე უჯდა მაგიდას, ხანდახან ამ
განრიგს არღვევდა: ზოგჯერ ბანკის დირექტორი, რომელიც
ძალიან აფასებდა კ-ს შრომისმოყვარეობას და მისდამი ნდობით
იყო განწყობილი, ავტომანქანით გასეირნებას შესთავაზებდა
ან საკუთარ აგარაკზე მიიწვევდა ვანშად. გარდა ამისა, კ.
კვირაში ერთხელ ერთ ქალთან, ელზასთან, დადიოდა, რომე-
ლიც მთელი ღამე გათენებამდე ღვინის სარდაფში ოფიციალ-
ტად მუშაობდა, დღისით კი მხოლოდ საწოლში ღებულობდა
სტუმრებს.

მაგრამ ამ საღამოს — მთელმა ღღემ დაძაბულ მუშაობა-
ში, ქებასა და მეგობრულ მოლოცვებში სწრაფად ჩაიარა —
კ-მ გადაწყვიტა მაშინვე შინ წასულიყო. როგორც კი მუშაო-
ბის დროს მცირე ხნით შეისვენებდა, სულ ერთსა და იმავე-
ზე ფიქრობდა, თვითონაც არ იცოდა, რას გულისხმობდა, მაგ-
რამ რატომღაც ეჩვენებოდა, თითქოს დილით მომხდარმა ამ-
ბავმა ფრაუ გრუბანის ბინა ყირაზე დააყენა და წესრიგსაც
მის გარდა ვერავინ აღადგენდა. თუ წესრიგის აღდგენა სახელ-
დახელოდ მოხერხდებოდა, მაშინ დილით მომხდარი ამბის
ყოველგვარი კვალი წაიშლებოდა და ყველაფერი ძველი გზით

წარიმართებოდა. იმ სამი მოხელისა არ ემინოდა, რადგან ბან-
კის მრავალრიცხოვან თანამშრომლებში გაითქვიფნენ და სა-
ეჭვოდაც არ იქცეოდნენ. იმ დღეს კ-მ დაკვირვების მიზნით,
ისინი რამდენჯერმე გამოიძახა კაბინეტში ცალ-ცალკე და
ერთადაც, მაგრამ ყოველთვის კმაყოფილი ისტუმრებდა.

სალამოს ათის ნახევარზე, როცა კ. თავის სახლს მიადგა,
აღაყავის კარებში შეეჩეხა ახალგაზრდა კაცს, რომელსაც ფე-
ხები ფართოდ გაედგა და ჩიბუხს ეწეოდა.

— ვინა ხართ? — ჰკითხა კ-მ იმწამსვე, ყმაწვილს მი-
უახლოვდა და სახეში შეაშტერდა. ნახევრად ბნელ შესასვ-
ლელში მნელი იყო რაიმეს დანახვა.

— მე ამ სახლის მეკარის ვაჟი ვარ, ბატონო, — უბასუხა
ყმაწვილმა, პირიდან ჩიბუხი გამოიღო და გვერდზე გადადგა.

— მეკარის ვაჟი? — ჰკითხა კ-მ და მოუთმენლად დაჰკ-
რა ჯობი მიწაზე.

— ბატონო ჩემო, იქნებ რამე გსურთ? მამას დავუძახებ.

— არა, არა, — თქვა კ-მ და მის ხმაში რაღაც შემწყნარ-
ებლობის მაგვარი გაისმა, თითქოს ყმაწვილმა რაღაც დააშა-
ვა, მან კი აპატია.

— ყველაფერი რიგზეა, — დასძინა კ-მ და გზა განაგრძო,
მაგრამ სანამ კიბეზე ავიდოდა, კიდევ ერთხელ შემობრუნდა.

მას შეეძლო პირდაპირ თავის ოთახისაკენ წასულიყო, მაგ-
რამ რადგან ფრთხილად გრუბანთან საუბარი სურდა, კარზე დაუ-
კაკუნა. ფრთხილად გრუბანს ხელით ნაქსოვი წინდა ეჭირა და მაგი-
დას მისჯდომოდა. მაგიდაზე ძველი ყვლიანი წინდების გრო-
ვა ეყარა. კ-მ დაბნეულად მოიხადა ბოდიში გვიანი სტუმრო-
ბისათვის. მაგრამ ფრთხილად გრუბანს ძალზე თავაზიანად შეხვდა
და არაერთი ბოდიშის გაგონება არ უნდოდა. სასაუბროდ
მამინ მობრძანდით, როცა გნებავთ, კარგად იცით, რომ ჩემი
საუკეთესო და უსაყვარლესი მდგმური ბრძანდებითო, უთხრა
ფრთხილად გრუბანს. კ-მ ოთახს თვალი მოავლო. ყველაფერი ძვე-
ლებურად გამოიყურებოდა. ის ჭურჭელიც აელაგებინათ, რი-
თაც დილით საუზმე მოუტანეს და ფანჯარასთან ჰატარა მაგი-
დაზე დატოვეს. „რას არ გააკეთებს ქალის ხელი“, გაიფიქრა
კ-მ, თვითონ ალბათ მარტო გატანასაც ვერ მოახერხებდა და
მთელ ჭურჭელს დაამსხვრევდა. კ-მ მადლიერების გრძნობით
შეხედა ფრთხილად გრუბანს და ჰკითხა:

— რატომ მუშაობთ ასე გვიანობამდე? — ახლა ორივენი
მაგიდასთან ისხდნენ, კ. დროდადრო წინდების გროვაში აფა-
თურებდა ხელს.

— ბევრი საქმე მაქვს, — თქვა ქალმა, — მთელი დღე
მდგმურებს ვუნდები, საკუთარი საქმეების მოსაწესრიგებლად
კი მხოლოდ საღამო მრჩება.

— დღეს მე ალბათ ზედმეტი საქმე გაგიჩინეთ, არა?
— როგორ? — ჰკითხა ოდნავ გამოცოცხლებულმა ფრთ-
ხილად გრუბანმა და წინდა მუხლებზე დაიდო.

— იმ მამაკაცებზე მოგახსენებთ, ამ დილით რომ იყვნენ აქ.

— აი, თურმე რა, — თქვა ქალმა და ისევ დამწვიდდა. —
ამ ამბის გამო ზედმეტი საქმე სულაც არ გამჩენია.

კ. მდუმარედ უყურებდა, ფრთხილად გრუბანს ხელახლა რო-
გორ აიღო წინდა ხელში. „მგონი, გაკვირვებულა, ამ ამბავზე
რომ ჩამოვუგდე საუბარი, — გაიფიქრა კ-მ — და მგონი,
უადგილოდაც მიიჩნია ამას, — ლაპარაკი. თუ ასეა, დიანაც მარ-
თებულად ვიქცევი. მხოლოდ ასეთ ხანდაზმულ ქალს შემიძლია
ვუთხრა სათქმელი“.

— რას ბრძანებთ, საქმე როგორ არ გაგიჩინეთ? — თქვა
კ-მ, — მაგრამ ამგვარი რამ აღარ განმეორდება.

— დიან, — ამგვარი რამ არ შეიძლება განმეორდეს, —
დაუდასტურა ფრთხილად გრუბანს თავგამოდებით და კ-ს ოდნავ
ნაღვლიანად გაუღიმა.

— თქვენ მართლა ასე ფიქრობთ? — ჰკითხა კ-მ.

— დიან, — უბასუხა ქალმა ჩუმად, — მაგრამ მთავარია,
ეს ამბავი გულთან ახლოს არ მიიტანოთ. ქვეყანაზე რა არ
ხდება! რადგან ასე გულახდილად მესაუბრებით, გამოგიტყ-
დებით, ბატონო კ., კართან მიყურადებულმა ცოტა რამ გავი-
გონე, ზოგიც მცველებმა მიამბეს. საქმე თქვენს ბედს ეხება,
მე კი თქვენზე მართლა შემტკივა გული, შეიძლება იმაზე მე-
ტადაც, ვიდრე უფლება მაქვს. მე ხომ მხოლოდ დიანსახლისი
ვარ თქვენი. ჰოდა, რაღაც-რაღაცებს მოგვარი ყური და ვერ
ვიტყვი, საქმე ძალიან ცუდადაა-მეთქი. არა, მართალია, დაპა-
ტიმრებული ბრძანდებით, მაგრამ ქურდივით კი არ დაგაპა-
ტიმრეს. საქმე მაშინაა ცუდად, როცა ქურდივით გიჭერენ,
მაგრამ თქვენი დაპატიმრება... ამ ამბავში არის რაღაც მეცნი-
ერული, მაპატიეთ თუ სისულელეს ვროშავ, აქ მართლაც არის
რაღაც მეცნიერული. შეიძლება მე ამისა არაფერი გამეგება,
მაგრამ ეს არც უნდა იყოს გასაგები.

— რაც თქვენ ბრძანეთ, სისულელე როდია, ფრთხილად გრუბანს,
ყოველ შემთხვევაში, ნაწილობრივ მეც ვიზიარებ თქვენს აზრს,
მაგრამ ამ ამბავს მე თქვენზე მკაცრად ვუყურებ. ამ საქმეში
არათუ მეცნიერულს, სერთოდ ვერაფერს ვერ ვხედავ. მოუ-
ლოდნელად დამესხნენ თავს, ესაა და ეს, გაღვიძებისთანავე
ლოგინიდან რომ ავმდგარიყავი, თანაც თავგზა არ დამზნეოდა,
ანამ საუზმე არ მომიტანა-მეთქი, არ მიმეჭია ყურადღება
იმათვის, ვინც გზა გადამიღობა, პირდაპირ თქვენთან მოვ-
სულიყავი და ამ ერთხელ მაინც სამზარეულოში მესაუზმე,
თქვენთვის კი მეთხოვა, ჩემი ოთახიდან ტანსაცმელი გამოგე-

ტანთ, ერთი სიტყვით, გონივრულად რომ მოექცეულიყავი, არაფერი მოხდებოდა, ყველაფერი ჩანასახშივე ჩაიხშობოდა. მაგრამ წინასწარ არავინ არაფრისთვის არ არის მომზადებული. მაგალითად, ბანკში ვაგლახად არავის დავეჩაგვრინებდი, შეუძლებელია, იქ ასეთი რამ დამემართოს, მყავს საკუთარი შიკრიკი, მაგიდაზე ქალაქისა და შიდა ტელეფონი მიდვას. ყოველ წუთს შემოდინან და გადიან როგორც კლიენტები, ასევე ბანკის თანამშრომლები. გარდა ამისა, ჩაფლული ვარ სამუშაოში, რაც სულს სიმტკიცეს მოითხოვს. იქ რომ ასეთი ამბავი დამმართოდა, უბრალოდ სიამოვნებას მომანიჭებდა, მაგრამ ახლა ყველაფერმა ჩაიარა, აღარც კი მსურს ამაზე ლაპარაკი, მე მხოლოდ თქვენი აზრის გაგება მინდოდა, გონიერი ქალის აზრისა და ძალიან მიხარია, რომ ამ ამბავზე ჩვენ ერთ-ერთი შეხედულებისა ვართ. ახლა კი მინდა ხელი გამოვიწყოლოთ. ასეთი ერთსულოვნება ხელის ჩამორთმევით უნდა განმტკიცდეს.

„საინტერესოა, გამომიწვდის ხელს თუ არა? ზედამხედველმა ხომ არ გამომიწოდა“, — გაიფიქრა კ-მ და დიასახლისს სხვაგვარი, გამომცდელი თვალთ შეხედა. ფრაუ გრუბახი წამოდგა, რადგან მასზე ადრე კ. ადგა. ქალი ოდნავ დარცხვენილი ჩანდა იმის გამო, რომ კ-ს ნათქვამიდან ბევრი რამ ვერ გაეგო, ამგვარმა დაბნეულობამ კი ათქმევინა რაღაც ისეთი, რის თქმაც სრულიად არ უნდოდა და ამიტომ მისი ნათქვამი ძალზე უადგილო აღმოჩნდა.

— ნუ მიიტანთ ყოველივე ამას ასე ახლოს გულთან, ბატონო კ., — თქვა ქალმა ცრემლმორეული ხმით და, რა თქმა უნდა, ხელის ჩამორთმევა დაავიწყდა.

— თითქოს არც მიმაქვს არაფერი გულთან, — თქვა კ-მ., უეცრად დაღლილობა იგრძნო და მიხვდა, ამ ქალის მხარდაჭერას არავითარი მნიშვნელობა არ ჰქონდა მისთვის.

— ფროილიან ბიურსთენერი თუა შინ? — იკითხა კართან მისულმა კ-მ.

— არა, — უპასუხა ფრაუ გრუბახმა და ეს მშრალი ცნობა დაგვიანებული, მაგრამ თანაგრძნობის გამომხატველი გონივრული ღიმილით შეარბილა. — თეატრშია, იქნებ გჭირდებათ? გადავცი რამე?

— არა, მინდოდა რამდენიმე სიტყვა მეტყვა მისთვის.

— სამწუხაროდ, არ ვიცი, როდის დაბრუნდება, თეატრიდან ჩვეულებრივ გვიან მოდის.

— არა უშავს, — თქვა კ-მ და თავდახრილი შებრუნდა კარისაკენ, — მე მხოლოდ მინდოდა ბოდიში მომეხადა იმის გამო, რომ დღეს მის ოთახში შევიჭერი.

— რა საჭიროა ბოდიშის მოხდა, ბატონო კ., თქვენ მეტის-

მეტად მორიდებული ბრძანდებით, ფროილიან ბიურსთენერმა ხომ დილანდელ ამბავზე არაფერი იცის, ადრე გასული ჯერაც არ დაბრუნებულა შინ. გარდა ამისა, ოთახში ყველაფერი მილაგებულია, თუ გნებავთ, თვითონ ნახეთ, — უთხრა ფრაუ გრუბახმა და ფროილიან ბიურსთენერის ოთახის კარი საკუთარი ხელით გაუღო.

— გმადლობთ, თქვენი ისედაც მჯერა, — უპასუხა კ-მ, მაგრამ მაინც მივიდა ღია კართან. მთვარე მშვიდად ანათებდა ბნელ ოთახს. რამდენადაც ამის დანახვა შესაძლებელი იყო, ოთახში მართლაც ყველაფერი თავის ალაგას იყო, კოფთაც კი აღარ ეკიდა ფანჯრის სახელურზე. განსაკუთრებით აკოკოლავებული ჩანდა საწოლზე დაწყობილი ბალიშები, რომელთაც მთვარის შუქი ნაწილობრივ ეცემოდა.

— ფროილიან ბიურსთენერი ხშირად ბრუნდება შინ გვიან? — თქვა კ-მ და ისე შეხედა ფრაუ გრუბახს, თითქოს მდგმურის წასვლა-მოსვლა მას ეკითხებოდა.

— ასე ცხოვრობს ყველა ახალგაზრდა, — უპასუხა ფრაუ გრუბახმა ისე, თითქოს ქალიშვილს ამართლებდა.

— გასაგებია, გასაგებია, — თქვა კ-მ., — მაგრამ ასე შეიძლება შორს შეტოპოს.

— ადვილი შესაძლებელია, — თქვა ფრაუ გრუბახმა, — იცით, ამ შემთხვევაში მართალი ბრძანდებით, ბატონო კ., რა თქმა უნდა, არავითარი სურვილი არა მაქვს, ცილი დავწამო ფროილიან ბიურსთენერს, იგი კარგი, საყვარელი, თავაზიანი, წესიერი, გულმოდგინე, შრომისმოყვარე ქალიშვილია, მის ამ თვისებებს ძალიან ვაფასებ, მაგრამ ერთ რამეში მართალი ბრძანდებით, მეტი სიამაყე, მეტი თავდაჭერილობა მართებს. ამ თვეში უკვე მეორეჯერ ვნახე მიყრუებულ ქუჩებში და ორჯერვე სხვადასხვა ვაუბატონთან. ღმერთს გეფიცებით, ძალიან არ მსიამოვნებს ეს ამბავი, ბატონო კ., ყოველივე ამას მხოლოდ თქვენ გეუბნებით, მაგრამ, ეტყობა, მასთან ლაპარაკიც არ ამცდება, თუმცა მარტო ამის გამო არ ვუყურებ ეჭვის თვალთ.

— რა ძალიან ცდებით, — კ. ისე გაცხარდა, რომ თავს ძლივს იკავებდა, — და საერთოდ თქვენ არასწორად გაიგეთ ჩემი სიტყვები ფროილიან ბიურსთენერზე, სულ სხვა რამ მინდოდა მეტყვა. გულწრფელად გაფრთხილებთ, ფროილიან ბიურსთენერს ნურაფერს ეტყვი. როგორ მოტყუვდით; მე ძალიან კარგად ვიცნობ მას, თქვენს ნათქვამში სიმართლის ნატამალიც კი არ ურევია. თუმცა, იქნებ ბევრის უფლებას ვაძლევ ჩემს თავს, ვინ მეკითხება, უთხარით, რაც გნებავთ, ღამე მშვიდობისა.

— ბატონო კ., — მუდარით გაეკიდა ფრაუ გრუბახი კ-ს,

რომელსაც უკვე თავისი ოთახის კარი გამოვლო, — სულაც არ ვაპირებ ახლავე დაველაპარაკო ფროილან ბიურსტენერს, რა თქმა უნდა, ჯერ თვალყური უნდა ვადევნო, მე ხომ მხოლოდ თქვენ გაგიმხილეთ ის, რაც ვიცი. ბოლოს და ბოლოს ყველა მდგმურს სურს, პანსიონში სისუფთავე სუფევდეს და მეც მხოლოდ ეს სურვილი მამოძრავებს.

— სისუფთავე? — იკითხა კ-მ ახლა უკვე კარის ღრიჭოდან, — თუ მართლა გინდათ თქვენს პანსიონში სისუფთავე სუფევდეს, ყველაზე ადრე მე უნდა დაამთხოვოთ. — კ-მ კარი მიაჯახუნა და მორიდებულ კაკუნს ყურადღება აღარ მიაქცია.

კ-ს სულაც არ ეძინებოდა, ამიტომ გადაწყვიტა არ დაწოლილიყო და ამჯერად მაინც დაედგინა, როდის დაბრუნდებოდა ფროილან ბიურსტენერი შინ. იქნებ ამ უდროოდ დროს მაინც მოახერხოს და გამოელაპარაკოს ქალიშვილს. როცა ფანჯარაში გადაეყურდა და დაღლილი თვალები მოჭუტა, ერთი წუთით ისიც კი გაიფიქრა, ფრაუ გრუბაზი დაესაჯა და ფროილან ბიურსტენერი დაეყოლიებინა, ერთად გადასულიყვნენ ამ სახლიდან. მაგრამ იმწამსვე მიხვდა, რომ ყველაფერს მეტისმეტად აზვიადებს და ექვიც კი შეეპარა, ბინის გამოცვლა ამ დილით მომხდარი ამბის გამო მსურს ალბათო. ამაზე უფრო უაზრო და რაც მთავარია, უსარგებლო და უხამსი რა შეიძლებოდა ყოფილიყო.

როცა ცარიელი ქუჩის თვალიერება მობეზრდა, დივანზე წამოწვა, მაგრამ მანამდე კარი ოდნავ გამოაღო, რათა დივანიდან წამოუდგომლად დაენახა ბინაში ყველა შემომსვლელი. დაახლოებით თერთმეტ საათამდე მშვიდად იწვა და სიგარას ეწეოდა. მაგრამ შემდეგ მოუთმენლობამ შეიპყრო და წინკარში გავიდა, თითქოს ამით ფროილან ბიურსტენერი მოსვლას დააჩქარებდა. მაინცდამაინც დიდად არ სურდა მისი ნახვა, იმასაც კი ვერ იხსენებდა ხეირიანად, როგორ გამოიყურებოდა ფროილან ბიურსტენერი, მაგრამ მასთან საუბარი უნდოდა და აღიზიანებდა ის ამბავი, რომ მისი დავვიანების გამო დღის ბოლოც კი მოუსვენრობითა და უწყესრიგობით იყო აღსავსე. ქალიშვილს იმასაც აბრალებდა, რომ დღეს ვერ ივანშმა და ვერ წავიდა ელზასთან; მასთან სტუმრობა ხომ დღეისათვის ჰქონდა ვათვალისწინებელი. თუმცა, იმის ანაზღაურება, რაც დააკლდა, არ გაუჭირდებოდა; ყოველ წუთს შეეძლო წასულიყო იმ ღვინის სარდაფში, სადაც ელზა მუშაობდა. სწორედ ასე მოიქცევა; როგორც კი ფროილან ბიურსტენერს დაელაპარაკება.

თორმეტის ნახევარი გადასული იყო, როცა კიბეზე ვილაცის ფეხის ხმა გაისმა. დაფიქრებული კ. ისე მიიმედ დააბიჯებდა წინკარში, თითქოს მისი ოთახი ყოფილიყო, მაგრამ ფეხის

ხმის გაგონებისთანავე საკუთარ ოთახში შევარდა. ფროილან ბიურსტენერი შინ დაბრუნდა. სანამ ბინის კარს ჩაკეტავდა, შემცივნებულ კიდეც უფრო მაგრად გაეხვია ვიწრო მხრებზე წამოსხმულ აბრეშუმის შალში. ერთი წუთიც და თავის ოთახში შევიდოდა, სადაც კ-ს ამ შუალამისას შესვლის უფლება არ ჰქონდა. ამიტომ ახლავე უნდა გამოლაპარაკებოდა, მაგრამ საუბედუროდ, ოთახში სინათლის ანთება დაავიწყდა და ახლა რომ ბნელი ოთახიდან გამოსულიყო, ეს თავდასხმას ემგვანებოდა, ყოველ შემთხვევაში, ქალიშვილს ძალიან შეეშინდებოდა. დაბნეულმა და დამფრთხალმა, დრო არ დაეკარგო, ქალიშვილს კარის ღრიჭოდან წასჩურჩულა: — ფროილან ბიურსტენერი! — მის ხმაში მუდარა უფრო ივრძნობოდა, ვიდრე ძახილი.

— ვინა ხარ? — იკითხა ფროილან ბიურსტენერმა და ფართოდ გახელილი თვალებით ირგვლივ მიმოიხედა.

— მე ვარ, — უპასუხა კ-მ და ოთახიდან გამოვიდა.

— აჰ, ბატონო კ.! სალამო მშვიდობისა, — ღიმილით მიეგება ფროილან ბიურსტენერი და ხელი გაუწოდა.

— რამდენიმე სიტყვა მაქვს თქვენთვის სათქმელი, დამრთავთ ახლა ამის ნებას?

— ახლა? — იკითხა ფროილან ბიურსტენერმა, — მაინცდამაინც ახლა? ცოტა უცნაურია, არა?

— მე ცხრა საათიდან გელოდებით.

— თეატრში ვიყავი, აბა რა ვიცოდი, რა განზრახვა გქონდათ.

— საქმე ისა, რომ ჩვენი საუბრის საბაბი სწორედ დღეს წარმოიშვა.

— თუ ასეა, საწინააღმდეგო არაფერი მაქვს, მხოლოდ ესაა, რომ დაღლილობისაგან ძლივს ვდგავარ ფეხზე. — შემოდით რამდენიმე წუთით ჩემს ოთახში, აქ არაფრით არ შეიძლება ლაპარაკი, ყველას გავადვიებთ, სხვებზე დიდად არ ვწუხვარ, ჩვენვე აღმოვჩნდებით უხერხულ მდგომარეობაში. ერთი წუთით დაიცადეთ, ჩემს ოთახში სინათლეს ავანთებ, შემდეგ კი ეს სინათლე ჩააქრეთ.

კ. ასეც მოიქცა და მანამდე არ დაძრულა ადგილიდან, სანამ ფროილან ბიურსტენერმა კიდეც ერთხელ არ დაუძახა თავისი ოთახიდან ჩურჩულით, შემოდითო.

— დაბრძანდით, — უთხრა ქალიშვილმა და დივანზე მიუთითა, ხოლო თვითონ საწოლის საზურგესთან გაჩერდა, თუმცა სულ ახლახან თქვა, დაღლილი ვარო. ყვევილებით მორთულ-მოკაზმული პატარა ქუდიც არ მოუხდია. — აბა, მითხარით ახლა, რა გინდათ? ერთი სული მაქვს, სანამ გავიგებ, — უთხრა ქალმა და ფეხები ოდნავ გადააჯვარედინა.

— ალბათ იტყვიან, ეს საქმე არც ისეთი გადაუღებელი ყოფილა და შეიძლებოდა სხვა დროს გვემსჯელა ამაზეო, მაგრამ...

— შესავლის მოსმენა არ მიყვარს, — თქვა ფროილან ბიურსთენერმა.

— ეს ამოცანას მიიღობს, — უთხრა კ-მ. — ამ დღით, ნაწილობრივ ჩემი მიზეზით, თქვენი ოთახი ცოტათი არივ-დარიეს. ეს მოხდა ჩემი ნება-სურვილის საწინააღმდეგოდ და ჩაიღინეს უცხო ადამიანებმა, მაგრამ, როგორც უკვე გითხარით, ბრალი მე მიმიძღვის. სწორედ ამის გამო მინდოდა ბოდიში მომეხადა.

— ჩემი ოთახი? — ჰკითხა ფროილან ბიურსთენერმა და ოთახი კი არა, კ. შეათვალე რა გამოცდელი თვალით.

— დიან, — თქვა კ-მ და ამჯერად ორივემ პირველად შეხედა ერთმანეთს თვლებში, — მაგრამ იმაზე ლაპარაკი, რა როგორ მოხდა, არ ღირს.

— ყველაზე საინტერესო სწორედ ესაა, — თქვა ფროილან ბიურსთენერმა.

— არა, საინტერესო აქ არაფერია, — უპასუხა კ-მ.

— რა გაეწყობა, — თქვა ფროილან ბიურსთენერმა, — თქვენს საიდუმლოებაში არ ჩავერევი, რაკი ამტკიცებთ, რომ ეს საინტერესო არაა, თქვენთან კამათს არ ვაპირებ. რადგან მთხოვთ, სიამოვნებით გააბატებთ ყველაფერს, მით უმეტეს, რომ აქ არეულ-დარეულობის ფერაგითარ კვალს ვერ ვხედავ. ქალმა დოინჯი შემოიყარა, მთელი ოთახი შემოიარა და შეცრად ფოტოსურათებიან ჭილოფთან შეჩერდა.

— შეხედეთ ერთი! — წამოიძახა მან. — ჩემი ფოტოსურათები მართლაც აურ-დაურევიან, რა უხამსობაა! ეტყობა, აქ ნამდვილად დაპარპაშებდა ვილაც, რა უფლებით?

კ-მ თავი დაუქნია და გუნებაში შეაჩვენა ქამინერი იმის გამო, რომ ასეთი უნიათოა და ნიადაგ უთავბოლოდ, უაზროდ ფუსფუსებს.

— საოცარია, — თქვა ფროილან ბიურსთენერმა, — მე მიხდება ავიკრძალოთ ის, რაც თქვენ თვითონ უნდა აგეკრძალოთ საკუთარი თავისთვის, კერძოდ, ჩემს აქ არყოფნაში ჩემს ოთახში არ უნდა შემოსულიყავით.

— აკი ავიხსენით, ფროილან, — თქვა კ-მ და ისიც მივიდა ფოტოსურათებიან ჭილოფთან, — მე არ მოვპყრობივარ თქვენს ფოტოსურათებს უდიერად, მაგრამ რადგან ჩემი არ გჯერათ, უნდა გამოგიტყდეთ, რომ საგამომძიებლო კომისიამ თან მოიყვანა ბანკის სამი მოხელე და ერთმა მათგანმა, — პირველი შემთხვევისთანავე გავაძევე ბანკიდან, — სურათებს დაუწყო თვალთვლება. დიან, აქ იყო საგამომძიებლო კომისია, —

დასძინა კ-მ, რადგან ფროილან ბიურსთენერი ეჭვის თვლით უყურებდა.

— თქვენს გამო? — ჰკითხა ფროილან ბიურსთენერმა.

— დიან, — უპასუხა კ-მ.

— შეუძლებელია! — წამოიძახა ფროილან ბიურსთენერმა და გაიცინა.

— რატომ? შეუძლებელი, — ჰკითხა კ-მ, — თქვენ გგონიათ, უდანაშაულო ვარ?

— უდანაშაულო... აბა, რა გითხრათ, — უთხრა ქალიშვილმა, — არ მინდა ახლავე გამოვთქვა ჩემი აზრი, რასაც შეიძლება მძიმე შედეგი მოჰყვეს, გარდა ამისა, არც ისე ახლოს გიცნობთ. კაცს მძიმე დანაშაული უნდა ჰქონდეს ჩადენილი, რომ საგამომძიებლო კომისია კარზე მიაყენონ. მაგრამ რადგან თავისუფალი ხარ — ყოველ შემთხვევაში, სიმშვიდვზე გეტყობათ, ციხიდან არ გამოქცეულხარ — არ შეიძლება მძიმე დანაშაული გქონდეთ ჩადენილი.

— დიან, — თქვა კ-მ. — მაგრამ საგამომძიებლო კომისიას ხომ შეეძლო დაედგინა, რომ დამნაშავე არა ვარ, ყოველ შემთხვევაში, არც ისეთი დამნაშავე, როგორც ეგონათ.

— რა თქმა უნდა, ესეც შესაძლებელია, — უპასუხა ფროილან ბიურსთენერმა მეტისმეტად თავაზიანად.

— ხომ ხედავთ, — თქვა კ-მ, — მართლმსაჯულების დარგში თქვენ გამოცდილება გაკლიათ.

— მართალია, მაკლია, — უპასუხა ფროილან ბიურსთენერმა, — და ხშირად ვნანობ კიდევ, რადგან მინდა ყველაფერი ვიცოდე, სასამართლო საქმეები კი ყველაზე მეტად მაინტერესებს. სასამართლოს თავისებური მიმზიდველობის ძალა აქვს, არა? მე უსათუოდ შევიგსებ ცოდნას ამ დარგში, რადგან მომავალი თვიდან ერთი ვეკილის კანტორაში ვიწყებ მუშაობას კანცელარიის თანამშრომლად.

— ძალიან კარგი, — თქვა კ-მ, — ამ შემთხვევაში ცოტას მაინც დამეხმარებით ჩემი პროცესის წარმართვაში.

— ადვილი შესაძლებელია, — თქვა ფროილან ბიურსთენერმა, — რატომაც არა? ძალიან მიყვარს, როცა ცოდნას ვიყენებ ცხოვრებაში.

— მე სერიოზულად გელაპარაკებით, — თქვა კ-მ. — ან ყოველ შემთხვევაში, თქვენსავით ნახევრად სერიოზულად. ეს საქმე ისე უმნიშვნელოა, რომ ვეკილის დაჭირებება არ ღირს, მაგრამ მრჩეველი მართლაც შეიძლება დამჭირდეს.

— კი მაგრამ, თუ თქვენი მრჩეველი ვიქნები, ხომ უნდა ვიცნობდე საქმის ვითარებას, — თქვა ფროილან ბიურსთენერმა.

— სწორედ აქ მარხა ძაღლის თავი, — უპასუხა კ-მ, — თავდაც რომ არაფერი ვიცი.

— მაშ, მასხარად მიგდებთ, — წამოიძახა ფროილან ბიურსთენერმა გულგატეხილი ადამიანივით, — რა საჭირო იყო ამისათვის ასეთი გვიანი დრო შეგეჩრჩიათ. — ქალიშვილი მოშორდა ფოტოსურათებიან კედელს, სადაც აქამდე ერთად იდგნენ.

— რას ბრძანებთ, ფროილან, — თქვა კ-მ. — რა მეხუმრება, რატომ არ გვყავთ? მე თქვენ ყველაფერი გითხარით, გითხარით იმაზე მეტიც, რაც ვიცი. სინამდვილეში არავითარი საგამომძიებლო კომისია არ მოსულა, ეს მე დავარქვი მათ ასე, რადგან სხვა ვერაფერი მოვიგონე. საერთოდ არავითარი გამომძიებელი ჩატარებულა, უბრალოდ, აქ რაღაც კომისია მოვიდა და დამაპატიმრეს.

დივანზე ჩამომჯდარ ფროილან ბიურსთენერს კვლავ გაეცინა.

— მაინც როგორ მოხდა ეს ყველაფერი? — ჰკითხა კ-ს.

— საშინელება! — თქვა კ-მ და მოეშვა იმაზე ფიქრს, რაც დილით მოხდა, რადგან ფროილან ბიურსთენერის გარეგნობამ მოხიბლა: ქალიშვილი იდაყვით დივანის ბალიშში ჩაფლულიყო, სახე იმავე ხელზე დაეყრდნო, ხოლო მეორე ხელს ნაზად ისვამდა თქოზე.

— მეტისმეტად ზოგადი სურათი დამიხატეთ, — უთხრა ფროილან ბიურსთენერმა.

— მეტისმეტად ზოგადი? — გაიკვირვა კ-მ, შემდეგ რაღაც გაახსენდა და ჰკითხა: — გინდათ გაჩვენოთ, როგორ მოხდა ეს ყველაფერი? — მას სურდა ემოძრავა, რაღაც გაეკეთებინა, ოღონდ აქედან არსად წასულიყო.

— მე ისედაც დაღლილი ვარ, — უპასუხა ფროილან ბიურსთენერმა.

— გვიან მობრძანდით, — უთხრა კ-მ.

— ეგლა მაკლდა. მსაყვედურობთ კიდევ, თუმცა ახია ჩემზე, არ უნდა შემომეშვიოთ ოთახში, თანაც, როგორც გამოირკვა, ეს არც ისე აუცილებელი ყოფილა.

— რას ჰქვია აუცილებელი არ ყოფილა, ახლავე დავანახებთ. შეიძლება გადმოვდგა აი, ეს მაგიდა, საწოლთან რომ დგას?

— ეგ რამ გაფიქრებინათ? — თქვა ფროილან ბიურსთენერმა. — რა თქმა უნდა, არა!

— მაშინ ვერც ვერაფერს გიჩვენებთ, — თქვა კ-მ ისეთი გულსტიკივით, თითქოს დიდი უსიამოვნება მიაყენესო.

— აჰ, თუ თვალსაჩინოებისათვის გჭირდებათ, გადადგიოთ მაგიდა, სადაც გნებავთ, — უთხრა ფროილან ბიურსთენერმა

და. მცირე ხნის შემდეგ მისუსტებული ხმით დასძინა: — ისე ვარ დაღლილი, რომ ზედმეტ უფლებას გაძლევთ და ეს არ ვარგა.

კ-მ მაგიდა შუა ოთახში დადგა და მიუჯდა.

— თქვენ სწორი წარმოდგენა უნდა შეგექმნათ. ვინ სად იჯდა ან იდგა, ეს ძალზე საინტერესოა. მე ზედამხედველი ვარ, იქ სკივრზე ორი მცველი ჩამომჯდარა, აქ ფოტოსურათებთან სამი ახალგაზრდა კაცი დგას, ფანჯრის სახელურზე, ამას სხვათაშორის ვამბობ, თეთრი კოფთა ჰკიდია და აი, იწყება. მართლა, სულ დამავიწყდა საკუთარი თავი, მთელი ამ ამბის მთავარი მოქმედი პირი, მე აქ, მაგიდის წინ ვდგავარ. ზედამხედველი მეტისმეტად მოხერხებულად ზის. ფეხი ფეხზე გადაუდგვია, ხელი სკამის ზურგზე გადაუკიდებია. ამგვარ ხეპრეს იშვიათად შეხვდებით. აი, ახლა კი მართლა იწყება ყველაფერი. ზედამხედველი ისეთი ხმით შეძახის, თითქოს უნდა გამაღვიძოს, ლამის ბლავის; სამწუხაროდ, რომ გაგაგებინოთ, რა როგორ იყო, მეც უნდა ვიყვირო. თუმცა უნდა ითქვას, იგი მხოლოდ ჩემს სახელს ვაპყვიროდა.

ფროილან ბიურსთენერმა საჩვენებელი თითი ტუჩებთან მიიტანა სიცილით და კ-ს ანიშნა, არ იყვიროთო, მაგრამ გვიანდა იყო, კ. ისე შეიჭრა როლში, რომ ნელა და გაბმით დაიყვირა: „იოზეფ კი“. მართალია, ეს ყვირილი არც ისე ხმაბლლა გამოუვიდა, როგორც იმუქრებოდა, მაგრამ მთელ ოთახს კი მოედო.

ამ დროს მეზობელი ოთახის კარზე რამდენჯერმე დააკაკუნეს ძლიერად, წყვეტილად და გაბმით. ფროილან ბიურსთენერი გაფიქრდა, ხელი გულზე მიიღო. ამის გამო კ. კიდევ უფრო დაფრთხა, რადგან მთელი ამ ხნის მანძილზე დილანდელ ამბებზე ფიქრობდა და უნდოდა, რაც შეიძლება ზუსტად წარმოედგინა ქალიშვილისათვის. როგორც კი გონს მოეგო, ფროილან ბიურსთენერთან მიიჭრა, ხელში სწვდა და ჩურჩულით უთხრა:

— ნუ გეშინიათ! ყველაფერს მოვაგვარებ. მაგრამ ნეტავ ვინ დააკაკუნა? გვერდით საერთო ოთახია, სადაც არავინ არ იძინებს.

— როგორ არა, — ყურში ჩასჩურჩულა ფროილან ბიურსთენერმა კ-ს, — გუშინდლიდან საერთო ოთახში სძინავს კაბიტანს, ფრატუ გრუბახის ძმისწულს, სხვა ოთახი თავისუფალი არ აღმოჩნდა. მე ეს სულ დამავიწყდა. რა იყო, ასე რომ აყვირდით! რა მეშველება ახლა?

— შემამოფოთებელი არაფერია, — თქვა კ-მ და ბალიშზე მისვენებულ ქალიშვილს შუბლზე აკოცა.

— მომშორდით, მომშორდით, — წამოიძახა ფროილან

პროცესი რაც შეიძლება სწრაფად დამთავრდეს, უთხრეს მას, მეორე მხრივ კი გამოძიება ყველა თვალსაზრისით საფუძვლიანად უნდა ჩატარდეს. და რადგან ასეთი გამოძიება დიდ ძალასა და ენერჯიას მოითხოვს, დაკითხვა დიდხანს ვერ გაგრძელდება: ამიტომაც ნახეს ერთადერთი გამოსავალი — ხშირი, მაგრამ ხანმოკლე დაკითხვები. ხოლო კვირაობით დაკითხვები იმიტომ დანიშნეს, რომ კ-ს ხელი არ შეუშალონ სამსახურებრივი მოვალეობის აღსრულებაში. ვარაუდობენ, რომ კ. ამ პირობებზე დათანხმდება, ხოლო თუ სხვა დღე ურჩევნია დაკითხვისათვის, შეძლებისდაგვარად გაუწევენ ანგარიშს. დაკითხვის ჩატარება შეიძლება მაგალითად დამლაშობითაც, მაგრამ ღამით კ. მთლად საღად ვერ იაზროვნებს. ერთი სიტყვით, სანამ კ-ს საწინააღმდეგო არაფერი აქვს, კვირა დღე ძალაში რჩება. თავისთავად ცხადია, რომ იგი აუცილებლად გამოცხადდება დაკითხვაზე და შესხენება არ დასჭირდება, ბოლოს აცნობეს იმ სახლის ნომერი, სადაც უნდა გამოცხადებულიყო. სახლი გარეუბანში, რომელიც მიყრუებულ ქუჩაზე იდგა, ამ უბანში კ. აქამდე არასოდეს ყოფილა.

კ-მ მოისმინა ყველაფერი და უსიტყვოდ დაკიდა ყურმილი, გადაწყვიტა, კვირას აუცილებლად მისულიყო დანიშნულ ალაგას, პროცესი იწყებოდა, თავი უნდა დაეცვა, ჰირველი დაკითხვა უკანასკნელიც უნდა ყოფილიყო. იგი ჯერ კიდევ ჩაფიქრებული იდგა ტელეფონთან, როცა ზურგს უკან დირექტორის მოადგილის ხმა მოესმა. მოადგილეს დარეკვა უნდოდა, კ. კი ხელს უშლიდა ტელეფონთან მისულიყო.

— ცუდი ამბებია? — ჰკითხა დირექტორის მოადგილემ, უფრო იმიტომ, რომ კ. ტელეფონს მოშორებოდა.

— არა, არა, — უპასუხა კ-მ და გვერდზე გადგა, მაგრამ იჭაურობას მაინც არ მოსცილებია.

დირექტორის მოადგილემ ყურმილი აიღო და სანამ დააკავშირებდნენ, კ-ს ყურმილის ზემოდან უთხრა:

— ერთი რამ მინდა გკითხოთ, ბატონო კ., ხომ არ ინებებდით კვირა დღით ჩემი იახტით გასეირნებას? დიდ სიამოვნებას მომანიჭებდით. დიდძალი საზოგადოება მოიყრის თავს, თქვენი ნაცნობებიც იქნებიან, მათ შორის პროკურორი ჰასთერერიც. მოხვალთ? მოდით აუცილებლად!

კ. თავს ძალას ატანდა ჩასწვდომოდა დირექტორის მოადგილის ნათქვამს, მისთვის ეს ომნიშვნელო ამბავი როდი იყო. ეპატიუებოდა კაცი, ვისთანაც მაინცდამაინც კარგი ურთიერთობა არასოდეს ჰქონია. მოადგილემ შერიგებისკენ პირველი ნაბიჯი გადადგა, ეს კი იმაზე მეტყველებდა, თუ რარიგ საჭირო კაცი გახდა კ. ბანკში და რამდენად აფასებდა ბანკში თანამდებობით მეორე მოხელე მის მეგობრობას ან უკიდურეს

შემთხვევაში, მის ნაუკერძობლობას. თუმცა კ. ტელეფონის ზარის მოლოდინში დაპატიუეს და თანაც ყურმილის ზემოდან, დირექტორის მოადგილის ძხრივ ეს მაინც თავის დამცირება იყო. ერთ დამცირებას მეორე მოჰყვა, როცა კ-მ უთხრა:

— დიდად გმადლობთ, მაგრამ, სამწუხაროდ, კვირას არ მცალია, უკვე სხვას შევუთანხმდი.

— დასანანია, — თქვა დირექტორის მოადგილემ და ტელეფონზე ლაპარაკი დაიწყო, რადგან სწორედ ამ დროს დააკავშირეს.

მოადგილე დიდხანს ლაპარაკობდა. ყურადღებაგაფანტული კ. კი მთელი ეს ხანი იქვე იდგა, ხოლო, როცა დირექტორის მოადგილემ ლაპარაკი დაამთავრა, შეშინებულმა კ-მ, ტელეფონთან უქმად დგომა რომ გაემართლებინა, თქვა:

— ახლახან დამირეკეს, მთხოვეს, ერთ ადგილას მოდიო, მაგრამ დაავიწყდათ ეთქვათ, რომელ საათზე.

— დარეკეთ და დაახუსტეთ, — უთხრა დირექტორის მოადგილემ.

— ისეთი არაფერია, — თქვა კ-მ და ამით გადაშალა თავისი პირველი ისედაც უაზრო მოზოდიშება.

სანამ წავიდოდა, დირექტორის მოადგილემ კიდევ რაღაც-რაღაცებზე ჩამოუგდო ლაპარაკი, კ. თავს ძალას ატანდა, ეპასუხა, სულ იმაზე ფიქრობდა, კვირას სჯობს დილის ცხრა საათზე მივიდე დანიშნულ ადგილას, რადგან სამუშაო დღეებში ყველა სასამართლო ამ დროს იწყებს მუშაობასო.

კვირა დღე მოღრუბლული გათენდა. კ-მ დროზე ვერ გაიღვიძა და კინაღამ დაავიანდა. შაბათს უზომოდ დაიღალა, რადგან ლუღხანის თანამეინახეებმა ქეიფი გამართეს და გვიანობამდე არ დაიშალნენ. მან ისე სწრაფად ჩაიცვა, რომ ვერც კი მოასწრო გაეაზრებინა და დაეზუსტებინა მთელი კვირის მანძილზე მოფიქრებული სხვადასხვაგვარი გეგმები და ისე გაიქცა დასახელებული გარეუბნისაკენ, რომ არც კი უსაუზნია. მართალია, აქეთ-იქით ყურების დრო არ ჰქონდა, მაგრამ, მისდა გასაოცრად, გზაში მაინც დაინახა ის სამი მოხელე, მის საქმეში რომ მიიღეს მონაწილეობა — რაბენშთაინერი, ქულიპი და ქამინერი. პირველმა ორმა მის წინ ტრამვით ჩაიქროლა, ხოლო ქამინერი კაფეს ტერასაზე იჯდა და კ-მ გვერდით რომ ჩაუარა, ცნობისმოყვარეობით გადმოაწვა მოაჯირს. სამივემ ალბათ თვალი გააყოლა და გაუკვირდა, რა მიარბენინებდა მათ უფროსს.

კ-ს რაღაცნაირმა სიჯიუტემ მოუარა და ტრამვაში არ ჩაჯდა. ამ საქმეში გარეშე პირთა სრულიად უმნიშვნელო დახმარებაც კი ზიზღს ჰგვრიდა, არც ის უნდოდა, ვინმესთვის მიემართა და ოდნავ მაინც გაერია რამეში; და ბოლოს არ სურ-

და, ზედმეტი სიზუსტით საგამომძიებლო კომისიის წინაშე დაემცირებინა თავი. თუმცა ზუსტად ცხრა საათისათვის არავის დაუბარებია, მაინც გარბოდა, რათა ამ დროისათვის ადგილზე გამოცხადებულიყო.

ეგონა, რაიმე ნიშნის მიხედვით შორიდანვე იცნობდა ამ სახლს, სადაც დაიბარეს, მაგრამ წარმოდგენაც არ ჰქონდა, როგორი უნდა ყოფილიყო ეს ნიშანი. შეიძლება იმის იმედი ჰქონდა, რომ შესასვლელთან მოფუსფუსე ხალხს დავინახავო. მაგრამ იულიუსშორასეზე, სადაც ის სახლი უნდა მდგარიყო და რომლის დასაწყისშიც კ. ერთი წამით შეჩერდა, ქუჩის ორივე მხარეს თითქმის ერთნაირი, მაღალი, რუხი ფერის დატაკთა შენობები იყო ჩამოჭრივებული. იმ კვირა დილით ხალხი ფანჯრებში გამოფენილიყო. პერანგისამარა მამაკაცები ჰაპიროსს ეწეოდნენ, ზოგსაც პატარა ბავშვები ფრთხილად, სათუთად ეჭირათ ფანჯრის რაფასთან. აქა-იქ ფანჯრებზე ქვეშაგებელი დანებებინათ, რომლის ზემოთ ხანდახან ქალის გაჩეჩილი თავი გამოჩნდებოდა. ქუჩის ერთი მხრიდან მეორე მხარეს ვილაციები ერთმანეთს რაღაცას უყვიროდნენ. ერთმანეთსა შეძახილმა სწორედ კ-ს თავზე გადაუქროლა და გულთან ხარხარი გამოიწვია. გრძელი ქუჩის გასწვრივ, ნახევრად სარდაფებში, სადაც რამდენიმე საფეხურიანი კიბით ჩადიან, პატარა სასურსათო მაღაზიები იყო მოთავსებული. მაღაზიებში ქალები შედიოდნენ ან კიბეზე იდგნენ და ლაყობდნენ. ერთმა კ-სავით დაბნეულმა გამყიდველმა, ფანჯრებში გამოფენილ ხალხს ხილს რომ სთავაზობდა, ურიკით კ. კინალამ წააქცია, სადაც საშინლად აყვირდა გრამოფონი, რომელსაც თავისი დრო მოეჭამა ქალაქის მდიდარ უბნებში.

კ. ისე ნელა მიჰყვებოდა ვიწრო ქუჩას, თითქოს დრო თავსაყრელი ჰქონოდა, ანდა თითქოს ერთ-ერთი ფანჯრიდან გამომძიებელმა დაინახა და მამასადამე იცოდა, რომ კ. გამოცხადდა. ცხრა საათი უკვე გადასული იყო. სახლი საკმაოდ შორს იდგა და არაჩვეულებრივად გრძელი და ფართო მოჩანდა, განსაკუთრებით მაღალი და განიერი აღმოჩნდა ეზოს გადახურული ჭიშკარი. ეტყობა, ჭიშკარი იმ ფურგონებისათვის იყო გათვალისწინებული, საქონელი რომ გადააქვთ სხვადასხვა საწყობებში. ამჯერად ეზოში განლაგებულ ყველა საწყობს ბოქლომი ედო, მაგრამ აბრებზე კ-მ ამოიკითხა ზოგიერთი იმ ფირმის დასახელება, მათ ბანკთან რომ აწარმოებდა საქმეს. კ-ს საერთოდ არ სჩვეოდა ასე ყურადღებით დაკვირვებოდა წვრილმანებს, მაგრამ ამჯერად ერთი წუთით ეზოს შესასვლელშიც კი გაჩერდა. შორიანლო ყუთზე ფეხშიშველი კაცი იჯდა და გაზეთს კითხულობდა, ხელის ურიკაზე ორი ბიჭი ქანაობდა, წყლის საქაჩავთან შილიფად ჩაცმული მისუს-

ტებული ქალიშვილი იდგა და სანამ დოქი წყლით ივსებოდა, კ-სათვის თვალი არ მოუშორებია. ეზოს ერთ კუთხეში ორ ფანჯარას შორის თოკს ჭიმავედნენ, თოკზე უკვე ეკიდა გასაშრობი სარეცხი. ჩვევით ვილაც მამაკაცი იდგა და მთელ ამ საქმიანობას შეძახილებით ხელმძღვანელობდა.

კ. კიბესთან მივიდა, რათა გამომძიებლის კაბინეტში ასულიყო, მაგრამ ისევე შეჩერდა. ამ კიბის გარდა სახლს კიდევ სამი კიბიანი შესასვლელი ჰქონდა, ხოლო ეზოს ბოლოში ვიწრო გასასვლელი მოჩანდა, რომელიც, ეტყობა, მეორე ეზოში გადიოდა. კ. გაბრაზდა, რატომ უფრო ზუსტად არ ამიწერეს კაბინეტის ადგილსამყოფელი, საერთოდაც ძალიან უყურადღებოდ და გულგრილად მოექცნენ და ამიტომ გადაწყვიტა ხმამაღლა და გარკვევით განეცხადებინა პროტესტი. ბოლოს მაინც აპყვა კიბეს და გაახსენდა ერთ-ერთი მცველის, ვილემის ნათქვამი — დანაშაული თვითონ იზიდავს მართლმსაჯულებას, აქედან კი დაასკვნა, შემთხვევით არჩეულმა კიბემ გამომძიებლის კაბინეტამდე უნდა მიმიყვანოს.

კიბეზე ასვლისას კ. ხელს უშლიდა იქ მოთამაშე ბავშვებს და ამიტომ ისინიც გაბრაზებული აყოლებდნენ თვალს.

— მეორეჯერ თუ მომიხდა აქ მოსვლა, ან რკბილეული უნდა წამოვიღო მათი გოლის მოსაგებად ან ჯობს მისაბეგვად, — ჩაილაპარაკა კ-მ. მეორე სართულზე ასულს ლოდინიც კი დასჭირდა, სანამ ბურთი დაგორდებოდა. ამასობაში შარკოლის ტოტებში სწვდა ორი პატარა ბიჭი, რომელთაც პირწავარდნილი არამზადებივით კუშტი სახეები ჰქონდათ. მათი თავიდან მოცილება მხოლოდ ძალით შეიძლებოდა, მაგრამ კ-ს შეეშინდა, ვაითუ რამე ვარკინო და აბღავლდნენო.

საგამომძიებლო კომისიის ნამდვილი ძებნა მხოლოდ მეორე სართულიდან დაიწყო. პირდაპირ ხომ გერ იკითხავდა, სად ზის გამომძიებელი, ამიტომ მოიგონა, ვითომ დურგალ ლანცს ეძებდა — ეს გვარი იმიტომ ამოტივტივდა მის მეხსიერებაში, რომ ფრაუ გრუბახის ძმისწულის, კაპიტნის გვარი იყო — და გადაწყვიტა ყველა ბინაში იკითხა, ხომ არ ცხობრობს აქ დურგალი ლანციო, თან ამ საბაბით ოთახებშიც შეიხედავდა, მაგრამ ოთახში შეხედდა არც ისე ძნელი აღმოჩნდა, ოთახის ყველა კარი ღია იყო და ყველგან ბავშვები შერბოდნენ და გამორბოდნენ. ოთახები, როგორც წესი, პატარა და ერთფანჯრიანი იყო, საჭმელიც იქვე იხარშებოდა. ბიჭრას ერთფანჯრიანი იყო, საჭმელიც იქვე იხარშებოდა. ბიჭრას ჩაოს ცალ ნელში ძუძუთა ბავშვი იჯდა, ხოლო მეორეთი ჩაურას დასარჩილებდა. ყველაზე დაუზარებლად დაფუსფუსებდნენ წამოჩიჩილი გოგონები, რომელთაც, გიჯონებოდა, მხოლოდ წინსათარი უფარავსო ჩანს. ყველა ოთახში იდგა ჯერ კიდევ აულაგებელი საწოლები, მობინადრეთაგან ზოგი ავად

იყო, ზოგს ეძინა, ზოგიც ტანსაცმლიანად გამოტილიყო. თუ ბინის კარი დაკეტილი იყო, კ. აკაკუნებდა და კთხულობდა, აქ ხომ არ ცხოვრობს ღურგალი ლანციო.

უმეტეს შემთხვევაში კარს ქალი აღებდა და როგორც კი შეეკითხვას გაიგონებდა, მიუბრუნდებოდა ვიღაც ოთახში მყოფს, რომელიც ამ დროს საწოლიდან წამოიწევდა.

— ერთი ბატონი კითხულობს, ღურგალი ლანცი ხომ არ ცხოვრობსო აქ.

— ღურგალი ლანცი? — იკითხავდა საწოლიდან წამოწეული.

— დიახ, — ეუბნებოდა კ., თუმცა კარგად ხედავდა, რომ ოთახში არავითარი საგამომძიებლო კომისია არ იჯდა და ამ ბინაში აღარაფერი ესაქმებოდა. ბევრს ეგონა, კ-ს ძალიან სჭირდება ღურგალი ლანციო და დიდხანს ფიქრობდნენ: ზოგი ამბობდა, ერთ ღურგალს ვიცნობ, მაგრამ ლანცი არ არისო გვარად. ზოგიც ირწმუნებოდა, ამ გვარს ჰგავს ერთი ღურგლის გვარიო. ეკითხებოდნენ მიზნობლებს, კარგა მანძილზე მიაცილებდნენ კ-ს, იგებ მოშორებით მდებარე ოთახებში აქვს ღურგალს კუთხე დაქირავებული, ან იქნებ ისეთი გინმე ცხოვრობს, ჩვეინზე უკეთ რომ იცნობს მეზობლებსო. ბოლოს კ-ს აღარაფრის კითხვა აღარ უხდებოდა, რადგან ამნაირად დათრევენ სართულიდან სართულზე. კ. ნანობდა, რომ ასეთ დღეში აღმოჩნდა, არადა, ეს ხერხი თავიდან დიდად პრაქტიკული იჩვენა, მიეჩვენა სართულზე ასულმა გადაწყვიტა საგამომძიებლო კომისიის ძიებას მოშვებოდა, დაემშვიდობა თავაზიან ახალგაზრდა მუშას, რომელსაც უნდოდა შემდეგ სართულზე აეყვანა, და ჰიბიხე დაეშვა. მაგრამ მცირე ხნის შემდეგ, მთელი ამ აურზაურით გაოიზიანებული, კიდევ ერთხელ ავიდა მეეჩვენა სართულზე და ჰირველივი კარზე დააკაკუნა. პირველი, რაც მან ოთახში დაინახა, დიდი კედლის საათი იყო, ათს რომ უჩვენებდა.

— აქ ცხოვრობს ღურგალი ლანცი? — იკითხა კ-მ.

— მობრძანდით, — უბასუხა ახალგაზრდა ქალმა, რომელსაც შავი, ბრიალა თვალეები ჰქონდა. იგი გეგაში ბავშვის საცვლებს რეცხავდა და სველი ხელით კ-ს მეზობელი ოთახის ღია კარზე ანიშნა.

კ-ს ისეთი შთაბეჭდილება შეეჩენა, თითქოს კრებაზე მოხდა. სხვადასხვა ჯორის ხაოხი — მისთვის ყურადღება არავის მიუქცევია — ირგოდა საშუალო ზომის, ორფანჯრიან ოთახში, რომელსაც ჰქონდა ახლოს ქანდარა უვლიდა ირგოლივ და ისიც ხაოხით იყო გაჭირილი. ქანდარაზე მყოფთ მხოლოდ წილში მოხრილებს შეეძლოთ დგომა — თავით და ზურგით ჰქონს ებჯინებოდნენ. კ-ს სული შეეხუთა, უკან გამობრუნდა

და ახალგაზრდა ქალს, რომელმაც მისი აზრით, სწორედ ვერ გაიგო შეკითხვა, ხელმეორედ მიმართა:

— მე ვეძებ ღურგალ ლანცს.

— ვიცი, — უთხრა ქალმა, — გთხოვთ შებრძანდით.

შეიძლება კ-ს მისთვის არც დაეჭვებინა, ქალი რომ ჯიქურ არ დაძრულიყო ადგილიდან, კარის სახელურს არ ჩასჭიდებოდა და არ ეთქვა:

— თქვენს შემდეგ კარი უნდა დაგვეტო, აღარავის შემშვება აღარ შეიძლება.

— უკეთესს ვერაფერს მოიფიქრებდით, — უთხრა კ-მ, — იქაურობა ისედაც გაჭედულია. — მიუხედავად ამისა, ოთახში მაინც შევიდა.

კ-მ შუაში ჩაუარა ზედ კართან მოსაუბრე ორ მამაკაცს, ერთ-ერთი მათგანი ისე ამოძრავებდა წინ გაწვდილ ხელებს, თითქოს ფულს ითვლისო, მეორე კი თვალეებში მიშტერებოდა: უეცრად კ-ს ვიღაცამ ხელი წაავლო. მის გვერდით პატარა, ლოყებდაჟღაჟა ბიჭი იდგა.

— წამოდით, წამოდით, — უთხრა მან და კ-ს გაჰყვა.

არეულ-დარეულ ბრბოში მაინც გამოინახა ვიწრო გასასვლელი, რომელიც ალბათ ორ მოწინააღმდეგე ჯგუფს ერთმანეთისაგან ჰყოფდა; ამას ისიც მოწმობდა, რომ კ-მ პირველ რიგებში ვერც ერთი მისკენ მობრუნებული სახე ვერ დაინახა. აღამიანები ზურგშექცეული იდგნენ და ყველანი სიტყვიერად და მოძრაობითაც მხოლოდ თავის ჯგუფის წევრებს მიმართავდნენ. უმეტესობას ეცაა შავი, ძველი, განიერი და გრძელი საზიგმო სერთუკი. ამგვარი ტანსაცმელი რომ არა, კ-ს რა დააბნეოდა, ითქვამდა, რომელიღაც პოლიტიკური ორგანიზაციის სარაიონო კრებაზე მოგზავნილი.

ღარბაზის ბოლოში, სადაც კ. მიიყვანეს, მერისმეტად დაბალ, ასივე ხალხით გაჭვდილ ფიცარნაგზე ირიბად დაედგათ პატარა მაგიდა, ხოლო ამ მაგიდასთან, იქ, სადაც ფიცარნაგი თავდებოდა, იჯდა პატარა, ჩასუქებული, მჭშინავი კაცი, იგი ელაპარაკებოდა მისი სავარძლის ზურგს იდაყვით დაყრდნობილ, ფიხებგადაჯვარდინებულ კაცს და ორივე გულიანად ხარხარებდა. ზოგჯერ ჩასუქებული ხელს ისე სწვივდა მალა, თითქოს ვიღაცას აჯაგრებდა. კ-ს მეგზურ ბიჭს გაუჭირდა ჩასუქებულისათვის მოეხსენებინა, კ. მოვიყვანეთ. ფიხის წვერებზე შემდგარმა ორჯირ სცადა რაღაც ეთქვა, მაგრამ ჩასუქებული ყურადღებას არ აქცევდა. ბოლოს, როცა ფიცარნაგზე მყოფმა ერთმა კაცმა ბიჭზე მიუთითა, ჩასუქებული შემობრუნდა და იმისათვის, რომ მოსახსენებელი ჩუმად მოესმინა, ბიჭისაკენ დაბლა დაიხარა, შემდეგ საათი ამოიღო და კ-ს სწრაფად შეავლო თვალი.

— თქვენ ერთი საათისა და ხუთი წუთის წინ უნდა გამოცხადებულიყავით, — თქვა მან.

კ-ს უნდოდა პასუხი გაეცა, მაგრამ გერ მოასწრო; როგორც კი ჩასუქებულმა სათქმელი დაამთავრა, დარბაზის მარჯვენა ნახევარი ერთხმად აბუზღუნდა.

— თქვენ ერთი საათისა და ხუთი წუთის წინ უნდა გამოცხადებულიყავით, — გაიმეორა ჩასუქებულმა უფრო ხმამაღლა და სწრაფად გადახედა დარბაზს. ბუზღუნი კიდევ უფრო გაძლიერდა, მაგრამ რადგან ჩასუქებულს აღარაფერი უთქვამს, ხმაური თანდათან მიწყდა. ახლა დარბაზში გაცილებით მეტი სიწყინარე სუფიერდა, ვიდრე კ-ს შემოსვლისას. მხოლოდ ქანდაკაზე მყოფთა შენიშვნებია ისმოდა, რამდენადაც კი შეიძლება ამის გარჩევა მტვერში, ბუღსა და ნახევრად ბნელში, ისინი უარესად იყვნენ ჩაცმულნი, ვიდრე დაბლა მდგომნი. ბევრს თან მოეტანა ყურთბალიში და თავსა და ჭიკის შორის დაეტანებინა, რომ მიხეთქებისას თავზე იარა არ გასჩენოდათ.

კ-მ გადაწყვიტა ნაკლები ელაპარაკათ და კარგად დაკვირვებოდა ყველაფერს, ამიტომ დაგვიანების გამო თავი არ უმართლებია და მხოლოდ ეს თქვა: ვთქვით და დავიგვიანე, მაგრამ ახლა ხომ აქ ვარ.

დარბაზის მარჯვენა ნახევარმა ტაში დაუქრა. რა ადვილი ყოფილა ამათი გულის მოგება, გაიფიქრა კ-მ. მას მხოლოდ დარბაზის მარცხენა ნახევრის, მის ზურგს უკან გაჩერებულთა დღომილი აწუხებდა, რადგან იქიდან კანტიკუნტად გაისმა ტაში. კ. ჩაუფიქრა, რა შეეძლო ეთქვა ისეთი, რომ ყველას გული ერთხმად მოეგო. ხოლო თუ ეს შეუძლებელი აღმოჩნდებოდა, დროებით მაინც გადმოებირებინა მეორე ნახევარიც.

— მართალია. — თქვა ჩასუქებულმა. — მაგრამ ახლა ვალდებული ათარა ვარ დაგვითხოვ... — დარბაზში ისევ გაისმა ბოზოზონი, მაგრამ ამჯერად ეს გაუგებრობამ გამოიწვია, რადგან ჩასუქებულმა იქ მყოფთ ხელით ანიშნა, გაჩუმდითო და განაგრძო: — დღეს გამონაკლისს დაგუშვებ და არ გაგაწბილობთ, მაგრამ მეორედ აღარ დაიგვიანოთ, აბა, წინ გამობრძანდით.

ფიცარნაგიდან ვიოაც წამოხტა და კ-ს ადგილი დაუთმო. კ. ზოგით ავიდა. მაგრამ მაშინვე მაგიდას მიაჭექყეს, მის უკან იმდენი ხალხი ირეოდა. რომ არ ემარჯვა, შეიძლება გამოძიებული თაგისი მაგიდიანად თიკარნაგიდან გადაეგდო.

მაგრამ გამოძიებელს ეს ამბავი სრულიად არ აწუხებდა. საკმაოდ მოხერხებულად იჯდა სავარძელში და როცა მის უკან მდგარ კაცთან ლაპარაკი დაამთავრა, თავის მაგიდაზე დადებულ ერთადერთ ნივთს, უბის წიგნაკს დასწვდა. წიგნაკი სასკოლო რვეულს ჰგავდა და ხშირი ფურცლისაგან საკმაოდ გაცივითილიყო.

— ამგვარად, — თქვა გამოძიებელმა, რვეული გადაფურცლა და კ-ს ისეთი კილოთი მიმართა, თითქოს თავის სიტყვებში ერთი ბეწო ეჭვიც კი არ ეპარებოდა, — თქვენ მღებავი ხართ, არა?

— არა, — უპასუხა კ-მ, — მე დიდი ბანკის პირველი პროკურისტი ვახლავართ.

მისმა პასუხმა ქვემოთ, დარბაზში მარჯვენა ნახევრის ისეთი გულიანი ხარხარი გამოიწვია, რომ კ-საც კი გაეცინა. ხალხი ხელებს მუხლებზე იტყაპუნებდა, ისე თახთახებდნენ, როგორც გაუთავებელი ხველების დროს იცის. კანტიკუნტად ქანდაკაზეც გაიცინეს, უზომოდ გაცოფებულმა გამოძიებელმა, რომელიც, ეტყობა, დარბაზში თავმოყრილთა წინააღმდეგ უძლური იყო, სცადა ჯავრი იმათზე ეყარა, ქანდაკაზე რომ წამოსკუბებულყვნენ. ფეხზე წამოიჭრა, მუშტით დაემუქრა და აქამდე შეუმჩნეველ წარბებს ახლა ბუჩქებივით მოუყარა თავი თვალებს ზემოთ.

მაგრამ დარბაზის მარცხენა ნახევარი ისევ დუმდა. ფიცარნაგისაკენ პირშექცეული ადამიანები რიგ-რიგად იდგნენ და ერთნაირი სიმშვიდით უსმენდნენ როგორც აქაქანებულ ქანდაკას, ასევე მარჯვენა მხარის ხმაურს. ისინი იმასაც კი ითმენდნენ, მათი რიგებიდან ზოგიერთი რომ მოწინააღმდეგეს უჭერდა მხარს. მარცხენა ჯგუფი უფრო მცირერიცხოვანი იყო და შესაძლოა მარჯვენა ჯგუფივით მასაც არ ჰქონდა დიდი წონა, მაგრამ მისი წარმომადგენლების დარბაისლობა კაცს აფიქრებინებდა, უფრო ანგარიშგასაწევნი არიანო. როცა კ-მ ხელახლა დაიწყო ლაპარაკი, დარწმუნებული იყო, რომ სწორედ იმას ამბობდა, რაც მათ სულისკვეთებას შეესაბამებოდა.

— ბატონო, გამოძიებელო, თქვენ მკითხეთ, ვარ თუ არა მღებავი. უფრო სწორად არც გიკითხავთ, პირდაპირ მომახალეთ, გინდა თუ არა, ასეაო. აი, ამგვარი მიდგომაა დამახასიათებელი მთელი იმ საქმისათვის, ჩემს წინააღმდეგ რომ აღძრით. შეგიძლიათ შემედავოთ, ჯერჯერობით არავითარი სისხლის სამართლის საქმის გარჩევა არ მიმდინარეობსო და მართალიც იქნებით, რადგან საქმის გარჩევა მხოლოდ მაშინ შეიძლება დაერქვას, თუ მე ამ ფაქტს ვცნობ. ვთქვით და, ამ შემთხვევაში ერთგვარ თანაგრძობას გიწევთ და პროცესს ვცნობ. ამგვარ ამბავს თანაგრძობის გარეშე ვერც მიუდგები, თუკი გინდა ანგარიში გაუწიო. არ ვამბობ, საქმეს მთლად უთავბოლოდ აწარმოებთ-მეთქი, მაგრამ მსურს გირჩიოთ ერთი რამ, იქნებ დარკვეთ, რა ხდება.

კ. გაჩუმდა და დარბაზს გადახედა. მან მკაცრად ილაპარაკა, ბევრად უფრო მკაცრად, ვიდრე უნდოდა, მაგრამ ამჯერად სიმართლე ითქვა. წესით ან ერთი ან მეორე მხრიდან ტაში

საც კი იმსახურებდა, მაგრამ დარბაზი მიჩუმდა და საერთო დაძაბულობაში ყველა აშკარად ელოდა, რა მოხდებოდა შემდეგ, შეიძლება სწორედ სიჩუმეში მიჩუმდებოდა ის ამფთქებული ძალა, ყველაფერს რომ ბოლოს მოუღებდა. მყუდროება დაარღვია დარბაზის ბოლოში კარის გაღებამ. შემოვიდა ახალგაზრდა მრეცხავი ქალი, რომელმაც, ეტყობა, საქმე მოათავა და თუმცა ფეხბაკრეფით მოიკვლევდა გზას, ზოგიერთების ყურადღება მაინც მიიქცია. კ-ს მხოლოდ გამომძიებლის გამომეტყველებამ მოჰგვარა სიხარული. ეტყობოდა, მისი სიტყვები გულზე მოხვედროდა. წელან ქანდარის დასაშოშმინებლად წამოდგა, მაგრამ კ-ს სიტყვებმა გააოცა და აქამდე ფეხზე მდგომი უსმენდა. ახლა კი, ირგვლივ გამეფებულ სიჩუმეში, ისე ნელა ჩაეშვა სავარძელში, თითქოს ცდილობდა შეეშინებულად დამჯდარიყო და აღეღვება რომ არ გამოემყდარებინა, ხელში კვლავ რვეული აიღო.

— ველარაფერი გიშველით, — განაგრძო კ-მ, — ჩემს ნათქვამს, ბატონო გამომძიებლო, თქვენი რვეულიც ადასტურებს.

კ. კმაყოფილი იყო იმით, რომ ამ უცხო ხალხის თავყრილობაზე მხოლოდ საკუთარი მშვიდი სიტყვები ესმოდა და ისე გათამამდა, გამომძიებელს მოურიდებლად გამოსტაცა რვეული ხელიდან, თითის წვერებით, თითქოს ეზიზღებოდა, შუა ფურცელით იმგვარად ასწია მაღლა, რომ ორივე მხარეს მიჯრით ნაწერი, დალაქავებული, კიდებგაყვითლებული ფურცლები ჩამოეკიდა.

— აი, ამას ჰქვია გამომძიებლის დოკუმენტაცია, — თქვა მან და რვეული მაგიდაზე დაავლო, — შეგიძლიათ მშვიდად განაგრძოთ ამ რვეულის კითხვა; ბატონო გამომძიებლო, დანაშაულობათა ასეთი ნუსხა მართლაც არ მაშინებს. მერწმუნეთ, მე ამ რვეულის შინაარსს არ გავეცნობი, რადგან აი, ასე ორი თითით თუ ავიღებ, თორემ ხელში რა დამაჭერინებს.

როგორც კი რვეული მაგიდაზე დავარდა, გამომძიებელი იმწამსვე დასწვდა, ფურცლები მიასწორ-მოასწორა და ისევ შეუღდა კითხვას. ეს კი იმას ნიშნავდა, რომ თავი საშინლად დამცირებულად იგრძნო, ყოველ შემთხვევაში, მისი ქცევა ასე აღიქმებოდა.

პირველ რიგში მდგარ ადამიანებს ისეთი დაძაბული სახეები ჰქონდათ, რომ კ. უნებურად დააკვირდა მათ. თითქმის ყველა მამაკაცი ხანში შესული იყო, ზოგს წვერი გასჭალარავეებოდა. იქნებ სწორედ მათ ჰქონდათ გადაწყვეტი ხმის უფლება და შეიძლოდა გავლენა მოეხდინათ მთელ კრებაზე; ისინი გამომძიებლის დამცირებამაც კი ვერ გამოიყვანა იმ უძრავი მდგომარეობიდან, კ-ს ლაპარაკისას რომ დაეუფლათ.

— რაც მე შემემთხვა, — განაგრძო კ-მ, ოღონდ უფრო ჩუმად. ვიდრე მანამდე ლაპარაკობდა და ამავე დროს თვალმოუშორებლად აკვირდებოდა პირველ რიგში მდგომთა სახეებს, რის გამოც სიტყვებს რიხი მოაკლდა, — რაც მე შემემთხვა, მხოლოდ კერძო შემთხვევაა, თავისთავად დიდი მნიშვნელობა არა აქვს, და გულთან ახლოს არც მიმიტანია, მაგრამ ეს იმის სანიშნო მაგალითია, თუ როგორ არჩევენ მრავალი ადამიანის საქმეს. ამჯერად მე იმათ ინტერესებს ვიცავ და არა საკუთარს.

კ-მ მისდა უნებურად ხმას აუწია. დარბაზში ვილაცამ ხელები ასწია, ტაში დაუკრა და წამოიძახა: „ვაშა! ესეც მაგათ, ვაშა! და კიდევ ვაშა!“

პირველ რიგში მდგომთა შორის ზოგი წვერს იწიწკნიდა, მაგრამ იქითკენ, საიდანაც გამამხნეველები სიტყვები გაისმა, არც ერთს არ მიუბრუნებია თავი. ამ წამოძახილისთვის არც კ-ს მიუწივებია მნიშვნელობა, მაგრამ ცოტათი მაინც გამხნევდა: ახლა აღარც ის მიაჩნდა საჭიროდ, ყველას დაეკრა ტაში. მთავარი იყო, ხალხი ამ საქმეს ჩაკვირებოდა, ზოგიერთი მაინც დაერწმუნებინა და თავის მხარეზე გადმოებირებინა.

— მე არ მჭირდება ორატორის დიდება, — თქვა ამ მოსაზრებით გათამამებულმა კ-მ, — ეს ჩემთვის მიუწვდომელიცაა. გარდა ამისა ბატონი გამომძიებელი ალბათ ჩემზე ბევრად უკეთ ლაპარაკობს, რადგან ეს მისი ხელობაა. ჩემი სურვილია მხოლოდ, საჯაროდ ვამხილო სოციალური უწესრიგობა. აბა, განსაჯეთ: დაახლოებით ათი დღის წინათ დამაპატიმრეს, თვით დამაპატიმრების ფაქტი ჩემთვის სასაცილოა, მაგრამ ამჯერად ეს საქმეს არ ეხება. დილაადრიან ლოგინში დამესხნენ თავს, ალბათ მართლაც მიიღეს ასეთი ბრძანება — თუ გამომძიებლის სიტყვებს ვირწმუნებთ, ამგვარი რამ გამორიცხული არ არის — დაეპატიმრებინათ ვილაც მღებავი, ისეთივე უდანაშაულო ადამიანი, როგორც მე ვარ, მაგრამ დაპატიმრება მე მხვდა წილად. მეზობელი ოთახი დაიკავა ორმა უხეშმა მცველმა. მეტ წინდახედულებას ალბათ მაშინაც ვერ გამოიჩინდნენ, მე რომ საშიში ბოროტმოქმედი ვყოფილიყავი. გარდა ამისა, მცველები სულით ხორცამდე გათახსირებული არამზადები აღმოჩნდნენ, ყბედობით ყურები გამომიჭედეს, ცდილობდნენ ქრთამი წაეგლიჯათ. რაღაცას იმიზეზებდნენ და ჩემი საცვლებისა და ტანსაცმლის მითვისება სურდათ, ფულიც მომთხოვეს, საუზმეს მოგიტანათ. ამავე დროს კი ჩემი საუზმე ჩემს თვალწინ უტიფრად შესანსლეს. ესეც არ იკმარეს, ამის შემდეგ მესამე ოთახში გამიყვანეს ზედამხედველთან. ის ოთახი ეკუთვნის ერთ ბანოვანს, რომელსაც მე დილად ვაფასებ. მაიძულეს მეყურებინა, როგორ წაიბილწა მისი ოთახი ჩემი მიზეზით ზე-

დამხედველისა და მცველების იქ ყოფნის გამო, თუმცა ამაში მე არავითარი ბრალი არ მიმიძღოდა. ასეთ ვითარებაში აღვიღი როდღა სიმშვიდე შეინარჩუნოს კაცმა. მაგრამ მე თავი შევიკავე და სრულიად მშვიდად ვკითხე ზედამხედველს, აქ რომ იყოს, უთუოდ დამიდასტურებდა, — რისთვის დამაპატიმრებთ-მეთქი? და იცით, რა მიპასუხა ზედამხედველმა, რომელიც ახლაც კი თვალწინ მიდგას სხენებული ბანოვანის სავარძელში გამოჭიმული, როგორც უჩლუნგისი ქედმადლობის განსახიერება? არა, ბატონებო, არაფერიც არ მიპასუხა, უბრალოდ დამაპატიმრა და ამით დაკმაყოფილდა. ეს კიდეც ცოტაა, მან იცით, რა გააკეთა? იმ ბანოვანის ოთახში ბანკის სამი დაბალი რანგის მოხელე მოიყვანა, რომლებიც იმით ირთობდნენ თავს, რომ ბანოვანის პირად საკუთრებას, მის ფოტოსურათებს ათვალეობდნენ და არივ-დარიეს კიდეც ამ მოხელეების მოყვანა, რა თქმა უნდა, სხვა მიზნითაც იყო განპირობებული, მათ, ისევე როგორც ჩემს დიასახლისს და მის მოსამსახურე გოგოს, უნდა გაეგრძელებინათ ხმები ჩემი დაპატიმრების შესახებ, რათა საზოგადოებაში ჩემი რეპუტაცია შეეღახათ და, რაც მთავარია, შეერყიათ ჩემი მდგომარეობა ბანკში, მაგრამ აქედან არაფერი, სრულიად არაფერი არ გამოვიდა, ჩემს დიასახლისსაც კი, ძალზე უბრალო პიროვნებას, დიდი მოწიწებით დავისახელებთ მის გვარს, ფრაუ გრუბახი გახლავთ, თვით ფრაუ გრუბახსაც ეყო სალი აზრი, მიმხვდარიყო, რომ ასეთ დაპატიმრებას თითქმის ისეთივე მნიშვნელობა აქვს, როგორც უმეტავალყოფად დარჩენილი ბიჭების ქუჩაში ჩხუბს, ვიმეორებ, მეთლმა ამ ამბავმა პირადად მე მხოლოდ უსიამოვნება მომაყენა და დროებით გამაღიზიანა, მაგრამ შეიძლებოდა შედეგები ბევრად უარესი ყოფილიყო, განა ასე არ არის?

კ-მ მცირე ხნით ლაპარაკი შეწყვიტა და დადუმებულ გამოძიებელს შეხედა. მან შეამჩნია, რომ გამოძიებელმა ქვემოთ მყოფთაგან ერთს თვალთ რაღაცა ანიშნა. კ-ს გაეღიმა და თქვა:

— ეს წუთია ბატონმა გამოძიებელმა, რომელიც ჩემს გვერდით ზის, რომელიღაც თქვენგანს საიდუმლოდ რაღაც ანიშნა, მაშასადამე, თქვენს შორისაც არიან აღამიანები, რომელთაც აქედან, ზევიდან ხელმძღვანელობენ. არ ვიცი, ამ ნიშანს რა უნდა მოჰყოლოდა — სტვენა თუ ტაში, მაგრამ წინასწარ ვამხელ მათ შეთქმულებრივ მოქმედებას და ამით უფლებებელყოფ ამ ნიშნის მნიშვნელობას. ჩემთვის სრულიად სულ ერთია რას მოიმოქმედებთ, ბატონ გამოძიებელს უფლებას ვაძლევ დაუფარავად უხელმძღვანელოს თავის დაქირავებულ დამქაშებს, მანდ, ქვემოთ რომ დგანან და იღუმალი

ნიშნებით კი არა, ხმამალა, სიტყვიერად უბრძანოს; „დაუსტვინეთ!“ შემდეგ კი მიაყოლოს: „ტაში დაუქარით!“

უხერხულობისა და მოუთმენლობისაგან გამომძიებელი სავარძელში წრიალებდა. მის ზურგს უკან გაჩერებული მამაკაცი, რომელსაც აღრე ელაპარაკებოდა, კვლავ დიხარა გამოძიებლისკენ, რათა გაეძინებინა, ანდა რივიანი რჩევა მიეცა. ქვევით მდგომნი ხმადაბლა, მაგრამ გაცხარებით ლაპარაკობდნენ. ორი ჯგუფი, რომელთაც აღრე თითქოს ვერაფერი მოარიგებდა, ერთმანეთში აირია, ზოგი კ-საკენ იშვერდა თითს, ზოგიც გამოძიებლისაკენ.

ოთახი ნისლივით სქელი ბულით აივსო და კ-ზე დამორგუნველად მოქმედებდა, ხელს უშლიდა გულდაგულ დაკვირვებოლა მოშორებით მდგომთ. განსაკუთრებით უჭირდათ ქანდარაზე შესკუპულთ. ისინი გამოძიებლისკენ აპარებდნენ შემკრთალ მზერას და წამდაუწუმ ჩუმად ეკითხებოდნენ კრების მონაწილეებს, გაგვავებინეთ, რა ხდებაო დარბაზში. მათ ასევე ჩუმად, პირზე ხელაფარებული უპასუხებდნენ.

— ახლავე დავამთავრებ, — თქვა კ-მ და რადგან ზარი არსად ჩანდა, მაგიდას დაჰკრა მუშტი. შეშინებული გამოძიებელი და მისი მრჩეველი იმავ წამს მოშორდნენ ერთმანეთს: — ეს საქმე მე არ მეხება და ამიტომ მშვიდად ვმსჯელობ, თქვენთვის კი დიდად სასარგებლო იქნება მომისმინოთ, ცხადია იმ პირობით, თუ თქვენთვის ეს ეგრეთ წოდებული პროცესი რაღაცას ნიშნავს. იმის განხილვა, რასაც ახლა მოგახსენებთ, გთხოვთ შემდეგისთვის გადაიღოს, რადგან მეტი დრო არა მაქვს და მალე უნდა წავიდე.

დარბაზში ერთბაშად სიჩუმე ჩამოვარდა. კ-მ ამასობაში ისე დაიპყრო კრება, რომ აღარავინ ყვიროდა უთავბოლოდ, როგორც დასაწყისში, ტაშსაც კი აღარ უკრავდნენ, ეტყობა, რაღაცაში დარწმუნდნენ, ან ის იყო რწმუნდებოდნენ.

— უდავოა, — თქვა კ-მ ძალიან ჩუმად, რადგან ახარებდა, კრება დაძაბული ყურადღებით რომ უსმენდა; ამ სიჩუმეში იბადებოდა ზუზუნნი, რაც აღტაცებულ ტაშისკვრაზე უფრო აგულიანებდა, — უდავოა, რომ სასამართლოს ღონისძიებების ანუ ამ შემთხვევაში ჩემი დაპატიმრებისა და დღევანდელი გამოძიების უკან დგას დიდი ორგანიზაცია. ამ ორგანიზაციას ემსახურებიან არა მარტო ქრთამის მოყვარული მცველები, უგუნური ზედამხედველები და გამოძიებლები, — რომლებიც, თუ ბედმა გაგვიღიმა, სანაქებო თავმდაბლობას იჩენენ, — არამედ კმაყოფაზე ჰყავს აგრეთვე, როგორც ეს მიღებულია, მაღალი და დაბალი რანგის მოსამართლეები მოსამსახურეების, მდივნების, ქანდარებისა და სხვა დამხმარე პერსონალის მთელი ამალით. იქნებ მათ შორის ჯალათებიც არიან, მე ამ

დაეშვა კიბეზე. მის ზურგს უკან ხმაური ატყდა, ეტყობა, კრებ-
ბა ისევ გამოცოცხლდა და მომხდარ ამბებზე მოსწავლეებოვით
გააბეს მსჯელობა.

თავი მესამე

ცარიელ სხდომათა დარბაზში.
სტუდენტი. კანცელარიები.

მთელი მომდევნო კვირა კ. ყოველდღე ელოდა გამომძიებ-
ელთან ხელშეკრულებას. არ სჯეროდა, რომ მისი სიტყ-
ვები, დაკითხვაზე აღარ გამოცხადდებოდა, პირდაპირ გაიგეს,
და რადგან შაბათიც ისე მიიწურა, რომ არავის გამოუძახებია,
კ-მ ივარაუდა, ალბათ იმავე საათზე და იმავე სახლში ვარ
მიწვეული გამოუძახებლად. ამიტომ კვირას ისევ იქითკენ
გასწია. ამჯერად მოუთრებლად აიარა კიბე, და დერეფნებს
გაუყვია. კარებში გაჩერებული მდგმურებიდან ზოგმა იცნო
და ესალმებოდა, მაგრამ კ-ს საკითხავი აღარაფერი ჰქონდა და
მალე იმ ოთახის კარს მიაღგა, რომელიც სჭირდებოდა. კარი
დაკაკუნებისთანავე გაუღეს. კ. ისე ჩქარობდა მეზობელ ოთა-
ხში გასულიყო, რომ კარებში გაჩერებული ნაცნობი ქალისათ-
ვის ზედაც არ შეუხედავს.

— დღეს სხდომა არ ტარდება, — უთხრა ქალმა.

— როგორ თუ არ ტარდება? — ჰკითხა კ-მ ისე, თითქოს
დაჯერება უჭირსო.

ქალმა დასარწმუნებლად მეზობელი ოთახის კარი გააღო.
ოთახი მართლაც ცარიელი იყო და ამის გამო კიდევ უფრო
უზადრუკი ჩანდა, ვიდრე წინა კვირას. მაგიდაზე, რომელიც
კვლავ ფიცარნაგზე იდგა, რამდენიმე წიგნი იდო.

— შეიძლება გადავხედო ამ წიგნებს? — ჰკითხა კ-მ ქალს
არა იმ მიზნით, რომ ცნობისმოყვარეობა დაეკმაყოფილებინა,
არამედ იმიტომ, რომ მისი აქ მოსვლა მთლად უსარგებლო არ
ყოფილიყო.

— არა, — უპასუხა ქალმა და ისევ დახურა კარი, — წიგ-
ნების ხელის ხლება არ შეიძლება, ისინი გამომძიებლის საკუთ-
რებაა.

— აჰ, ასეა საქმე? — თქვა კ-მ და თავი დაუქნია, — ეს
წიგნები, ალბათ, კანონთა კრებულებია. აქაური მართლმსა-
ჯულების დანიშნულება კი ისაა, რომ არა მარტო უდანაშაუ-
ლო ადამიანს დასდონ მსჯავრი, არამედ უმეცარსაც.

— შეიძლება ეს მართლაც ასეა, — უპასუხა ქალმა, რო-
მელმაც ხეირიანად ვერც გაიგო კ-ს ნათქვამი.

— რა გაეწყობა, თუ ასეა, მე წავალ, — უთხრა კ-მ ქალს.

— რას დამაბარებთ გამომძიებელთან? — ჰკითხა ქალმა.

— იცნობთ კი? — ჰკითხა კ-მ.

— რა თქმა უნდა. — უპასუხა ქალმა, — ჩემი ქმარი ხომ
სასამართლოში შიკრიკად მუშაობს.

კ-მ მხოლოდ ახლა შენიშნა, რომ ოთახი, სადაც წინა კვი-
რას მხოლოდ სარეცხის გეჯა იდგა, ახლა ნამდვილი საცხოვრე-
ბელი ოთახივით იყო მოწყობილი. ქალმა კ-ს გაკვირვება შეამ-
ჩნია და უთხრა:

— დიახ, ჩვენ ეს ბინა უფასოდ დაგვითმეს. მაგრამ სხდო-
მის დღეებში ოთახი უნდა დავცალოთ. ჩემი ქმრის თანამდებ-
ობას უსიამო მხარეებიც ახლავს.

— თქვენი ოთახი ისე არ მაკვირვებს, — უთხრა კ-მ და
ქალს გაბრაზებულმა შეხედა, — როგორც ის, რომ გათხოვილი
ბრძანდებით.

— თქვენ ალბათ იმ შემთხვევაზე მელაპარაკებით, უკანას-
კნელი სხდომის დროს რომ მოხდა დარბაზში და რის გამოც
სიტყვის დასრულება ვეღარ შეძელით? — ჰკითხა ქალმა.

— რა თქმა უნდა, — უპასუხა კ-მ, — მართალია, ეს ამბავი
წარსულს ჩაჰბარდა, მაგრამ მაშინ გაცოფებას აღარაფერი მაკ-
ლდა. ახლა კი თქვენი პირით მეუბნებით, გათხოვილი ვარო.

— სიტყვა რომ გაგაწყვეტინებოდა, ამას თქვენთვის არავითა-
რი ზიანი არ მიუყენებია, თქვენზე შემდეგ ბევრი არასახარ-
ბიელო რამ ითქვა.

— შეიძლება, — უპასუხა კ-მ ორჭოფულად, — მაგრამ
თქვენ ეს არ გამართლებთ.

— მე ყველა მამართლებს, ვინც კი მიცნობს, — უპასუხა
ქალმა. — ის კაცი, მაშინ რომ მეხვეოდა, დიდი ხანია დამდეგს,
შეიძლება სხვებისათვის მიმზიდველი არა ვარ, მაგრამ მას ჩემ-
ზე მზე და მთვარე ამოსდის. რას იზამ, ამ ამბავს ჩემი ქმარიც
კი შიგუა. თუ უნდა თანამდებობა შეინარჩუნოს, უნდა მო-
ითმინოს კიდევ, რადგან ის კაცი სტუდენტია და მალე ალბათ
დიდ ძალაუფლებას მოიპოვებს. განუწყვეტლივ კუდში დამ-
დეგს. იგი ახლახან, თქვენს მოსვლამდე წავიდა.

— ეგ კაცი აქაურობისათვის ზედგამოჭრილია, — უთხრა
კ-მ, და ამიტომ ეს ამბავი არც მაკვირვებს.

— ეტყობა, თქვენ აქ რაღაცების გაუმჯობესებას აპი-
რებთ. — უთხრა ქალმა ისე წყნარად და გამომცდელად, თით-
ქოს რაღაც საშიშს ამბობდა როგორც საკუთარი თავისათვის,
ასევე კ-სთვისაც. — ყოველ შემთხვევაში, ასეთი დასკვნა გა-
მოვიტანო თქვენი სიტყვებიდან, რაც პირადად მე ძალიან
მომეწონა. თუმცა, უნდა გითხრათ, რომ თქვენი სიტყვის მხო-
ლოდ ნაწილი მოვისმინე, დასაწყისს გერ მოგოსწარი, ხოლო
დასასრულის დროს სტუდენტთან ერთად ვიწექი იატაკზე,
რომ იცოდეთ, რა გულისამრევია აქაურობა, — უთხრა ქალ-

მა კ-ს მცირე ხნის დუმისის შემდეგ და ხელში სწვდა. — თქვენ გჯერათ, რომ აქ რაიმეს გამოაკეთებთ?

კ-მ გაიღიმა და ქალის ფაფუკ ხელებში მოქცეული ხელი ოღნავ შეათამაშა.

— მართალი რომ ვითხრათ, — უთხრა კ-მ, — ჩემთვის არავის დაუვალვია, როგორც თქვენ ბრძანებთ, აქ რაიმე გამოვაკეთო, და თუ თქვენ ამას, მაგალითად, გამოძიებელს ეტყვი, ან დაგცინებენ ან დაგსჯიან. გარდა ამისა, ნებაყოფლობით არასოდეს ჩავერეოდი ამ საქმეში. არც იმის სურვილი მაქვს, რამე მოვიგონო ამნაირი სასამართლოს ვასაუბრობესებლად და ამისათვის ღამეები თეთრად ვათიო. მაგრამ იმის გამო, რომ ვითომც დაშაპტიმრეს, — მე ხომ დაპატიმრებული ვარ, — იძულებული გავხდი რაიმე შელონა საკუთარი თავის დასაცავად. თუ რამეში თქვენც გამოგადგებით, დიდი სიამოვნებით დაგეხმარებით და ამას მხოლოდ კაცთმოყვარეობა კი არ მკარნახობს, არამედ იმის იმედიც, რომ თქვენც დამეხმარებით.

— კი მაგრამ, რით შემოძლია დაგეხმაროთ? — ჰკითხა ქალმა.

— რით და, თუნდაც აი, ის წიგნები მაჩვენეთ, მაგიდაზე რომ დევს.

— კი ბატონო, — წამოიძახა ქალმა და სწრაფად გაუძღვა მაგიდისაკენ. წიგნები ძველი და დაფლეთილი აღმოჩნდა, ერთი წიგნის ყდა შუაზე იყო გადატეხილი და ორივე ნახევარი დაფეხვნილი იყო.

— რა ჩაბინძურებულია აქაურობა, — თავი გააქნია კ-მ და სანამ იგი წიგნებს დასწირებოდა, ქალმა წინსაფრის კალთით სწრაფად გადაწმინდა მტკერი, კ-მ ის წიგნი გადაშალა, ზომიდან რომ იღო და უხამსი სურათი დაინახა. დივანზე შიშველი მამაკაცი და ქალი ისხდნენ. მხატვრის უგვანო ჩანათიერი ადვილი ამოსახსნელი იყო, მაგრამ მისი უვიცობა მაინც ისე ცხადად მოკვანდებოდა, რომ სურათზე მამაკაცისა და ქალის სხეულების გარდა არაფერი ჩანდა. ისინი სარგათაყალაბულებით ისხდნენ და მკვდარი პერსპექტივის გამო ოღნავ იყვნენ ერთმანეთისაკენ შებრუნებულნი. კ. მოეშვა ამ წიგნის გადათურცვლას და მეორე წიგნის მხოლოდ თავფურცელი გადაშალა. ის იყო რომანი „რა წამებას ითმენდა გრეთე თავის ქმრის ჰანსისაგან“.

აი, თურმე რა კანონებს სწავლობენ აქ, — თქვა კ-მ, — და ასეთმა ხალხმა მე უნდა გამასამართლოს!

— თანახმა თუ იქნებით, მე დაგეხმარებით, — უთხრა ქალმა.

— ნუთუ მართლა შეგიძლიათ დამეხმაროთ ისე, რომ თავი

საფრთხეში არ ჩაივლოთ? აკი წელან მითხარით, ჩემი ქმრის ბედი დიდადა დამოკიდებული უფროსებზეო.

— მიუხედავად ამისა, მაინც დაგეხმარებით, — უთხრა ქალმა. — მოდით აქ, ყველაფერზე უნდა მოვილოპარაკოთ. მე-ლის თუ არა საფრთხე, ეს საოპარაკო არაა. მე მხოლოდ მაშინ შეშინია საფრთხისა, როცა მინდა, რომ შეშინოდეს. მობრძანდით. — ქალმა კ-ს ფიცარნაგზე მიუთითა და სთხოვა, მასთან ერთად ჩამომჯდარიყო საფეხურზე — მშვენიერი შავი თვალები გაქვთ. — უთხრა ქალმა, როცა საფეხურზე ჩამოსხდნენ და კ-ს შეაჩერდა სახეში, მეც მიუბნებთან. ღამაში თვალები გაქვსო, მაგრამ თქვენ ბევრად უფრო ღამაში გაქვთ. მაშინვე მომიწონეთ, როგორც კი პირველად შემოდგით ფეხი. მე სწორედ თქვენი გულისათვის შემოვიპარე იმ დღეს მოგვიანებით სხდომათა დარბაზში. სხვა დროს მე ამგვარი რამ არასოდეს არ გამოიკეთებია, მით უმეტეს, რომ აქ შემოსვლა აკრძალული მაქვს.

„აი, თურმე რა ყოფილა, — გაიფიქრა კ-მ, — თავის თავს მთავაზობს: აქაურებივით ესეც გარყვნილი ყოფილა. ეტყობა, მობეზრდა სასამართლოს მოხელეები, რაც გასაგებია, და აქ შემოსულ უცხო მამაკაცებს თვალებს უჭებს“. კ. ისე უხმოდ წამოდგა, თითქოს ეს აზრები ხმამაღლა გამოეთქვა და ქალს თავისი საქციელი აუხსნა.

— არა მგონია რითიმე დამეხმაროთ, — თქვა კ-მ, — ნამდვილად რომ დამეხმაროთ, მაღალი თანამდებობის პირებთან უნდა გქონდით საქმე. თქვენ კი, ალბათ, იცნობთ მხოლოდ თბალი რანგის მოხელეებს, რომლებიც აქ ბლომად ირიიან. აი, მათ კი, ცხადია, კარგად იცნობთ და რაოც-რაღაცებს გააკითხებინებთ კიდევ, მაგრამ თქვენთვის ნემსის ყუნწშიც რომ გაძვრნენ, ჩემი პროცესის დამთავრებაზე ვერავითარ გავლენას ვერ მოახდენენ. თქვენ კი შიძლია ამის გამო ზოგიერთი მიგობარი დაკარგოთ. მე არ მინდა ამგვარი რამ მოხდეს, ასე რომ, ნუ გაითუჰბობ ურთიერთობას ძველ ნაცნობებთან, ჩემის აზრით. ისინი თქვენთვის საჭირონი არიან. განა არ გნანობ, რომ ამის თქმა მიხილება, მით უმეტეს, რომ თქვენი ქათინაურის საპასუხოდ მინდა ვითხრათ, მიც მომწონხართ, განსაკუთრებით ახლა, როცა ასეთი სიდიდის თვალებით მიყურებთ. თომცა ამისათვის არაერთარი მიზეზი არა მაქვთ. თქვენ იმ საზოგადოებას ეყოფებით. რომელსაც მე უნდა შეიბრძოლოთ ამავე ორთხ მათ გიორით თავს კარგად არძნობო. თქვენ ის სტუდენტიც კი გიყვართ, და თუ არ გიყვართ. ქმარი, მაინც ამჯობინებთ. ამაზე თვით თქვენი სიტყვები მიტყველებს ცხადად.

— არა! — იყვირა ქალმა და კ-ს ისე სწვდა ხელში, რომ

ადგილიდან არც წამოდგარა. არც კ-ს უცდია სწრაფად გა-
ენტავისუფლებინა ხელი. — თქვენ უფლება არა გაქვთ ახლა-
ვე გამეცალოთ, უფლება არა გაქვთ ისე წახვიდეთ, ცუდი
წარმოდგენა დაგრიეთ ჩემზე! ნუთუ მართლა შეგიძლიათ ახ-
ლა ადგეთ და წახვიდეთ? ნუთუ მართლა ისეთი არარაობა
ვარ, რომ თავაზიანობის გამოც კი არ ძალგვით მცირე ხანი მა-
ინც დაჰყოთ ჩემს გვერდით.

— თქვენ ვერ ვამიგეთ, — უთხრა კ-მ და ქალის გვერდით
ჩამოჯდა, — თუ თქვენთვის მართლაც რამეს ნიშნავს ჩემი აქ
დარჩენა, სიამოვნებით დაგრიებთ, დრო ბევრი მაქვს, დღეს აქ
იმიტომ მოვიდი, რომ მეგონა, დაკითხვა გაგრიდებოდა. ყვე-
ლაფერი რაც აქამდე გითხარით, მხოლოდ ერთ მიზანს ემსახუ-
რებოდა, მინდოდა მითხოვა, თავს ნუ შეიწუხებთ ჩემი პრო-
ცესისათვის-მეთქი. ეს არ უნდა გეწყინოთ, რადგან, დამიჯე-
რეთ, ჩემთვის სულ ერთია, რით დამთავრდება პროცესი და
თუ რამეს მომისჯიან, მხოლოდ გამეცინება და ესეც იმ შემ-
თხვევაში, თუ პროცესს ბოლომდე მიიყვანენ, რაშიც დიდად
მეპატიება ეჭვი. მე იმასაც კი ვფიქრობ, რომ საქმის წარმოება
მოხელეთა სიზარმაცის, გულმავიწყობის ანდა სიმხდალის გა-
მო უკვე შეწყდა ან უახლოეს მომავალში შეწყდება. შესაძ-
ლოა, დიდი ქრთამის აღების იმედით ამ პროცესის წარმოება
მოსაჩვენებლად განაგრძონ, მაგრამ ახლავი შემძლია ვთქვა,
ტყუილუბრალოდ გაირჩებიან, რადგან ქრთამს არაგის არ
ვამლოვ. რა მინც დიდ სამსახურს გამიწევთ, თუ გამომძიე-
ბელს ან სხვა ვინმეს, ვისაც ეხალისება ყოველგვარი ხმების
გაგრიცელება, აცნობებთ, გირასოდეს, გირავითარი ხრიკებით,
რასაც ეს გაუბატონები ალბათ ხშირად მიმართავენ, ვერ დამ-
ცინცლავენ ქრთამს. ამის მცირეოდენი იმედიც ნუ ექნებათ და
შეგიძლიათ ის მათ პირდაპირ უთხრათ. თუმცა იქნებ თვითო-
ნაც მიხრიონ უკვე ამას, მაგრამ ასეც რომ არ იყოს, არც ის
მალეღვებს დიდად, ამ წუთშიც რომ გაიგონ ეს ამბავი. ამით
მაგ ვაუბატონებს მხოლოდ შრომას ვუადგილებთ და, ცხადია,
მეც ნაკლები უსიამოვნება შემხვდება, თუმცა მზადა ვარ ყო-
ველგვარი უსიამოვნება ავიტანო, ოღონდ მაგათაც მოხვდეთ
და ეს რომ აღსრულდეს, ამისთვის როგორმე ვიზრუნებ. მარ-
თლა იცნობთ გამომძიებელს?

— რა თქმა უნდა, — უპასუხა ქალმა, — მე სწორედ გამომ-
ძიებელზე ვფიქრობდი. როცა დახმარება შემოგთავაზებთ, ის
თუ დაბალი რანგის მოხელე იყო, ეგ არ ვიცოდი, მაგრამ რად-
გან თქვენ ბრძანეთ, ალბათ მართლაც ასეა. მიუხედავად ამი-
სა. ჩემის აზრით, მოხსენებები, რომელთაც იგი ზეგით აგზავ-
ნის, რაოცა გაგოიენას ახდენენ. იგი კი უამრავ მოხსენებით ბა-
რათს წერს. თქვენ ბრძანეთ, ყველა მოხელე ზარმაციაო, ცხა-

დია, ყველა ასეთი არაა, განსაკუთრებით აქაური გამომძიე-
ბელი. იგი სულ წერს და წერს. მაგალითად, გასულ კვი-
რას სხდომა საღამომდე გაგრძელდა, ყველა წავიდ-წამო-
ვიდა, გამომძიებელი კი დარბაზში დარჩა. ის კი არადა, ლამ-
პაც მივუტანე, მე მხოლოდ პატარა, სამზარეულოს ლამპა
მაქვს, მაგრამ გამომძიებელი ამითაც კმაყოფილი დარჩა. და
მაშინვე შეუდგა წერას. ამასობაში ჩემი ქმარიც დაბრუნდა, იმ
კვირა დღეს იგი თავისუფალი იყო. ჩვენ ავეჯი შემოვიტანეთ
და ოთახი კვლავ მივალაგ-მოვალაგეთ. მალე მეზობლებიც
გვესტუმრნენ, სანთლის შუქზე ვსაუბრობდით. ერთი სიტყვით,
გამომძიებლის არსებობა ყველას დაგვაფიწყდა და დასაძინებ-
ლად დავწვიქით. უეცრად, შუალამე ალბათ გადაცილებული იქ-
ნებოდა, ვიღვიძებ და რას ვხედავ: საწოლის გვერდით გამომ-
ძიებელი დგას და ლამპის შუქს ხელს აფარებს, რათა სინათ-
ლე ჩემს ქმარს არ დასცემოდა. ამგვარი სიფრთხილე ზედმეტი
იყო, ჩემმა ქმარმა ისეთი ძილი იცის, გერავითარი სინათლე
ვერ გააღვიძებს. ისე შემეშინდა, კინაღამ ყვირილი ავტეხე,
მაგრამ გამომძიებელი მეტისმეტად თავაზიანად მომექცა, ჩუ-
მად იყავითო, წამჩურჩულა, აქამდე ვწერდი, ახლა ლამპას
გაბრუნებთ და არასოდეს დამავიწყდება, რა სანახავი იყავით
მძინარეთ. ამით მე მხოლოდ იმის თქმა მინდა, რომ გამომძიე-
ბელი მართლაც ბევრ მოხსენებით ბარათს წერს, განსაკუთ-
რებით თქვენზე, ეტყობა, გასული კვირის სხდომაზე თქვენი
დაკითხვა ერთ-ერთი ძირითადი საკითხი იყო. ვერ დავიჯერებ,
რომ მის გრძელ მოხსენებით ბარათებს არავითარი მნიშვნე-
ლობა არ ექნება. ვარდა ამისა, ეს შემთხვევა ცხადყოფს, რომ
გამომძიებელს მოვწონვარ. მან ეს-ეს არის მომამქცია ყურად-
ღება და ახლა, როგორც ახალ ცოცხს, მართლაც შემძლია
მოვახდინო მასზე დიდი გავლენა. მე რომ გულში ჩავუვარდი,
ამის დასამტკიცებლად სხვა საბუთებიც მომეპოვება. გუშინ
სტუდენტის ხელით, რომელიც მისი თანამშრომელია და დი-
დად ენდობა, საჩუქრად ერთი წყვილი აბრეშუმის წინდა გა-
მომიგზავნა, თითქოსდა იმის სანახაურად, რომ მე სხდომათა
დარბაზს ვალაგებ. მაგრამ ეს მხოლოდ საბაბად გამოიყენა, რად-
გან დარბაზის დალაგება ჩემი მოვალეობაა და ჩემს ქმარს
ამისათვის ხელფასს უხდიან. წინდები კი მშვენიერია, აი, შე-
ხედეთ! — ქალმა ფეხები წინ გაიშვირა, კაბა მუხლებამდე
აიწია და თვითონაც დახედა წინდებს, — მშვენიერი წინდებია,
მაგრამ მეტისმეტად თხელია და მე არ გამომადგება.

უეცრად ქალმა ლამპარაკი შეწყვიტა, კ-ს ხელზე ხელი ისე
დაადო, თითქოს მისი დამშვიდება სურდა და წასჩურჩულა: —
წყნარად, ბერთოლდი თვალს გვაღვენებს.

კ-მ ნელა ასწია თავი. სხდომათა დარბაზის კარებში ტანდა-

ბალი, ფეხებმოღრეცილი ახალგაზრდა კაცი იდგა და მოკლე, თხელ წითურ წვერს წამლაუწუმ იწიწნიდა, ალბათ ეგონა, წვერი კაცურ ღირსებას მმატებსო. კ-მ ცნობისმოყვარეობით შეხედა მოსულს, ეს იყო კ-სთვის უცნობი დარგის, იურიდიულ მეცნიერებას დაწაფებული პირველი სტუდენტი, ვისაც ასე ვთქვათ, ადამიანისათვის საკადრის ვითარებაში შეხვდა, ვინც ალბათ როდისმე დიდ თანამდებობას დაიკავებდა. სტუდენტი კი, პირიქით, თითქოს არავითარ ყურადღებას არ აქცევდა კ-ს, მხოლოდ ერთი წუთით მოეშვა წვერის წიწქნას, ქალი თითოთ მიიხმო და ფანჯარასთან მივიდა. ქალი კ-სკენ დაიხარა და წასჩურჩულა:

— ძალიან გთხოვთ, ნუ გამიწყრებით, ნურც ნურაფერს იფიქრებთ ჩემზე ცუდს, მაგრამ ახლა ამ გულისამრევ კაცთან უნდა მივიდე; შეხედეთ ერთი, რა მოღრეცილი ფეხები აქვს. ახლავე დავბრუნდები და თუ წამიყვანთ, უთუოდ წამოგყვებით, წამიყვანეთ სადაც გნებავთ და შეგიძლიათ ისე მომექცეთ, როგორც მოგესურვებათ. ბედნიერი ქალი ვიქნები, თუ იღონდ აქაურობას გავეცალო რაც შეიძლება დიდი ხნით, უმჯობესი კი იქნება სამუდამოდ.

ქალი კ-ს ხელზე მიეფერა, შემდეგ წამოხტა და ფანჯარისაკენ გაიქცა. კ. უნებლიეთ წაეპოტირა ქალის ხელს, მაგრამ მხოლოდ სიცარიელე შერჩა. ამ ქალს ჰქონდა რაღაც უაღრესად მაცდუნებელი და კ-ს არაფრით არ შეეძლო ამ ცდუნებას გაქცეოდა. ერთი წუთით ასეთმა აზრმაც კი გაუფლავა, იქნებ ეს ქალი სასამართლომ მომიჩინა სათვალავად, მაგრამ ეს აზრი ჰკუთავში არ დაუჯდა. რაში უნდა გამოიჭიროს ამ ქალმა? კ. ხომ ჯერჯერობით სრულიად თავისუფალია და ძალა შესწევს, ერთი ხელის მოსმით გააცამტვეროს მთელი მართლმსაჯულება, ყოველ შემთხვევაში, მის საქმესთან დაკავშირებით მაინც. ნუთუ ოდნავდაც აღარ ენდობა საკუთარ თავს? ქალის ხმა გულწრფელად ჟღერდა, როცა დახმარებას სთავაზობდა და ეგებ მართლაც გამოადგეს. იქნებ გამომძიებელზე და მის დამქაშებზე შურისსაძიებლად არც არსებობს უკეთესი გზა, ვიდრე ამ ქალის წართმევა და დასაკუთრება? ხომ შეიძლებოდა ასეც მომხდარიყო, კ-ზე ცრუ მოხსენებითი ბარათების წერით დაქანცული გამომძიებელი გვიან ღამით ქალის ოთახში შესულიყო და მისი საწოლი ცარიელი დახვედროდა. საწოლი კი იმიტომ დახვედებოდა ცარიელი, რომ ქალი კ-მ დაისაკუთრა, რომ ფანჯარასთან მდგარი ქალის უხეში ქსოვილის კაბაში გახვეული ფაშფაშა, მოქნილი, თბილი სხეული მისი საკუთრება გახდა.

როცა კ-მ თავი დაიშომშინა, ტყუილად შემეპარა ეჭვი ამ ქალშით, ფანჯარასთან გამართული ჩუმი საუბარი მეტისმეტად გაჭიანურებული მოეჩვენა, და ჯერ თითებით დააკაკუნა ფი-

ცარნაზე, შემდეგ კი მუშტი დასცხო. სტუდენტმა კ-ს სხვათა შორის გამოხედა ქალის მხარს ზემოდან, მაგრამ სულაც არ შემცბარა, პირიქით, ქალს ხელი მოხვია და კიდევ უფრო მაგრად მიიკრა მკერდზე. ქალმა თავი ისე დახარა, თითქოს სურდა ყურადღებით მოესმინა მისი სიტყვები. ამ დროს სტუდენტმა ხმამაღლა აკოცა კისერში და ისევ განაგრძო ლაპარაკი. კ. დარწმუნდა, ქალმა ტყუილად როდი შესჩივლა, სტუდენტი ცუდად მეპყრობო. იგი წამოდგა და ოთახში ბოლოთი ცემას მოჰყვა, თანაც ალმაცერად გადახედავდა ხოლმე სტუდენტს და იმაზე ფიქრობდა, როგორ გაებრძანებინა აქედან რაც შეიძლება სწრაფად ეს ვაჟბატონი, ხოლო როცა სტუდენტმა უთხრა: — თუ მოთმინება არ გყოფნით, შეგიძლიათ აქედან მიბრძანდეთო, — გაეხარდა კიდევ.

სტუდენტს, ეტყობა, აწუხებდა კ-ს ფეხის ხმა, მძიმე, მოუთმენელი.

— აქამდეც შეგეძლოთ გასცლოდით აქაურობას და თქვენს აქ ყოფნას ვერაფერს შეამჩნევდა. დიახ, უნდა წასულიყავით სწრაფად, იმ წუთშივე, ჩემი შემოსვლისთანავე, — დასძინა სტუდენტმა.

ამ სიტყვებში რისხვაც იგრძნობოდა და ქედმაღლობაც სასამართლოს მომავალი მოხელისა, რომელიც ათვალისწინებულ ბრალდებულს ელაპარაკებოდა. კ. სტუდენტს მიუახლოვდა და ღიმილით უთხრა:

— დიახ, მართალი ბრძანდებით, მოთმინება არ მყოფნის, მაგრამ ჩემს მოუთმენლობას ყველაზე ადვილად იმით მოვლენა ბოლო, თუ თქვენ აქაურობას გაეცლებით. თუ თქვენ სამეცადინოდ მობრძანდით — მითხრეს, სტუდენტი ყოფილხართ, — მაშინ სიამოვნებით დაგიტოვებთ ადგილს და აქედან ამ ქალთან ერთად წავალ. სხვათა შორის, მოსამართლე რომ გახდეთ, ჯერ კიდევ ბევრი რამ უნდა ისწავლოთ. მართალია, თქვენს მართლმსაჯულებას ჯერჯერობით კარგად არ ვიცობ, მაგრამ, ჩემის აზრით, მხოლოდ უხეში და უტიფარი ლაპარაკით, ასე კარგად რომ გემარჯვებათ, ფონს ვერ გახვალთ.

— ამ ვაჟბატონისთვის არ უნდა მიეცათ ასე თავისუფლად წაწაღის უფლება, — უთხრა სტუდენტმა ქალს ისე, თითქოს ამით უნდოდა აეხსნა კ-ს შეურაცხმყოფელი სიტყვების მიზეზი. — შეცდომა დაუშვეს, ასეც მოვახსენე გამომძიებელს. იგი შინაურ პატიმრობაში უნდა აგვეყვანა, თუნდაც დაკითხვიდან დაკითხვამდე, მაგრამ ზოგჯერ გამომძიებელსაც ვერ გააგებინებ ხეირიანად ვერაფერს.

— ტყუილად ირჩებით, — უთხრა კ-მ და ხელი ქალისაკენ გაიწოდა, — წავიდეთ!

— აი, თურმე რა გსურთ, — წამოიძახა სტუდენტმა, — არა,

არა, ამ ქალს ვერ დაისაკუთრებთ.—უეცრად მან ისეთი ღონ გამოავლინა, კაცი რომ ვერ იფიქრებდა, ქალი ცალი ხელით აიტაცა და მხრებში მოხრილი კარისკენ გაიქცა, თან ალერსიანად შესტკეპროდა ქალს. ეტყობა, სტუდენტს მართლაც შეეშინდა კ-სი, მაგრამ თავი მაინც ვერ შეიკავა და მის გასაბრუნებლად თავისუფალი ხელით ქალს მკლავზე ეალერსებოდა. კ. ერთხანს გვერდიგვერდ მისდევდა, მზად იყო დაეჭირა და თუ დასჭირდებოდა, მიეხრჩო კიდევ, მაგრამ ამ დროს ქალმა უთხრა:

— რა გაეწყობა, გამომძიებელმა დაავალა ჩემი მიყვანა. ვერაფრით ვერ წამოგყვებით, ეს პატარა საფრთხობელია, — ქალმა სტუდენტს სახეზე გადაუსვა ხელი, — ეს პატარა საფრთხობელია არ გამომიშვებს.

— თვითონ არ გსურთ გათავისუფლდეთ! — იყვირა კ-სი და მხარზე ხელი დაადო სტუდენტს, რომელიც კინაღამ კბილებით ჩააფრინდა ხელში.

— არა! — წამოიძახა ქალმა და კ-ს ორივე ხელი ჰკრა, — არა, არა, ოღონდ ეს არა, ხომ არ ვაგვიღიოთ, დამლუპავთ, და ანებეთ თავი, გემუდარებით, თავი დაანებეთ, იგი მხოლოდ გამომძიებლის ბრძანებას ასრულებს, მასთან მივყავარ.

— თუ ასეა, სადაც უნდა, იქ წაეთრიოს, აღარც თქვენი და ნახვა მსურს! — მიაძახა სასოწარკვეთილებისაგან გაცოფებულმა კ-ს ქალს და სტუდენტს ისე ჰკრა ხელი ზურგში, რომ მათ ოდნავ წაიფორჩხილა, სტუდენტს გაუხარდა, რომ არ წაიქცა და თავის ტვირთთან და წამსვე კიდევ უფრო მალა ახტა.

კ. ხელი ნაბიჯით გაჰყვა მათ და მიხვდა, ამ აღამიანებში პირველი სერიოზული დამარცხება აგემეს. თუმცა დიდხანს შესამფოთებელი აქაც არაფერი იყო. დამარცხდა მხოლოდ იმიტომ, რომ თვითონ ეძებდა მათთან შეტაკების საბაბს. შინ რომ დარჩენილიყო და ჩვეულებრივი ცხოვრებით ეცხოვრა, ახალხალზე ათასჯერ მალა იდგებოდა და შეეძლო თითოეულ მათგანი პანდურის კვრით ჩამოეცილებინა გზიდან. და მაშინ წარმოიდგინა უჩვეულოდ სასაცილო სცენა, როგორც შეიძლებოდა მომხდარიყო, მაგალითად, იმ შემთხვევაში, თუ ეტყობა უზადარუკი სტუდენტი, ეს გაფხორილი ყმაწვილი, ეს ფეხებზე მოღრეცილი წვეროსანი, ელზას საწოლის წინ დაჩოქილი აღმოჩნდებოდა და გულხელდაკრფილი მისგან შეწყალებდითხოვდა. კ. ისე აღაფრთოვანა წარმოდგენილმა სურათმა, როგორც გადაწყვიტა, სტუდენტი წაეყვანა ელზასთან, როგორც კ-ს ამის მცირედი შესაძლებლობა მაინც მიეცემოდა.

ცნობისმოყვარეობით შეპყრობილი კ. მაინც მიჰყვა მას კარამდე, უნდოდა დაენახა საით წაიყვანდა სტუდენტი ქალს ქუჩაშიც ხომ ასე ხელში ატატებულს არ გაატარებდა. გზა გა

ცილებით უფრო მოკლე აღმოჩნდა, ვიდრე ეგონა. იქვე, ბინის პირდაპირ იწყებოდა ვიწრო ხის კიბე, რომელიც ალბათ სხვენზე აღიოდა, მაგრამ იქვე უხვევდა და მისი ბოლო არ ჩანდა. სტუდენტი სწორედ ამ კიბეს შეუდგა თავის ტვირთთანად. ამჯერად ნელა, ხეწმით მიიწევდა ხევიტ, ეტყობა, წელანდელმა სირბილმა დაღალა. ქალმა კ-ს ხელი დაუქნია და მხრები ისე აიჩეჩა, თითქოს თავს იმართლებდა, საკუთარ გატაცებაში ბრალი არ მიმიძღვისო, მაგრამ მაინცდამაინც დიდი წუხილი არ ეტყობოდა. კ-მ გულგრილად, უცხოსავით შეხედა ქალს. მას არც იმის გამომჟღავნება უნდოდა, რომ სასოწარკვეთილია და არც იმისა, რომ ამ სასოწარკვეთილების დაძლევა იოლად შეეძლო.

სტუდენტი და ქალი გაუჩინარდნენ, კ. კი ისევ კარებში იდგა. იგი იძულებული იყო ელიარებინა, რომ ქალმა არა მარტო იმედი არ გაუმართლა, არამედ მოატყუა კიდევ, როცა უთხრა, გამომძიებელთან მივყავარო. გამომძიებელი მის ლოდინში სხვენზე ხომ არ იჯდებოდა. ხის კიბეს კი რამდენიც არ უნდა უცქირო, მაინც ვერაფერს აგისხნის. უეცრად კ-მ კიბესთან კედელზე გაკრული პატარა ქალაქი შენიშნა, ახლოს მივიდა და გაუვარჯიშებელი ბავშვური ხელით ნაწერი წაიკითხა: „სასამართლოს კანცელარიაში შესასვლელი“. მას ამ მრავალბინიანი სახლის სხვენზე ყოფილა მოთავსებული სასამართლოს კანცელარია? ამგვარი დაწესებულება დიდ პანტივისციემას გერ შთაუწერგავს ადამიანს და ბრალდებულზე ალბათ დამამშვიდებლად მოქმედებს ის გარემოება, რომ ასე მცირე თანხა სასამართლოს განკარგულებაში, რაკი კანცელარია იქ მოაწყვიტეს, სადაც ამ სახლის დატაკი მდგომარეობი თავიანთ ძველმანებს ყრიან, თუმცა არც ის არის გამოირიცხებული, რომ საკმარისი თანხის მფლობელნი არიან, მაგრამ სანამ ამ თანხას სასამართლოს მიზნებისათვის გამოიყენებენ, მოხელები გვარიანად მოითბობენ ხელს. თუ იმის მიხედვით ვიმსჯელებთ, რაც კ-ს აქამდე გადახდა თავს, ასეთი რამ მოსალოდნელიც იყო, და თუმცა სასამართლოს ამგვარი მორალური დამამშვიდებლად მოქმედებს, ვიდრე სასამართლოს სიღარიბე, ახლა კ-სთვის გასაგები იყო ისიც, თუ რატომ შერცხვათ პირველი დაკითხვის ჯაროს სხვენზე გამოცხადებინათ და ამჯობინეს საკუთარ ბინაში დასცხრომოდნენ თავს. რაოდენ უკეთესი იყო კ-ს მოლომარობა მოსამართლის მდგომარეობასთან შედარებით, რომელიც სხვენზე იჯდა, კ-ს კი ბანკში ჰქონდა დიდი თანხის მისაღობით და შეეძლო ფართო ფანჯრებიდან ქალაქის ხალხმრავალი მოიხანო დაიხანა. მართალია, კ-ს არ ჰქონდა არავითარი დამატებითი შემოსავალი, არც მექრთამე იყო, არც

სხვის ფულის მითვისება შეეძლო და ვერც დაბალი რანგის მოხელეს დაავალებდა, ატატებული ქალი შემომიყვანეთო ოთახში, მაგრამ ამ ცხოვრებაში ამგვარ უპირატესობაზე სიამოვნებით იტყოდა უარს.

კ. ჯერ კიდევ კედელზე გაკრული ქალღმრთლის წინ იდგა, როცა კიბეზე ვიღაც კაცი ამოვიდა. ახალმოსულმა ღია კარებიდან საცხოვრებელ ოთახში შეიხედა, საიდანაც სხდომათა დარბაზის დათვალიერებაც შეიძლებოდა, შემდეგ კი კ-ს ჰკითხა, ახლახან აქ ქალი ხომ არ დაგინახავთო.

— თქვენ სასამართლოს შიკრიკი ბრძანდებით, არა? — ჰკითხა კ-მ.

— დიახ, — უპასუხა მამაკაცმა, — თქვენ კი ბრალდებული კ. ხომ? ახლა მეც გიცანით, კეთილი იყოს თქვენი მობრძანება, — და კ-ს, რომელიც ამას სრულიად არ მოელოდა, ხელი გაუწოდა, — მაგრამ დღეს სხდომა რომ არ არის დანიშნული? — დასძინა ბოლოს, რადგან კ. დუმდა.

— ვიცი, — თქვა კ-მ და შიკრიკის სამოქალაქო პიჯაკი შეათვალიერა. მისი სამსახურებრივი მდგომარეობის ერთადერთი ნიშანი იყო რამდენიმე ჩვეულებრივი ღილისაგან განსხვავებული ორი მოთქრული ღილი, რომლებიც, ეტყობა, ოფიცრის ძველ ფარაჯას ააწყვიტეს.

— ეს-ეს არის თქვენს ცოლს ველაპარაკე, მაგრამ აქ აღარ ბრძანდება, სტუდენტმა გამომძიებელთან წაიყვანა.

— აი, ხომ ხედავთ, — თქვა შიკრიკმა, — ყოველთვის მიპყავთ სადღაც. დღეს კვირაა და ვალდებული არა ვარ ვიმუშაო, მაგრამ მხოლოდ იმიტომ, რომ თავიდან მომიშორონ, რაღაც წვრილმანი, უმნიშვნელო დავალების აღსასრულებლად გამგზავნეს. თანაც აქვე, ახლოს და იმედი მქონდა, თუ ვიჩქარებ, დროზე დავბრუნდები-მეთქი უკან. მივრბივარ, მივჭრივარ იმ დაწესებულებისაკენ, სადაც გამგზავნეს, კარის ღრიჭოდან სულმოუთქმელად მივაძახე ყველაფერი, რაც დამაბარეს, ხეირიანად ალბათ ვერც გაიგეს ვერაფერი, გამოვიქეცი უკან, მაგრამ სტუდენტმა მაინც მომასწრო, გზაც უფრო მოკლედ ჰქონდა გასაწვლელი, მხოლოდ კიბე უნდა ჩამოერბინა სხვენიდან. სხვებზე რომ არ ვიყო დამოკიდებული, ამ სტუდენტს დიდი ხანია მივაჭყლეტდი კედელზე, აი აქ, წარწერის გვერდით. ეს არის ჩემი ერთადერთი ოცნება. სწორედ აქ, იატაკს ცოტა ზემოთ ჰკიდია მთლიანად გაჭეპვილი სტუდენტი, ხელები განზე გადაუყრია, თითები გაუფარჩხავს, მოღრეცილი ფეხები უარესად მოუკაკავას. ირგვლივ კი ყველაფერი სისხლითაა მოთხვრილი, მაგრამ ჯერჯერობით ამაზე მხოლოდ ოცნება შეიძლება.

— ნუთუ სხვა გამოსავალი არ არსებობს? — ჰკითხა კ-მ ღიმილით.

— ვერ ვხედავ, — უპასუხა შიკრიკმა. — მდგომარეობა ყოველდღიურად უარესდება, აქამდე მხოლოდ თავის ოთახში მიათრევდა, ახლა კი გამომძიებელთანაც დაათრევს, რასაც მართალი რომ გითხრათ, დიდი ხანია ველოდი.

— განა თქვენი ცოლი თავად სულ არ არის დამნაშავე? — ჰკითხა კ-მ და ისიც ისე ძლიერ შეიპყრო ეჭვიანობამ, თავი ძლივს შეიკავა.

— როგორ არა, — თქვა შიკრიკმა, — ყველაზე მეტად სწორედ იგია დამნაშავე. თვითონ ჩამოეკიდა კისერზე. რაც შეეხება იმ ვაყბატონს, ყველა დედაკაცს დასდევს კულში. ამ სახლში იგი უკვე ხუთი ბინიდან გამოაძევეს. მართალია, მთელ სახლში ჩემი ცოლი ყველაზე ლამაზია, მაგრამ სწორედ მე არა მაქვს თავდაცვის უფლება.

— თუ საქმე მართლაც ასეა, მაშინ, რა თქმა უნდა, საშველი არ ყოფილა, — თქვა კ-მ.

— არსებობს ერთი გამოსავალი, — უთხრა შიკრიკმა, — ეს ლახარი სტუდენტი ისე უნდა დაიყუროს, რომ ჩემი ცოლის ხელის ხლება ვეღარ გახდეს, მაგრამ მე ამის უფლება არა მაქვს, ჩემი ხათრით ამას არავინ გააკეთებს, რადგან მისი ძალაუფლებიდან ეშინიათ. მხოლოდ თქვენსთანა კაცს შეუძლია ხელის გამოღება.

— მე რა შუაში ვარ? — გაუკვირდა კ-ს.

— თქვენ ხომ ბრალდებული ბრძანდებით, — უთხრა შიკრიკმა.

— დიახ, — დაუდასტურა კ-მ, — ამიტომ მე კიდევ უფრო მეტი საფუძველი მაქვს მეშინოდეს მისი, რადგან შეიძლება ამან პროცესის შედეგზე ვერ იქონიოს გავლენა, მაგრამ წინასწარ გამომძიებზე უთუოდ მოახდენს.

— მართალი ბრძანდებით, — უთხრა შიკრიკმა ისე, თითქოს კ-ს აზრი მისას ემთხვეოდა, — მაგრამ ჩვენთან, როგორც წესი, უშედეგო პროცესები არ იმართება.

— მე კი ცოტა სხვაგვარად ვფიქრობ, — თქვა კ-მ, — მაგრამ ეს ხელს არ შემიშლის ერთ მშვენიერ დღეს თქვენს სტუდენტს შავი დღე ვაყარო.

— დიდად მადლობელი ვიქნები, — უთხრა შიკრიკმა ცოტა უფრო ოფიციალურად, რადგან არ სჯეროდა, რომ მისი უდიდესი სურვილი აღსრულდებოდა.

— მაგრამ, — განაგრძო კ-მ, — შეიძლება ამას თქვენი ზოგიერთი მოხელე და იქნებ ყველანიც იმსახურობენ.

— დიახ, დიახ, — უპასუხა შიკრიკმა ისე, თითქოს თავის თავად ცხად ამბებზე ყოფილიყო საუბარი. შემდეგ კ-ს ნდობით აღსავსე მზერა მიაპყრო, რაც მიუხედავად გულითადობი-

სა, აქამდე არ უცდია და დასძინა: — რას იზამ, მეამბოხეებს რა გამოლევს ამქვეყნად.

შიკრიკმა უეცრად შეწყვიტა საუბარი, რადგან, ეტყობა, რალაც არ ესიამოვნა და წამოიძახა:

— ახლა კანცელარიაში უნდა გამოვცხადდე, წამოხვალთ ჩემთან?

— რა საქმე მაქვს კანცელარიაში, — უპასუხა კ-მ.

— შეგიძლიათ კანცელარიები დაათვალიეროთ, ყურადღებას არავინ მოგაქცევთ.

— ღირს კი დათვალიერება? — ჰკითხა კ-მ ყოყმანით, მაგრამ ამავე დროს დიდი სურვილი ჰქონდა თან წაჰყოლოდა.

— როგორც გნებავთ, — უთხრა შიკრიკმა, — ვიფიქრე, იქნებ დაინტერესდეს-მეთქი.

— თანახმა ვარ, მოვდივარ, — თქვა კ-მ ბოლოს და შიკრიკზე უფრო სწრაფად აირბინა კიბე.

კანცელარიების შესასვლელში კ. კინალამ წაიქცა, რადგან კარს მიღმა კიდევ ერთი საფეხური აღმოჩნდა.

— ეტყობა, მომსვლელებს აქ არც ისე დიდ ანგარიშს უწევენ, — თქვა კ-მ.

— საერთოდ აქ არავის არ უწევენ ანგარიშს, — უპასუხა შიკრიკმა. — გადაავლეთ ერთი თვალი ამ მოსაცდელ ოთახს.

ეს იყო გრძელი დერეფანი, სადაც უხეშად გამოჩორკნილი კარები სხვენის სხვადასხვა ოთახში შეგიყვანდათ. სინათლის უშუალო წყარო არსად ჩანდა, მაგრამ იქაურობა ჩაბნელებული მაინც არ იყო, რადგან ზოგიერთ ოთახს დერეფნის მხრიდან ერთიანი ხის კედლის ნაცვლად ჭერამდე აწვდილი ხის გისოსები ჰქონდა დატანებული; იქიდან სუსტი სინათლე შემოდინდა და რალაცის გარჩევა შეიძლებოდა. გისოსებს მიღმა ზოგი მოხელე მაგიდას უჯდა და წერდა, ზოგიც ზედ გისოსს მოსდგომოდა და დერეფანში თავმოყრილ ხალხს აკვირდებოდა. კვირა დღე იყო და ამიტომაც დერეფანში ცოტა ხალხს მოეყარა თავი. გარეგნულად მეტისმეტად უბადრუკი ჩანდნენ. დერეფნის ორივე კედელთან გრძელი მერხები იდგა და ამ მერხებზე აღამიანები ჩამომსხდარიყვნენ ერთმანეთისაგან თითქმის თანაბრად დაშორებულ მანძილზე. ყველას ცუდად ეცვა, მაგრამ ბევრი მათგანი, თუ სახის გამომეტყველების, თავდაჭერის, მოვლილი წვერისა და მრავალი სხვა ძნელად შესამჩნევი წვრილმანის მიხედვით ვიმსჯელებთ, მაღალი საზოგადოების წარმომადგენელი იყო, არსად არ ჩანდა ტანსაცმლის ჩამოსაკიდებელი, ქუდები ყველას მერხის ქვეშ დაეწყო. ეტყობა, ერთმა დადო იატაკზე ქუდი და მერე სხვებმაც მიჰბადეს. კართან ახლოს მსხდომნი კ-ს და შიკრიკის დანახვაზე ფეხზე წამოდგნენ და მიესალმნენ, ამის დანახვაზე სხვებმაც იფიქრეს,

ჩვენც უნდა მივესალმოთო და მოსულთა მიახლოებისას სათითაოდ ფეხზე დგებოდნენ. წელში თითქმის არავინ იმართებოდა, იდგნენ მხრებში მოხრილნი, მუხლები უკანკალებდათ და მათხოვრებს ჰგავდნენ. კ-მ მოშორებით მომავალ შიკრიკს დაუცადა და უთხრა:

— რა დაბეჩავებულნი არიან.

— დიახ, — უპასუხა შიკრიკმა, — ესენი ბრალდებულები არიან. ყველა, ვისაც აქ ხედავთ, ბრალდებულია.

— ნუთუ? — იკითხა კ-მ, — მაშასადამე, ჩემი კოლეგები ყოფილან. — ამის შემდეგ კ-მ თავაზიანად მიმართა ყველაზე ახლო მდგომ, მაღალ ტანწყობილ, თითქმის ჭაღარა მამაკაცს: — რას ელოდებით აქ?

მაგრამ მოულოდნელმა გამოლაპარაკებამ მამაკაცი შეაქრთო და ეს მით უფრო სავალალო იყო, რომ ცხოვრებისეული გამოცდილება აშკარად არ აკლდა და სხვაგან ალბათ თავის დაჭერაც იცოდა და ტოლსაც არ დაუდებდა ვინმეს, მაგრამ აქ კი უბრალო კითხვაზეც ვერ მოეხერხებინა პასუხის გაცემა და მეზობლებს ისე შესცქეროდა, თითქოს ავალდებულებდა, დამეხმარეთ, თორემ უთქვენოდ ვერაფერს გავხდებო. ამ დროს მათ შიკრიკი მიუახლოვდა და მამაკაცს დასამშვიდებლად და გასამხნეველად უთხრა:

— ეს ბატონი მხოლოდ იმას გეკითხებათ, რას ელოდებითო აქ, უპასუხეთ!

ეტყობა, შიკრიკის ნაცნობმა ხმამ მამაკაცზე უკეთ იმოქმედა:

— ველოდები, — დაიწყო მან და მაშინვე დაება ენა. ამ სიტყვით იმიტომ დაიწყო, რომ სურდა ზუსტად ჩამოეყალიბებინა პასუხი, მაგრამ მეტის თქმა ვეღარ მოახერხა. მომლოდინეთაგან ზოგიერთნი გარს შემოეხვივნენ ამ პატარა ჯგუფს. შიკრიკმა მაშინვე ბრძანა:

— დაიშალეთ, დაიშალეთ, გაანთავისუფლეთ დერეფანი!

მათ ოდნავ დაიხიეს უკან, მაგრამ თავიანთ ადგილებზე არ დასხდნენ. ამასობაში იმან, ვისაც შეეკითხნენ, აზრი მოიკრიბა და ოდნავ შესამჩნევადაც გაიღიმა:

— ამ ერთი თვის წინათ განცხადება შემოვიტანე, ჩემს საქმესთან დაკავშირებით რამდენიმე დამამტკიცებელი საბუთი მიეღოთ და ახლა გადაწყვეტილებას ველოდები.

— როგორც ვხედავ, თავს არ ზოგავთ, — უთხრა კ-მ.

— დიახ, — უპასუხა მამაკაცმა, — ეს ხომ ჩემი საქმეა.

— ყველა თქვენსავით როდი ფიქრობს, — უთხრა კ-მ, — მაგალითად, მეც ბრალდებული ვარ, მაგრამ ღმერთმანი, არც განცხადება შემომიტანია დამამტკიცებელი საბუთების მიღე-

ბის თაობაზე და არც სხვა რამ მსგავსი მომიმოქმედებია. ნუ-
თუ ეს საჭიროდ მივაჩნათ?

— ზუსტად არ ვიცი, — უპასუხა მამაკაცმა ხანგრძლივი
ყოყმანის შემდეგ: მან, ეტყობა, გადაწყვიტა, კ. მასხარად მიგ-
დებსო, ამავე დროს იმისიც ეშინოდა, რაიმე ახალი შეცდომა
არ დავეშვაო და წვლანდელი პასუხის გამეორება ამჯობინა,
მაგრამ კ-ს თვალეში ისეთი მოუთმენლობა ამოიკითხა, რომ
მხოლოდ ესლა თქვა:

— პირადად მე განცხადება შევიტანე, ჩემს საქმესთან და-
კავშირებით რამდენიმე დამატებითი საბუთი მიიღონ.

— თქვენ, რა თქმა უნდა, არ გჯერათ, რომ მეც ბრალდე-
ბული ვარ? — ჰკითხა კ-მ.

— რას ბრძანებთ, როგორ არ მჯერა, — უპასუხა მამაკაცმა
და ოდნავ გვერდზე გადასა, მაგრამ მის პასუხში რწმენა კი
არა, მხოლოდ შიში იგრძნობოდა.

— მაშ არ გჯერათ ჩემი, არა? — ჰკითხა კ-მ და მამაკაცის
ბეჩამა გამომეტყველებამ ქვეცნობიერად აიძულა მკლავში
სწვდომოდა, თითქოს ძალით სურდა დაერწმუნებინა. კ. სატ-
კენად როდი წაებოტინა, მაგრამ მამაკაცმა ისე იყვირა, თით-
ქოს ორი თითით კი არ შეეხნენ მსუბუქად, არამედ გავარჯა-
ბული მარწუხი მოუჭირესო. ამ უაზრო ყვირილმა კ-ს საბო-
ლოდ დააკარგინა მოთმინება: მით უკეთესი, თუ არ უჯე-
რებენ, რომ იგიც ბრალდებულია; იქნებ სულაც მოსამართლე
ვგონივარო, გაიფიქრა მან და გამომშვიდობებისას ისე ძლი-
ერ ჰკრა იმ კაცს ხელი, რომ მერხზე მიაგდო და გზა განაგრ-
ძო.

— ბრალდებულთა უმეტესობა ასეთი მგრძნობიარეა, —
უთხრა კ-ს შიკრიკმა.

მათ ზურგს უკან თითქმის ყველა მომლოდინე ხელნაკრავი
კაცის ირგვლივ შეგაფუფდა. ის ახლა აღარ ყვიროდა, ალბათ
დაწვრილებით ეკითხებოდნენ რა მოხდაო. კ-ს მოპირდაპირე
მხრიდან უახლოვდებოდა მცველი, მისი განმასხვავებელი ნი-
შანი იყო მხოლოდ ხმალი, რომლის ქარქაში, თუ ფერის მიხედ-
ვით ვიმსჯელებთ, ალუმინისა უნდა ყოფილიყო. კ. გააკვირვა ამ
ამბავმა და ქარქაშს ხელიც კი შეავლო. მცველის ყურადღება,
ეტყობა, ყვირილმა მიიქცია, მაშინვე იკითხა, რა მოხდაო. შიკ-
რიკი შეეცადა რამდენიმე სიტყვით დაემშვიდებინა იგი, მაგ-
რამ მცველმა განაცხადა, თავად უნდა შევამოწმო ყველაფე-
რიო, მხედრულად გამოემშვიდობა მათ და ძალიან სწრაფი
მოკლე-მოკლე ნაბიჯებით განაგრძო გზა. ეტყობა, ნიკრისის
ქარები სტანჯავდა.

კ-ს არც მცველისა და არც დერეფანში მსხდომთა დარდი
არ ჰქონდა, ნახევარი დერეფანი რომ გაიარა, დაინახა, კარის

სიოდან მარჯვნივ შეეძლო გაეხვია და შიკრიკს ჰკითხა, სწო-
რად თუ მივდივარო. შიკრიკმა თავი დაუქნია და კ-მ მართ-
ლაც გაუხვია მარჯვნივ. არ სიამოვნებდა, შიკრიკი რომ არ
შორდებოდა და ორიოდ ნაბიჯზე უკან მოსდევდა: შეიძლება
აქ ვინმეს ჰგონებოდა, პატიმარი მოჰყავთო. ამიტომ დროდა-
დრო შიკრიკს უცდიდა, მაგრამ მცირე ხნის შემდეგ შიკრიკი
კვლავ უკან რჩებოდა. ბოლოს კ-მ, რომელსაც სურდა თავიდა-
ელწია ამ უსიამო მდგომარეობისათვის, შიკრიკს უთხრა:

— მე უკვე დავათვალე რე აქაურობა, ახლა კი მირჩევნია
წავიდე.

— არა, ჯერ ყველაფერი არ გინახავთ, — უთხრა შიკრიკმა
ორაზროვნად.

— ყველაფრის ნახვა არც მინდა, — უპასუხა კ-მ, რომე-
ლიც უკვე მართლაც დაიღალა, — მინდა წავიდე აქედან, სა-
და გასასვლელი.

— ნუთუ ასე მალე აგებნათ გზა? — ჰკითხა შიკრიკმა გაკ-
ვირვებით, — აი, იმ კუთხემდე მიხვალთ, შემდეგ მარჯვნივ გაპ-
ყვებით დერეფანს და პირდაპირ კარს მიაღებთ.

— წამომყევით, — უთხრა კ-მ, — გზა მაჩვენეთ, თორემ
იქ იმდენი შესასვლელი და გასასვლელია, დავიბნევი.

— ესაა ერთადერთი გზა, — უპასუხა შიკრიკმა საყვედუ-
რით, — ვერ წამოგყვებით, ჯერ პასუხი უნდა მივიტანო იქ,
სადაც ჯერ არს, ისედაც ბევრი დრო დამაკარგვინეთ.

— წამომყევით! — გაიმეორა კ-მ ისე უკმეხად, თითქოს
შიკრიკი ტყუილში გამოიჭირა.

— ნუ ყვირით, — წასჩურჩულა შიკრიკმა, — აქ ხომ ყველ-
გან კანცელარიებია. მარტოკას თუ არ გინდათ გაბრუნდეთ,
მაშინ ცოტა ხანს კიდევ გამომყევით, ანდა აქ დამიცადეთ, სა-
ნამ საქმეს მოვრჩები.

— არა, არა, დაცდა არ შემიძლია, — უთხრა კ-მ, — ახლავე
უნდა წამომყევით.

კ-ს არც კი მიუთვალ-მოუთვალე რეობა ის ადგილი, სადაც
იდგნენ და მხოლოდ მაშინ მიაბრუნა თავი იქითკენ, როცა
უამრავი ხის კარიდან ერთ-ერთი გაიღო, დერეფანში შემოვი-
და ვიღაც ქალიშვილი, რომლის ყურადღება ალბათ კ-ს ხმა-
მალაღმა ლაპარაკმა მიიპყრო და ჰკითხა:

— რა გნებავთ. ბატონო? — ქალიშვილის ზურგს უკან, მო-
შორებით, ნახევრად ბნელში გამოჩნდა მამაკაცი, რომელიც
მათ უახლოვდებოდა. კ-მ შიკრიკს შეხედა. ავი ამ კაცმა უთხ-
რა, ყურადღებას არავინ მოგაქცევსო, ახლა კი ორნი უახლოვ-
დებოდნენ, კიდევ ცოტაც და სხვა მოხელებიც შეამჩნევდნენ
და მოსთხოვდნენ ახსნა-განმარტებას, აქ რა გინდათო. ერთად-
ერთი გასაგები და ანგარიშგასაწევი ახსნა ის იქნებოდა, თუ

იტყოდა, ბრალდებული ვარ და აქ იმის გასაგებად მოვედი, როდის შედგება შემდეგი დაკითხვაო, მაგრამ სწორედ ასეთი ახსნა-განმარტების მიცემა არ შეეძლო, რადგან სიმართლეს არ შეესაბამებოდა: კ. ხომ აქ ცნობისმოყვარეობამ მოიყვანა, უნდოდა დარწმუნებულიყო, რომ სასამართლოს შინაგანი მხარეც ისევე ამაზრზენი იყო, როგორც გარეგნული, მაგრამ ამის თქმა კიდევ უფრო გაუჭირდებოდა. ყველაფერი, რასაც ფიქრობდა, მართლდებოდა. და აღარ სურდა, უფრო ღრმად ჩასწვდომოდა ამ დაწესებულებას; ისედაც ცუდ გუნებაზე დააყენა ნანახმა და სწორედ ახლა არ ჰქონდა იმის თავი, შეჭფეთებოდა უფრო მაღალი რანგის მოხელე, რომელსაც შეეძლო ყოველი კარიდან გამომძვრალიყო. ერჩია შიკრიკთან ერთად გასცლოდა აქაურობას, ხოლო თუ ეს არ მოხერხდებოდა, მართლ წასულიყო.

მაგრამ მისი ერთ ადგილზე დგომა და დუმილი თავისთავად იქცევდა ყურადღებას და მართლაც შიკრიკმა და ქალიშვილმა ისე შეხედეს, თითქოს მათ წინ მდგომი კაცი სადაცაა უჩვეულოდ გარდაიქმნებოდა და არ უნდოდათ ამგვარი სანახაობა გამოჩინონოდათ. კარებში სწორედ ის კაცი იდგა, კ-მ რომ ადრევე შორიდან შეამჩნია. იგი დაბალი კარის ზედა წითხლს ჩასჭიდებოდა და ფეხის წვერებზე შემდგარი მოუთმენელი მაყურებელივით ოდნავ ირწეოდა. ყველაზე ადრე ქალიშვილი მიხვდა, რომ კ. შეუძლოდ იყო და ამიტომ იქცეოდა ასე უცნაურად. ქალიშვილმა სწრაფად მოუტანა სავარძელი და ჰკითხა:

— ხომ არ დაბრძანდებით?

კ. იმწამსვე დაჯდა და თითქოს საყრდენს ეძებსო, იდაყვები სავარძლის სახელოურებს დააბჯინა.

— ცოტათი თავბრუ გეხვევათ, არა? — ჰკითხა ქალიშვილმა და სახე ძალიან ახლოს მიუტანა; მას ისეთი მკაცრი გამომეტყველება ჰქონდა, ზოგიერთი ქალიშვილისათვის ადრეულ სიყმაწვილეში რომ არის დამახასიათებელი.

— ნუ ღელავთ, — უთხრა ქალიშვილმა, — არაჩვეულებრივი აქ არაფერია, ამგვარი რამ თითქმის ყველას ემართება, ვინც კი პირველად მოხვდება ჩვენთან. თქვენც ხომ პირველად ხართ? დიახ, არაჩვეულებრივი მართლაც არაფერია. მზე საშინლად აცხუნებს ნივინვს, ხოლო გადახურებული ხისგან ჰაერი იხუთება და მძიმდება. ამიტომ, მიუხედავად დიდი უპირატესობისა, ეს შენობა კანცელარიებისათვის მაინც არ ვარგა. ხოლო რაც შეეხება ჰაერს, იმ დღეებში, როცა აქ უამრავი მომჩივანი იყრის თავს, — და ასეა თითქმის ყოველდღე, — სუნთქვა ჭირს. გარდა ამისა, თუ იმასაც გავიხსენებთ, რომ აქ ხშირად ფენენ სარეცხს. — სულ ხომ ვერ ავუკრძალავთ მდგმუ-

რებს სხვენზე სარეცხის გაფენას, — მაშინ აღარ გაგიკვირდებათ, უქეიფოდ რომ შეიქენით. მაგრამ ბოლოს და ბოლოს ასეთ ჰაერსაც მშვენივრად ეჩვევა კაცი. მეორე და მესამე მოსვლაზე სული აღარ შეგეხუთებიათ. ხომ უკეთ გრძნობთ თავს?

კ-ს პასუხი არ გაუცია. მეტისმეტად არ სიამოვნებდა, უცარი სისუსტის გამო ამ ადამიანების ხელში რომ აღმოჩნდა. თანაც როცა გაიგო, რამ გახდა ცუდად, უკეთესად კი არა, ცოტათი უარესადაც კი იგრძნო თავი. ქალიშვილმა ეს მაშინვე შენიშნა და შენობაში რომ სუფთა ჰაერი შემოეშვა, კედლებზე მიყუდებულ ბარჯს ხელი დაავლო და ზუსტად კ-ს თავს ზემოთ საჭაერო სარკმელი გააღო. მაგრამ სარკმლიდან იმდენი ჰვარტლი ჩამოცვივდა, რომ ქალიშვილი იძულებული გახდა მაშინვე დაეხურა და კ-ს ჰვარტლიანი ხელები საკუთარი ცხვირსახოციტ გაუწმინდა, რადგან კ. მეტისმეტად დაღლილი იყო და არაფრის თავი არ ჰქონდა. იგი სიამოვნებით იჯდებოდა ამ სავარძელში, ძალ-ღონეს მოიკრებდა და მერე წავიდოდა, თანაც რაც ნაკლებ ყურადღებას მიაქცევდნენ, მით უფრო სწრაფად მოვიდოდა გონს, მაგრამ სწორედ ამ დროს ქალიშვილმა უთხრა:

— აქ დარჩენა არ შეიძლება, მოძრაობას ვაბრკოლებთ.

კ-მ თვალებით ჰკითხა ქალიშვილს, რომელ მოძრაობას ვაბრკოლებთო.

— თუ გნებავთ, საექიმო პუნქტამდე მიგაცილებთ. თუ შეიძლება, დამეხმარეთ, — უთხრა ქალიშვილმა კარებში გაჩერებულ მამაკაცს, რომელიც მაშინვე მიუახლოვდა მათ. მაგრამ კ-ს არ უნდოდა საექიმო პუნქტში აღმოჩენილიყო, სწორედ იმას ერიდებოდა, კიდევ სადმე წაეყვანათ, რადგან რაც უფრო შორს შეტოპავდა, მით უარესი იქნებოდა მისთვის.

— უკვე შემძლია სიარული, — თქვა მან და თუმცა სავარძელში კარგად გრძნობდა თავს, კანკალით წამოდგა; მაგრამ ფეხზე გაჩერება გაუჭირდა. — არა, არ შემძლია, — თქვა მან, თავი გააქნია, ამოიოხრა და ისევ ჩაეშვა სავარძელში. კ-ს გაახსენდა შიკრიკი, ვისაც მისი აქედან გაყვანა შეეძლო, მაგრამ, ეტყობა, იგი უკვე გამქრალიყო. კ-მ მის წინ მდგომ ქალიშვილსა და მამაკაცს შორის დარჩენილი ადგილიდან გახედა დერეფანს, მაგრამ შიკრიკი ვერსად დალანდა.

— ჩემის აზრით, — თქვა მამაკაცმა, რომელსაც საკმაოდ მოხდენილად ეცვა. განსაკუთრებით კალთებწაწვეტიებული ნაცრისფერი ფილეტი იყო მოსაწონი, — ეს ბატონი აქაურმა ატმოსფერომ გახადა ცუდად და ამიტომ ყველაზე გონივრული და მისთვის სასიამოვნო იქნება, საექიმო პუნქტში წაყვანის ნაცვლად, აქედან გავიყვანოთ.

— მართალს ბრძანებთ, — წამოიძახა უზომოდ გახარე-

ბულმა კ-მ და მამაკაცს ლაშარაკი აღარ აცალა, — ცხადია, მაშინვე უკეთ გავხდები, თუმცა არც ისე დასუსტებული ვარ. საკმარისია ოდნავ მომეხმაროთ, მხრებში ამომიდგეთ, დიდად არ შეგაწუხებთ, არც გზაა გრძელი, მხოლოდ კარამდე მიმიყვანეთ, შემდეგ ცოტა ხანს საფეხურზე ჩამოვჯდები და მაშინვე მოვიტყვამ სულს. საქმე ისაა, რომ ამგვარი შეტევა არასოდეს მქონია, ეს ჩემთვისაც მოულოდნელია. მეც მონეღე გახლავართ და დაწესებულების ჰაერს შეჩვეული, მაგრამ აქ მეტიმეტად მიიმე ჰაერია, ამას ხომ არც თქვენ უარყოფთ. ჰქენით სიკეთე, გამაცილეთ ცოტაზე, თავბრუ მეხვევა და თუ მარტომ გადავდგი ნაბიჯი, ცუდად გავხდები. — ამ უცხო ხალხისთვის მხრებში ამოდგომა რომ გაეადვილებინა, კ-მ ხელები ასწია.

მაგრამ მამაკაცმა მის დაჟინებულ თხოვნას ყური არ ათხოვა, ჯიბეებში ხელებჩაწყობილმა ხმამალა გაიცინა.

— ხედავთ, — უთხრა მან ქალიშვილს, — ხომ სწორად მიგხვდი. ამ ბატონს საერთოდ არაფერი სჭირს, მხოლოდ აქ გრძნობს თავს ცუდად.

ქალიშვილს გაელიმა, მაგრამ თითის წვერები მაინც დაჰკრა მამაკაცს მკლავზე, აქაოდა, მეტისმეტად ხომ არ იგდებთ ამ კაცს სასაცილოდო.

— როგორ გეკადრებათ, — უთხრა მამაკაცმა ქალიშვილს სიცილით, — მე მართლა მინდა ეს ბატონი აქედან გავიყვანოთ.

— კარგს იზამთ, — უთხრა ქალიშვილმა და ერთი წამით ლამაზი თავი დახარა. — ამ სიცილს მაინცდამაინც დიდ მნიშვნელობას ნუ მიანიჭებთ, — მიმართა ქალიშვილმა მკირე ხნის შემდეგ კ-ს, რომელმაც ისევ მოიწყინა, მზერა ერთ წერტილს მიაპყრო და არაერთი ახსნა-განმარტება არ აინტერესებდა, — ეს ბატონი — ხომ შემოძლია თქვენი თავი წარვუდგინო? (მამაკაცმა ხელის მოძრაობით ნება დართო) — ეს ბატონი ცნობათა ბიუროს განაგებს. მომლოდინე ხალხს იგი აძლევს ყოველნაირ საჭირო ცნობას, მაგრამ რადგანაც ხალხი არ იცნობს ჩვენს სასამართლო პროცედურას, მეტისმეტად ბევრი ცნობის გაცემა უხდება. ამ კაცს შეუძლია გიპასუხოთ ყველა კითხვაზე. თუ ოდესმე მოგეხალისებათ, შეგიძლიათ გამოსცადოთ. მაგრამ ეს არ არის მისი ერთადერთი ღირსება. მეორე მისი ღირსება ის არის, რომ მოხდენილად აცვია. ჩვენ, ესე იგი, სასამართლო მოხელეებმა, ერთხელ ვიფიქრეთ და გადავწყვიტეთ, რომ ცნობათა ბიუროს გამგეს დაუსრულებლად და თანაც პირველს უწევს მომჩივან-მოპასუხესთან მოლაპარაკება, და იმთავითვე კარგი შთაბეჭდილება რომ მოახდინოს, მოხდენილად უნდა ეცვას. დანარჩენებს,

როგორც თვითონ შეგიძლიათ განსაჯოთ თუნდაც ჩემს მაგალითზე, სამწუხაროდ, ძალიან ცუდად, ძველმოდურად გვაცვია, თუმცა ტანსაცმელზე ფულის ხარჯვას აზრი არა აქვს, ჩვენ ხომ თითქმის მთელ დროს კანცელარიებში ვატარებთ და ხშირად ღამესაც აქ ვათევთ. მაგრამ, როგორც ვითხარით, ჩვენ საჭიროდ მივიჩნიეთ, რომ ცნობათა ბიუროს გამგეს კარგად ეცვას. ჩვენი უფროსები ამ საკითხის მიმართ ცოტა უცნაურად არიან განწყობილნი და რადგან არაფერი გაიღეს, თანამშრომლებმა შევაგროვეთ ფული, ცოტაოდენი თანხა კლიენტებმაც შემოგვწირეს და მარტო ეს ლამაზი კოსტიუმი კი არა, სხვაც ვუყიდეთ, თითქმის ყველაფერი გავაქეთეთ იმისათვის, რომ ეს კაცი კარგ შთაბეჭდილებას ახდენდეს, მაგრამ თავისი სიცილით ყველაფერს აფუჭებს და ხალხს აფრთხობს.

— მართალია, — თქვა ცნობათა ბიუროს გამგემ, — მაგრამ ერთი რამ არ მესმის, ფროილიან, რატომ უამბობთ ამ ბატონს მთელ ჩვენს შინაურულ ამბებს, ან უკეთ რომ ვთქვათ, თავს ახვევთ იმას, რაც მას სრულიად არ აინტერესებს. ვანა ვერ ხედავთ, რომ ახლა იგი მხოლოდ საკუთარ საქმეებზე ფიქრობს?

კ-ს არავითარი სურვილი არ ჰქონდა შეჰკამათებოდა მათ. ქალიშვილს ალბათ კეთილი სურვილები ამოძრავებდა, სურდა კ-ს ყურადღება სხვა რამეზე გადაეტანა, ხელი შეეწყო გონს მოსულიყო, მაგრამ მიზანს ვერ მიაღწია.

— ხომ უნდა ამეხსნა მისთვის, რატომ იცინოდით, — მიმართა ქალიშვილმა მამაკაცს, — ხომ შეიძლებოდა შეურაცხყოფად მიეღო.

— იგი ალბათ მეტ შეურაცხყოფასაც აიტანს, ოღონდ აქედან გავიყვანო. — უპასუხა მამაკაცმა.

კ-ს არაფერი უთქვამს, თავიც კი არ აუწევია. მოთმინებით იტანდა იმას, რომ ეს ორნი მასზე ისე მსჯელობდნენ, როგორც უსულო ნივთზე და არც აწუხებდა ეს ამბავი. უეცრად ცალ ხელში ცნობათა ბიუროს გამგემ წაავლო ხელი, მეორეში ქალიშვილმა.

— აბა წამოდექით, დასუსტებულს ადამიანს, — უთხრა ცნობათა ბიუროს გამგემ.

— დიდ მადლობას მოგახსენებთ ორივეს, — უთხრა მათ გახარებულმა და გაოცებულმა კ-მ, შემდეგ ნელა წამოიწია და ისე მოიმარჯვა უცხო ხელები, რომ უფრო მოხერხებულად დაყრდნობოდა.

— თქვენ ალბათ ფიქრობთ, — წასჩურჩულა ქალიშვილმა კ-ს, როცა ისინი დერეფანს უახლოვდებოდნენ, — რად დასჭირდა ამ ქალს ცნობათა ბიუროს გამგის ცამდე აყვანაო, მაგ-

რამ დამიჯერეთ, მართალი ვითხარით. იგი ბოროტი გულის
კაცი როდია. სულაც არ ევალება, ავადმყოფი კლიენტები
აქედან გაიყვანოს, მაგრამ, როგორც ხედავთ, ამას მაინც აკე-
თებს. შეიძლება ჩვენ ყველანი არც ისე ბოროტნი ვართ, შე-
იძლება სიამოვნებითაც კი დავეხმარებოდით ყველას, მაგრამ
ჩვენ ხომ სასამართლოს მოხელეები ვართ და ამიტომაც ყვე-
ლას მივანჩევართ გულქვა ადამიანებად, რომელთაც არ სურთ
ვინმეს დახმარების ხელი გაუწოდონ. ამ ამბის გამო მე პირა-
დად ძალზე ვიტანჯები.

— ხომ არ ინებებთ მცირე ხნით ჩამოჯდეთ აქ? — ჰკი-
თხა ცნობათა ბიუროს გამგემ.

ისინი უკვე დერეფანში გასულიყვნენ და სწორედ იმ ბრალ-
დებულის წინ იდგნენ, წელან რომ კ. გამოელაპარაკა. კ-ს ცო-
ტათი შერცხვა მისი; აქ რომ შემოვიდა, თავდაჯერებული გა-
მოეჭიმა, ახლა კი ორი ადამიანი ამოსდგომოდა მხრებში, მის
ქუდს გაფარჩხული თითებით ათამაშებდა ცნობათა ბიუროს
გამგე, თმა ასწეწოდა და ოფლიან შუბლზე ჩამოშლოდა. მაგ-
რამ ბრალდებულმა თითქმის ვერაფერი შენიშნა, მორჩილად
იდგა ცნობათა ბიუროს გამგის წინ, და ცდილობდა აეხსნა
თავისი მოსვლის მიზეზი, მაგრამ გამგე მას თითქოს ვერც ამ-
ჩნევდა.

— ვიცი, — თქვა ბრალდებულმა, — ჩემი განცხადება ჯერ
არ იქნება განხილული, მაგრამ მაინც მოვედი. ვიფიქრე, და-
ვიციდი-მეთქი, დღეს ხომ კვირაა, დრო მაქვს, აქ კი ხელს არა-
ვის ვუშლი.

— ტყუილად იხდით ბოდიშს, — უპასუხა ცნობათა ბიუ-
როს გამგემ. — თქვენი თადარიგიანობა ქების ღირსია. მარ-
თალია, აქ ტყუილად გიჭირავთ ადგილი, მაგრამ სანამ ხელს
არ მიშლით, ამის საწინააღმდეგო არაფერი მაქვს. ჩვენ ისე-
თებიც გვინახავს, უტიფრად რომ უგულვებელყოფენ თავიანთ
მოვალეობას და თქვენისთანა ადამიანებს როგორ არ უნდა
მოეპყრას კაცი მეტი მოთმინებით. დაბრძანდით.

— ხედავთ როგორ ეხერხება კლიენტებთან ლაპარაკი, —
წასჩურჩულა ქალიშვილმა კ-ს.

კ-მაც თავი დაუქნია და როცა ცნობათა ბიუროს გამგემ
კვლავ ჰკითხა, ხომ არ გსურთ ჩამოჯდეთო, შეკრთა.

— არა, — უპასუხა კ-მ. — სულაც არ მჭირდება შესვენება.
მან სცადა ეს სიტყვები მტკიცედ წარმოეთქვა, მაგრამ ჩა-
მოჯდომა უთუოდ დიდ შევებას მოჰგვრიდა. ასე ეგონა, ზღვის
ავადმყოფობის მავნარი რაღაც მჭირსო, თითქოს ძლიერ ღელ-
ვაში გემზე აღმოჩნდა, ტალღები ხის კედლებს ენეთქებოდა,
აქაფებული ღმუხილით მოედინებოდა დერეფნის სიღრმიდან.
იატაკი კედლიდან კედლამდე ქანაობდა, ხოლო ორივე მხარეს

ჩამოქდარი კლიენტები ხან მაღლა აღიოდნენ, ხან დაბლა ეშ-
ვებოდნენ. ამიტომ კიდევ უფრო გაუგებარი იყო მისთვის
თანხლები ქალიშვილისა და მამაკაცის სიმშვიდე. იგი მათ
მიენდო, საკმარისი იყო ხელი გაემავთ და, მოჭრილ ხესავით
დაეცემოდა იატაკზე. ქალიშვილი და მამაკაცი წვრილ, გამ-
ჭრიახ თვალებს აქეთ-იქით აცეცებდნენ. კ. გრძნობდა, რა
მწყობრად მიაბიჯებდნენ ისინი, თვითონ კი ფეხს ვერ უწ-
ყობდა, რადგან ვაჭირვებით მიათრევდნენ. ბოლოს მიხვდა,
რალაცას ეუბნებიან, მაგრამ ვერაფრით ვერ გაიგო, რას. მის
ყურამდე მხოლოდ ხმაური აღწევდა, ყველაფრის დამტევი
ხმაური; და ამ ხმაურს თითქოს აპობდა ერთი გაბმული, მა-
ღალი, უცვლელი ბგერა. გეგონებოდა, სირენა კივისო.

— გამაგონეთ, რას ამბობთ, — ჩაიჩურჩულა მან და თავი
ჩაქინდრა, რცხვენოდა, რომ საკმაოდ ხმაალა ელაპარაკე-
ბოდნენ, მას კი არაფერი ესმოდა. ბოლოს, თითქოს მის წინ
კედელი გაირღვაო, საიდანლაც სუფთა ჰაერი შემოიჭრა და გა-
იგონა, როგორ თქვა მამაკაცმა:

— თითქოს წასვლა უნდოდა, ახლა კი ასჯერ ვუმეორებ,
აქაა გასასვლელი-მეთქი და მაინც არ იძვრის ადგილიდან.
ბოლოს კ-მ დაინახა, რომ გასასვლელი კარის წინ იდგა.
კარი ქალიშვილმა გაუღო. კ-ს ისეთი გრძნობა დაეუფლა,
თითქოს მთელი ძალ-ღონე ერთბაშად დაუბრუნდა და წინას-
წარ რომ დამტკბარიყო თავისუფლებით, მაშინვე კიბის სა-
ფეხურს დაადგა ფეხი და გამცილებლებს, რომლებიც მისკენ
დაიხარნენ, კიბიდან გამოემშვიდობა:

— დიდად გმადლობთ, — იმეორებდა იგი. ორივეს მრავ-
ვალგზის ჩამოართვა ხელი და მხოლოდ მაშინ შეჩერდა, რო-
ცა შეატყო, კანცელარიის ჰაერს მიჩვეული ქალი და კაცი
კიბიდან შემოჭრილი შედარებით სუფთა ჰაერისაგან ლამის
კულად გახდნენ. მათ პასუხის თავი აღარ ჰქონდათ და ქალი-
შვილი ალბათ წაიქცეოდა, კ-ს რომ სწრაფად არ მიეხურა კა-
რი. იგი ერთი წუთით შეჩერდა, ჯიბის სარკეში ჩაიხედა, თმა
დაივარცხნა, კიბეზე დაგდებულ ქუდს დასწვდა, — ეტყობა,
ცნობათა ბიუროს გამგემ დაავდო, — და ისე სწრაფად, ისე-
თი დიდი ნახტომებით დაეშვა კიბეზე, რომ ამ უეცარმა გარ-
დატეხამ თითქოს შიშიც კი მოჰგვარა. ჯანმრთელ, გაკაყებულ
სხეულს ჯერ არასდროს გაუკვირებია კ. ასე. ნუთუ სხეული
აუჯანყდა და ახალი სასიცოცხლო პროცესისათვის ემზადება,
რადგან ძველს გაუჭირვებლად იტანდა, როგორმე ექიმს უნდა
ფეჩვენოო, გაიფიქრა მან და მტკიცედ გადაწყვიტა, ამიერიდან
კვირა დღის პირველი ნახევარი უკეთ გამოეყენებინა, ვიდრე
დღეს — ამას სხვისი რჩევის გარეშეც გაართმევდა თავს.

ფროილან ბიურსტენერის მეგობარი ქალი.

რამდენიმე დღე კ-მ ვერაფრით ვერ მოახერხა, ფროილან ბიურსტენერისათვის ორიოდ სიტყვა ეთქვა, ყოველნაირად ცდილობდა მცირე ხნით მაინც დაემართებინა ქალიშვილი, მაგრამ ფროილან ბიურსტენერი მოხერხებულად არიდებდა თავს. სამსახურის დამთავრების შემდეგ კ. პირდაპირ შინ ბრუნდებოდა, თავის ოთახში ტახტზე ჯდებოდა, სინათლეს არ ანთებდა და სხვა არაფერი საქმე ჰქონდა, წინკარში შემოსულთ თვალყურს ადევნებდა. თუ მოახლე გოგო ჩაივლიდა და კარს მიუხურავდა — გოგოს ალბათ ეგონა, ჩაბნელებულ ოთახში არავინ არისო, — კ. ცოტა ხნის მერე წამოდგებოდა და კარს ისევ ადებდა. დილით ჩვეულებრივზე ერთი საათით ადრე დგებოდა, რათა სამსახურში მიმავალ ფროილან ბიურსტენერს მარტო შეხვედროდა, მაგრამ ყოველი მისი ცდა ამოიყო. ბოლოს წერილი მისწერა სახლშიც და კანტორაშიც, ცდილობდა კიდევ ერთხელ გაემართებინა საკუთარი საქციელი, სთხოვდა, როგორც მოგესურვებოდა, ისე მიმსახურეთო, პირდებოდა, არასოდეს არ გადავალ თქვენ მიერ დადგენილ ზღვარსო, ემუდარებოდა, ერთხელ მაინც მომეცით თქვენთან დალაპარაკების შესაძლებლობა, მით უმეტეს, რომ ფრანკ გრუბახს ვერ დაგველაპარაკები, თუ წინასწარ თქვენ არ გკითხავთ რჩევასო. ბოლოს ატყობინებდა, მომავალ კვირას მთელი დღე ოთახში ვიჯდები და თქვენს ნიშანს დაველოდები, ყოველ შემთხვევაში, ან ჩემს სურვილს დააკმაყოფილებთ და შემხვდებით. ანდა იმას მაინც ამიხსნით, რატომ არ გსურთ ჩემთან შეხვედრა. მე ხომ პირობას გაძლევთ, მთლიანად თქვენს ნებას დავემორჩილო. კ-ს არც თავისი წერილები დაბრუნებია უკან და არც ფროილან ბიურსტენერის პასუხი მიუღია. სამაგიეროდ მომდევნო კვირას რალაც ისეთი ანიშნეს, რაც ეჭვს არ იწვევდა. დილაადრიან კ-მ კარის ჭუჭრუტანიდან დაინახა, შემოსასვლელში დიდი ფუსფუსი იყო ამტყდარი, რისი მიზეზიც მალე გაირკვა. ფრანგული ენის მასწავლებელი — სხვათაშორის ეს სუსტი, ფერმკრთალი, ოდნავ კოჭლი ქალიშვილი გერმანელი იყო, გვარად მონთაგი — აქამდე ცალკე ოთახში ცხოვრობდა, ახლა კი ფროილან ბიურსტენერის ოთახში გადადიოდა. იგი რამდენიმე საათი დაჩანჩალებდა წინკარში, ხან საცვალი ავიწყდებოდა, ხან საბანი, ხან წიგნი, ყოველი ნივთისათვის საგანგებოდ ბრუნდებოდა უკან და ახალ ოთახში გადაჰქონდა.

როდესაც ფრანკ გრუბახმა საუზმე შემოუტანა — მას შემდეგ, რაც კ. გაუბრაზდა, დიასახლისი მოახლის უმნიშვნელო წვრილმანის შესრულებასაც კი არ ანდობდა, — კ-მ ვე-

ლარ მოითმინა და სუთი დღის დუმილის შემდეგ, პირველად გამოელაპარაკა ქალს.

— რატომაა დღეს ასეთი ხმაური წინკარში? — ჰკითხა მან ფრანკ გრუბახს და ყავა დაისხა, — ნუთუ არ შეიძლება ამას ბოლო მოეღოს, ნუთუ მაინცდამაინც კვირა დღესაა აუცილებელი ბერტყვა-დალაგება?

თუმცა კ. ფრანკ გრუბახს არ უყურებდა, მაგრამ მაინც შენიშნა, რომ ქალმა შვებით ამოისუნთქა. ეს მკაცრი შეკითხვები პატიებად თუ არა, პატიებისაკენ გადადგმულ ნაბიჯად მაინც მიიჩნია.

— არავინ არაფერს არ ალაგებს, ბატონო, კ., — უპასუხა ფრანკ გრუბახმა. — მხოლოდ ფროილან მონთაგი გადადის საცხოვრებლად ფროილან ბიურსტენერთან და თავის ბარგი-ბარხანა გადააქვს.

ქალს მეტი არაფერი უთქვამს, ელოდა, როგორ მიიღებდა მის სიტყვებს კ. და მისცემდა თუ არა უფლებას, განაგრძო საუბარი. მაგრამ კ-მ მისი გამოცდა გადაწყვიტა, ერთხანს დაფიქრებული ურევდა კოვზით ყავას და დუმდა, შემდეგ კი თავი ასწია და ჰკითხა:

— აღარ უყურებთ ეჭვის თვალთ ფროილან ბიურსტენერს?

— ო, ბატონო, კ., — წამოიძახა ფრანკ გრუბახმა, რომელიც ამჟამად ელოდა ამ კითხვას და მიტყუებული ხელები კ-სკენ გაიშვირა, — თქვენ ძალიან ახლოს მიიტანეთ გულთან ამასწინანდელი სრულიად შემთხვევითი შენიშვნა. აზრადაც არ მომსგლია მეწყენინებინა თქვენთვის ან სხვა ვინმესთვის. თქვენ ხომ კარგა ხანია მიცნობთ, ბატონო კ., და უნდა დამიჯეროთ. არც კი იცით, როგორ ვიტანჯებოდი მთელი ეს ბოლო დღეები ნუთუ მე მდგმურებს ცილს დავწამებ! ნუთუ თქვენ ეს დაიჯერეთ, ბატონო კ.! თანაც მითხარით, ბინიდან დამითხოვეთ! თქვენ როგორ გაკადრებთ ამას! — უკანასკნელი სიტყვები ცრემლებმა ჩაახშო, ქალმა სახეზე წინსაფარი იიფარა და ხმამალა აქვითინდა.

— ნუ ტირით, ფრანკ გრუბახ, — უთხრა კ-მ და ფანჯარაში გაიხედა. იგი მხოლოდ ფროილან ბიურსტენერზე და იმ ამბავზე ფიქრობდა, ოთახში რომ უცხო ქალი შეისახლა. — ნუ ტირით, — გაიმეორა მან, როცა მოიხედა და დაინახა, ფრანკ გრუბახი კვლავ ტიროდა. — მაშინ არც მე არ გამივლია გულში არაფერი ცუდი, უბრალოდ ერთმანეთს ვერ ვავუგეთ, ასეთი რამ ძველ მეგობრებს შორისაც ხდება.

ფრანკ გრუბახმა თვალეზიდან წინსაფარი მოიშორა, სურდა დარწმუნებულიყო, კ. მართლა შემირიგდა თუ არაო.

— დიახ, დიახ, ეს ასეა, — დასძინა კ-მ. ფრანკ გრუბახის

ქცევამ დაარწმუნა, რომ კაპიტანს ისინი არ გაუცია, ამიტომ გაბედა და უთხრა, — ნუთუ მართლა დაიჯერეთ, რომ ვიღაც უცხოები ქალიშვილის გულსათვის წაგეჩხუბებოდით.

— საქმეც ეს არის, ბატონო კ., — უთხრა ფრაუ გრუბახმა, ამ ქალს ერთი უბედურება სჭირდა, როგორც კი შვებს იგრძნობდა, მაშინვე წამოროშავდა სისულელეს, — წამდა უწუმ ვეკითხებოდი ჩემს თავს, რატომ იცავს ასე თავგამოდებით ბატონი კ. ფროილან ბიურსტენერს, რატომ მეჩხუბებ მის გამო, განა არ იცის, რომ ყოველი მისი მწარე სიტყვა ძილ მიფრთხობს-მეთქი? ფროილან ბიურსტენერზე მე ხომ მხოლოდ ისა ვთქვი, რაც საკუთარი თვალით ვნახე.

კ-მ არაფერი უპასუხა, ქალს კიდევ რომ ეთქვა რამე, ოთახიდან უნდა გაეგდო, ეს კი არ უნდოდა. კ. მდუმარედ სვამდა ყავას, რითაც ფრაუ გრუბახს აგრძნობინა, ზედმეტი ხარო გარედან ისევ მოისმა, როგორ დაფრატუნებდა ფროილან მონთაგი წინკარში.

— გესმით? — ჰკითხა კ-მ და ხელით კარზე ანიშნა.

— დიახ, — უპასუხა ფრაუ გრუბახმა და ამოიოხრა. — მინდოდა მივხმარებოდი, მოახლესაც მივაშველებდი, მაგრამ ჯიუტია. უნდა ყველაფერი თვითონ გადაზიდოს. მაკვირვებს ფროილან ბიურსტენერის საქციელი. მე ისიც კი არ მსია მოვუხებ, ფროილან მონთაგი რომ ჩემი მდგმურია. ფროილან ბიურსტენერს კი თავის ოთახში გადაჰყავს.

— თქვენ ეს არ უნდა გაწუხებდეთ, — უთხრა კ-მ და ფინჯანში ჩარჩენილ შაქარს კოვზი მოუტრია. — განა თქვენთვის ეს საზარალოა?

— არა, — უპასუხა ფრაუ გრუბახმა, — პირიქით, ხელსაც მადლებს. ოთახი მინთავისუფლდება, და იქ ჩემს ძმისწულს, კაპიტანს გადავიყვან. უკვე კარგა ხანია არ მშორდები იმაზე ფიქრი, რომ ჩემი ძმისწული გაწუხებთ, რაკი ეს რამდენიმე დღეა საერთო ოთახში მივუჩინე კუთხე. დიდად მორიდებული არ ბრძანდება.

— ეს რამ გაფიქრებინათ! — უთხრა კ-მ და ფეხზე წამოდგა, — ეს რა სალაპარაკოა, თქვენ, ალბათ, მეტისმეტად მგრძნობიარე გგონივართ, რაკი ფროილან მონთაგის წაღმა უკუღმა ტანტალს — ახლა იგი ისევ უკან ბრუნდება — ვერ ვითმენ.

ფრაუ გრუბახი უმწეოდ შესცქეროდა კ-ს.

— ხომ არ ვუთხრა, ბატონო კ., დანარჩენი ნივთების გადაზიდვა ხვალისათვის გადადეთ-მეთქი? თუ გნებავთ ახლავე ვეტყვი.

— მაინც ხომ უნდა გადასახლდეს ფროილან ბიურსტენერთან, — უპასუხა კ-მ.

— დიახ, — თქვა ფრაუ გრუბახმა, რომელსაც ხეირიანად ვერ გაეგო, რისი თქმა სურდა კ-ს.

— ამიტომ ჯობია თავისი ნივთები დღესვე გადაიტანოს, — უთხრა კ-მ.

ფრაუ გრუბახმა თანხმობის ნიშნად თავი დაუქნია. ქალის სიტყვო უმწეობა, რაც ყველაზე მეტად სიჯიუტეს ჰგავდა, კიდევ უფრო აღიზიანებდა კ-ს. მან დაიწყო ოთახში აქეთ-იქით ათრული კარიდან ფანჯრამდე, რის გამოც ფრაუ გრუბახს არაფრით არ შეეძლო ოთახიდან გასვლა, არადა, ძალიან უნდოდა გასულიყო.

კ. სწორედ იმ დროს მივიდა კართან, როცა დააკაკუნეს ოთახში შემოვიდა მოახლე გოგო და განაცხადა, ფროილან მონთაგს სურს ორიოდ სიტყვა უთხრას ბატონ კ-ს და ამიტომ სთხოვს შევიდეს სასადილო ოთახში, სადაც ელოდებოდა. კ-მ ყურადღებით მოუსმინა მოახლეს, შემდეგ კი მიუბრუნდა შეშინებულ ფრაუ გრუბახს და დამცინავად შეხედა. მისი მზერა იმაზე მეტყველებდა, თითქოს დიდი ხანია წინასწარ იცოდა, რომ ფროილან მონთაგი მის ნახვას მოისურვებდა და ესეც ერთ-ერთი იმ ტანჯვათაგანი იყო, რაც მას ამ კვირა დილას უნდა აეტანა ფრაუ გრუბახის მდგმურებისაგან. მან მოახლე უკანვე გაგზავნა და დაავალა ეთქვა ფროილანისათვის, ახლავე მოვალო, მერე ტანსაცმლის კარადასთან მივიღო პიჯაკის გამოსაცვლელად, ხოლო ფრაუ გრუბახს, რომელიც ჩუმად ბუზღუნებდა, რა აბეზარია ეს ქალიშვილიო, სთხოვა ჭურჭელი საუზმისად გაეტანა ოთახიდან.

— თითქმის არაფრისათვის არ გიხლიათ ხელი, — უთხრა ფრაუ გრუბახმა.

— რაღას უყურებთ, წაიღეთ, — შეუყვირა კ-მ, რომელსაც ისეთი გრძნობა ჰქონდა, თითქოს ფროილან მონთაგს რაღაც მანქანებით ყველაფერში ურევია ხელი და ეს გულს უმღვრევდა.

როცა წინკარი გაიარა, ფროილან ბიურსტენერის ოთახის დაკეტილ კარს შეავლო თვალი, მაგრამ მას ამ ოთახში კი არა, სასადილოში ეპატიებოდნენ, რომლის კარიც ჯიქურად, დაუთაკუნებლად შეაღო.

ეს იყო მეტისმეტად გრძელი, ვიწრო, ცალფანჯრიანი ოთახი, სადაც უადგილობის გამო მხოლოდ ორი კარადა ეტეოდა. კარადები ირიბად დაედგათ კარის მხარეს კუთხეებში, დანარჩენი ფართობი კი ეჭირა გრძელ სასადილო მაგიდას, რომელიც კართან ახლოს იწყებოდა და თითქმის ფანჯარას ებჯინებოდა. ამის გამო ფანჯარასთან მისვლა ჭირდა. მაგიდა უკვე გაეწყობო, თანაც ბივრ სულოზი, რადგან კვირაობით თითქმის ყველა მდგმური ამ ოთახში სადილობდა.

როგორც კი კ. სასადილოში შევიდა, ფროილიან მონთაგი ფანჯარას მოსცილდა და მაგიდის გასწვრივ სტუმრის შესაგებებლად გამოემშურა. ისინი უხმოდ მიესალმნენ ერთმანეთს. შემდეგ ფროილიან მონთაგმა, რომელსაც არაბუნებრივად სწორად ეჭირა თავი, კ-ს უთხრა:

— არ ვიცი, მიცნობთ თუ არა?

კ-მ თვალები მოჭუტა, ქალიშვილს შეხედა და უპასუხა:

— რა თქმა უნდა, გიცნობთ, თქვენ უკვე კარგა ხანია ცხოვრობთ ფრაო გრუბახთან.

— მე მეგონა სრულიად არ გაინტერესებდათ პანსიონის ცხოვრება, — უთხრა ფროილიან მონთაგმა.

— მართალია, — უპასუხა კ-მ.

— ხომ არ დაბრძანდებით? — ჰკითხა ფროილიან მონთაგმა.

ორივემ მდუმარედ გამოსწიეს სავარძლები და მაგიდის ბოლოში ერთმანეთის ჰირისპირ დასხდნენ. მაგრამ ფროილიან მონთაგი იმწამსვე წამოდგა, რადგან ფანჯრის რაფაზე ხელჩანთა დარჩენოდა, მთელი ოთახი ფრატუნით გაიარა, უკან გამობრუნებული ჩანთას ნელა მოაქანავებდა.

— ჩემმა მეგობარმა დამავალა ორიოდ სიტყვა მეტყვა თქვენთვის, თვითონ სურდა მოსვლა, მაგრამ დღეს ცოტა შეუძლოდ გახლავთ. გთხოვთ აბატიოთ და მის მაგივრად მე მოძღვრდებით. თუმცა იმაზე მეტს, რასაც მე გეტყვით, თავადაც ვერ გეტყვობათ. პირიქით, მეტს თქმაც კი შემიძლია, რადგან მასთან შედარებით, მიუკერძოებელი ვარ. ხომ გჯერათ ჩემი? — უთხრა ფროილიან მონთაგმა კ-ს.

— საინტერესოა, რა გაქვთ სათქმელი? — უპასუხა კ-მ, რომელიც დაღალა იმან, რომ ფროილიან მონთაგი თვალს არ ამორებდა მის ტუჩებს და წინასწარ ხვდებოდა, რისი თქმა უნდოდა. — მიუხედავად ჩემი თხოვნისა, ეტყობა, ფროილიან ბიურსთენერს არ სურს პირადად ჩემთან ლაპარაკი.

— დიახ, ასეა, — თქვა ფროილიან მონთაგმა, — უფრო სწორად, ასე არ არის, თქვენ მეტისმეტად მკაცრად ჩამოაყალიბეთ თქვენი აზრი. საერთოდ კი, საუბარზე არც თანხმობას იძლევიან და არც უარს ამბობენ. მაგრამ ხდება ისიც, საუბარს უბრალოდ ზედმეტად თვლიან. აქ სწორედ ამგვარ შემთხვევასთან გვაქვს საქმე. ახლა კი, თქვენი შენიშვნის შემდეგ, შემიძლია გულახდილად მოგახსენოთ, თქვენ ჩემს მეგობარს სთხოვეთ სიტყვიერად ან წერილობით მოგლაპარაკებოდათ; მაგრამ ჩემი ვარაუდით, ჩემმა მეგობარმა იცის, რაზე გასურთ მასთან საუბარი და რაღაც მიზეზების გამო, რაზედაც წარმოდგენა არა მაქვს, დარწმუნებულია, რომ ამგვარი საუბარი არც ერთ მხარეს არ მოუტანს სარგებლობას. თუმცა

მან ეს გუშინ და ისიც გაკვირით მითხრა, ამავე დროს ამის-ნა, რომ ამ საუბარს არც თქვენთვის შეიძლება ჰქონდეს დიდი მნიშვნელობა, რადგან ამგვარი აზრი მხოლოდ შემთხვევის დროს შეიძლება გავიჩნდათ და თუ ახლავე არა, სულ მალე ყოველგვარი ახსნა-განმარტების გარეშე მიხვდებით თქვენი თხოვნის უაზრობას. მე მას ვუთხარი, შეიძლება ყველაფერად სამართლაც ასეა, მაგრამ საკითხის ბოლომდე გასარკვევად საჭიროდ მიმაჩნია ამომწურავი პასუხი გასცე-მეთქი, ამასთანავე შევთავაზე, ამ საქმეს მე მოვავაზრებ-მეთქი. მცირე ყოყმანის შემდეგ ჩემი მეგობარი დამეთანხმა. ვიმედოვნებ, თქვენი გულსტყობის შესაბამისად ვმოქმედებ, რადგან ყოველგვარი გაურკვეველობა სრულიად უმნიშვნელო საქმეშიც კი მეტისმეტად გამაწამებელია და თუ ასე ადვილად შეიძლება მისი აღმოფხვრა, როგორც ამ შემთხვევაში, საქმე გადაუდებლად უნდა გაკეთდეს.

— დიდად გმადლობთ, — უთხრა კ-მ სწრაფად, შემდეგ ნელა წამოდგა, ჯერ ფროილიან მონთაგს შეხედა, მერე მაგიდას, ბოლოს ფანჯარაში გაიხედა — მოპირდაპირე სახლი მზით იყო განათებული — და კარისკენ წავიდა. ფროილიან მონთაგი ისე გაჰყვა უკან, თითქოს ბოლომდე არ ენდობოდა. კართან მისულნი იძულებული გახდნენ უკან დაეხიათ, რადგან ამ დროს კარი გაიღო და ოთახში კაპიტანი ლანცი შემოვიდა. ასე ახლოს კ-მ პირველად დაინახა იგი. კაპიტანი მალა-ლი, რომოც წელს მიტანებული, მზემოკიდებული მამაკაცი იყო და ხორციანი სახე ჰქონდა. სალმის ნიშნად მან ოდნავ დახარა თავი, რაც კ-საც ეხებოდა, შემდეგ ფროილიან მონთაგთან მივიდა და ხელზე მოწიწებით ეამბორა. მეტისმეტად მსუბუქი მიხრა-მოხრა ჰქონდა. კ-სგან განსხვავებით უალრესად თავაზიანად ექცეოდა ქალიშვილს. მაგრამ ფროილიან მონთაგი, იტყობა, მაინც არ იყო გულმოსული კ-ზე და, რომელიც შეამჩნია, ქალიშვილს ისიც კი უნდოდა, კ. კაპიტანისათვის გაეცნო. მაგრამ კ-ს არავის გაცნობა არ სურდა, სულ ერთი, მერც ფროილიან მონთაგს მოექცეოდა თავაზიანად და ვერც კაპიტანს. ოფიცრის ხელზე კოცნამ ქალიშვილი იმ ბანაკში გადასროლა, რომელიც უკიდურეს უწყინარობას და მიუკერძოებლობას ამოფარებული, ცდილობდა კ. ფროილიან ბიურსთენერთან არ მიეშვა. მაგრამ კ-მ მართლაც ეს კი არ დაინახა, მან დაინახა ისიც, რომ ამ საქმისათვის ფროილიან მონთაგმა თუმცა გონივრული, მაგრამ ორღესული ხერხი გამოიყენა. ქალი აზვიადებდა კ-სა და ფროილიან ბიურსთენერს შორის დამყარებულ ურთიერთობას, უპირველეს ყოვლისა, აზვიადებდა იმ მოლაპარაკების მნიშვნელობას, რასაც კ. ითხოვდა და ამავე დროს ცდილობდა საქმე ისე წარმოედ-

გინა, თითქოს თვით კ. აზვიადებდა ყველაფერს. მაგრამ ფროილან მონთაგი ცდებოდა. კ. არაფერს არ აზვიადებდა, მან კარგად იცოდა, ფროილან ბიურსტენერი ერთი საცოდავი მემანქანე იყო და დიდხანს ვერ გაუწევდა წინააღმდეგობას. ამავე დროს, კ-მ განზრახ არ გაამახვილა ყურადღება იმაზე, რაც ფრაუ გრუბახისაგან ფროილან ბიურსტენერზე შეიტყო. ყოველივე ამან ერთბაშად გაიელვა კ-ს გონებაში, როცა ქალიშვილსა და კაპიტანს ოდნავ დაუკრა თავი და ოთახიდან გავიდა. უნდოდა პირდაპირ თავის ოთახში შესულიყო, მაგრამ ამ დროს მის ზურგს უკან ფროილან მონთაგის სიცილი მოესმა და გადაწყვიტა კაპიტანი და ფროილან მონთაგი ძლიერ გაეკვირვებინა. მან ირგვლივ მიმოიხედა, შეამოწმა რომელიმე ოთახიდან ვინმე ხელს ხომ არ შემისვლისო, მაგრამ ირგვლივ სიჩუმე სუფევდა, მხოლოდ სასადილო ოთახიდან ისმოდა საუბარი, სამზარეულოსაკენ მიმავალი დერეფნიდან კი — ფრაუ გრუბახის ხმა. უფრო ხელსაყრელ შემთხვევას ვერც ინატრებდა. იმწამსვე ფროილან ბიურსტენერის კართან გაჩნდა და ნელა დააკაუნა, მაგრამ არავინ გამოეხმაურა. კიდევ ერთხელ დააკაუნა, ხმა ამჯერადაც არ გაუცია არავის. ნუთუ სძინავს, იქნებ მართლაც შეუძლოდა, ან იქნებ განგებ არ ძრავს კრინტს, გულო უგრძნობს, ასე ჩუმად მხოლოდ კ-ს შეუძლია დააკაუნოსო? განგებ მემალეობო, გაიფიქრა კ-მ და უფრო მაგრად დააკაუნა. ბოლოს, როცა დააკაუნებამ არავითარი შედეგი არ გამოიღო, კარი ფრთხილად შეიღო, თუმცა გრძნობდა, უწესოდ და უაზროდ იქცეოდა. ოთახი კარიელი დახვდა, თანაც არაფრით არ ჰგავდა ნაცნობ ოთახს. კიდელთან ერთმანეთის მიყოლებით ორი საწოლი იდგა, კარის მახლობლად დადგმულ სამ სავარძელზე კაბები და საცვლები დაეჩხვავებინათ, კარადა ღია იყო. ფროილან ბიურსტენერი ალბათ მაშინ გავიდა სახლიდან, როცა სასადილო ოთახში ფროილან მონთაგი კ-ს ელაპარაკებოდა. მაგრამ ამ ამბავს კ. დიდად არ შეუწუხებია, არც უფიქრია. ადვილად მოვახერხებ ფროილან ბიურსტენერის ნახვასო. ეს ნაბიჯი მხოლოდ ფროილან მონთაგის ჯიბრზე გადადგა. მაგრამ როცა კარი გამოხურა, მეტისმეტად არ ესიამოვნა, სასადილო ოთახის კართან საუბარში გართული კაპიტანი და ფროილან მონთაგი რომ დაინახა. იქნებ ისინი მაშინაც იქ იდგნენ, როცა კ-მ კარი შეიღო. თუმცა სულ არ ეტყობოდათ, რომ კ-ს უთვალთვალდნენ. ისინი ჩუმად საუბრობდნენ და კ-ს მოძრაობას ისე ადევნებდნენ თვალით, როგორც ჩვეულებრივი საუბრის დროს ხდება ხოლმე, უყურებ კაცს, მაგრამ ვერ ხედავ, და მაინც კ-ს მძიმედ აწვებოდა მათი მზერა. იგი კედელს გაჰყვა და სწრაფად შეძვრა თავის ოთახში.

ერთ-ერთ უახლოეს საღამოს კ. მიჰყვებოდა დერეფანს, რომელიც მის კაბინეტს მთავარი კიბისაგან ჰყოფდა — ამჯერად იგი თითქმის ყველაზე გვიან ბრუნდებოდა შინ, მხოლოდ ორი შიკრიკილა მუშაობდა ექსპედიციაში ნათურის მბუხტავ შუქზე, — და უეცრად კვნესა მოესმა იმ კარს მიღმა, სადაც საკუჭნაო ეგულებოდა, თუმცა პირადად მას არასოდეს შეუხედავს შიგ. გაკვირვებული შეჩერდა და კიდევ ერთხელ მიაკურადა, ხომ არ მომეჩვენაო. ერთხანს კარს უკან სიჩუმე სუფევდა, მაგრამ შემდეგ კვლავ მოესმა კვნესა. კ-ს უნდოდა ერთ-ერთი შიკრიკისათვის დაეძახა, მოწმედ დაესწრო, მაგრამ მერე ისეთმა დაუოკებელმა ცნობისმოყვარეობამ შეიპყრო, რომ იმწამსვე კარს ღონივრად გამოაღო. მისი ვარაუდი გამართლდა, ეს სწორედ საკუჭნაო იყო. ზღურბლს მიღმა დაეჩხვავებინათ ძველი, გამოუსადეგარი ნაბეჭდი პროსპექტები და თიხის ცარიელი სამელნე ბოთლები. საკუჭნაოში სამი კაცი იდგა, ჰერის სიდაბლის გამო წელში მოხრილიყვნენ. სამივეს თაროზე დამაგრებული სანთლის შუქი ეცემოდა.

— რას აკეთებთ აქ? — ჰკითხა მათ აღლეგებისაგან სულ-შეგუბებულმა კ-მ საკმაოდ ხმადაბლა. ერთ-ერთ მამაკაცს, რომელიც ეტყობა, თანამდებობით უფროსი იყო და თავოდანვე იქცევდა ყურადღებას, უცნაური, ღრმად ამოჭრილი და უსახელო მუქი ტყავის ტანსაცმელი ეცვა, მკერდი და მკლავები შიშველი ჰქონდა. უფროსს მისი შეკითხვისთვის ყურადღება არ მიუქცევია. დანარჩენი ორნი კი აყვირდნენ: — ბატონო, გაწეპვლას გვიპირებენ, რადგან გამომძიებელთან გვიჩივლეთ.

კ-მ მხოლოდ ახლა იცნო მცველები ფრანცი და ვილემი, მესამეს კი ხელში წკებლა ეჭირა და ცემას უპირებდა მათ.

— არა, — თქვა კ-მ და მცველებს თვალი გაუსწორა, — მე თქვენთვის არ მიჩივლია, მე მხოლოდ ის მოვყვები, რაც ჩემს ბინაში მოხდა. თუმცა სანიმუშოდ არც თქვენ მოქცეულხართ.

— ბატონო, — თქვა ვილემმა იმ დროს, როცა ფრანცი აშკარად ცდილობდა მის ზურგს უკან მესამეს დამალვოდა, — რომ იცოდეთ, რა ცოტას გვიხდიან, მაშინ უკეთესი აზრი შეგექმნებოდათ ჩვენზე. მე ოჯახი მყავს შესანახი, ფრანცს კი ცოლის შერთვა უნდა, ამიტომ ცდილობ წალღობო ყველას ყველაფერი, რისი წალღობაც კი შეიძლება. მარტო ხელფასით ვერ იცხოვრებ, თუნდაც დღე და ღამე გაასწორო. თქვენს ძვირფას საცვლებზე თვალი დამრჩა. მცველებს, ცხადია, ეკ-

რძალებათ ამგვარად მოიქცნენ, ეს მართლაც საძრახისია, მაგრამ ტრადიციის თანახმად პატიმროს საცვლები მცველების საკუთრებაა. დამიჯერეთ, ეს წესი დიდი ხანია არსებობს და გასაგებია: აბა დაფიქრდით, რაში სჭირდება ამგვარი ნივთები ისედაც გაუბედურებულ პატიმარს? მაგრამ თუ პატიმარი ამას საჯაროდ განაცხადებს, ჩვენ, რა თქმა უნდა, სასჯელი არ აგვცდება.

— რასაც ახლა ამბობთ, ეგ მე არ ვიცოდი, თქვენი დასჯა არ მომითხოვია. ჩემთვის ამას მხოლოდ პრინციპული მნიშვნელობა ჰქონდა.

— ფრანც, — მიმართა ვილემმა მეორე მცველს, — ხომ გითხარი, ეს ბატონი ჩვენს დასჯას არ მოითხოვდა-მეთქი, ახლა ხომ გესმის, არც ყი სცოდნია, ჩვენ რომ უნდა დავსაჯო.

— გულს ნუ აიჩუყებთ ამათი ლაყობით, — უთხრა კ-ს მესამემ, — ორივეს დასჯა სამართლიანია და გარდაუვალიც.

— ყურს ნუ უგდებთ, — უთხრა ვილემმა კ-ს, მაგრამ მაშინვე ჩაიწყვიტა ხმა და ტუჩებთან მიიტანა ხელი, რომელზეც წკებლა მოხვდა. — მხოლოდ იმიტომ გვსჯიან, რომ დავვაბეზღეთ, თორემ, რომ გავგოთ კიდეც, ამგვარი საქციელისათვის თითოც არ დავგვაკარებდნენ. ნუთუ ესაა სამართლიანობა? ჩვენ ორივე, განსაკუთრებით მე, დიდი ხანია ვმსახურობთ და ამ ხნის მანძილზე, როგორც მცველებმა, თავი გამოვიჩინეთ — თუ ამ ამბავს ხელისუფლების თვალსაზრისით შევხედავთ, უნდა აღიაროთ, რომ კარგად ვიცავდით, — იმედი გვქონდა, დავაწინაურებდნენ და მალე ისეთივე გამწკებლავები გავხდებოდით, როგორიც, აი ეს კაცია, რომელსაც ბედმა გაუღიმა და არავის დაუბეზღებია, რადგან ამგვარი დაბეზღება მეტისმეტად იშვიათად ხდება. ახლა კი, ჩემო ბატონო, ყველაფერი დაიღუპა, ჩვენს კარიერას ბოლო მოეღო, ყველაზე შავ სამუშაოს შეგვასრულებინებენ, მცველობა მოგვენატრება, გარდა ამისა, ახლა ამ საზარელი წკებლით აგვიჭრელებენ ზურგს, რა გაუძლებს ამხელა ტკივილს.

— ნუთუ ეს წკებლა ასე მწარეა? — იკითხა კ-მ და ხელით მოსინჯა წკებლა, რომელსაც გამწკებლავი მის ცხვირწინ იქნევდა.

— ჩვენ ხომ მთლიანად უნდა გავიშვლდეთ, — უბასუხა ვილემმა.

— დავიჯერო, — თქვა კ-მ და დაკვირვებით შეათვალიერა გამწკებლავი, რომელიც მეზღვაურისგან იყო გარუჯული და გაველურებული, ჯანმრთელი კაცის სახე ჰქონდა. — ნუთუ არავითარი საშუალება არ არსებობს, ამ ორს გაწკებლა ასცდეს? — ჰკითხა კ-მ გამწკებლავს.

— არა, — უბასუხა გამწკებლავმა და სიცილით გაიქნა-მოიქნია თავი. — გაიხადეთ! — უბრძანა მან მცველებს, ხოლო კ-ს უთხრა: — ამით ყველაფერი კი არ დაეჯერებათ, გაწკებლის შიშით ცოტა ჰკუთა დააკლდათ. მაგალითად, რასაც, აი, ეს — მან ვილემზე მიუთითა, — თავის კარიერაზე მიეთმოეთობდა, პირდაპირ სასაცილოა. შეხედეთ რა მსუქანია. წკებლა მაგის ქონში პირველად ვერც გაატანს, მერე იცი, რატომ დაედო ამდენი ქონი? ჩვეულებად ექცა, ყველა დაპატიმრებულის საუბრე შესანსლოს. შენი საუბრეც ხომ შესანსლა? აკი, ვითხარი, ასეთი ფაშვიანი კაცი გამწკებლავი გამხდარიყოს, ჯერ არასდროს მომხდარა.

— არიან ასეთი გამწკებლავებიც, — თქვა დაბეჯითებით ვილემმა, რომელიც ამ დროს შარვლის ქამარს იხსნიდა.

— არ არიან, — უბასუხა გამწკებლავმა და წკებლა იმნაირად დაჰკრა კისერში, რომ ვილემი შეკრთა, — შენ ჩვენ კი არ უნდა გვისმენდე, ტანსაცმელს უნდა იხდიდე.

— ფულს არ დავიშურებ, თუ ამით განთავისუფლებ, — უთხრა კ-მ გამწკებლავს და საფულე ისე ამოიღო, მისთვის არც შეუხედავს, ასეთ საქმეებს ორივე მხარე თავდახრილი მშვენივრად აკვარახჭინებს.

— არა, არა, შენ ალბათ გინდა მეც დამაბეზლო, — უბასუხა გამწკებლავმა, — ჩემი თავიც გააწკებლინო.

— ნუ სულელობ, — უთხრა კ-მ, — მე რომ მცველების დასჯა მდომოდა, მათ გამოსყიდვას არ შევეცდებოდი, უბრალოდ კარს გავიჯახუნებდი, აღარაფერს დავინახავდი, აღარაფერს მოვისმენდი და შენ წავიდოდი. მაგრამ, როგორც ხედავ, ასე არ ვიქცევი. პირიქით, ამათი განთავისუფლება მე მარტოა მსურს. რომ მცოდნოდა, დასჯიდნენ, მათ სახელებს არას-გზით არ ვახსენებდი. საქმი ისაა, რომ მე მათ სრულიად არ ვთვლი დამნაშავედ, დამნაშავე მთელი ორგანიზაციაა. დამნაშავენი არიან მაღალი რანგის მოხელეები.

— მართალია! — იყვირეს მცველებმა და მათ შიშველ ზურგზე წკებლაც ასისინდა.

— შენ რომ აქ გავლენიან მოსამართლეს წკებლავდე, — განაგრძო კ-მ და გამწკებლავს შემართული წკებლა ძირს დააშვებინა, — მაშინ ხელს კი არ შეგიშლიდი, პირიქით, ფულსაც კი მოგცემდი, რომ ამ სასიკეთო საქმისათვის მეტი ძალა მოგეკრიბა.

— რასაც ამბობ, ჰკუთაში მიჯდება, — უთხრა გამწკებლავმა, — მაგრამ თავს მაინც ვერ მოგასყიდვინებ. მიბრძანეს, გაწკებლავო და გავწკებლავ კიდეც.

მცველი ფრანცი, რომელიც აქამდე თავს იკავებდა იმის იმედით, ეგებ კ-მ გვისნასო, ახლა შარვლის ამარა მივიდა

კართან, დაიჩოქა, კ-ს მკლავზე ჩამოეკიდა და ჩურჩულით უთხრა:

— თუ ორივეს დახსნა არ ძალგდით, იქნებ მარტო ჩემი გამოხსნა მაინც სცადოთ. ვილემი ჩემზე ხნიერია, ჩემთან შედარებით ნაკლებ მგრძნობიარეა და ამავე დროს ორი წლის წინათ ერთხელ უკვე დაისაჯა — მაშინ მსუბუქად გაწყებულეს. მე კი ჯერ პატივყარილი არა ვარ და თუ ასე მოვიქეცი, მხოლოდ იმიტომ, რომ ვილემმა წამაქეზა, მე ხომ კარგსაც და ცუდსაც მისგან ვსწავლობ. ქვემოთ ბანკის წინ ჩემი საბრალო საცოლე მელოდება, ძალიან მრცხვენია. — ფრანცმა კ-ს პიჯაკის კალთით შეიმზრალა ცრემლით ერთიანად დასველებული სახე.

— მეტს ვეღარ დავიცდი, — თქვა გამწყვებლავმა, წკეპლას ორივე ხელი ჩაავლო და ფრანცს გადაუჭირა. ამ დროს ვილემი კუთხეში მიყუთულიყო და ამ ამბავს ისე მალულად უყურებდა, რომ თავის მობრუნებას ვერ ბედავდა.

უეცრად ფრანცმა ისეთი გაბმული და ცივი ყვირილი მოართო, თითქოს ეს ხმა ადამიანს კი არ აღმოხდა, არამედ რომელიღაც მუსიკალურ საკრავს აწვალებნო. ყვირილი მთელ დერეფანს მოედო, მთელ შენობაში ისმოდა.

— ნუ ღრიანებ! — დაუყვირა კ-მ, რომელიც დაძაბული იყურებოდა დერეფნისაკენ, საიდანაც შიკრიკებს უნდა მოერბინათ. ბოლოს თავი ვერ შეიკავა და ფრანცს დაეჯახა, თითქოს მსუბუქად, მაგრამ მაინც ისეთი ძალით, რომ ფრანცი მოცელილივით წაიქცა იატაკზე და დაკრუნჩხული ხელებით რალაცას ეძებდა; მაგრამ დარტყმები მაინც ვერ აიციდინა, წკეპლამ იატაკზეც მონახა და სანამ იგი ტკივილისაგან იკრუნჩხებოდა, წკეპლის წვერი გამოზომილად აღიოდა და ჩადიოდა. მოშორებით უკვე გამოჩნდა ერთი შიკრიკი, მას რამდენიმე ნაბიჯით ჩამორჩებოდა მეორე. კ-მ სწრაფად მიაჯახუნა კარი, ეზოში გამავალ ერთ-ერთ ფანჯარასთან მივიდა და გამოალო. ღრიალი შეწყდა. შიკრიკები რომ ახლოს არ მიეშვა, კ-მ შორიდან გასძახა მათ:

— მე ვარ!

— სადამო მშვიდობისა, ბატონო პროკუროსტო! — გამოსძახეს შიკრიკებმა, — მოხდა რამე?

— არა, არაფერი, — უპასუხა კ-მ. — ძალლი ყეფს ეზოში. — მაგრამ როცა მათ ადგილიდან ფეხი მაინც არ მოიცივალეს, დასძინა: შეგიძლიათ განაგრძოთ მუშაობა!

შიკრიკებთან რომ ლაპარაკი არ გაება, მან თავი ფანჯარაში გაპყო და როცა მცირე ხნის შემდეგ ისევ დერეფნისაკენ შემობრუნდა, ისინი ადგილზე აღარ დახვდნენ. მაგრამ კ. მაინც არ მოსცილდა ფანჯარას, საკუჭნაოში შესვლა ვეღარ გა-

ბედა, აღარც სახლში წასვლა უნდოდა. პატარა ეზო, რომელსაც იგი გადაპყურებდა, ოთხკუთხა იყო. ირგვლივ განლაგებული სამუშაო ოთახების ყველა ფანჯარა ბნელს მოეცვა, მხოლოდ სულ ზემო ფანჯარებში ირეკლებოდა მთვარის შუქი. კ. დაძაბული იყურებოდა ეზოს ბნელი კუთხისაკენ, სადაც არეულად დაეხვავებინათ ხელის საზიდრები. კ-ს სინდისი ქენჯნიდა, მცველები გაწყებლისაგან რომ ვერ იხსნა, თუმცა რამისი ბრალი იყო. ფრანცი რომ არ აყვირებულყო, — გასაგებია, ძალიან ეტკინა, მაგრამ ვადამწყვეტ მომენტში კაცს უნდა შეეძლოს თავის შეკავება — ფრანცი რომ არ აყვირებულყო, მაშინ ალბათ იპოვიდა გამოსავალს და გამწყვებლავს დაიყოლიებდა. თუ ყველა დაბალი რანგის მოხელე არამზადაა, გამონაკლისს რატომ უნდა წარმოადგენდეს გამწყვებლავი, რომელსაც ყველაზე არაადამიანური მოვალეობა აკისრია. კ-ს მხედველობიდან არ გამოჰპარვია, როგორ გაუბრწყინდა თავლები ფულის დანახვასზე. ფრანცს იმიტომ წკეპლავდა ასე თავგამოდებით, რომ უნდოდა კ-სათვის მეტი ფული დაეცინცლა. კ. ფულს არ დაიშურებდა, მცველების დახსნა მართლაც გულით სურდა. რაკი დაიწყო გახრწნილ მართლმსაჯულებასთან ბრძოლა, ამ მხრივაც უნდა გამოეყო ხელი. მაგრამ როგორც კი ფრანცმა ყვირილი მოართო, ყველაფერი ჩაშალა. კ-ს სულაც არ უნდოდა, შიკრიკებს და ღმერთმა იცის კიდევ ვის, მოერბინათ და თავზე წასდგომოდნენ საკუჭნაოში იმ დროს, როცა ამ არამზადებთან მოლაპარაკებას აწარმოებდა. ასეთ თავგანწირვას მას ვერავინ მოსთხოვდა. თავგანწირვა რომ სდომოდა, გაცილებით უფრო მარტივი იქნებოდა, თვითონ გაეხსნა ტანზე და მცველების ნაცვლად საკუთარი ზურგი შეეშვირა გამწყვებლავისათვის. თუმცა გამწყვებლავი ასეთ შენაცვლებას არ მიიღებდა, რადგან ამით ვერაფერს მოიგებდა, თავის მოვალეობას კი დიდად უღალატებდა, უღალატებდა ორმაგად. ჯერ ერთი იმიტომ, რომ სანამ კ-ს წინააღმდეგ სისხლის სამართლის საქმე იყო აღძრული, სასამართლოს ვერც ერთი მოხელე ხელს ვერ ახლებდა, თუმცა არც სხვა ვანკარგულებების არსებობის გამორიცხვა შეიძლებოდა. ერთი სიტყვით კ-ს არაფერი არ შეეძლო ელონა, გარდა კარის გამოჯახუნებისა, თუმცა იგი ვერც ამით იცილებდა თავიდან მოსალოდნელ საფრთხეს. სამუშაო კიდევ ის იყო, რომ მან გასვლისას ფრანცს ხელი ჰკრა, მაგრამ ეს მხოლოდ იმის ბრალი იყო, რომ აღუღდა.

შორიდან შიკრიკების ნაბიჯების ხმა მოესმა. კ-ს არ უნდოდა მათი ყურადღება მიექცია. ამიტომ ფანჯარა დაკეტა და სადარბაზო კიბისაკენ წავიდა. საკუჭნაოს კართან მცირე ხნით შეჩერდა და მიაყურადა. ირგვლივ სრული სიჩუმე იყო გა-

მეფებულო. იმ ვაჟბატონს შეეძლო მცველები ცემით სიკვდილის ჰირას მიეყვანა, ისინი ხომ შთლიანად მის ხელში იყვნენ. კ-მ ხელი კარის სახელურისაკენ წაიღო, მაგრამ მაშინვე გამოსწია. დახმარებით მაინც ველარავის დაეხმარებოდა, ამასობაში კი შიკრიკები წამოეწეოდნენ. სამაგიეროდ მან აღუთქვა საკუთარ თავს, რომ ამ ამბის შესახებ საჯაროდ ილაპარაკებს, ეცდება მიაკვლიოს ნამდვილ დამნაშავეებს, მაღალი რანგის მოხელეებს, რომელთაგან ჯერ ვერავინ ბედავს მასთან პირისპირ შეხვედრას და რამდენადაც ამის ძალ-ღონე შესწევს, საკადრისად დასჯის მათ. როცა კ. ბანკის გარეთა კიბეზე ჩადიოდა, ყურადღებით შეათვალიერა ყველა გამვლელ-გამომვლელი, მაგრამ არსად ჩანდა ქალი-შვილი, ვინმეს ლოდინში რომ ყოფილიყო, ამგვარად ფრანცის სიტყვები, საცოლე მელოდებო, მისატევებელი, მაგრამ მაინც ტყუილი აღმოჩნდა, რომლის მიზანი ის იყო, კიდევ უფრო შეებრალეზინა თავი კ-სთვის.

მცველებზე ფიქრი კ-ს მეორე დღესაც გაჰყვა. მუშაობდა უგულისყუროდ და საქმისათვის რომ თავი გაერთმია, კაბინეტში კიდევ უფრო დიდხანს დარჩა, ვიდრე წინა დღეს. როცა შინ მიმავალმა კვლავ ჩაუარა საკუჭნაოს, კარი ახლაც გააღო. იმან, რაც მოსალოდნელი სიბნელის ნაცვლად დაინახა, სრულიად გააოგნა. საკუჭნაოში ყველაფერი ისევე დახვდა, როგორც გუშინ საღამოს დატოვა. ზღურბლს მიღმა ნაბეჭდი პროსპექტები, მეღნის ბოთლები, წკეპლით შეიარაღებული გამწკვპლავი და სრულიად გაშიშვლებული მცველები დაინახა, თაროზე კი სანთელი ენთო. მცველებმა კვლავ დაიწყეს ჩივილი და ყვირილი: „ბატონო!“ კ-მ მაშინვე მიაჯახუნა კარი და მუშტებიც კი დაუშინა, თითქოს ასე უფრო მაგრად დაიკეტებოდა. ლამის ატირებული კ. მაშინვე გაიქცა შიკრიკებისაკენ, რომლებიც მშვიდად მუშაობდნენ ასლების გასამრავლებელ მანქანებზე და გაკვირვებულბმა მუშაობას თავი მიანებებს:

— ბოლოს და ბოლოს დაალაგეთ საკუჭნაო! — უყვირა კ-მ შიკრიკებს. — ჭუჭყში ვიხრჩობით.

შიკრიკები დაპირდნენ, ხვალვე გავაკეთებთ ამასო. კ-მ თანხმობის ნიშნად თავი დაუქნია, რადგან მეტისმეტად გვიან იყო და როგორც ნავარაუდევია ჰქონდა, ახლა ვერ აიძულებდა მათ, საქმეს შესდგომოდნენ. მცირე ხნით მაინც რომ გაეჩერებინა შიკრიკები, თვალის ასახვევად სკამზე ჩამოჯდა, რამდენიმე დღენს პირი ისე გადაატრიალ-გადმოატრიალა, თითქოს მათ ნამუშევარს ამოწმებდა და როცა დარწმუნდა, შიკრიკები მასთან ერთად დაწესებულებიდან გასვლას ვერ გაბედავდნენ,

დალლილმა და შინაგანად დაცარიელებულმა შინისაკენ გასწია.

თავი მეექვსე

ბიძა ლენა.

ერთხელ ნაშუადღევს საქმეში ჩაფლული კ. წერილებზე მუშაობას ამთავრებდა და ორმა შიკრიკმა საქმიანი ქალაღებში შემოუტანა, რომ უცებ შიკრიკები იდაყვებით მისწი-მოსწია და ოთახში შემოვიდა კ-ს სოფლელი ბიძა, საშუალო შეძლების მემამულე ალბერთი. ბიძის დანახვაზე კ. ამჯერად ნაკლებად შეკრთა, ვიდრე ადრე კრთებოდა ხოლმე მხოლოდ იმის გაფიქრებაზე, რომ ბიძამისი უნდა ჩამოსულიყო. ბიძა რომ უთუოდ ჩამოვიდოდა, კ-მ უკვე ერთი თვის წინ იცოდა. ჯერ კიდევ მაშინ ხედავდა გონების თვალთ, მხრებში ოდნავ მოხრილ ბიძას როგორ უჭირავს მარცხენა ხელში დაქმუჭნული პანამის ქუდი, შორიდან გამოწვდილ მარჯვენას კი სწრაფად, ფუსფუსით მაგიდის ზემოდან უწვდის ჩამოსართმევად და თან რაც გზაზე ხვდება, ყველაფერს აქეთ-იქით ფანტავს. ბიძამისი ყოველთვის ჩქარობდა, რადგან ერთი უცნაური აზრი ჰქონდა აკვიატებული, დედაქალაქში ჩამოსულს, ყველაფერი, რაც განზრახული ჰქონდა, ერთ დღეში უნდა მოეგვარებინა და ამავე დროს, თუკი შემთხვევა მიეცემოდა, არ უნდა დაკლებოდა არცერთ საინტერესო საუბარს, საქმეს და გასართობს. კ. კი, რომელიც დიდად იყო მისგან დავალებული, როგორც მეურვისაგან, ყველაფერში უნდა დახმარებოდა, ხოლო ღამის გასათევად „სოფლის აჩრდილი“ — ასე ეძახდა კ. მას გულში — შინ უნდა წაეყვანა.

მისალმების მერე კ-მ ბიძას სავარძელი შესთავაზა, მაგრამ ბიძამისს დასაკარგი დრო არ ჰქონდა და ამიტომ კ-ს სთხოვა, სალაპარაკო მაქვს შენთან და მინდა მარტო დავრჩეთო.

— ეს აუცილებელია, — დასძინა მან და ძლივს გადაყლაპა ნერწყვი, — ჩემს დასამშვიდებლად ეს აუცილებელია. — კ-მ იმწამსვე გაისტუმრა ოთახიდან შიკრიკები და განკარგულება გასცა, მასთან არავინ შეეშვათ.

— ეს რა გავიგე, იოზეფ? — წამოიძახა. ბიძამისმა, როცა მარტო დარჩნენ. შემდეგ მაგიდაზე დაჯდა და უკეთ რომ მოკალათებულიყო. ქვეშ ქალაღები ისე ამოიღო, ზედაც არ დაუხედავს. კ. დუმდა, იცოდა რა მოხდებოდა შემდეგ და უეცრად, დაძაბული მუშაობისაგან განტვირთული, სასიამოვნოდ მოდუნდა და ფანჯრიდან ქუჩის მოპირდაპირე მხარეს გახედა. იმ ადგილიდან, სადაც კ. იჯდა, სივრცის მხოლოდ პატარა, სამ-

კუთხა მონაკვეთი ჩანდა — მაღაზიის ორ ვიტრინას შორის მოქცეული სახლის ყრუ კედლის ნაწილი.

— როგორ, ფახჯაოაში იყურები? — წამოიძახა ცისკენ ხელებაპყრობილმა ბიძამისმა, — ღვთის გულისათვის, მიპასუხე, იოზეფ, ნუთუ ეს მართალია, განა შეიძლება ეს მართალი იყოს?

— ძვირფასო ბიძაჩემო, — უპასუხა კ-მ, რომელმაც ძლივს დააღწია თავი გაოგნებას, — აბა რა ვიცი, რა გნებავს ჩემგან?

— იოზეფ, — უთხრა ბიძამ ისე, თითქოს აფრთხილებსო, — რამდენადაც ვიცი, შენ ყოველთვის სიმაართლის თქმა გიყვარდა, ნუთუ შენი უკანასკნელი სიტყვებიც ტუდის მათუწყებელია?

— ახლა მივხვდი, რაც გაწუხებს, — უთხრა კ-მ თვინიერად, — შენ ალბათ ჩემი პროცესის ამბავს მოჰკარი ყური.

— დიახ, ასეა, — უპასუხა ბიძამ და დინჯად დაუქინა თავი, — სწორედ რომ შენი პროცესის ამბავს მოგვარი ყური.

— ვინ გაგაგებინა? — ჰკითხა კ-მ.

— ერწამ მომწერა, — უპასუხა ბიძამ, — მართალია, შენ სულ არ ეკარები, მისთვის თავს არ იწუხებ დიდად, მაგრამ მან მაინც ყველაფერი გაიგო, სწორედ დღეს მივიღე მისგან წერილი და, ცხადია, მაშინვე აქეთ გამოვემგზავრე, სხვა მიზეზი არ მქონია, მაგრამ ესეც საკმაოდ მნიშვნელოვანი მიზეზია. შემძილია წაგიკითხო წერილის ის ადგილი, სადაც შენზე მწერს. — ბიძამ ჯიბიდან წერილი ამოიღო. — აქა მაქვს, აი, რას მწერს ერწა: „იოზეფი დიდი ხანია არ მინახავს, გასულ კვირას ბანკში შევიარე, მაგრამ ისე იყო დაკავებული, რომ მასთან არ შემიშვეს. თითქმის ერთი საათი ველოდე, შემდეგ კი შინ წავედი, რადგან მუსიკის გაკვეთილი მქონდა. სიამოვნებით ვისაუბრებდი მასთან, რა ვიცი, იქნებ სხვა დროს მოვახერხო. დღეობაზე დიდი კოლოფით შოკოლადი გამომიგზავნა, აი, რა საყვარელი და ყურადღებიანია იოზეფი. მაშინ დამავიწყდა ეს ამბავი მომეწერა თქვენთვის და მხოლოდ ახლა გამახსენდა, რადგან მეკითხებით, როგორააო. სხვათა შორის უნდა იცოდეთ, რომ შოკოლადი ჩვენს პანსიონში თვალის დახამხამებაში ქრება. ჯერ შეგნებულეც არა გაქვს კარგად, რომ შოკოლადი გაჩუქეს და უკვე გამქრალა. კიდევ ერთი რამ მინდა შეგატყობინოთ იოზეფზე. როგორც ზემოთ გწერთ, ბანკში მასთან არ შემიშვეს, რადგან სწორედ ამ დროს ვილაც ბატონს ესაუბრებოდა. ერთხანს მშვიდად, მოთმინებით ვუცდიდი, შემდეგ კი ერთ შიკრიკს ვკითხე, დიდხანს გაგრძელდება-მეთქი საუბარი? მიპასუხა, შეიძლება დიდხანს გაგრძელდეს, რადგან ალბათ საქმე ეხება იმ პროცესს, ბატონი პროკურისტის წინააღმდეგ რომაა აღძრულიო. ვკითხე, რა პროცესზე ლაპარაკობთ, ხომ არ სცდებ-

ბით-მეთქი? მან კი მიპასუხა, არ ვცდები, მის წინააღმდეგ აღძრულია პროცესი, მძიმე პროცესი და ამ საქმის თაობაზე მეტი არაფერი ვიციო. პირადად იგი თურმე სიამოვნებით დაეხმარებოდა ბატონ პროკურისტს, როგორც კარგ და სამართლიან კაცს, მაგრამ არ იცის, როგორ მოჰკიდოს ამ საქმეს ხელი და იმასლა ხატრობს, ბატონი პროკურისტისთვის იქნებ ვინმე გავლენიანმა პირმა შეიწუხოსო თავი. ალბათ ასეც მოხდება და ყველაფერი კარგად დამთავრდება, მაგრამ ჯერჯერობით, თუ ბატონი პროკურისტის განწყობილების მიხედვით ვიმსჯელებთ, საქმე არც ისე კარგადააო. რა თქმა უნდა, მე არაფრად ჩავაგდე შიკრიკის სიტყვები, შევეცადე კიდევ დამემშვიდებინა ის ბრიყვი, ავუკრძალე ამ ამბავზე სხვებთან ლაპაპი და, საერთოდ, რაც მითხრა, ნალაყბევად მივიჩინე. და მაინც, ძვირფასო მამა, კარგი იქნება, შემდეგ ჩამოსვლაზე თავად რომ გაიგებდე ყველაფერს დაწვრილებით და თუ საჭივად რომ მოითხოვს, უეჭველად ჩარევდე ამ ამბავში შენს გავლენიან ნაცნობებს, ხოლო თუ შენი დახმარება საჭირო არ აღმოჩნდა, და ეს ალბათ ასეც იქნება, მაშინ შენს ქალიშვილს კიდევ ერთი შესაძლებლობა მიეცემა მოგეხეოს, რაც დიდად გაახარებს“.

— რა კარგი გოგოა, — დასძინა ბიძამისმა, როცა ხმამაღლა კითხვა დამთავრა და თვალზე მომდგარი რამდენიმე კურცხალი მოიწმინდა. კ-მ თავი დაუქინა, ბოლო დროს, სხვადასხვა ხელშემშლელი მიზეზის გამო, ერწა სრულიად გადაავიწყდა, მისი დღეობაც კი არ გახსენებია და ქალიშვილმა შოკოლადის ამბავი უეჭველად იმისთვის მოიგონა, ბიძისა და ბიკოლას თვალში როგორმე გაემართლებინა. ერწას საქციელმა ისე აუჩუყა გული, რომ გადაწყვიტა ამიერიდან სისტემატურად გაეგზავნა მისთვის თეატრის ბილეთები. ერწა, რა თქმა უნდა, გაცილებით მეტს იმსახურებდა, მაგრამ ახლა პანსიონში მისვლისა და თვრამეტი წლის გიმნაზიელ გოგონასთან საუბრის თავი არ ჰქონდა.

— ახლა რაღას იტყვი? — ჰკითხა ბიძამ, რომელიც წერილის წაკითხვის შემდეგ აღარც ფუსფუსებდა, აღარც ღელავდა და ეტყობა, ხელმეორედ კითხულობდა წერილს.

— დიახ, ბიძაჩემო, — უთხრა კ-მ. — ყველაფერი მართალია.

— მართალია? — წამოიძახა ბიძამისმა. — როგორ შეიძლება მართალი იყოს ეს, რა პროცესია აღძრული შენს წინააღმდეგ, ნუთუ სისხლის სამართლის?

— დიახ, სისხლის სამართლის პროცესი, — უპასუხა კ-მ.

— და იმ დროს, როცა შენს წინააღმდეგ სისხლის სამართ-

ლის პროცესია აღძრული, შენ აქ მშვიდად ზიხარ? — წამოიძახა ბიძამისმა, რომელიც სულ უფრო და უფრო უწევდა ხმას.

— რაც უფრო მშვიდად ვიქნები, შედეგიც უკეთესი იქნება, — უპასუხა დაღლილმა კ-მ, — ნურაფრისა ნუ გეშინია.

— ამით ვერ დამამშვიდებ! — აყვირდა ბიძამისი. — ძვირფასო იოზეფ, იფიქრე შენს თავზე, შენს ნათესავებზე, ჩვენს შეუბღალავ სახელზე. აქამდე შენით ვამაყობდით და ახლა უფლება არა გაქვს, საქვეყნოდ მოგვჭრა თავი. არა, შენი ამ საქმისადმი დამოკიდებულება, — ბიძამისმა თავი გვერდზე გადახარა და ისე შეხედა, — არ მომწონს. უდანაშაულო ბრალდებული, რომელსაც ჯერ კიდევ შესწევს ძალ-ღონე, ასე არ იქცევა. მითხარი ერთი სწრაფად, როგორია საქმის ვითარება, რით შემოიძლია დაგეხმარო, საქმე, რა თქმა უნდა, ბანკს ეხება?

— არა, — უპასუხა კ-მ და ფეხზე წამოდგა, — მაგრამ შენ მეტისმეტად ხმამაღლა ლაპარაკობ, ბიძაჩემო, შიკრიკი ალბათ კართან დგას და გვისმენს, რაც ძალიან არ მსიამოვნებს, ჯობია გავიდეთ აქედან და გიპასუხებ ყველა შენს კითხვაზე, რამდენადაც ეს შესაძლებელია. მე მშვენივრად მესმის, რომ ოჯახის ინტერესებს ანგარიში უნდა გავუწიო.

— მართალია, — წამოიძახა ბიძამისმა, — უდავოდ მართალია, ოღონდ სწრაფად, იოზეფ, სწრაფად!

— მე მხოლოდ რამდენიმე განკარგულება მაქვს გასაცემი, — უთხრა კ-მ და ტელეფონით გამოიძახა მოადგილე, რომელიც რამდენიმე წამში გამოცხადდა, ბიძამ აღელვებით ანიშნა მოადგილეს, კ-მ გამოგიძახაო, რაც უამისოდაც არ იწვევდა ეჭვს. საწერ მაგიდასთან მდგომი კ. ხმადაბლა უხსნიდა ახალგაზრდა კაცს, რა უნდა გაეკეთებინა დღეს მის აქ არყოფნის დროს და თან სხვადასხვა ქაღალდს უჩვენებდა; მოადგილე ცივად, მაგრამ ყურადღებით უსმენდა. ბიძამისი მთელი ეს ხანი ცმუკავდა. ჯერ თვალებს ქაჩავდა, ტუჩებს იკვნეტდა და თუმცა მათ ყურს არ უგდებდა, ხელის შესაშლელად მართო მისი დანახვაც კი კმაროდა. შემდეგ ოთახში დაიწყო წინ და უკან სიარული, ხან ფანჯარასთან ჩერდებოდა, ხან სურათს მიჩერდებოდა და ამასთანავე დროდადრო რაიმე ამდაგვარს წამოიძახებდა: „მართლა ვერაფერი გამიგია!“ ან „ერთი მითხარი, რა შეიძლება მოჰყვეს ამას!“ ახალგაზრდა კაცს ისე ეჭირა თავი, თითქოს ვერაფერს ამჩნევდა. კ-ს დავალებები მშვიდად, ყურადღებით მოისმინა ბოლომდე, ზოგი რამ ჩაინიშნა კიდევ, შემდეგ კ-სა და ბიძამისს თავი დაუკრა და ოთახიდან გავიდა. კ-ს ბიძა კი ამ დროს მისკენ ზურგშექცეული იდგა, ფანჯარაში იყურებოდა და ხელებგამლილი ფარდებს ჭმუჭნიდა.

კარი დაიხურა თუ არა, კ-ს ბიძამ წამოიძახა:

— როგორც იქნა ეს ტაკიმასხარა გავიდა აქედან, ახლა ჩვენც შეგვიძლია წავიდეთ. ძლივს არ ველირსე!

სამწუხაროდ, კ-მ ვერაფრით ვერ აიძულა ბიძამისი, არაფერი არ ეკითხა პროცესზე, სანამ დერეფანს მიჰყვებოდნენ, სადაც მოხელეები და შიკრიკები იდგნენ და სწორედ ამ დროს დირექტორის მოადგილე მოაბიჯებდა.

— აბა, იოზეფ, — დაიწყო ბიძამისმა და თან ყველას ზერე-ლედ უკრავდა თავს მისალმებაზე, — მითხარი ახლა გულ-ახლილად, რა პროცესზეა ლაპარაკი?

კ-მ ერთი-ორჯერ რაღაც წაიბურტყუნა, ერთხელ გაიცინა კიდევ და მხოლოდ კიბეზე აუხსნა ბიძამისს, სხვების თანდასწრებით გულახდილი საუბარი არ მსურსო.

— მართალია, — დაუდასტურა ბიძამისმა, — ახლა კი მი-ამბე.

— უპირველეს ყოვლისა, — უთხრა კ-მ ბიძას, რომელიც თავდახრილი უსმენდა და ხშირ-ხშირად აბოლებდა სიგარას, — ამ საქმეს ჩვეულებრივი სასამართლო როდი იხილავს.

— ეგ ცუდია, — თქვა ბიძამისმა.

— რატომ? — ჰკითხა კ-მ და ბიძას შეხედა.

— ჩემის აზრით, ეს ცუდია, — გაიმეორა ბიძამ, ისინი ქუჩაში გამავალ სადარბაზო კიბეზე იდგნენ და რადგან მათ შვეიცარი აშკარად უგდებდა ყურს, კ-მ ბიძამისი ძირს ჩაიყვანა და ორივენი აყაყანებულმა ქუჩამ შთანთქა. ბიძამ კ-ს ხელკავი გაუკეთა და უწინდებური დაჟინებით აღარ ეკითხებოდა პროცესის ამბავს, ერთხანს ჩუმადაც კი იარეს.

— კი, მაგრამ, როგორ მოხდა ეს ყოველივე? — ჰკითხა უეცრად ბიძამ და ისე მოულოდნელად შეჩერდა, რომ მათ უკან მომავალმა ხალხმა შიშით უკან დაიხია. — ამგვარი ამბები უეცრად არ ხდება. დიდი ხნის განმავლობაში მზადდება, უთუოდ იქნებოდა რაიმე ნიშანი ამისა, შენ კი არ მომწერე. ხომ იცი, შენთვის თავს არ დავზოგავ, ჯერაც შენს მეურვედ მიმაჩნია თავი და ამით დღემდე ვამაყობ. რა თქმა უნდა, ამჯერადაც დაგეხმარები, მაგრამ ახლა, როცა პროცესს მსვლელობა მიეცა, დახმარება უფრო გამიძნელებდა. ყოველ შემთხვევაში, ამჟამად უძკობესი იქნება, თუ მცირე ხნით შევბუღებ-ბას აიღებ და ჩვენთან ჩამოხვალ, შენ ცოტათი გახდი, ახალა შეგატყვე, სოფელში ძალას მოიკრებ, რაც შენთვის აუცილებელია, ჯერ ხომ ბევრი სიძნელე გაქვს გადასალახავი. გარდა ამისა, თავს აარიდებ სასამართლოს. აქ მათ იძულებს ყოველგვარი საშუალება გააჩნიათ, რასაც, საჭიროების შემთხვევაში შენს წინააღმდეგ ავტომატურად გამოიყენებენ. სოფელში კი ან უწყებათა რწმუნებულებს გამოგზავნიან, ანდა

ეცდებიან წერილებით, ტელეგრაფით ან ტელეფონით მოახდინონ შენზე გავლენა. ამგვარი რამე კი, რა თქმა უნდა, ზემოქმედების ძალას ატუსტებს და თუმცა მთლად თავისუფლად ვერ იგრძნობ თავს, ამოსუნთქვის საშუალება მაინც მოგვცემა.

— განა არ შეუძლიათ, ქალაქიდან გასვლა ამიკრძალონ? — უთხრა კ-მ, რომელიც ბიძის აზრთა დინების გავლენის ქვეშ მოექცა.

— არა მგონია, ასე მოიქცნენ, — უპასუხა ჩაფიქრებულმა ბიძამ, — სადაც არ უნდა წახვიდე, მაინც მათ ხელში იქნები.

— მე კი მეგონა, — უთხრა კ-მ და ბიძამისი რომ არ შეჩერებულყო, მკლავში მოჰკიდა ხელი, — შენ ყოველივე ამას გაცილებით ნაკლებ მნიშვნელობას მიანიჭებდი, ვიდრე მე, მაგრამ ახლა ვხედავ, რა ახლოს მიგაქვს გულთან.

— იოზეფ, — წამოიძახა ბიძამისმა და შეეცადა ხელიდან დასხლტომოდა და შეჩერებულყო, მაგრამ კ-მ ხელი არ გაუშვა, — სულ შეიცვალე, შენ ხომ ყოველთვის საღად აზროვნებდი, ნუთუ სწორედ ახლა გლალატობს ჭკუა, ნუთუ გინდა პროცესი წააგო? გესმის კი რას ნიშნავს ეს? ეს იმას ნიშნავს, რომ უბრალოდ ხაზი გადაგეხვას, გარდა ამისა ჩირქს მოსცხებ მთელ ნათესაობას, ყოველ შემთხვევაში, უკიდურესად დაამცირებ მათ და შენს გამო მიწასთან გაასწორებენ. იოზეფ, გონს მოდი, შენი გულგრილობა ჭკუაზე მშლის. როცა გიყურებ, თითქმის მჯერა ანდაზისა: „თუ კი პროცესში გაგაბეს, საქმეს უთუოდ წააგებ“.

— საყვარელო ბიძავ, — უთხრა კ-მ, — აღელვება ჩემთვისაც უადგილოა და შენთვისაც. აღელვებით პროცესებს არ იგებენ. ცოტა ანგარიში ჩემს პრაქტიკულ გამოცდილებასაც გაუწიე, ისევე როგორც მე ვუწევდი შენსას ადრე, ვუწევ ახლაც და დიდად ვაფასებ მაშინაც კი, როცა ძლიერ მაკვირვებს. შენ ამბობ, ამ პროცესის გამო მთელ ჩვენს ოჯახს ჩაითრევენ გაწამაწიაშიო? მართალი გითხრა, პირადად მე ვერაფრით ვერ ვამიგია, რა შუაშია ჩვენი ოჯახი, თუმცა მოვეშვათ ამას, თუ ასეა, მე სიამოვნებით მივიღებ ყველა შენს რჩევას, მაგრამ სოფელში გახიზვნა, იმ აზრითაც კი, შენ რომ გამოთქვი, საჭიროდ არ მიმაჩნია. ეს იქნებოდა გაქცევა, საკუთარი დანაშაულის აღიარება. გარდა ამისა, თუმცა აქ მეტად მღევიანიან, ჩემს საქმეს მაინც უკეთ მივხვდავ.

— მართალი ხარ, — უთხრა ბიძამ ისეთი კილოთი, თითქოს როგორც იქნა უკეთ გაუგეს ერთმანეთსო, — სოფელში გამგზავრება მხოლოდ იმიტომ შემოგთავაზე, მეგონა, თუ აქ დარჩები, შენი გულგრილობით საქმეს ავნებ და გადავწყვიტე, შენს მაგივრად მე დავტრიალდე, მაგრამ რაკილა თავად გასურს,

ძალ-ღონე არ დაიშურო და შენს საქმეს მიხედო, რა თქმა უნდა, ეს ბევრად უკეთესი იქნება.

— მაშ ამაზე შევეთანხმდით, — უთხრა კ-მ, — ახლა, თუ შეგიძლია მირჩიე, რა ვიღონო უპირველეს ყოვლისა?

— ჯერ უნდა ჩავუფიქრდე ამ საქმეს, — უპასუხა ბიძამ, — თავად განსაჯე, თითქმის ოცი წელია, ფეხმოუცვლელად ვცხოვრობ სოფელში და ცხადია, ასეთ საქმეებს ძველებურად ვეღარ ვართმევ თავს, გარდა ამისა, ნელ-ნელა დავკარგე ნაცნობები, რომლებიც ალბათ უკეთ ერკვევიან ამგვარ საქმეებში. ხომ იცი, სოფელში კაცი ცოტათი გარიყულია, მაგრამ თვითონ ამას მხოლოდ ისეთ ვითარებაში ამჩნევს, როგორც ახლა დავვიდგა. საერთოდ, ყველაფერი ეს ჩემთვის რამდენადმე მოულოდნელი იყო, თუმცა საოცარია, ერნას წერილის შემდეგ რაღაც ამდაგვარს უკვე მიგრძნობდა გული, ხოლო დღეს, როგორც კი დაგინახე, ამ ამბავში საბოლოოდ დავრწმუნდი. მაგრამ ახლა ამას მნიშვნელობა არა აქვს, ახლა მთავარია, დრო არ დავკარგოთ.

ბიძა ამ სიტყვებზე ფეხის წვერებზე შედგა, მანქანას ხელი დაუქნია, კ. მანქანაში შეაგდო და მძღოლს მისამართი ხმა-მალა უთხრა.

— ახლა ჩვენ ვექილ ჰუდთან მივიღივართ, — უთხრა მან კ-ს, — ჩემი სკოლის ამხანაგია. შენ რა თქმა უნდა გაგიგონია ეს გვარი? არ გაგიგონია? საკვირველია ღმერთმანი, მას ხომ დიდი სახელი აქვს მოხვეჭილი, როგორც ლარიბთა დამცველ ვექილს. პირადად მე ჰუდს დიდად ვენდობი, განსაკუთრებით როგორც აღამიანს.

— ყველაფერზე თანხმობას ვაცხადებ, რასაც კი საჭიროდ მიიჩნევ, — უპასუხა კ-მ, თუმცა ამ საქმეში ბიძამისი აჩქარება და თავგამოდება არ სიამოვნებდა. არც ის ახარებდა დიდად, ლარიბების დამცველ ვექილთან რომ მიემგზავრებოდა მანქანით როგორც ბრალდებული. — არ ვიცოდი, — თქვა მან, — ასეთ საქმეშიც თუ შეიძლებოდა ვექილის ჩაბმა.

— აბა, როგორ, — უპასუხა ბიძამ, — ეს თავისთავად ცხადია, რატომაც არა? ახლა კი მიაბზე ყველაფერი, რაც აქამდე მოხდა. ყველაფერი დაწვრილებით უნდა ვიცოდე.

კ-მ იმწამსვე დაიწყო მოყოლა, არაფერი დაუმალავს, სრული გულახდილობა იყო მისი ერთადერთი პროტესტი ბიძამისის ნათქვამის წინააღმდეგ, შენი პროცესი სამარცხვინოაო, ამაზე მეტს ვერ შეპბედავდა, ფროილან ბიურსტენერის გვარი მხოლოდ ერთხელ ახსენა და ისიც გაკვრით, მაგრამ ამის გამო თხრობას გულახდილობა არ მოკლებია, ფროილან ბიურსტენერს ხომ პროცესთან არავითარი კავშირი არ ჰქონდა, თხრობის დროს კ. ფანჯარაში იყურებოდა და უეცრად შეამჩნია,

რომ ისინი სწორედ იმ გარეუბანს უახლოვდებოდნენ, სადაც სასამართლოს კანცელარიები იყო. კ-მ ბიძას უთხრა კიდევ ეს ამბავი, მაგრამ ბიძაძისმა ამ დამთხვევაში მნიშვნელოვანი ვერაფერი დაინახა. მანქანა ერთი ჩაბნელებული სახლის წინ გაჩერდა. ბიძამ ქვედა საართულის დერეფანში ჰირველი კარის ზარი დარეკა, სანამ პასუხს ელოდნენ, გაღიმებულმა მსხვილი კბილები დაკრიჭა და კ-ს წასჩურჩულა:

— სალამოს რვა საათი შეუფერებელი დროა ვექილთან სტუმრობისათვის, მაგრამ ჰუღლი ამას არ მიწყენს.

სათვალთვალო ჭუჭურუტანაში გამოჩნდა ორი დიდი, შავი თვალი, რომელთაც მოსულები შეათვალიერეს და ისევ გაქრნენ, მაგრამ კარი მაინც არ გაიღო. ბიძამ და კ-მ ერთმანეთს ანიშნეს, თვალები ნამდვილად დავინახეთო.

— ეტყობა, ახალი მოახლეა და უცხოებისა ეშინია, — უთხრა ბიძამ კ-ს და კიდევ ერთხელ დააკაკუნა.

თვალები ისევ გამოჩნდნენ, ახლა ეს თვალები სევდიანიც კი მოეჩვენებოდა კაცს. მაგრამ ხომ შეიძლებოდა შემცდარიყვნენ. მათ ზემოთ გაზის ხუფიანი სანათური ხმამაღლა შიშინებდა და ოდნავ ბუტუტავდა.

— გააღეთ! — იყვირა ბიძამ და კარს მუშტი დასცხო, — ბატონი ვექილის მეგობრები ვართ!

— ბატონი ვექილი ავადაა, — ჩაიჩურჩულა ვილაცამ მათ ზურგს უკან. პატარა საღარბაზოს სიღრმეში, შუა კარებში იდგა საშინაო ხალათში გახვეული ვილაც მამაკაცი; მან ეს ამბავი მეტისმეტად ხმადაბლა აცნობა მოსულთ. ხანგრძლივი ლოდინით გაგულისებულნი კ-ს ბიძა მკვეთრად შებრუნდა და უყვირა:

— ავადაა? თქვენ ამბობთ, ავადაა? — და ისე მრისხანედ დაიძრა მამაკაცისაკენ, თითქოს ის ყოფილიყოს ავადმყოფობა.

— კარი უკვე გაგიღეს, — უთხრა მამაკაცმა და ვექილის კარზე მიუთითა, შემდეგ ხალათის კალთები აიკეცა და გაუჩინარდა. კარი მართლაც ღია იყო, ხოლო წინკარში იდგა გრძელ და თეთრწინსაფრისანი ყმაწვილი ქალი, რომელსაც ეხლში სანთელი ეჭირა. კ-ს მაშინვე ეცნო მისი შავი, ოდნავ გამოკუსული თვალები.

— სხვა დროს კარი უფრო სწრაფად გააღეთ ხოლმე! — უთხრა ბიძამ მისალმების ნაცვლად, როცა ქალიშვილი რევერანსით მიეგება. — წამოდით, იოზეფ, — მიუბრუნდა შემდეგ კ-ს, რომელიც ცდილობდა ქალიშვილისათვის გვერდი მოხერხებულად აეგლო.

— ბატონი ვექილი ავადაა, — თქვა ქალიშვილმა, რადგან კ-ს ბიძა დაუყოვნებლივ გაექანა მეორე კარისაკენ. კ-მ აღტაცებით

გააყოლა თვალი კარის დასაკეტად შებრუნებულ ქალიშვილს. მას თოჯინასავით მრგვალი სახე ჰქონდა, მარტო ფერმკრთალი ლოყები და ნიკაპი კი არა, საფეთქლებიც და შუბლიც მრგვალი ჰქონდა.

— იოზეფ! — დაუძახა ბიძამ და შემდეგ ქალიშვილს ჰკითხა: — ისევ გული აწუხებ?

— მე მგონი, გული, — უპასუხა ქალიშვილმა, მან უკვე მოასწრო სანთლით ხელში წინ გაძლოდა სტუმრებს და ოთახის კარი გააღო. ოთახის შორეულ კუთხეში, სადაც სანთლის შუქი ჯერ კიდევ ვერ აღწევდა, საწოლიდან წამოიწია გრძელწვერიანი პირისახე.

— ვინ არიან, ლენი? — იკითხა სანთლის შუქით დაბრმავებულმა ვექილმა, რადგან სტუმრები ვერ იცნო.

— შენი ძველი მეგობარი, ალბერტი ვარ, — უპასუხა კ-ს ბიძამ.

— აჰ, ალბერტი! — წამოიძახა ვექილმა და ისე დაეშვა ბალიშებზე, თითქოს ამგვარ სტუმრებთან თვალთმაქცობა აღარ სჭირდებოდა.

— მართლა ცუდად ხარ? — ჰკითხა ბიძამ ვექილს და საწოლის კიდეზე ჩამოჯდა, — ვერ დავიჯერებ. ალბათ კვლავ გულმა შეგაწუხა. ნუ გეშინია, ისევე მალე გაგივლის, როგორც ადრე გაუვლია.

— შეიძლება, — უპასუხა წყნარად ვექილმა, — მაგრამ ახლა უფრო ცუდად ვგრძნობ თავს, ვიდრე ოდესმე მიგრძენია, სუნთქვა მიჭირს, თითქმის არ მძინავს და ყოველდღიურად მაკლდება ძალა.

— ასეა საქმე? — ჰკითხა ბიძამ და პანამის ქუდი ფართო ხელით მუხლზე დაიმავრა, — ცუდად ყოფილხარ. მაგრამ კარგად თუ გივლიან მაინც? აქაურობა ისეთი სევდიანთა გამსჭვალული და ისე ბნელა... მართალია, დიდი ხანია შენთან აღარ ვყოფილვარ, მაგრამ მაშინ ყველაფერი უფრო ხალისიანი მეჩვენებოდა. თუ თავს არ იკატუნებს, არც შენი მომვლელი ქალიშვილია მაინცდამაინც მხიარული.

ქალიშვილი ისევ ისე იდგა კართან სანთლით ხელში. მისი თვალების გაურკვეველი გამოხედვა მიგანიშნებდა, უფრო კ-ს უყურებდა, ვიდრე ბიძამისს, მაშინაც კი, როცა ბიძა პირადად ქალიშვილზე ლაპარაკობდა. კ-ს სავარძელი ქალიშვილისკენ მიეჩოჩებინა და ახლა მის საზურგეზე დაყრდნობილი იდგა.

— ჩემისთანა ავადმყოფი კაცისთვის ყველაფერზე უკეთესია სიმშვიდე, — თქვა ვექილმა და მცირე ხნის შემდეგ დასძინა: — სრულიად არა ვარ დანალგლიანებული, ლენი კი ყოჩაღია, კარგად მივლის.

მაგრამ ამ სიტყვებმა ბიძამისი ვერაფერში დაარწმუნა, იგი

აშკარად მომვლელი ქალიშვილის წინააღმდეგ იყო განწყობილი და თუ ავადმყოფს არ შეეძლო, ქალიშვილს მკაცრ მზერას მაინც არ აცილებდა. ამ დროს ქალიშვილი საწოლთან მივიდა, სანთელი პატარა მაგიდაზე დადგა, ავადმყოფისაკენ დახარა და როცა ბალიშებს უსწორებდა, რაღაცა უჩურჩულა. ბიძამის სულ დაავიწყდა ის ამბავი, რომ ავადმყოფს უნდა მოერიდებოდა, წამოდგა და ისე დაიწყო მომვლელი ქალიშვილის ზურგს უკან სიარული, კ-ს სრულიად არ გაუკვირდებოდა, ქალიშვილს რომ სწვდომოდა და საწოლისათვის მოეშორებინა. თვითონ კ. ყველაფერს მშვიდად უყურებდა და ვეჟილის ავადმყოფობით კმაყოფილიც კი იყო. სხვაგვარად იგი ვერაფრით ვერ აღუდგებოდა წინ ბიძამისის დაუდგრობლობას, რაკი მან მის საქმეს მოჰკიდა ხელი, მაგრამ კმაყოფილი იყო, რომ ეს დაუდგვრბა. მის ჩაურევლადაც შესუსტდებოდა. უეცრად, ალბათ იმ მიზნით, რომ ქალიშვილისათვის ეწყენინებინა, ბიძამისმა მომვლელს უთხრა:

— ქალიშვილო, გთხოვთ ცოტა ხნით მარტო დაგვტოვოთ, ჩემს მეგობარს პირად საქმეზე უნდა მოველაპარაკო.

ქალიშვილი ამ დროს ავადმყოფისაკენ იყო დახრილი და კედლის მხარეს ზეწარს უსწორებდა, მან მხოლოდ თავი მოაბრუნა და ბიძისაგან განსხვავებით, სიბრაზისაგან რომ ჯერ ენა დაემა, შემდეგ კი სხაპასხუპით ისროდა სიტყვებს, ძალიან მშვიდად თქვა:

— ხომ ხედავთ, რა მძიმეა ავად, განა ახლა ბატონ ვეჟილს შეუძლია, პირად საქმეზე გელაპარაკოთ?

ქალიშვილმა, ეტყობა, ბიძის სიტყვები ინერციით გაიმეორა, მაგრამ ეს ნათქვამი მიუკერძოებელ კაცსაც კი შეეძლო დაცინვად მიეღო, ხოლო ბიძა გველნაკბენივით წამოვარდა.

— აა, შე წყეულო! — წაიბურტყუნა მან გაურკვევლად, რადგან აღელვებისაგან პირველი სიტყვა ყელში გაეხირა. თუმცა კ. ელოდა მისგან ამგვარ გამოხდომას, მაინც შეშინებული მიიჭრა ბიძისთან იმ განზრახვით, რომ ორივე ხელი პირზე აეფარებინა. საბედნიეროდ, ავადმყოფმა, რომელიც საწოლიდან წამოიწია, ქალიშვილის ზურგს უკნიდან გამოიხედა. ბიძამისი ისე მოიღუშა, თითქოს რაღაც საზიზღრობა გადაეყლაპოს და შემდეგ უფრო მშვიდად თქვა:

— ცხადია, ჯერჯერობით არც ჩვენ დაგვიკარგავს გონება: რასაც მოვითხოვ, შეუძლებელი რომ იყოს, არც მოვითხოვდი. ახლა კი გთხოვთ, მიბრძანდეთ!

მომვლელი ქალიშვილი წელში გასწორდა, მთელი ტანით ბიძისაკენ შებრუნებული იდგა საწოლთან და ცალი ხელით, როგორც კ-ს მოეჩვენა, ვეჟილის ხელს ეფერებოდა.

— ლენის თანდასწრებით ყველაფრის თქმა შეგიძლია, — უთხრა ვეჟილმა ბიძას და მის ხმაში დაჟინებული თხოვნა იგრძნობოდა.

— საქმე მე არ მეხება, ეს არ გახლავთ ჩემი საიდუმლოება, — უთხრა ბიძამ ვეჟილს და ისე მკვეთრად შებრუნდა, თითქოს არავითარი სურვილი აღარ ჰქონდა საუბარში ჩარეულიყო, მაგრამ მოსაფიქრებლად მცირე დროს იძლეოდა.

— აბა ვის ეხება? — იკითხა ვეჟილმა მისუსტებული ხმით და ბალიშზე დაეშვა.

— ჩემს ძმისწულს, — უპასუხა ბიძამ, — მე იგიც თან მოვიყვანე, — და კ. ვეჟილს წარუდგინა: — პროკურისტი იოზეფ კ.

— ოჰ, — წარმოთქვა ავადმყოფმა ბევრად უფრო მხნედ და კ-ს ხელი გაუწოდა: — მაპატიეთ ვერ დაგინახეთ. ლენი, გადი! — უთხრა ვეჟილმა შემდეგ მომვლელ ქალიშვილს, რომელსაც ამჯერად არავითარი წინააღმდეგობა არ გაუწევია და თან ისე ჩამოართვა ხელი, თითქოს დიდი ხნით ემშვიდობებოდა. — ამგვარად შენ, — უთხრა ვეჟილმა მოგვიანებით ბიძას, რომელიც შერიგების ნიშნად საწოლს მიუახლოვდა, — ავადმყოფის სანახავად კი არა, საქმეზე მოსულხარ.

ეტყობა, აქამდე ვეჟილს ის აზრი თრგუნავდა, თითქოს ისე მოიკითხეს როგორც ავადმყოფი, ახლა კი უეცრად მოლონიერდა და წამდაუწუმ იდაყვს ეყრდნობოდა, რაც საკმაოდ მომქანცველი უნდა ყოფილიყო, თანაც განუწყვეტლივ ხელს ისვამდა წვერზე.

— საკმარისი იყო ეს როკაპი აქედან გასულიყო და შენ შესამჩნევად გამოძვინდი, — უთხრა ბიძამ ვეჟილს, მეტი შეჩერდა და წასჩურჩულა: — სანაძლეოს დავდებ, ყურს გვიგდებს! — და კართან მიიბრძინა. მაგრამ კარს უკან არავინ აღმოჩნდა და თუმცა ამან ვერაფერში დაარწმუნა, მაინც გაბოროტებული გამობრუნდა უკან, რადგან ქალიშვილის იქ არყოფნა ახლა კიდევ უფრო დიდ ბოროტებად მიიჩნია.

— ამ ქალიშვილის შეფასებაში სცდები, — უთხრა ვეჟილმა ბიძას, მაგრამ ქალიშვილის დასაცავად სიტყვა აღარ გაუგრძელებია. შეიძლება ამით იმის თქმა უნდოდა, ქალიშვილს დაცვა არ სჭირდებაო. შემდეგ კი მეტი თანაგრძნობით განაგრძო: — რაც შეეხება შენი პატივცემული ძმისწულის საქმეს, ბედნიერ კაცად ჩავთვლი თავს, თუ აღმომაჩნდება იმდენი ძალა, რომ ამ მძიმე ამოცანას თავი გავართვა. მეტისმეტად ვშობ, რომ ძალა არ მეყოფა. ყოველ შემთხვევაში ცდას არ დავაკლებ და თუ უძლური აღმოვჩნდი, შეგვიძლია სხვა ვინმე მოვიწვიოთ. გულწრფელად რომ გითხრა, ეს საქმე მეტისმე-

ტად მაინტერესებს და ამიტომ არ შემძლია თავს ძალა და-
ვატანო და საერთოდ უარი ვთქვა ამ საქმეში ყოველგვარ მო-
წონებაზე, ხოლო თუ ამას ჩემი გული ვერ გაუძლებს,
ძნელია მის გასაჩერებლად უფრო ღირსეული მიზეზი გამოი-
ხოს კაცმა. კ. დარწმუნებული იყო, ვეჭილის ნათქვამიდან ვე-
რაფერი გავიგეო, ბიძამისს მიაჩერდა და მისგან ელოდა ახს-
ნა-განმარტებას, მაგრამ ბიძა სანთლით ხელში საწოლთან
მდგარ პატარა მაგიდაზე იჯდა — საიდანაც ერთი წამლის ბოთ-
ლი უკვე ხალიჩაზე გადმოგორებულიყო — და თავის ქნევით
ვეჭილს ყველაფერში ეთანხმებოდა, ხოლო დროდადრო კ-ს
ისე გამოხედავდა, თითქოს მასაც სთხოვდა, შენც დაეთანხმეო.
შეიძლება ბიძამისმა ადრევე უამბო ვეჭილს მისი პროცესის
შესახებ. მაგრამ ამგვარი რამ დაუშვებლად მიაჩნდა, რადგან
ყველაფერი, რაც მანამდე მოხდა, ამ ვარაუდის საწინააღმდე-
გოდ მეტყველებდა.

— ვერაფერი გავიგე, — თქვა ბოლოს კ-მ.

— არა, ეტყობა, მე ვერ გავიგეთ, — შეაწყვეტინა სიტყვა
კ-სავით გაოცებულმა და დარცხვენილმა ვეჭილმა. — იქნებ
ავჩქარდი. მაინც რა საკითხზე გინდოდათ ჩემთან საუბარი?
ჩემის აზრით, საქმე თქვენს პროცესს ეხება, არა?

— რა თქმა უნდა, — დაუდასტურა ბიძამისმა და შემდეგ
კ-ს ჰკითხა: — რა ვერ გაიგე?

— საინტერესოა, საიდან გაიგეთ რამე ჩემზე და ჩემს პრო-
ცესზე? — ჰკითხა კ-მ ვეჭილს.

— აი, თურმე რა ყოფილა, — უპასუხა ვეჭილმა ღიმი-
ლით, — მე ხომ ვეჭილი ვარ, სასამართლოს მოხელეთა წრეში
იტრიალებ, ვისმენ მათ ლაპარაკს სხვადასხვა, რითიმე გამოჩ-
ჩეულ პროცესზე, ხოლო რაც საყურადღებოა, განსაკუთრე-
ბით მეგობრის ძმისწულს თუ ეხება, ძალაუფლებურად ჩაგრჩე-
ბა გონებაში, საკვირველი აქ არაფერია.

— კი მაგრამ, რა გაუხებებს? — ჰკითხა კვლავ კ-ს ბიძამის-
მა, — რაღაცნაირი აწრიალებული ჩანხარ.

— თქვენ იმ სასამართლოს მოხელეებს შორის ტრია-
ლებთ? — ჰკითხა კ-მ ვეჭილს.

— დიას. — უპასუხა ვეჭილმა.

— რა ბავშვურ კითხვებს აძლევ, — უთხრა კ-ს ბიძამ.

— აბა ვის წრეში უნდა ვიტრიალო, თუ ჩემი პროფესიის
ადამიანებს შორის არა? — განაგრძო ვეჭილმა. მისი სიტყვე-
ბი ისე დამაჯერებლად ეღერდა, რომ კ-ს პასუხი არ გაუცია.

ძალიან უნდოდა ეკითხა: რომელ სასამართლოში მუშაობთ,
იუსტიციის სასახლეში რომაა თუ სხვენზეო? მაგრამ თავი ვერ
აიძულა ამგვარი რამ ეკითხა.

— თავად განსაჯეთ, — განაგრძო ვეჭილმა ისეთი კილოთი,

თითქოს ყველაფერი ისედაც ცხადი იყო და არავითარ ახსნას
არ საჭიროებდა. — თავად განსაჯეთ, მე ხომ მათ ნაცნობობას
ჩემი კლიენტების სასარგებლოდ ვიყენებ მრავალმხრივ, თუმცა
ეს რა სალაპარაკოა. რა თქმა უნდა, ავადმყოფობამ ცოტათი
ხელი შემიშალა, მაგრამ მიუხედავად ამისა, ჩემი კარგი მე-
გობრები, სასამართლოში რომ მსახურობენ, შინ მესტუმრე-
ბიან ხოლმე და რაღაც-რაღაცებს მეც ვგებულობ, შეიძლება
იმათზე მეტსაც, სრულიად ჯანსაღნი რომ არიან და მთელ
დღეებს სასამართლოში ატარებენ, აი, მაგალითად ახლაც მყავს
ძვირფასი სტუმარი. — და მან ხელი ოთახის ბნელი კუთხისა-
კენ გაიშვირა.

— აბა სად? — იკითხა კ-მ ოდნავ უხეშად, რადგან მეტის-
მეტად გააკვირვა ამ ამბავმა. მერე გაუბედავად მიმოიხედა.

სანთლის სუსტი შუქი მოპირდაპირე კედლამდე ვერ აღწევ-
და. მაგრამ იმ კუთხეში მართლაც შეინძრა ვილაც, სანთლის
შუქზე, ბიძას რომ ახლა მალა ეჭირა, მართლაც დაინახეს
პატარა მაგიდასთან მჯდომი ხანში შესული მამაკაცი. იგი ალ-
ბათ სუნთქვაშეკრული იჯდა, ასე დიდხანს რომ ვერ შეამჩნიეს.
ახლა კი მოუტირებლად წამოდგა, აშკარად უკმაყოფილო იყო
იმით, რომ ყურადღება მიაქციეს. მოკლე ფრთების მაგვარი
ხელები ისე ამოძრავა, თითქოს უნდოდა აეცდინა ახალი ნაც-
ნობობა და ყოველგვარი სალამ-ქალამი, თითქოს სურდა მისი
აქ ყოფნით არავინ შეწუხებულიყო და დაჟინებით ითხოვდა,
ისევე ბნელში დამტოვებთ და დაივიწყებთ ჩემი არსებობაო. მაგ-
რამ მის თხოვნას არავინ გაუწია ანგარიში.

— საქმე ისაა, რომ თქვენ მოულოდნელად დაგვადექით
თავზე, — აუხსნა ვეჭილმა სტუმრებს და ამავე დროს ხანში
შესული მამაკაცი ხელით მოიხმო, მამაკაცი ნელა, გაუბედავად,
თვალების ცეცებით, მაგრამ მაინც დიდი ღირსებით წამოვიდა
მათკენ. — ბატონო კანცელარიის დირექტორო, მაპატიეთ, რომ
ერთმანეთი არ გაგაცანით, ეს გახლავთ ჩემი მეგობარი ალბერტ
კ., ეს მისი ძმისწული, პროკურისტი იოზეფ კ.-ა, ხოლო ეს ბა-
ტონი კანცელარიის დირექტორია. მან იმდენი ყურადღება გა-
მოიჩინა, რომ შინ მესტუმრა. მხოლოდ საქმეში ჩახედულმა
კაცმა შეიძლება გაიგოს ამგვარი სტუმრობის ფასი. მხოლოდ
იმან, ვინც იცის, რამდენი საქმე აქვს ბატონ კანცელარიის დი-
რექტორს. მიუხედავად ამისა მაინც მესტუმრა. რამდენადაც
ჩემი ჯანმრთელობა ამის საშუალებას მაძლევს, ჩვენ მშვიდად
ვსაუბრობდით. მართალია, ლენისათვის სტუმრების მიღება არ
ავგიკრძალავს, რადგან არავის ველოდით, მაგრამ მაინც ის
გვეჩიხა, რომ მარტო გყოფილიყავით. ამ დროს შენ, ალ-
ბერტ, მუშტები დაუშინე კარს და ამიტომ კანცელარიის დი-
რექტორმა თავის სავარძელ-მაგიდიანად კუთხისაკენ დაიხია.

მაგრამ ახლა ირკვევა, რა თქმა უნდა, თუ ამის სურვილი გვაქვს, რომ შეგვიძლია ერთად ვიმსჯელოთ ამ საქმეზე, ხოლო ამისათვის საჭიროა ყველამ ერთად მოვიყაროთ თავი. — ბატონო კანცელარიის დირექტორო! — მიმართა ვეჟილმა მას თავის დახრითა და მაამებლური ღიმილით და საწოლის მახლობლად მდგარ სავარძელზე მიუთითა.

— სამწუხაროდ, მხოლოდ რამდენიმე წუთი შემიძლია შემოგწიროთ, — თქვა კანცელარიის დირექტორმა თავაზიანად; მოხერხებულად ჩაეშვა სავარძელში და საათს დახედა, — საქმეები. მელოდება, მაგრამ არ მინდა ხელიდან გავუშვა ჩემი მეგობრის მეგობრის გაცნობის შესაძლებლობა.

მან ძლივს დაუტრა თავი კ-ს ბიძას, რომელიც, ეტყობა, მეტისმეტად კმაყოფილი იყო ამ კაცის გაცნობით, მაგრამ სიტყვის გამო ვერ შეძლო მადლიერების გრძნობის გამოხატვა და ამიტომ კანცელარიის დირექტორის სიტყვებს მორიდებული, მაგრამ მაინც ხმაშაღალი სიტყვებით შეეგება. პირდაპირ საზარელი სანახავი იყო! კ. მშვიდად აკვირდებოდა ყველაფერს, რადგან მას არავინ არ აქცევდა ყურადღებას. კანცელარიის დირექტორმა, რაკი იგი საქმეში გარიეს, ჩვეულებისამებრ, თვითონ დაიწყო ლაპარაკი, ვეჟილი, რომელმაც ავადმყოფობა იმისთვის მოიგონა, რომ სტუმრები თავიდან მოეშორებინა, ხელი ყურზე მიიღო და გულმოდგინედ უსმენდა კანცელარიის დირექტორს, ბიძა კი, — რომელმაც უკვე სძლია მორცხვობას და რომელსაც გამნათებლის როლი ჰქონდა დაკისრებული და სანთელს მუხლზე ათამაშებდა, რის გამოც ვეჟილი შეშფოთებული იყურებოდა მისკენ, — აღტაცებული იყო არა მარტო კანცელარიის დირექტორის სიტყვებით, არამედ ლაპარაკისას მისი ფრთხილით ხელების მოქნილი ტალღისებური მოძრაობითაც, საწოლის თავზე დაყრდნობილ კ-ს კანცელარიის დირექტორი განგებ არ აქცევდა ყურადღებას და ხანში შესული ბატონებისათვის იგი მხოლოდ მსმენელი იყო. თუმცა არც კ-ს ესმოდა ხეირიანად, რაზე ლაპარაკობდნენ უფროსები და ფიქრობდა მომვლელ ქალიშვილზე და იმაზე, თუ რა უმსგავსოდ მოექცა ბიძამისი ამ ქალიშვილს. ერთხელ ასეთმა აზრამაც გაუელვა, ხომ არ მინახავს სადმე კანცელარიის დირექტორი, იქნებ იმ სხდომაზე ვნახე, პირველი დაკითხვის დროს რომ გაიმართა, ან იქნებ ვცდებო. მაგრამ კანცელარიის დირექტორი საოცრად ჰგავდა პირველ რიგში ჩამწკრივებულ სხდომის მონაწილეებს. იმ თხელწვერა ვაჟბატონებს.

უცრად ყველამ ყურები დაცქვიტა, წინკარიდან ისეთი ხმაური მოისმა, თითქოს ფაიფურის ჭურჭელს ამსხვრევდნენ.

— ენახავ ერთი, რა მოხდა, — თქვა კ-მ და ისე ნელა წავიდა კარისაკენ, თითქოს დანარჩენებს დროს აძლევდა, შეეჩერებინათ. მაგრამ როგორც კი წინკარში გავიდა და თვალი დაძაბა, ეგებ ამ სიბნელეში რამე დავინახო, მის ხელს, ჯერ კიდევ კარის სახელურზე რომ ედო, შეენო ბევრად უფრო პატარა ხელი, ვიდრე მისი იყო და ჩუმად მიხურა კარი. მის წინ იდგა მომვლელი ქალიშვილი, რომელიც სწორედ აქ უცდიდა.

— არაფერი არ მომხდარა, — უთხრა ჩურჩულით ქალიშვილმა, — მე განგებ შევახეთქე თეფში კედელს, რომ თქვენ გამოგხმეთ.

დაბნეულმა კ-მ უთხრა: — მეც თქვენზე ვფიქრობდი.

— მით უკეთესი, — უპასუხა ქალიშვილმა, — წამობრძანდით.

მათ რამდენიმე ნაბიჯი გადადგეს და შეჩერდნენ მქრქალ-მინიან კართან. ქალიშვილმა გააღო კარი და კ-ს უთხრა: „შემოდით!“

ეს უდავოდ ვეჟილის სამუშაო ოთახი იყო. რამდენადაც კი რაიმეს დანახვა შეიძლებოდა მთვარის შუქზე, სამი დიდი ფანჯრიდან პატარა კვადრატებად რომ ეცემოდა იატაკზე, მთელი ოთახი მძიმე, ძველებური ავეჯით იყო გაწყობილი.

— აი, აქ დაბრძანდით, — უთხრა მომვლელმა ქალიშვილმა და მოჩუქურთმებულ, ხისზურგიან მუქი ფერის სკივრზე მიუთითა. სანამ დაჯდებოდა, კ-მ ოთახი მიათვლიერ-მოათვალღერა. ამ დიდ, მაღალჭერიან ოთახში ვეჟილის ღარიბ კლიენტებს ალბათ თავგზა ებნეოდათ. კ-მ წარმოიდგინა, როგორ უახლოვდებიან კლიენტები მოკლე ნაბიჯებით უზარმაზარ საწერ მაგიდას, მაგრამ მას იმწამსვე დაავიწყდა ყველაფერი, გარდა მომვლელი ქალიშვილისა, რომელიც თვალებით ჭამდა და ისე ეკვროდა, რომ ლამის სკივრის სახელურს მიაჭეჭყა.

— მე კი მეგონა, — უთხრა ქალიშვილმა, — თვითონ გამოხვიდოდით ოთახიდან და გამოძახება არ დამჭირდებოდა, უცნაურია, შემოსვლის წუთიდან თვალი არ მოგიშორებიათ ჩემთვის, შემდეგ კი მალოდინეთ. ჰო, უბრალოდ ლენი დამიძახეთ, — დასძინა მან ისე სწრაფად და მოულოდნელად, თითქოს მათი საუბრის დროს ერთი წამიც არ შეიძლებოდა დაკარგულიყო.

— სიამოვნებით. — უპასუხა კ-მ, — რაც შეეხება უცნაურობას, იცით, ლენი, უცნაური აქ აღარაფერია და ასახსნელადაც ადვილია. ჯერ ერთი უნდა მომესმინა ბერიკაცების ლაქლაქი, უმიზეზოდ ხომ ვერ მივატოვებდი მათ, მეორეც, მე თავხელი კაცი არა ვარ, პირიქით, მორიდებული უფრო

მეტემის და არც თქვენ ჰგავხართ ისეთ ქალიშვილს, ლენი, ვისი გულის მონადირეობაც თვალის დახამხამებაში შეიძლება.

— არა, აქ სულ სხვა ამბავია, — უთხრა ლენიმ, მკლავი საზურგეზე გადადო და კ-ს მიაჩერდა, — უბრალოდ არ მოგეწონეთ და ალბათ არც ახლა მოგწონვართ.

— მოწონება ის სიტყვა არაა, — უპასუხა კ-მ ორჭოფულად.

— ო! — წამოიძახა ქალიშვილმა ღიმილით.

კ-ს პასუხისა და ამ მოკლე წამოძახილის წყალობით ლენიმ თითქოს რაღაც უპირატესობა მოიპოვა. ამიტომ კ-ს აღარაფერი უთქვამს. ამასობაში თვალი სიბნელეს შეეჩვია. უკვე შექმნილი ნივთები ერთმანეთისაგან გაერჩია. მისი ყურადღება განსაკუთრებით მიიპყრო ერთმა დიდმა სურათმა, რომელიც კარის მარჯვენა მხარეს ეკიდა და უკეთ რომ დაენახა, წინ დაიხარა. სურათზე გამოსახული იყო მოსამართლის მანტიაში გახვეული მამაკაცი. იგი სამეფო ტახტივით მაღალ, ოქროთი მეტისმეტად მოვარაყებულ სავარძელში იჯდა. მაგრამ უჩვეულო ის იყო, რომ მოსამართლე მშვიდად და ღირსეულად კი არ იჯდა, არამედ მარცხენა ხელი საზურგესა და სახელურისათვის შემოეჭდო, ხოლო მარჯვენა ხელის გულით ისე ეყრდნობოდა მეორე სახელურს, გეგონებოდა, სადაცაა ჯიქურ, შეიძლება გაავებულიც კი წამოიჭრება ფეხზე და ან გადამწყვეტ სიტყვას იტყვის, ანდა განაჩენს გამოიტანსო. ბრალდებული ალბათ დაბლა, კიბის ძირში იდგა, რადგან სურათზე მხოლოდ ყვითელი ხალიჩით დაფარული ზედა საფეხურები ჩანდა.

— იქნებ ესაა ჩემი მოსამართლე, — თქვა კ-მ და თითო სურათისაკენ გაიშვირა.

— მაგ კაცს ვიცნობ, — უთხრა ლენიმ და სურათს მანაც შეხედა, — ხშირად დადის ჩვენთან. ეს სურათი ახალგაზრდობის დროინდელია, მაგრამ არც მაშინ ყოფილა ასეთი შესახედავი, მოსამართლე ხომ ქონდრის კაცივით პატარაა. მიუხედავად ამისა, მხატვარს უბრძანა, აი, ასე გამოეჭიმა სურათზე. სხვებივით მასაც სჭამს უგუნური პატივმოყვარეობის ჭია. მეც პატივმოყვარე ვარ და ძალიან მწყინს, რომ არ მოგწონვართ.

ამ სიტყვების პასუხად კ-მ ხელი მოხვია და თავისკენ მიიზიდა, ქალიშვილმა თავი მხარზე წყნარად დაადო.

— სად მუშაობს? — ჰკითხა კ-მ ქალიშვილს და სურათზე გამოსახულ მამაკაცზე მიუთითა.

— გამომძიებელია, — უპასუხა ლენიმ და კ-ს ხელი თითებზე მოუთათუნა.

— მხოლოდ გამომძიებელი? — თქვა გულაცრუებულმა

კ-მ. — მაშასადამე. მაღალი რანგის მოხელეები იმალებიან, მაგრამ ის ხომ დიდებულ სავარძელში ზის.

— ეს ყველაფერი მოგონილია, — უპასუხა ლენიმ და სახე კ-ს ხელის გულთან მიიტანა, — სინამდვილეში იგი სამზარეულოს სავარძელში ზის, და ქვეშ დაკეცილი ძველი ასალი უფენია. კი მაგრამ, ნუთუ ყოველთვის თქვენს პროცესზე უნდა იფიქროთ?

— არა, სრულიადაც არა, — უპასუხა კ-მ, — პროცესზე, ალბათ, ძალიან ცოტას ვფიქრობ.

— თქვენ სხვა რამეში ცდებით, — უთხრა ლენიმ, — თქვენზე ამბობენ, ძალიან ჯიუტი კაციართ.

— ვინ ამბობს? — ჰკითხა კ-მ, იგი გრძნობდა, ქალიშვილი მეგრძე ეკვროდა და დაჰყურებდა მის რბილ, მუქ მაგრად განსაკვეთლ თმას.

— ეგ რომ გითხრათ, იგივეს ნიშნავს, ბევრი რამ გაგიმხილოთ, — უპასუხა ლენიმ. — გთხოვთ გვარებს ნუ მკითხავთ, ჯობს თქვენი შეცდომა გამოასწოროთ, ნუ ხართ ჯიუტი, სულ ერთია ამ სასამართლოსთან მაინც ვერაფერს გახდებით, დანაშაული უნდა აღიაროთ. პირველ შემთხვევისთანავე უნდა ცნოთ თავი დამნაშავედ, მხოლოდ მაშინ შეძლებთ ხელიდან დაუსხლტეთ მათ, მხოლოდ მაშინ, თუმც სხვების დაუხმარებლად ესეც შეუძლებელია, მაგრამ ნუ გეშინიათ, მე დაგეხმარებით.

— ეტყობა, თქვენ ბევრი რამ იცით სასამართლოსა და იმ ათას მამაძაღლობაზე, აქ რომ სჭირდება კაცს, — უთხრა კ-მ და რაკი ქალიშვილი ძალზე მაგრად ეკვროდა, მუხლებზე დაისვა.

— აი, ასე კარგია, — უთხრა ქალიშვილმა და მის მუხლებზე მყუდროდ მოკლული მუხისა და მისი თვალები გადააგდო და დიდხანს უყურა.

— თქვენ თუ უნდა გეხმარებოდეს, — უთხრა ლენიმ. — ჰკითხა კ-მ განოცდელად და გოცებულმა გაიფიქრა, როცა გამიჭირდა, როგორ დავფაცურდი ქალების გადმოსაბირებლად, ჯერ ფროლიან ბიურსთნერის თანაგრძნობას ვეძებდი, შემდეგ შიკრიკის ცოლისა, ახლა კი ამ პატარა მომვლელ ქალიშვილს ველოლიავები. ნეტავ გამაგებინა, რა იზიდავს ასე ძლიერ ჩემკენ, ისე დამისკუბდა მუხლებზე, თითქოს ისა ერთადერთი მისი კუთვნილი ადგილი.

— არა, — თქვა ლენიმ და ნელა გაიქნია თავი, — ამ შემთხვევაში ვერ დაგეხმარებით, მაგრამ თქვენ არც გინდათ დაგეხმაროთ, არაფრად არ გჭირდებათ, თავნება კაცი ხართ და ვერავინ ვერაფერში დაგარწმუნებთ. შეყვარებული თუ

გყავთ? — ჰკითხა ქალიშვილმა მცირე ხნის შემდეგ.

— არა, — უპასუხა კ-მ.

— გეყოლებათ, — უთხრა ქალიშვილმა.

— მართალია, მყავს, — დაუდასტურა კ-მ, — წარმოგიდგინაოთ, კინაღამ უარი ვთქვი იმ ქალზე, ვისი ფოტოსურათიც ყოველთვის თან დამაქვს.

ლენიმ სთხოვა, ფოტოსურათი მაჩვენეო. კ-მ ამოიღო ელზას სურათი. კ-ს მუხლებზე მოკალათებულმა ქალიშვილმა სურათს თვალიერება დაუწყო. ეს იყო პატარა, ნაუცბადევიად გადაღებული ფოტოსურათი, ელზა თავბრუდამხვევი ცეკვის შემდეგ გადაუღიათ. მას უყვარდა თავის ღვინის სარდაფში ცეკვა. ტრიალისგან ქვედატანის დანაოჭებული კალთები ჯერ კიდევ აფრიალებული ჰქონდა, ხელები მკვრივ თეძოებზე შემოედო, იცინოდა და უკან თავგადაგდებული სადღაც იყურებოდა; სურათზე არ ჩანდა, ვის უცინოდა.

— რა მაგრად მოუჭერია ზონრები, — თქვა ლენიმ და უჩვენა ის ადგილი, სადაც მისი აზრით ელზას ზონრები ჰქონდა შემოჭერილი, — ეს ქალი არ მომწონს, მოუქნელი და ტლანქია, მაგრამ, იქნებ თქვენ მიმართაა ნაზი და თავაზიანი. სურათის მიხედვით ამგვარი დასკვნის გამოტანა შეიძლება. ასეთი მაღალი, ღონიერი ქალები ხშირად მეტისმეტად თავაზიანი და ალერსიანი არიან, მაგრამ თავს თუ გასწირავს თქვენთვის?

— არა, — უპასუხა კ-მ, — იგი არც ალერსიანია, არც თავაზიანი და არც თავს გასწირავს ჩემთვის, აქამდე ში არც ერთი მომითხოვია მისგან და არც მეორე, თანაც თქვენსავით კარგად არც კი დავკვირვებდვარ ამ სურათს.

— მაშასადამე, ეს ქალი დიდად არაფრად გჭირდებათ, — უთხრა ლენიმ, — და ამგვარად არც თქვენი შეყვარებული ყოფილა.

— როგორ არა, — უპასუხა კ-მ, — მე ჩემი სიტყვები უკან არ მიმაქვს.

— კეთილი, იყოს თქვენი შეყვარებული, — უთხრა ლენიმ, — მაგრამ მისი დაკარგვა დიდად არ შეგაწუხებთ, არც ის, სხვაზე ან ჩემზე რომ გაცვალოთ.

— რა თქმა უნდა, — უპასუხა კ-მ ღიმილით, — ამგვარი რამ დასაშვებია, მაგრამ მას ერთი დიდი უპირატესობა აქვს თქვენთან შედარებით, ჩემი პროცესის შესახებ არაფერი იცის და რომ იცოდეს კიდევ, ამაზე ფიქრით დიდად მაინც არ შეიწუხებდა თავს, არც იმას ეცდებოდა, ჩემთვის ერჩია, მათ ნებას დაჰყვირო.

— ეს რა უპირატესობაა, — უთხრა ლენიმ, — თუ მას

სხვა უპირატესობანი არ გააჩნია, იმედს არ ვკარგავ. რაიმე ფიზიკური ნაკლი ხომ არ აქვს?

— ფიზიკური ნაკლი? — იკითხა კ-მ.

— დიახ, — უპასუხა ლენიმ, — მაგალითად, პირადად მე პატარა ფიზიკური ნაკლი მაქვს, აბა, შეხედეთ.

მან გამალა მარჯვენა ხელის შუა და უსახელო თითი, მათ შორის შემაერთებული კანი მოკლე თითების ზედა სახსრამდე აღწევდა. სიბნელეში კ-მ უცბად ვერც კი დაინახა, რას უჩვენებდნენ, მაგრამ ქალიშვილმა ხელი გამოართვა და თავის მოკლე თითებს შეახო.

— რას არ მოიგონებს ბუნება, — თქვა კ-მ და როცა მთელ ხელს დახედა, დასძინა: — რა ლამაზი თათია!

ლენი ერთგვარი სიამაყით უყურებდა, როგორ აერთებდა და აშორებდა ერთმანეთს გაკვირვებული კ. მის ორ თითს, ბოლოს ოდნავ შეეხო ტუჩებით და ხელი გაუშვა.

— ო! — წამოიძახა ქალიშვილმა სულმოუთქმელად, — თქვენ მე მაკოცეთ!

ლენის ოდნავ გაეღო პირი. მუხლებით შეაცოცდა მუხლებზე. კ. სრულიად დაიბნა. ქალიშვილი ისე ახლოს იყო, რომ მისი წინააღსაფეთ გამაღიზიანებელი სუნიც კი იგრძნო. ლენიმ, მისი თავი გულში ჩაიხუტა, დაუწყო კოცნა და კბენა კისერზე და თმაზეც კი.

— ხომ გაცვალეთ ის ქალი ჩემზე! — ყვიროდა ქალიშვილი დროდადრო, — ხედავთ, ჩემზე გაცვალეთ!

უეცრად კალთიდან მუხლი ჩაუკურდა, ლენიმ შეჰკივლა, სულ ცოტაც და ხალიჩაზე დაეცემოდა. კ. შეეცადა დაეჭირა, ხელი მოხვია. მაგრამ ქალიშვილმა ისიც დაითრია და უთხრა: — ახლა კი ჩემი ხარ.

— აი ამ სახლის გასაღები, მოდი როცა მოვესურვება. — ამ სიტყვებით გამოემშვიდობა ლენი კ-ს და ტუჩებით შეეხო მიმავლის ზურგს.

ალაყაფის კარებს რომ გასცდა და ქუჩაში გავიდა, ოდნავ ცრიდა. გადაწყვიტა ქვაფენილზე გადასულიყო, იქნებ ლენის ფანჯარაში კიდევ ერთხელ მოგვკრა თვალიო, მაგრამ ამ დროს მანქანიდან, რომელიც სახლის წინ იცდიდა და დაბნეულმა კ-მ ვერ შეამჩნია, გამოვარდა ბიძამისი, მხრებში სწვდა და ისე მიაჭექქვა ალაყაფის კარებს, თითქოს ზედ მილურსმევას უპირებდნო.

— ეჰ, ყმაწვილო, — წამოიძახა ბიძამ, — ეს რა ჩაიღინე! საქმე თითქმის მოგვარებული იყო, შენ კი შენი უსაქციელობით დიდად ავნე საკუთარ თავს. შეძვერი სადღაც იმ პატარა, ტუჩკიან გოგოსთან ერთად, რომელიც ალბათ

ვექილის საყვარელია და აღარ გეღირსა გამოსვლა. თანაც ვერაფერი მოიმიზეზე, დაუფარავად, ყველას თანდასწრებით გაიქეცი მასთან და მასთანვე დარჩი. ჩვენ სამნი კი — ბიძაშენი, რომელიც შენთვის ზრუნავს, ვექილი, ჩვენს მხარეზე რომ უნდა გადმოვიბიროთ და რაც მთავარია, კანცელარიის დირექტორი, დიდი კაცი, ვისაც ამჟამად უშუალოდ ეხება შენი საქმე, ვსხედვართ და ვმსჯელობთ იმაზე, როგორ გიშველოთ, მე ვექილს ველოლიავები, ის კანცელარიის დირექტორს, ამ ვითარებაში მხარი მაინც უნდა დაგვიჭირა ჩემთვის. შენ კი, ნაცვლად ამისა, ადექი და დაიკარგე. ასეთ შემთხვევაში არაფრის დაფარვა არ ხერხდება. კიდევ კარგი, რომ ისინი ზრდილი, გამოცდილი ადამიანები არიან, თქმით არაფერი უთქვამთ, მე დამინდეს, მაგრამ ბოლოს და ბოლოს ისინიც გაბეზრდნენ და რადგან საქმეზე ლაპარაკი აღარ შეეძლოთ, ჩუმად ისხდნენ. ვინ იცის, რამდენ ხანს ვისხედით მდუმარედ და ვფიქრობდით, იქნებ გამოჩნდესო, მაგრამ ამოდ. ბოლოს წამოდგა კანცელარიის დირექტორი, რომელიც იმაზე მეტ ხანს დარჩა, ვიდრე აპირებდა და გამოგვეთხოვა. ამჟამად შევეცოდეთ, მაგრამ რით უნდა დამხმარებოდა. უჩვეულო თავაზიანობით ერთხანს მაინც შეყოვნდა კარებში და შემდეგ წავიდა. მე, რა თქმა უნდა, ბედნიერი ვიყავი, იქაურობა რომ მიატოვა, რადგან სუნთქვაც კი აღარ შემიძლო. ვექილზე ყოველივე ამან ისე ძლიერ იმოქმედა, რომ ამ კეთილ კაცს გამომშვიდობებისას ერთი სიტყვაც კი არ დაუძრავს. ვექილს რომ რამე დაემართოს, შენი ბრალი იქნება, სიცოცხლეს უსწრაფებ ისეთ კაცს, ვიხედავ დამოკიდებული ხარ. მე კი, შენი ბიძა, დამტოვე აქ წვიმაში, — ნახე, ნახე, რა გალუმპული ვარ — მაცდევინე ამდენ ხანს და შენზე წუხილით გამაწამე.

თავი მეშვიდე -

ვექილი.
ფაბრიკანტი.
მხატვარი.

ზამთრის ერთ დღეს — გარეთ თოვდა და ფანჯრებს ბუნდოვანი სინათლე მოსდგომოდა — კ. ქანცაწყვეტილი იჯდა თავის კაბინეტში, თუმცა ჭერ უშუალოდ არ იყო მოტანებული. დაბალი რანგის მოხლეებისაგან მაინც რომ დაცვა თავი, შიკრიკს უბრძანა, ჩემთან არავინ შემოუშვათ; გადაუღებელი საქმეები მაქვსო. მაგრამ ნაცვლად იმისა, რომ მუშაობას შესდგომოდა, მოუსვენრად წრიალებდა სავარძელ-

ში, მაგიდაზე დალაგებულ ნივთებს ადგილს უცვლიდა, შემდეგ წინ გაწვდილი ხელი ანგარიშშიუცემლად დაუშვა მაგიდაზე, თავი ჩაქინდრა და გაქვავდა.
პროცესზე ფიქრი აღარ ასვენებდა. ხშირად გაუვლია გულში, იქნებ ჯობდა თავის გასამართლებელი წერილი დამეწერა და სასამართლოში შემეტანაო. წერილს დაიწყო და მოკლე ავტობიოგრაფიით, ხოლო საკუთარი ცხოვრების მნიშვნელოვან მოვლენებს დაურთავდა ახსნა-განმარტებას, ამა თუ იმ შემთხვევაში რატომ მოიქცა ასე, ამჟამინდელი თვალსაზრისით ამართლებს თუ გმობს საკუთარ საქციელს და დაასაბუთებდა როგორც ერთს, ისე მეორეს. ასეთი გასამართლებელი წერილის უპირატესობა ჩვეულებრივ დაცვასთან შედარებით, არც თუ ისე უმწიკვლო ვექილმა რომ უნდა მოაბას თავი, უდავო იყო. კ-მ აქამდე არ იცოდა, რას აპირებდა ვექილი, ყოველ შემთხვევაში, ბევრი არაფერი უღონია, ერთი თვის მანძილზე ერთხელაც არ დაუბარებია და არც ადრინდელი მოლაპარაკების დროს დარჩენია ისეთი შთაბეჭდილება, ეს კაცი ჩემთვის ბევრი რამის გაკეთებას შეძლებსო. უპირველეს ყოვლისა, თითქმის არაფერს ეკითხებოდა. საკითხავი კი მის საქმესთან დაკავშირებით ძალზე ბევრი იყო. მთავარია, შეკითხვების დასმა. კ-ს ისეთი გრძნობა ჰქონდა, თითქოს თავადაც შეეძლო დაესვა საკუთარი თავისათვის ყველა საჭირო კითხვა. ვექილი კი, პირიქით, იმის ნაცვლად რომ რაიმე ეკითხა, ან რალაც ამბავს უყვებოდა, ანდა ჩუმად იჯდა მის წინ საწერ მაგიდაზე გადმოხრილი, — ალბათ იმიტომ, რომ ყურს აკლდა — წვერს იწიწკნიდა და ხალიჩას ზუსტად იმ ადგილას დაჰყურებდა, სადაც კ. ლენისთან ერთად იწვა. დროდადრო კ-ს ბავშვივით არიგებდა ჭკუას. ამ დარიგებასავით უსარგებლო და მოსაწყენ ლაპარაკში კ-მ მტკიცედ გადაწყვიტა ანგარიშის საბოლოო გასწორებისას ვექილისათვის ერთი ზედმეტი ჰელერიც კი არ გადაეხადა. როცა ვექილს ეგონა, კლიენტი საკმაოდ მოტეხეო, ჩვეულებრივ ნელ-ნელა მის გამხნევებას იწყებდა. სწორედ ამ დროს ჰყვებოდა, როგორ მოიგო მთლიანად ან ნაწილობრივ ესა თუ ის პროცესი; ბევრი მათგანი თურმე კ-ს პროცესივით მძიმე როდი იყო, მაგრამ ერთი შეხედვით უფრო უიმედო ჩანდა. ამ პროცესების სია უჯრაში მიღვესო — ამ დროს მაგიდის ერთ-ერთ უჯრაზე აკაკუნებდა, — ჩანაწერების ჩვენება, სამწუხაროდ, არ შეეძლო, სამსახურებრივი საიდუმლოებააო. მიუხედავად ამისა, ის დიდი გამოცდილება, რაც მან ამ პროცესების მსვლელობის დროს შეიძინა, კ-ს უდავოდ სარგებლობას მოუტანს. რა თქმა უნდა, მუშაობას უკვე შეუღდა და პირველი შუა-

მდგომლობა თითქმის მზად აქვს. ამ შუამდგომლობას დიდი მნიშვნელობა ენიჭება, რადგან პირველი შთაბეჭდილება, დაცვა რომ მოახდენს, ხშირად საქმეს ძირფესვიანად შეატრიალებს. სამწუხაროდ — კ-მ ეს უნდა იცოდეს, — ზოგჯერ პირველ შუამდგომლობას სასამართლოში საერთოდ არ კითხულობენ. უბრალოდ საქმეში ჩააკრავენ და განაცხადებენ, წინასწარი დაკითხვა და ბრალდებულზე დაკვირვება გაცილებით უფრო მნიშვნელოვანია, ვიდრე ყველაფერი, რაც ქალაქზე წერიაო. ხოლო თუ მთხოვნელი გაჯიუტდება, მაშინ მას ეუბნებიან, სასამართლოს მიერ საბოლოო გადაწყვეტილების გამოტანამდე მთელ მასალას თავს მოუყრიან საქმის არსში ჩაწვდომის მიზნით, ყველა საბუთს გადასინჯავენ და მათ შორის, პირველ შუამდგომლობასაც, მაგრამ, სამწუხაროდ, მეტწილად მთლად ასე არ ხდება, პირველ შუამდგომლობას ჩვეულებრივ გადაამალავენ ან საერთოდ დაკარგავენ, ხოლო თუ მაინც აღმოჩნდა სადმე, როგორც მოგვიანებით ვეჭილი ყურმოკრულად გებულობს, თურმე არავის არ წაუკითხავს. ეს ყველაფერი სამწუხაროა, მაგრამ ნაწილობრივ ამის გამართლებაც შეიძლება. კ-მ მხედველობაში უნდა მიიღოს ის ამბავი, რომ პროცესი დახურულია, რა თქმა უნდა, თუ სასამართლო ამას საჭიროდ მიიჩნევს, შეუძლია საქმე საჯაროდაც განიხილოს, მაგრამ ღია პროცესს კანონი არ ითვალისწინებს. ამიტომ სასამართლოს ოქმები, განსაკუთრებით კი საბრალდებლო დასკვნა, ბრალდებულისა და მისი დამცველისათვის ხელმიუწვდომელია, რის გამოც საერთოდ არ იციან ან უფრო სწორად, ზუსტად არ იციან, რის წინააღმდეგ მიმართონ პირველი შუამდგომლობა და მხოლოდ შემთხვევით შეიძლება შეიცავდეს იმას, რაც საქმისათვის მნიშვნელოვანია. ხოლო ზუსტი და დასაბუთებული შუამდგომლობა შეიძლება დაიწეროს მოგვიანებით, როცა ბრალდებულის დაკითხვის დროს ბრალდების ცალკეული პუნქტები და მათი დასაბუთება უფრო ცხადად გამოიკვეთება და გასაგები გახდება. ამგვარ პირობებში დამცველის მდგომარეობა, რა თქმა უნდა, მეტისმეტად არახელსაყრელი და მძიმეა, მაგრამ ესეც განზრახ კეთდება. საქმე ისაა, რომ კანონს დაცვა საჭიროდ არ მიაჩნია, იგი მხოლოდ ითმენს მას და ამჟამად იმაზეც კი დავობენ, კანონში თუა ნამდვილად შესაბამისი მუხლი, რომელიც დაცვის მოთმენას ითვალისწინებს, ამიტომ, მართალი თუ გინდათ იცოდეთ, სასამართლოს მიერ აღიარებული ვეჭილები საერთოდ არ არსებობენ, ხოლო ის, ვინც ამ სასამართლოს წინაშე დამცველის როლში გამოდის, ძირითადად მაინც თაღლითია. რა თქმა უნდა, ამგვარი მდგომარეობა ძალზე ამცირებს ვეჭილებს და თუ კ-ს ამ დღეებში

კიდევ ერთხელ მოუწევს სასამართლოს კანცელარიაში ყოფნა, შეუძლია დაათვალიეროს დამცველთა ოთახიც, რათა მასზეც ჰქონდეს წარმოდგენა. მას ალბათ დააფრთხობს იქ თავმოყრილი საზოგადოება. თუ რა აბუჩად ჰყავთ ავლებული სასამართლოში ვეჭილები, უპირველეს ყოვლისა, ამაზე მეტყველებს მათთვის მიჩენილი ვიწრო, დაბალჭერიანი ოთახი. ამ ოთახში სინათლე ერთი ციციქნა სარკმლიდან შემოდის, სარკმელი ისე მაღლაა დატანებული, რომ თუ ვინმეს გარეთ გახედვა მოუხდება, ჯერ უნდა იპოვოს კოლეგა, რომელიც ზურგზე შეიყენებს, შემდეგ კი იქვე ამოყვანილი ბუხრის კვამლი ეცემა ცხვირში და სახეს შავად გაუმურავს. ამ ოთახის იატაკში — ეს კიდევ ერთი მაგალითია იმისა, თუ რა მდგომარეობაშია იქაურობა — უკვე ერთ წელზე მეტია, რაც ხვრელი გაჩნდა, იმოდენა კი არა, რომ შიგ ადამიანი გაეტიოს, მაგრამ საკმარისად დიდი იმისათვის, რომ ცალი ფეხი ჩაგივარდეს. ვეჭილთა ოთახი ზედა სხვენზეა, ამრიგად, თუ ვინმეს ხვრელში ფეხი ჩაუვარდება, მისი ფეხი ქვედა სხვენის ჭერზე დაეკიდება, სწორედ იმ ღერეფნის თავზე, სადაც მომჩივან-მოპასუხენი სხედან.

ამიტომ რა ვასაკვირია, ვეჭილთა წრეში ასეთი მდგომარეობა სამარცხვინოდ რომ მიაჩნიათ. უფროსებთან ჩივილი არავითარ შედეგს არ იძლევა, ვეჭილებს კი უმკაცრესად აუტკრძალეს ამ ოთახში თავიანთი ხარჯით რაიმეს შეცვლა, მაგრამ ვეჭილებისადმი ამგვარი დამოკიდებულებაც დასაბუთებულია. ყველანაირად ცდილობენ, დაცვა პროცესიდან გამორიცხონ, ბრალდებული თვითონ უნდა გაუმკლავდეს თავის საქმეს. სიმართლე რომ ითქვას, ცუდი აქ არაფერია, მაგრამ დიდი შეცდომა იქნებოდა აქედან იმ დასკვნის გამოტანა, თითქოს ამ სასამართლოში ბრალდებულს ვეჭილი არ სჭირდება. პირიქით, არც ერთ სხვა სასამართლოში არ სჭირდება დამცველი ბრალდებულს ისე, როგორც აქ, რადგან საქმე არა მარტო საზოგადოებისაგან ფარულად ირჩევა, არამედ ბრალდებულისაგანაც — რა თქმა უნდა, მხოლოდ იმ ფარგლებში, რამდენადაც ეს შესაძლებელია, შესაძლებლობა კი აქ უამრავია. საქმე ისაა, რომ სასამართლოს ოქმები თვით ბრალდებულისთვისაც კი ხელმიუწვდომელია, ხოლო დაკითხვების მიხედვით მეტისმეტად ძნელია დასკვნა, რომელი ოქმი უდევს საფუძვლად ბრალდებას, ამ საქმეში გარკვევა განსაკუთრებით უჭირს ბრალდებულს, რომელიც არაობიექტურია და ათასგვარი საზრუნავი აქვს, რაც თავგზას უბნევს. აი, სწორედ ამ დროს ერევა საქმეში გეჭილი. საერთოდ, ვეჭილს უფლება არა აქვს დაკითხვას დაესწროს, ამიტომ დაკითხვის შემდეგ, თუ ეს შესაძლებელია, იქვე გამომძიებლის ოთახის კართან უნდა დასციცლოს ბრალ-

დებულს, რას ეკითხებოდნენ და ხშირად ამ უკვე სიზუსტეს მოკლებული მონაცემების მიხედვით შეარჩიოს ის, რაც დაცვას გამოადგება. მაგრამ უმთავრესი არც ესაა, რადგან ამ გზით ბევრს ვერაფერს გაიგებ, თუმცა ისევე, როგორც ყველგან, გონიერი კაცი ამ შემთხვევაშიც სხვებზე მეტს მიხვდება, მაგრამ უმთავრესი მაინც ვეჭილის პირადი ნაცნობობაა, სწორედ ამით ფასდება დაცვის ნამდვილი ღირებულება. კ. ალბათ პირადი გამოცდილებითაც დარწმუნდა, რომ სასამართლო აპარატის ქვედა ინსტანციის ორგანიზაცია მთლად სრულყოფილი არაა, იქ მრავლადაა მოვალეობის უგულვებელმყოფელი, ქრთამის მოყვარული მოხელე, რის გამოც სასამართლოს მტკიცედ შეკრულ სისტემაში ალაგ-ალაგ ბზარი ჩნდება. მაგრამ სწორედ ეს გახლავთ ვეჭილთა შესაძვრომი ხერხი, ამ ბზარის მეშვეობით ხდება მოხელეთა მოქრთამვა და სხვისი ლაპარაკის მოსმენა, ხოლო ძველ დროში თურმე სასამართლო საქმეებსაც კი იპარავდნენ. არ შეიძლება იმის უარყოფა, თითქოს ამ გზით ბრალდებულებს ცოტას მაინც არ შეელოდნენ, წვრილფეხა ვეჭილები სწორედ ამით ამაყობენ ყველგან და ახალ-ახალ კლიენტებს იზიდავენ, მაგრამ პროცესის შემდგომი მსვლელობისათვის ეს ან სრულიად არაფერს არ ნიშნავს, ანდა თუ ნიშნავს, სახეიროს არაფერს. მაგრამ ნამდვილი ღირებულების შემცველი მხოლოდ პირადი კეთილსინდისიერი ნაცნობობაა, განსაკუთრებით მაღალი რანგის მოხელეებთან, რა თქმა უნდა, საუბარი ეხება მხოლოდ დაბალი კატეგორიის მაღალი რანგის მოხელეებს. მართო ამ გზით შეიძლება გავლენა მოახდინო პროცესის მსვლელობაზე, ჯერ მხოლოდ შეუმჩნევლად, მერე და მერე კი თვალნათლივ. მაგრამ ამის შესაძლებლობა ვეჭილთა მხოლოდ მცირე ნაწილს აქვს და ამ შემთხვევაში კ-ს ბედმა გაუღიმა, მისი არჩევანი სწორი გამოდგა. მხოლოდ ორ-სამ ვეჭილს ჰყავს ისეთი ნაცნობები, როგორც დოქტორ ჰულდს. მისნაირებს, რა თქმა უნდა, არაფერი საქმე არა აქვთ ვეჭილთა ოთახის წარმომადგენლებთან და მჭიდროდ არიან დაკავშირებულნი სასამართლოს მოხელეებთან. დოქტორ ჰულდს არც სჭირდება სასამართლოში სიარული, საგამომძიებლო ორგანოების კარების წინ ატუხვა, ლოდინი, იქნებ რომელიმე მოხელე გამოჩნდეს და მისი გუნება-განწყობის მიხედვით რაიმე შედეგს მივალწიო, თანაც შედეგი თითქმის ყოველთვის მოჩვენებითია, და ზოგჯერ ამასაც ვერ აღწევ. კ-მ ხომ საკუთარი თვალთ ნახა, მოხელეები და საკმაოდ მაღალი რანგის მოხელეებიც კი თავის ფეხით მოდიან აქ და სიამოვნებით აწვდიან ცნობებს შეუფარავად ან ისე, რომ ადვილი მისახვედრი იყოს, მსჯელობენ პროცესების შემდგომ ეტაპზე, ცალკეულ შემთხვევაში იმის ნებასაც აძლევენ, გადააჭეროს ისინი და სიამოვნ-

ებით იზიარებენ მის თვალსაზრისს. თუმცა ამ მხრივ მათ დიდად ვერ ენდობი, იმ შემთხვევაშიც კი, როცა დაბეჯითებით გამოთქვამენ დაცვისათვის ხელსაყრელ ახალ მოსაზრებას და ირწმუნებიან, ძველ თვალსაზრისზე საბოლოოდ ავიდეთ ხელიო, ადვილი შესაძლებელია აქედან პირდაპირ კანცელარიაში წავიდნენ და სასამართლოს მეორე დონისათვის სრულიად საწინააღმდეგო გადაწყვეტილება უკარნახონ, რაც შეიძლება ბრალდებულისათვის ბევრად უფრო მკაცრი აღმოჩნდეს, ვიდრე მათი პირველი დასკვნა იყო. დაცვა საერთოდაც რომ არ ცდილობდეს ამ ვაჟბატონთა კეთილგანწყობილების შენარჩუნებას, ამისაგან თავს მაინც ვერ დაიცავს, რადგან ის, რაც ერთმანეთს პირისპირ უთხრეს, ასევე რჩება პირისპირ ნათქვამად და ოფიციალურ შედეგზე გავლენას ვერ ახდენს. მეორე მხრივ, მართალია ისიც, რომ მაღალი რანგის მოხელეები უკავშირდებიან ვეჭილებს, ცხადია, მხოლოდ კომპეტენტურ ვეჭილებს, არა მართო მეგობრული გრძნობებისა ან კაცთმოყვარეობის კარნახით, ისინი ერთგვარად დამოკიდებულნიც კი არიან დაცვაზე. სწორედ აქ მტკავნდება ნაკლი სასამართლო ორგანიზაციისა, რომელმაც იმთავითვე დააწესა ფარული სასამართლო. მოხელეები ვერ ამყარებენ ფართო კავშირს მოსახლეობასთან. მართალია, საშუალო პროცესებისათვის ისინი ჩვეულებრივ, კარგად არიან მომზადებულნი და ასეთი პროცესები შეუფერხებლად მოგორავენ თავის გზით, მხოლოდ აქ-იქ სჭირდებათ ხელის წაქვრა, მაგრამ ძალიან ადვილი და ძალიან მძიმე პროცესების დროს ხშირად უმწეონი არიან, რადგან გამუდმებით, დღე და ღამე, თავიანთი კანონების მარწმუნებში მოქცეულთ სწორედ არ ესმით ადამიანთა ურთიერთდამოკიდებულება. ასეთ შემთხვევაში კი ეს უაღრესად საჭიროა. სწორედ ამ დროს მოდიან ვეჭილთა რჩევის საკითხავად და უკან მოპყვებათ შიკრიკი, რომელსაც თან მოაქვს ის საქმეები, ჩვეულებრივ საიდუმლოდ რომ ინახება. აი ამ ფანჯარასთან შეიძლებოდა თვალი მოგეკრათ ზოგიერთი ვაჟბატონისათვის, ვისთან შეხვედრასაც ყველაზე ნაკლებად მოელის კაცი ასეთ ადგილას, დაინახავდით, რა უნუგემოდ გასცქეროდნენ ქუჩას, სანამ ვეჭილი საწერ მაგიდასთან იჯდა და საქმეს ჩაპკირკიტებდა, რათა მერე გონიერული რჩევა მიეცა მათთვის. სწორედ ასეთ ვითარებაში ამჩნევენ ყველაზე უკეთ, რა სერიოზულად ეკიდებიან ეს ვაჟბატონები თავიანთ პროფესიას და რა სასოწარკვეთილებამდე მიჰყავს ისინი იმ დაბრკოლებებს, რომელთა გადალახვა არ ხერხდება თვით ამ დაბრკოლებათა ბუნების გამო. დიდ მოხელეთა მდგომარეობა არც სხვა მხრივია სახარბიელო. მათ სამსახურს რომ ადვილი უწოდო, უსამართლო კაცი უნდა იყო. სასამართლოს საფეხურები და მო-

ხელეთა რანგები უსასრულოა და ამ საკითხში გარკვევა საქმეში ჩახედულ კაცსაც კი უჭირს. საერთოდ, სასამართლოში საქმის წარმოება დაბალი რანგის მოხელეებისთვისაც კი გასაიდუმლებულია, რის გამოც მათ თითქმის არ შეუძლიათ თვალყური ადევნონ იმ საქმეთა შემდგომ მსვლელობას, თვითონ რომ ამუშავენდნენ. ამრიგად, როცა სასამართლო საქმე მათ ხელში აღმოჩნდება, ხშირად არც კი იციან, საიდან მოვიდა და ვერც იმას იგებენ, საით მიდის. მაშასადამე, პროცესის ცალკეული ეტაპების, საბოლოო გადაწყვეტილებისა და მათი მიზეზების შესწავლა ამ მოხელეებს არაფერში არგია. მათ მხოლოდ პროცესის იმ ეტაპზე მიუწვდებთ ხელი, მათთვის რომ კანონითაა შემოფარგლული, ხოლო დანარჩენზე, ანუ საკუთარი მუშაობის შედეგებზე, გაცილებით ნაკლები იციან, ვიდრე დაცვამ, რომელიც, როგორც წესი, ბრალდებულთან პროცესის დამთავრებამდეა დაკავშირებული. ამგვარად, დამცველს ამ მხრივაც შეუძლია მნიშვნელოვანი ცნობები მიაწოდოს მათ. თუ კ. ყველაფერ ამას გაითვალისწინებს, მაშინ არ უნდა უკვირდეს, რომ მოხელეები გალიზიანებული არიან და თავიანთ სიფიცხეს დახარალებულთა მიმართ ხშირად მეტისმეტად შეურაცხყოფელ ფორმებში ავლენენ, რაშიც ყოველი ბრალდებული საკუთარი გამოცდილების საფუძველზე რწმუნდება. მოხელეები მაშინაც კი გალიზიანებული არიან, როცა მშვიდად გამოიყურებიან და ამის გამო, რა თქმა უნდა, ყველაზე მეტად წვრილფეხა ვეჭილები იტანჯებიან. მაგალითად, ამბავი, რომელსაც ყვებიან, ძალიან ჰგავს სინამდვილეს. ერთი ხნიერი მოხელე, კეთილი, უწყინარი ადამიანი, მთელი დღელამე სწავლობდა უალრესად ძნელ საქმეს, რომელიც ვეჭილის შუამდგომლობების წყალობით მეტისმეტად აირ-დაირია — ამ მოხელეებს სიბეჯითეში მართლაც ვერაფერ შეეძრება. — მას შემდეგ, რაც ოცდაათხი საათი თითქმის უშედეგოდ იმუშავა, დილით შემოსასვლელში კარს უკან დაიძალა და ყვილა ვეჭილი, ვინც კი შესვლა დააპირა, კიბეზე დააგორა. ვეჭილებმა ქვევით. კიბის ძირში მოიყარეს თავი და მოითათბირეს, როგორ მოქცეულიყვნენ. ერთი მხრივ, მათ უფლება არ ჰქონდათ შეშვება მოეთხოვათ, ამიტომ კანონის ძალით მოხელეს ვერაფერს დააკლებდნენ, გარდა ამისა, როგორც უკვე ვთქვით, უნდა მორიდებოდნენ იმ ამბავსაც, რომ მოხელეები თავიანთ წინააღმდეგ განწყობით. მეორე მხრივ კი ის დღე, როცა სასამართლოში აქ მივიდოდნენ, მათთვის დაკარგული იყო, და ამიტომ სასამართლოში შეუსვლელობა ხელს არ აძლევდათ. ბოლოს და ბოლოს გადაწყვიტეს მოხუცი მოქანცათ. ხან ერთ ვეჭილს აგზავნიდნენ მალა, ხან მეორეს, ვეჭილი კიბეს აირბენდა, მოხუცს ვითომცდა გაუძალიანდებოდა და მანამ-

დე არ ეშვებოდა, სანამ კიბიდან არ გადმოაგდებინებდა თავს, ძირს კი მას კოლეგები იჭერდნენ. ასე გრძელდებოდა დაახლოებით ერთი საათი, რის შედეგადაც ხნიერი მოხელე, რომელიც ისედაც დაღლილი იყო მთელი ღამის მუშაობით, ქანცაწყვეტილი კანცელარიაში დაბრუნდა. ვეჭილებმა პირველად მისი წასვლა არც დაიჯერეს, ერთ-ერთი ვეჭილი აგზავნეს, გაიგე, კარს უკან ხომ არ დგასო და მხოლოდ ამის შემდეგ ავიდნენ ზევით, თავიანთ ოთახში შელაგდნენ და აბუზღუნებაც კი ვერ გაბედეს. ვეჭილებს — ყველაზე უმაქნის ვეჭილსაც კი ნაწილობრივ მაინც შეუძლია გაერკვეს საქმის ვითარებაში — ახრალაც არ მოსდით რაიმე ცვლილებები ან გაუმჯობესებანი შეიტანონ სასამართლოს მიერ საქმის წარმოებაში. ამავე დროს კი — და ეს უალრესად დამახასიათებელია — თითქმის ყველა ბრალდებული, ყველაზე გონებაჩლუნგიც კი, პროცესში ჩაბმისთანავე ფიქრობს იმ წინადადებებზე, რომელთა მეშვეობითაც შეიძლება საქმის წარმოების გაუმჯობესება და ხშირად ამაზე ხარჯავს იმ დროსა და ენერგიას, რის სხვაგვარად გამოყენება გაცილებით უკეთ შეიძლებოდა. ერთადერთი სწორი პოზიცია არსებულ ვითარებასთან შეგუებაა. ზოგიერთი წვრილმანის გაუმჯობესება შესაძლებელიც რომ იყოს, — რაც უაზრობამდე მისული ცრურწმენაა — მაშინ შესაძლოა მომავალი პროცესებისათვის მაინც გააკეთო რამე, მაგრამ ამით საკუთარ თავს დიდად ავნებ; მოხელეთა ყურადღებას მიიქცევ და ისინიც ეცდებიან შური იძიონ. მთავარია, ყურადღება არ მიიქციო, მშვიდად მოიქცე იმ შემთხვევაშიც კი, როცა გონება გეურჩება! უნდა შეიგნო ის ამბავი, რომ სასამართლო უზარმაზარი ორგანიზაცია ყოველთვის გაურკვეველ მდგომარეობაშია და თუ შენთვის მიჩნეულ ადგილზე თვითნებურად რაიმეს შეცვლი, შეიძლება ფეხქვეშ ნიადაგი გამოგეცალოს და უფსკრულში გადაიჩეხო. დიდი ორგანიზმი კი ამ პატარა დარღვევას სხვა ადგილას — ყველაფერი ხომ ერთმანეთთანაა დაკავშირებული — იოლად მოუხანხავს შემცველს. და უცვლელი რჩება, თუ კიდევ უფრო კარჩაკეტილი, ფრთხილი, მკაცრი და ბოროტი არ გახდა, რაც სულ ადვილად შეიძლება მოხდეს. საქმის წახედნას ისევ ის სჯობია, ვეჭილს მიენდო. საყვედურებს არავისთვის არ მოაქვს სიკეთე, მით უმეტეს მაშინ, თუ ადამიანს ვერ გააგებინებ, რა მიზეზით უსაყვედურებ და რა მნიშვნელობას ანიჭებ ამას, მაგრამ მაინც უნდა ითქვას, რომ კ-მ დიდად ავნო საკუთარ თავს კანცელარიის დირექტორისადმი უდიერი მოპყრობით. ეს გავლენიანი კაცი უკვე ამოსაშლელია იმათი სიიდან, ვისაც შეეძლო რაიმე დახმარება გაეწია კ-სათვის. ახლა იგი განგებ იყრუებს თავს, როცა ლაპარაკი კ-ს პროცესზე ჩამოვარდება. ზოგჯერ სასამართ-

ლოს მოხელეები ბავშვებით იქცევიან. ხშირად უმნიშვნელო რამ, სამწუხაროდ, კ-ს იმდღევანდელი მოქცევა ამგვარ კატეგორიას არ განეკუთვნება, ისე შეურაცხყოფს მათ, რომ კარგ მეგობრებსაც კი აღარ ელაპარაკებიან, შეხვედრის დროს ზურგს აქცევენ და სადაც კი ხელი მიუწვდებათ, მათ წინააღმდეგ მოქმედებენ. შემდეგ კი, სრულიად მოულოდნელად ყოვლად უმიზეზოდ, შეიძლება სულ პატარა ხუმრობაზეც კი გააცინო, რასაც მხოლოდ იმიტომ ბედავ, რომ ყველაფერზე ხელი გაქვს ჩაქნული, და მაშინვე გირიდებიან. მათთან ურთიერთობა ძნელიცაა და ადვილიც, რაიმე წესზე ლაპარაკი აქ ზედმეტია. ზოგჯერ გაკვირვებს ის ამბავი, ერთი ადამიანის სიცოცხლე როგორ ყოფნის იმდენი ცოდნის შეძენას, ზოგჯერ მაინც სამუშაოს წარმატებით გაართვა თავი. მართალია, ხანდახან, ისევე როგორც ყველას, შენც გეძალება უგუნებობა, ფიქრობ, ვერავითარ წარმატებას ვერ მივალწივო და გგონია, მხოლოდ ის პროცესები დამთავრდა კარგად, რომელთა კეთილად დამთავრება იმთავითვე იყო განპირობებული და ასევე დამთავრდებოდა ყოველგვარი დახმარების გარეშეც. ყველა დანარჩენი პროცესი კი, მიუხედავად სირბილისა, გარჯისა, პატარ-პატარა მოჩვენებითი წარმატებებისა, ასე რომ გახარებდა, წაგებულა. ასეთ შემთხვევაში საკუთარი თავისადმი რწმენას კარგად და პასუხსაც კი ვერ იძლევი, როცა გეკითხებიან, მართალია თუ არა, რომ ზოგიერთი პროცესი, რომელიც კარგად უნდა დამთავრებულიყო, შენი ჩარევის შედეგად წაგებული აღმოჩნდაო. ერთადერთი, რასაც ამ დროს ებღაუჭები, რადაცნაირი შინაგანი თავდაჯერებულობაა. ასეთი შეტევები — ეს, რა თქმა უნდა, მხოლოდ შეტევებია და სხვა არაფერი — ვეჭილებს განსაკუთრებით მაშინ მოსდით, როცა ხელიდან აცლიან საქმეს, რომელსაც დიდხანს და დამაკმაყოფილებლად უძღვებოდნენ. ამაზე უარესი ვეჭილს არაფერი არ შეიძლება დაემართოს. საქმეს მათ ბრალდებული კი არ ართმევს, ასეთი რამ ალბათ არასოდეს მომხდარა, თუ ბრალდებულმა ვეჭილი ერთხელ აიყვანა, მიუხედავად ყველაფრისა, ბოლომდე მისი კლიენტია, როგორ შეუძლია მართო გაუმკლავდეს საქმეს, თუკი ერთხელ მაინც ისარგებლა დახმარებით. ამგვარად, ბრალდებული ვეჭილს აცილებას არ აძლევს, მაგრამ ზოგჯერ სულ სხვა რამ ხდება, პროცესი ისეთ გეზს იღებს, რომ ვეჭილს უფლება აღარ აქვს საქმეს მისდიოს. ვეჭილს ართმევენ პროცესსაც, ბრალდებულსაც და საერთოდ ყველაფერს; ამჯერად მას მოხელეებთან საუკეთესო ურთიერთდამოკიდებულება კი ვერ შევლის, რადგან მათაც არაფერი არ იციან. პროცესი ისეთ სტადიაში შევიდა, სადაც არავითარი დახმარება აღარ შეიძლება. ახლა უკვე საქმეს მიუწვდომელი სასამართ-

ლოები იხილავენ და ვეჭილს ბრალდებულამდე ხელი აღარ მიუწვდება. ამის შემდეგ ერთ მშვენიერ დღეს შინ ბრუნდები და მაგიდაზე გეხვდება ყველა ის შუამდგომლობა, ასეთი რუღუნებით რომ შეადგინე და სასამართლოში დიდი იმედით შეიტანე. ისინი მხოლოდ იმიტომ დააბრუნეს უკან, რომ პროცესის ახალ ეტაპზე მათი გამოყენება აკრძალულია და იმიტომ ყოველგვარ ღირებულებას მოკლებულ ქალაქის ნაფლეთებს და წარმოადგენენ. თუმცა ეს კიდევ არ ნიშნავს, რომ პროცესი წაგებულა, სრულიადაც არა, ყოველ შემთხვევაში, ასეთი ვარაუდისათვის არავითარი საფუძველი არ არსებობს, უბრალოდ, პროცესის თაობაზე აღარაფერი იცი და ვერც ვერაფერს გაიგებ. საბედნიეროდ ასეთი შემთხვევები იშვიათია და კ-ს პროცესი ამგვარიც რომ აღმოჩნდეს, იგი ხომ ჯერჯერობით ძალიან შორსაა მსგავსი ეტაპისაგან. იმიტომ ვეჭილს ჯერ კიდევ აქვს მუშაობის ფართო გაშლის შესაძლებლობა და კ-ს ეჭვი არ უნდა შეეპაროს, რომ იგი ამ შესაძლებლობას გამოიყენებს. მართალია, როგორც უკვე ვთქვით, შუამდგომლობა ჯერ კიდევ არ არის შეტანილი, მაგრამ ეს არც ისე საჩქაროა, ბევრად უფრო მნიშვნელოვანია წინასწარი მოლაპარაკება გავლენიან მოხელეებთან და ამ მიზნით იყო კიდევ გადადგმული გარკვეული ნაბიჯები, მაგრამ გულწრფელად უნდა ითქვას, რომ მოლაპარაკება ცვალებადი წარმატებით მიმდინარეობს. გაცილებით უკეთესი იქნება, თუ ჯერჯერობით კ-ს არ გაუმხელს ზოგ რამეს. ამან შეიძლება ცუდი გავლენა მოახდინოს მასზე, ან ძალიან დააიძვლოს, ანდა ძალიან შეაშინოს, მხოლოდ იმის თქმა შეიძლება, რომ ზოგიერთმა მოხელემ საკმარისი კეთილგანწყობილება გამოიჩინა მის მიმართ და გამოთქვა მზადყოფნა დახმარება აღმოუჩინოს, ზოგიერთები კი ნაკლებად კეთილგანწყობილნი არიან, მაგრამ არავითარ შემთხვევაში არ ითქმის ის, რომ დახმარებაზე უარს ამბობენ. ამგვარად, საერთოდ შედეგები გამამხნეველებია, მაგრამ რაიმე დასკვნის გამოტანა ჯერ ნაადრევია, რადგან ყველა წინასწარი მოლაპარაკება ერთნაირად იწყება და მხოლოდ საქმის შემდგომი განვითარება დაგვანახვებს, რამდენად მნიშვნელოვანი იყო წინასწარი მოლაპარაკება. ყოველ შემთხვევაში, ჯერჯერობით დაკარგული არაფერია და თუ მიუხედავად ყველაფრისა კვლავ მოხერხდება კანცელარიის დირექტორის გულის მოგება, — ამ მხრივ უკვე საკმაოდ ბევრი ნაბიჯია გადადგმული, — მაშინ ქირურგების თქმისა არ იყოს, საქმე გვექნება სუფთა ჭრილობასთან და მშვიდად შეგვიძლია დავვილოდოთ, რა მოჰყვება ამას. ასეთი და ამდგვარი საუბარი ვეჭილს არასოდეს ელეოდა და ყოველი ვიზიტის დროს მეორდებოდა. საქმე თითქოს წინ მიდიოდა, თითქოს წარმატებითაც, მაგრამ ვეჭილი არასოდეს

უმხელდა, მაინც რა წარმატება იყო ეს. ამავე დროს ჰუღლი პირველ შუამდგომლობაზე თავაუღებლივ მუშაობდა და ვერაფრით ვერ ამთავრებდა; შემდეგი სტუმრობისას თავს იმართლებდა, კიდევ კარგი ასე მოხდა, ბოლო დღეები თხოვნის შესატანად ყველაზე არახელსაყრელი იყო, თუმცა ამის წინასწარ განჭვრეტა არავის შეეძლო. ხოლო როცა სიტყვების ფრქვევით გადაქანცული კ. ზოგჯერ იტყოდა, ყველა სიძნელეს ვითვალისწინებ და მაინც მგონია, საქმე მეტისმეტად ნელა მიიწევს წინო, მას ეუბნებოდნენ, საქმე არც ისე ნელა მიიწევს წინ, მაგრამ გაცილებით მეტი გაკეთდებოდა, ვეჭვილი-სათვის რომ დროზე მიგემართათო. სამწუხაროდ, მან დრო დაკარგა, ეს დაყოვნება კი საკმაოდ ძვირად დაუჯდება და არა მარტო დროის თვალსაზრისით.

ერთადერთი სიხარული, რასაც ვეჭვილთან შეხვედრისას განიცდიდა, ლენის ოთახში შემოცქირალება იყო. ქალიშვილი ყოველთვის ახერხებდა, ვეჭვილისათვის ჩაიკ-ს იქ ყოფნის დროს მიერთმია და კ-ს ზურგს უკან გაჩერებული თავს იკარგუნებდა, თითქოს მხოლოდ იმას უყურებდა, რა სიხარბით ისხამდა მოკუნტული ვეჭვილი ჩაის ფინჯანზე და ხვრებდა, ხოლო კ-ს უფლებას აძლევდა ხელი ხელზე მოეჭირა ფარულად. ამ დროს ოთახში სიჩუმე ისადგურებდა. ვეჭვილი ჩაის სვამდა, კ. ლენის ხელს უჭერდა და ზოგჯერ ქალიშვილი იმასაც კი ბედავდა, ვაჟისათვის ნაზად გადაეცემა ხოლმე თმაზე ხელი.

— შენ კიდევ აქა ხარ? — ეკითხებოდა ვეჭვილი ლენის, როცა ფინჯანს დაცლიდა.

— ჭურჭელი ხომ უნდა გავიტანო, — უპასუხებდა ლენი და კ-ს კიდევ ერთხელ, უკანასკნელად მოუჭერდა ხელზე ხელს. ვეჭვილი კი ტუჩებს მოიწმენდა და ძალამოცემული კვლავ გაუბამდა კ-ს საუბარს.

კ-ს ვერაფრით ვერ გაეგო, ვეჭვილი ანუგეშებდა თუ ცდილობდა გული გაეტეხა მისთვის, მაგრამ საქმე რომ საიმედო კაცის ხელში არ იყო, ამაში ეჭვი არ ეპარებოდა, იქნებ ყველაფერი, რასაც ვეჭვილი უამბობდა, მართალი იყო, მაგრამ ისიც ცხადად ჩანდა, შემძლე კაცად რომ მოჰქონდა თავი და ალბათ არასოდეს არ მოუკიდია ხელი ისეთი მძიმე პროცესისათვის, როგორც ვეჭვილის აზრით, კ-ს პროცესი იყო. ეჭვს იწვევდა მისი პირადი ნაცნობობაც სასამართლოს მოხელეებთან, რასაც წამდაუწუმ უსვამდა ხაზს. ნეტავ ეს ნაცნობობა ერთხელ მაინც თუ გამოიყენა კ-ს სასარგებლოდ? ვეჭვილი წარამარა ახსენებდა კ-ს, რომ საქმე ეხებოდა მხოლოდ დაბალი რანგის მოხელეებს, ანუ სხვებზე დამოკიდებულ ადამიანებს, რომელთა დაწინაურებისათვის პროცესის მსვლელობაში ამა თუ იმ გადახრას ალბათ დიდი მნიშვნელობა ჰქონდა. იქნებ ისი-

ნი ვეჭვილს იმისათვის იყენებდნენ, რომ პროცესი ბრალდებულისათვის ასე არახელსაყრელად გადახრილიყო? იქნებ მოხელეები სხვა პროცესების დროს ასე არ იქცეოდნენ, ამგვარი რამ არც არის დასაჯერებელი, თუმცა უთუოდ გამოერეოდა ისეთი პროცესებიც, როცა მოხელეებმა ვეჭვილს სამაგიერო მიუზღე! გაწეული სამსახურისათვის, რადგან თვითონვე იყვნენ დაინტერესებულნი, წმინდად შეენახათ ვეჭვილის რეპუტაცია. მაგრამ თუ საქმე მართლაც ასეა, მაშინ როგორ ჩაერევიან კ-ს პროცესში, რომელიც ვეჭვილის მტკიცებით მეტისმეტად მძიმე და მნიშვნელოვან პროცესად ითვლება და თავიდანვე მიიქცია სასამართლო ორგანოების დიდი ყურადღება? მათი შემდგომი განზრახვა ეჭვს არ იწვევდა. ამას ისიც ასაბუთებდა, რომ პირველი შუამდგომლობა ჯერაც არ იყო სასამართლოში შეტანილი, თუმცა პროცესი რამდენიმე თვე გრძელდებოდა და ვეჭვილის თქმით ჯერ კიდევ არ გასცდენია საწყის სტადიას. ეს ამბავი კი დიდად უწყობდა ხელს იმას, რომ მოედუნებინათ ბრალდებულის ყურადღება, განეიარაღებინათ იგი და მოულოდნელად თავს დაეტეხათ განაჩენი ან უკიდურეს შემთხვევაში, ეცნობებინათ, გამოძიება თქვენ სასარგებლოდ არ დამთავრდა და საქმე უფრო მალაღ ინსტანციაში გადაიტანესო.

არა, კ. უსათუოდ უნდა ჩაერიოს საქმეში. სწორედ ზამთრის ამ დილას, როცა უზომოდ დაღლილი უნებურად კვლავ თავის პროცესზე ფიქრს მისცემოდა, დარწმუნდა, რომ სხვა გზა არ იყო. გაქრა ის ზიზღი, ადრე რომ პროცესის მიმართ ჰქონდა. მარტო რომ ყოფილიყო ამქვეყნად, პროცესს არაფრად ჩააგდებდა. მაგრამ ახლა, როცა ბიძამ ვეჭვილთან მიათრია, ანჯაბიში უნდა გაეწია ოჯახური ურთიერთდამოკიდებულებისათვისაც; გარდა ამისა, მისი სამსახურებრივი მდგომარეობაც უკვე პროცესის მსვლელობაზე იყო დამოკიდებული, რადგან კ-მ წინდაუხედავად და ერთგვარი აუხსნელი თვითკმაყოფილებითაც კი თვითონ ახსენა პროცესი ნაცნობებთან, ხოლო სხვებმა რა გზით გაიგეს ეს ამბავი, ღმერთმა უწყის. ფროლიან ბიურსთენერთან მისი დამოკიდებულებაც პროცესის მსვლელობის შესაბამისად იცვლებოდა — ერთი სიტყვით, აღარაფერ ეკითხებოდა, მიიღებ თუ არა ამ პროცესსო, მან ღრმად შეტოვა და ახლა თავი უნდა დაეცვა, ხოლო თუ დაიღალა, მით უარესი მისთვის.

მიუხედავად ამისა, ზედმეტად შემამოფოთებელი ჯერჯერობით არაფერი იყო. კ-მ მოახერხა მოკლე დროში ბანკში მაგრად მოეკიდებინა ფეხი და საკმაოდ მალაღ თანამდებობა დაეკავებინა, ყველამ აღიარა მისი გამჭრიახობა, ახლა კი მთელი თავისი ნიჭი, რომლის წყალობითაც ამდენს მიაღწია, ნაწი-

ლობრივ პროცესისათვისაც უნდა გამოიყენოს და ეჭვი არ ეპარებოდა, თუ ასევე იმარჯვებდა, ყველაფერი კარგად დამთავრდებოდა, მაგრამ თუ შართლა სურს რაღაცას მიაღწიოს, ამთავითვე უნდა გამოირიცხოს ყოველგვარი ფიქრი საკუთარ დანაშაულზე. არავითარი დანაშაული არ არსებობს. მთელი ეს პროცესიც, უბრალოდ, ასეთივე დიდ საქმესა ჰგავს, რომლისთვისაც კ-ს ხშირად მოუბია თავი ბანკის სასარგებლოდ და ამგვარ საქმეს, როგორც წესი, ყოველთვის თან ახლავს ყველანაირი საფრთხე, და სწორედ ეს საფრთხე უნდა აიცილოს თავიდან. ხოლო ამ მიზანს რომ მიაღწიო, არამც და არამც არ უნდა იფიქრო რაიმე დანაშაულზე, საჭიროა მხოლოდ აწონ-დაწონო, რა არის შენთვის ხელსაყრელი. აქედან თავისთავად გამომდინარეობდა ის დასკვნა, რომ ვეჭილი რაც შეიძლება მალე ჩამოეცილებინა გზიდან და აჯობებდა, თუ საღამოსვე გადადგამდა ამ ნაბიჯს. მართალია, ვეჭილის აზრით ასეთი რამ გაუგონარი პრეცედენტი იქნებოდა და თანაც უპატივსა და შეურაცხმყოფელი, მაგრამ კ-ს აღარ შეეძლო მოეთმინა, მთელი მისი მეცადინეობა ამ პროცესის წასამართლად წაწყდომოდა მთელ რიგ დაბრკოლებებს, რასაც შესაძლოა თვით მისი ვეჭილი უწყობდა ხელს. ხოლო როცა ვეჭილს თავიდან მოიცილებს, შუამდგომლობას მაშინვე შეიტანს სასამართლოში და დღენიადაგ ყველაფერს იღონებს, რათა მისი შუამდგომლობა გაითვალისწინონ. ამ მიზნის მისაღწევად, რა თქმა უნდა, საკმარისი არ იქნება, სხვებივით დერეფანში ჯდომა და ქულის მერხვევებზე დადგმა. ან ჰირადად მან, ან ნაცნობმა ქალებმა, ანდა საამისოდ შერჩეულმა პირმა ყოველდღე უნდა შეაწუხონ მოხელეები და აიძულონ, გისოსებიდან დერეფანში კი არ იცქირებოდნენ, არამედ თავიანთ მაგიდებზე მიუსხდნენ და კ-ს შუამდგომლობა შეისწავლონ. ასეთ დროს არ უნდა მოდუნდე, ყველაფერი უნდა მოაგვარო და მოაწესრიგო, სასამართლო ერთხელ მაინც უნდა გადააწყდეს ისეთ ბრალდებულს, ვისაც თავის უფლებების დაცვა შეუძლია.

კ-ს ეჭვი არ ეპარებოდა, რომ ყოველივე ამას ხორცს შეასხამდა, მაგრამ ერთადერთი დამთრგუნველი სიძნელე შუამდგომლობის შედგენა იყო. ადრე, თუნდაც ერთი კვირის წინ, კ-ს მხოლოდ სირცხვილის გრძნობა ეუფლებოდა, როცა ფიქრობდა, შეიძლება ამგვარი ქალაქის შედგენა დამჭირდესო; ვერაფრით ვერ წარმოედგინა, ეს საქმე თუ ასეთი ძნელი აღმოჩნდებოდა. კ-ს გაახსენდა, რომ ერთხელ დილით, როცა უამრავი სამუშაო ჰქონდა, უეცრად ყველაფერი განზე გადადო, ბლოკნოტი მოიმარჯვა და სცადა ამგვარი შუამდგომლობისათვის საჭირო აზრთა თანმიმდევრობა შავად მოეხაზა, რაც შემდეგ შეიძლება მოუქნელი ვეჭილისათვის გადაეცა,

მაგრამ სწორედ ამ დროს კარი გაიღო და ოთახში შემოვიდა დირექტორის მოადგილე, რომელიც ხმამაღლა იცინოდა. კ-ს ძალზე უსიამო გრძნობა დაეუფლა, თუმცა დირექტორის მოადგილის სიცილის მიზეზი შუამდგომლობა კი არ იყო, — ამის თაობაზე მან არაფერი იცოდა; — ბირჟასთან დაკავშირებული ანეკდოტი უამბეს ახლახან და იმაზე იცინოდა. ანეკდოტი რომ გაგვეგო, საჭირო იყო რაღაცის დახატვა, ამიტომ დირექტორის მოადგილე კ-ს მაგიდისაკენ დაიხარა, ხელიდან ფანქარი გამოსტაცა და სწორედ იმ ბლოკნოტის ფურცელზე დაიწყო სატვა, კ-მ რომ შუამდგომლობის დასაწერად მოიმარჯვა.

მაგრამ დღეს კ-ს ამისა აღარ რცხვენოდა, შუამდგომლობა აუცილებლად უნდა დაეწერა. თუ სამსახურში საამისოდ დროს ვერ გამოიხატავდა, რაც სავსებით შესაძლებელი იყო, მაშინ შინ ღამ-ღამობით შეუდგებოდა წერას. თუ ღამეებიც არ ეყოფოდა, შვებულებას აიღებდა. ოღონდ არ უნდა შეჩერებულყო შუა გზაზე, რაც არა მარტო საქმეში, არამედ ყველგან და ყველაფერში უდიდეს უგუნურობად მიაჩნდა. შუამდგომლობის შედგენა თითქმის დაუსრულებელ შრომას მოითხოვდა. კაცი ბუნებით ძალიან მხდალიც რომ არ იყოს, მაინც ადვილად დარწმუნდებოდა, რომ ასეთი ქალაქის შედგენა საერთოდ შეუძლებელია. და არა სიზარმაცის ან მზაკვრობის გამო, რაც შეიძლება ამ საქმეში ვეჭილს ხელს უშლიდა, არამედ იმიტომ, რომ არ იცნობ ბრალდებას და მის დანართებს და გინდა თუ არა, დაწვრილებით უნდა აღწერო შენი ცხოვრება. გაიხსენო ყოველი უმნიშვნელო ნაბიჯი თუ მოვლენა და ძირფესვიანად გადასინჯო. აი, რა მოსაწყენი სამუშაოსათვის უნდა მოეკიდა ხელი კ-ს. ასეთი რამ შეიძლება პენსიაზე გასვლის შემდეგ გამოდგომოდა გაბავშვებული გონების დასასაქმებლად და გრძელი დღეების შესამოკლებლად. მაგრამ ახლა, როცა კ-ს გამჭრიახი გონება სამსახურისათვის სჭირდებოდა, როცა დრო უჩვეულო სისწრაფით მიჰქროდა, ხოლო თვით კ-ს აღმავალი გზით მიდიოდა და დირექტორის მოადგილისათვის საფრთხეს წარმოადგენდა, როცა მას ახალგაზრდა კაცს, ცხოვრებით დატკობა ეწადა და საამისოდ მხოლოდ მოკლე საღამოები და ღამეები რჩებოდა, უნდა დამჯდარიყო და შუამდგომლობა ეწერა. კ-ს კვლავ შეეცოდა საკუთარი თავი. თითქმის უნებურად, ოღონდ კი ამგვარი ფიქრები თავიდან მოეშორებინა. მან მისაღებ ოთახში გაყვანილი ელექტროზარის ღილაკს თითი დააჭირა და საათს შეჩედა. თერთმეტი სრულდებოდა. ამდენი დრო, ძვირფასი ორი საათი ფიქრს შეაღია და თანაც წინანდელზე მეტად დაიღალა. თუმცა დრო უქმად

მანც არ დაუკარგავს, მან მიიღო გადაწყვეტილება, რომელსაც შეეძლო მისთვის სარგებლობა მოეტანა.

ფოსტასთან ერთად შეიკრიბებმა შემოუტანეს ორი სავიზიტო ბარათი, რომელთა პატრონები თურმე დიდი ხანია გლოდებიან. ისინი ბანკის ფრიად საჭირო კლიენტები იყვნენ და მათი მოცდენა არაფრით არ შეიძლებოდა, „რატომ მოვედით ასეთ შეუფერებელ დროს ან რატომ ხარჯავს ბეჯითი პროკურისტი პირად საქმეებზე სამსახურისათვის განკუთვნილ, ყველაზე ძვირფას დროს?“ — ეკითხებოდნენ ახლა ალბათ თავის თავს დახურულ კარს მიღმა მსხდომი ბატონები. მომხდარი ამბებით დაღლილი და უარესის მოლოდინით დაქანცული კ. ფეხზე წამოდგა, რათა პირველ კლიენტს შეგებებოდა.

ეს იყო პატარა, მკვირცხლი ფაბრიკანტი, რომელსაც კ. კარგად იცნობდა. ფაბრიკანტმა მოუბოდიშა, მნიშვნელოვან საქმეებს მოვაცდინეთო, თავის მხრივ კ-მაც მოუხალა ბოდიში, ასე დიდხანს ვალოდინეთო, მაგრამ მისი მობოდიშება მეტისმეტად მექანიკური, ყალბად ხაზგასმული იყო და ფაბრიკანტი უთუოდ მიაქცევდა ამას ყურადღებას, საკუთარი საქმით რომ არ ყოფილიყო ასე გატაცებულ. ნაცვლად ამისა, მან სწრაფად ამოიღო ყველა ჯიბიდან ანგარიშები და ცხრილები, კ-ს წინ დაუწყო და განუმარტა ცალკეული პუნქტები, შეასწორა ანგარიშში დამცვებული მცირე შეცდომა, რაც ზერელედ გადახედვის დროს მოხვდა თვალში და კ-ს შეახსენა, ამ ერთი წლის წინათ ამგვარი ხელშეკრულება უკვე დამიდეთო, შემდეგ კი ვითომდა სხვათა შორის ახსენა, ამჯერად სხვა ბანკი მზადაა უდიდესი მსხვერპლი გაიღოს, ოღონდ კი მსგავსი ხელშეკრულება დავუდოო. ბოლოს, კ-ს აზრი რომ მოესმინა, ფაბრიკანტი გაჩუმდა. თავიდან კ. დიდი ყურადღებით უსმენდა, სარფიან საქმეზე ფიქრმა ისიც გაიტაცა, მაგრამ, სამწუხაროდ, მცირე ხნის შემდეგ ყურადღება მოუღუწდა, მოეშვა, აქაქანებულ ფაბრიკანტს მხოლოდ თავს უქნევდა, მერე ამასაც მოეშვა და იმასლა დასჯერდა, ქალაღისაკენ დახრილი მელიოტი თავისათვის ეცქირა, თან საკუთარ თავს ეკითხებოდა, ბოლოს და ბოლოს როდის მიხვდება ფაბრიკანტი, ამოდ რომ დაქალაქებსო. როდესაც ფაბრიკანტი დაღუმდა, კ-მ რატომღაც გაიფიქრა, ალბათ იმიტომ გაჩუმდა, რომ სურს გულწრფელად ვაღიარო. კარგად ვერ მოგისმინეთ-მეთქი, მაგრამ ფაბრიკანტის დაძაბულმა მხერამ მიახვედრა. კლიენტი მზად იყო ყოველგვარი საწინააღმდეგო აზრი მოესმინა და კ-ც სინანულით დარწმუნდა, საქმიანი ლაპარაკის გაგრძელებას ვერ გაეჭეოდა. კ-მ ისე დახარა თავი, თითქოს ბრძანებას ემორჩილებოდა. ნელა უსვამდა ფანქარს ქალაღზე, შემდეგ მცირე

ხნით შეჩერდებოდა და რომელიმე ციფრს დააშტერდებოდა. ეტყობა, ფაბრიკანტმა გულში გაივლო, ან რაღაცაში არ მეთანხმება, ან ციფრები არ არის მთლად ზუსტად ნაანგარიშები, ანდა საქმეს ციფრები არ წყვეტენო. ამიტომ ქალაღებს ხელი დააფარა, მეტისმეტად ახლოს მიიწია კ-საკენ და ხელახლა გააცნო საქმის ზოგადი არსი.

— ძნელი საქმეა, — უთხრა კ-მ და ტუჩები დამანჭა, რადგან ქალაღებს, რომელთა მეშვეობითაც რაღაცის გაგება შეეძლო, ველარ ხედავდა. ღონემიხდილი კ. საგარძლის სახელურს დაეყრდნო.

მან მხოლოდ მაშინ ასწია ოდნავ თავი, როცა დირექტორის კაბინეტის კარი გაიღო და ბუნდოვნად, თითქოსდა ბურუსშიაო გახვეული, გამოჩნდა დირექტორის მოადგილე. ამ ამბის გამო კ-ს დიდად არ შეუწუხებია თავი, მაგრამ ფაბრიკანტის საქციელმა სიხარული მოჰგვარა. ფაბრიკანტი იმწამსვე წამოხტა საგარძლიდან და დირექტორის მოადგილისაკენ გაიქცა. კ-ს უნდოდა ფაბრიკანტი ასჯერ უფრო სწრაფი ყოფილიყო, რადგან ეშინოდა, დირექტორის მოადგილე კვლავ თვალს არ მიეფაროსო. მისი შიში ამაო აღმოჩნდა, ბატონები ერთმანეთს შეეგებნენ, ხელი ჩამოართვეს და ერთად დაიძრნენ კ-ს საწერი მაგიღისაკენ. ფაბრიკანტმა დირექტორის მოადგილეს შესჩივლა, პროკურისტი ჩემს საქმეს გულისყურით არ მოეკიდაო და კ-ზე ანიშნა. კ-მ ვერ გაუძლო დირექტორის მოადგილის მხერას და ისევ ქალაღებისაკენ დაიხარა. ფაბრიკანტი დირექტორის მოადგილის გადაბირებას ცდილობდა, კ-ს მოეჩვენა, თითქოს ორივენი უსაშველოდ გაზრდილნი, დასდგომიან თავზე და მის ასავალ-დასავალზე ბჭობენ. რომ ვაეგო რა ხდებოდა ზევით, ფრთხილად აიხედა, შემდეგ ალაღბედზე მაგიღიდან ერთი ფურცელი აიღო, ხელის გულზე დაიდო, ნელ-ნელა წამოიშარა და ორივე მამაკაცს დინჯად მიუტანა სახესთან ქალაღი. ამ წუთებში კ. არაფერზე არ ფიქრობდა, ისე იქცეოდა როგორც მისი აზრით მოიქცეოდა უაღრესად მნიშვნელოვანი შუამდგომლობის შედეგის შემდეგ, როცა ბრალდებას მოუხსნიდნენ. დირექტორის მოადგილემ, რომელიც ყურადღებით უსმენდა ფაბრიკანტს, ქალაღს ზერელედ დახედა და არც კი წაუკითხავს, რადგან, ის, რაც პროკურისტისათვის მნიშვნელოვანი იყო, მას სრულიად არ აინტერესებდა, მაგრამ ქალაღი მანც გამოართვა კ-ს, უთხრა: „გმადლობთ, მე უკვე ყველაფერი ვიცი“ და მშვიდად დაღო მაგიდაზე. გაგულისებულმა კ-მ აღმაცერად გახედა მას, მაგრამ დირექტორის მოადგილემ მისი მხერა ან სულ ვერ შეამჩნია ან თუ შეამჩნია, ამან მხოლოდ კარგ გუნებაზე დააყენა, წამლაუწუმ გულიანად, ხმამაღლა იცინოდა, თანაც

ერთი მოსწრებელი პასუხით ფაბრიკანტი უხერხულ მდგომარეობაში ჩააყენა, მაგრამ მაშინვე ენაზე იკბინა და ნათქვამი შეაბრუნა, ბოლოს კი ფაბრიკანტი თავის კაბინეტში მიიწვია საბოლოო მოლაპარაკებისათვის.

— მე კარგად მესმის, ეს საქმე მეტისმეტად მნიშვნელოვანია, ბატონი პროკურისტი კი... — დირექტორის მოადგილე ამ სიტყვებითაც კი მხოლოდ ფაბრიკანტს მიმართავდა — ალბათ ნაწყენი არ დაგვრჩება, თუ ამ ტვირთისაგან გავათავისუფლებთ. ეს საქმე მშვიდად განსჯას მოითხოვს. პროკურისტი კი, ეტყობა, ისედაც გადატვირთულია საქმეებით, თან მოსაცდელშიც საათობით ელოდება ხალხი.

კ-ს ძლივს ეყო ძალა, ზურგი არ შეექცია დირექტორის მოადგილისათვის და დაძაბული, მაგრამ თავაზიანი ღიმილი მხოლოდ ფაბრიკანტისათვის გაემეტებინა. სხვა მხრივ იგი სრულიად არ ჩარეულა მათ საუბარში, ოდნავ წინ გადაიხარა, ორივე ხელით ისე დაეყრდნო საწერ მაგიდას, როგორც ნოქარი დაეყრდნობა ხოლმე დახლს, და შესცქეროდა, როგორ აკრიფეს ლაპარაკში გართულმა ვაჟბატონებმა მაგიდაზე გაშლილი ქაღალდები და დირექციის კაბინეტში გავიდნენ. სანამ გაუჩინარდებოდა, ფაბრიკანტი კიდევ ერთხელ შემობრუნდა, კ-ს უთხრა, არ გემშვიდობებით, მოლაპარაკების შედეგებს მოგახსენებთ და კიდევ ერთი რამ მინდა გაუწყობო.

ბოლოს, როგორც იქნა, კ. მარტო დარჩა. არც უფიქრია შემდეგი კლიენტის მიღება და შეგნებაში მხოლოდ ბუნდოვნად გაუელვა აზრმა, რა კარგია, მოსაცდელში მსხდომთ ჰგონიანთ, ჯერ კიდევ ფაბრიკანტს ველაპარაკები და ამის გამო შიკრიკიც ვერ გაბედავს შემოსვლასო. კ. ფანჯარასთან მივიდა, რაფაზე ჩამოჯდა, ცალი ხელით სახელურს ჩაეკიდა და შოედანს გადახედა. ისევ თოვდა, დარს პირი არ უჩანდა.

კ. დიდხანს იჯდა უძრავად და ვერ გაეგო, რა აწუხებდა, ოდნავ შემკრთალი დროდადრო თავს მიიბრუნებდა და მისაღები თათხის კარს შეხედავდა, ეჩვენებოდა, თითქოს იქიდან რაღაც ხმაური ესმოდა, მაგრამ რადგან არავინ შემოდიოდა, ცოტათი მშვიდდებოდა. შემდეგ წამოდგა, პირსაბანთან მივიდა, ცივი წყლით პირი დაიბანა და გამოცოცხლებული ისევ ფანჯარასთან მივიდა. გადაწყვეტილება, საკუთარი თავის დაცვა თვითონ ეკისრა, ახლა უფრო დაუჯდა ჰკუაში, ვიდრე თავიდან ჰქონდა ნავარაუდები. როცა საქმე ვეჭილს მიანდო, პროცესი მას ნაკლებად ეხებოდა. მხოლოდ შორიდან ადევნებდა თვალყურს და გულთან ახლოს არ მიჰქონდა. მოუხდებოდა, შეეძლო შეემოწმებინა, როგორ მიდიოდა საქმე, თუ არადა, არც მიაკითხავდა. ახლა კი, როცა თვითონ დაიცავდა თავს, იძულებული იქნებოდა — თუნდაც დროის ამ მონაკ-

ვეთში — მთლიანად ჩაფლულიყო სასამართლოს საქმეებში, რასაც მოგვიანებით მისი სრული და საბოლოო განთავისუფლება მოჰყვებოდა. მაგრამ ამას რომ მიაღწიოს, ჯერჯერობით მაინც გაცილებით უფრო დიდ საფრთხეში უნდა ჩაიგდოს თავი, ვიდრე აქამდე ემუქრებოდა. და თუ დღემდე ამაში ეჭვი ეპარებოდა, დირექტორის მოადგილის თანდასწრებით ფაბრიკანტთან შეხვედრამ იგი საბოლოოდ დაარწმუნა ამ აზრის სისწორეში. არა, მაინც როგორ იჯდა მათ წინ გაოგნებული მხოლოდ იმის გამო, რომ გადაწყვიტა, თვითონ დაეცვა საკუთარი თავი? რა მოჰყვება ყოველივე ამას, რა დღე ელის? იპოვის კი იმ გზას, რომელიც მთელ ამ აბდაუბდაში გააღწევს და კეთილ დასასრულამდე მიიყვანს? განა ასე საგულდაგულოდ გააზრებული დაცვა — სხვა ყველაფერი უაზრობად მიაჩნია — იმას არ ნიშნავს, რომ დანაწიენ საქმეებზე ხელი აიღოს? შეძლებს კი ამ დავიდარებას მშვიდობიანად დააღწიოს თავი? როგორ უნდა განახორციელოს ყოველივე ეს კაცმა, რომელიც ბანკში მსახურობს! დრო არა მარტო უშამდგომლობის შესადგენად სჭირდებოდა, — ამისათვის შევებულეცა ეყოფოდა, თუმცა შევებულების აღება ახლა დიდი გამბედაობა იქნებოდა, — არამედ პროცესისთვისაც, რომელიც ვინ იცის, რამდენ ხანს გაგრძელდება. აი, რა გადაელობა წინ კ-ს სამსახურებრივ კარიერას!

ასეთ მდგომარეობაში მყოფმა როგორ იმუშაოს ბანკში? კ-მ საწერ მაგიდას გადახედა: ნუთუ ახლა კლიენტები უნდა მიიღოს და ელაპარაკოს? იმ დროს, როცა პროცესი წინ მიეჭანება, იქ, ზევით, სხვენზე სასამართლოს მოხელეები მისი პროცესის ოქმებს ჩაჰკირკიტებენ, მან ბანკის საქმეებზე უნდა იზრუნოს? განა ეს არ ჰგავს პროცესიდან გამომდინარე სასამართლოს მიერ ნებადართულ წამებას, ყველგან რომ თან სდევს? განა ბანკში მისი მუშაობის შეფასების დროს ანგარიშს გაუწევენ მის განსაკუთრებულ მდგომარეობას? არავინ და არასოდეს. ცოტა რამ მისი პროცესის შესახებ ზოგიერთებმა უკვე ჰციან, თუმცა ჯერ არ ცისე ცხადია, ვინ რა იცის და რამდენი იცის. იმედია, დირექტორის მოადგილის ყურამდე ჯერ კიდევ ვერ მიაღწია ხმებმა. თორემ კ. აქამდეც ცხადად დაინახავდა, როგორ ცდილობს იგი გამოიყენოს გავრცელებული ხმები მის წინააღმდეგ და ზურგი აქციოს ყოველგვარ კოლეგიალობას და ადამიანობას. ხოლო რაც შეეხება დირექტორს, იგი კ-ს მიმართ კეთილად იყო განწყობილი და თუ პროცესის თაობაზე რაიმეს ყურს მოჰკრავდა, ეცდებოდა შეძლებისდაგვარად მისი მდგომარეობა შეემსუბუქებინა, მაგრამ ახლა, როცა კ-ს სახით საპირისპირო ძალა თანდათან სუსტდებოდა და დირექტორის მოადგილის გავლენას წინააღმ-

დევობას ვერ უწევდა, დირექტორიც ველარაფერს უშველიდა. ეს გავლენა თანდათან ძლიერდებოდა და ამას ისიც ერთობა ზედ, რომ მოადგილე დირექტორის ავადმყოფობას საკუთარი ძალა-უფლების განსამტკიცებლად იყენებდა: რის იმედით უნდა ჰქონოდა კ-ს? ამგვარი აზრების ზეგავლენით შეიძლება წინააღმდეგობის ძალა აკლდებოდა, მაგრამ, მეორე მხრივ, თავი არ უნდა მოეტყუებინა და ყველაფერი ისე ნათლად განეჭვრიტა, რამდენადაც ეს ამჟამად შესაძლებელი იყო.

კ-მ უმიზეზოდ, მხოლოდ იმიტომ გამოაღო ფანჯარა, რომ საწერ მაგიდასთან არ დაბრუნებულყო, ფანჯარა ძნელად იღებოდა და იძულებული შეიქნა ორივე ხელით მოეტრიალებინა სახელური. მთელი ოთახი აივსო კვამლნარევი ნისლით, რომელსაც ოდნავ სიღამწვრის სუნი ასდიოდა. ქარმა ოთახში რამდენიმე თოვლის ფიფქიც შემოფანტა.

— საძაგელი შემოდგომაა, — თქვა ამ დროს კ-ს ზურგს უკან ფაბრიკანტმა, რომელიც დირექტორის მოადგილის კაბინეტიდან გამოსულიყო და შეუშინებლად მიახლოვებოდა ფანჯარას. კ-მ თანხმობის ნიშნად თავი დაუქნია და შეუფთოებულმა შეავლო თვალი ფაბრიკანტის პორტფელს. ახლა ალბათ პორტფელიდან ქაღალდებს ამოიღებს და მომახსენებს, როგორ დაამთავრა მოლაპარაკებამ დირექტორის მოადგილესთან, გაიფიქრა კ-მ. ფაბრიკანტმა კ-ს მხერა შეამჩნია, მიუხედავად, პორტფელს ხელი დაჰკრა, მაგრამ არ გაუხსნია და ისე თქვა:

— თქვენ ალბათ, გაინტერესებთ, რით დასრულდა ჩვენი მოლაპარაკება. შეიძლება ითქვას, რომ ხელშეკრულება თითქმის ჯიბეში მიდევს. დიდად მომნიბვლელი პიროვნებაა თქვენი დირექტორის მოადგილე, მაგრამ ვერ იტყვი, მამა აბრამის ბატკანიო.

ფაბრიკანტმა გაიცინა, კ-ს მაგრად ჩამოართვა ხელი და სცადა იგიც გაეცინებინა. ახლა კ-ს მოეჩვენა საეჭვოდ, რომ ფაბრიკანტს არავითარი სურვილი არ ჰქონდა, მისთვის ქაღალდები ეჩვენებინა და ფაბრიკანტის შენიშვნაში სასაცილო ვერაფერი დაინახა.

— ბატონო პროკუროსტო, ამგვარი ამინდი თქვენზე ალბათ ცუდად მოქმედებს. დღეს მეტისმეტად დანადგოვანივით ხანხარათ, — უთხრა ფაბრიკანტმა.

— დიახ, — უპასუხა კ-მ და ხელი საფეთქელთან მიიტანა, — თავი მტკიცა, პირადი უსიამოვნების ბრალია.

— მართალი ბრძანდებით, — დაემოწმა ფაბრიკანტი. იგი მოუსვენარი კაცი იყო და მოთმინება არ ჰყოფნიდა ვინმესთვის ბოლომდე მოესმინა, — ყველას თავისი ჯვარი აქვს სატარებელი.

უეცრად კ-მ ისე გადადგა ნაბიჯი კაოისკებს, თანდათან მასდ იყო ფაბრიკანტი კაბინეტიდან გაეცილებინა, მაგრამ ამ დროს ფაბრიკანტმა უთხრა:

— ბატონო პროკუროსტო, მინდა ერთი რამ გაუწყოთ, ვშიშობ, თქვენ ახლა ამისათვის არ გცალიათ, მაგრამ ბოლოდროს ორჯერ ვიყავი თქვენთან და ამის თქმა ორჯერვე გადამავიწყდა. ახლა კი ველარ გადავდებ სათქმელს, რადგან შემდგომ ამზე ლაპარაკს ალბათ არავითარი აზრი აღარ ექნება. ეს კი დასაანანია, ის რაც უნდა გაუწყოთ, ეგებ არც ისე უმნიშვნელო აღმოჩნდეს თქვენთვის, — სანამ კ. პასუხის გაცემას მოასწრებდა, ფაბრიკანტი სულ ახლოს მივიდა მასთან, მოკაყული თითები ოდნავ დაჰკრა მეკრდზე და ჩუმიად უთხრა: — პროცესში ხართ გაბმული, არა?

კ-მ უკან დაიხია და უცბად წამოიძახა:

— დირექტორის მოადგილემ გითხრათ!

— ო, არა, — უპასუხა ფაბრიკანტმა, — საიდან უნდა იცოდეს ეს ამბავი დირექტორის მოადგილემ?

— თქვენ საიდანა იცით? — ჰკითხა კ-მ ახლა უფრო მეტი თავშეკავებით.

— მე დროდადრო რაღაც-რაღაცებს ვგებულობ სასამართლოს შესახებ, — უპასუხა ფაბრიკანტმა, — და ის, რაც უნდა გაუწყოთ, მას ეხება.

— რამდენი ხალხია სასამართლოსთან დაკავშირებული! — თქვა თავჩაქინდრულმა კ-მ და ფაბრიკანტი საწერ მაგიდასთან მიიყვანა. ისინი უზუსტად ისე დასხდნენ, როგორც წელან ისხდნენ და ფაბრიკანტმა თქვა:

— სამწუხაროდ, ბევრს ვერაფერს გაუწყებთ, მაგრამ ასეთ საქმეში მცირედის უგულვებელყოფაც არ შეიძლება. გარდა ამისა, გულით მინდა როგორმე დაგეხმაროთ, რა უმნიშვნელოც არ უნდა იყოს ჩემი დახმარება. ჩვენ ხომ აქამდეც მეგობრული, საქმიანი ურთიერთობა გვქონდა, ასე არ არის? აი, ხომ ხედავთ!

კ-ს უნდოდა ბოდიში მოეხადა დღევანდელი მოლაპარაკების დროს ჩადენილი უსაქციელობის გამო, მაგრამ ფაბრიკანტი ვერ იტანდა, როცა სიტყვას აწყვეტილებდნენ. აქაოდა, ვითომ ძალიან მეჩქარებო, ფაბრიკანტმა პორტფელი იღო — ში ამოიხარა და განაგრძო:

— თქვენი პროცესის შესახებ ტიტორელი მიამბო. იგი მხატვარია, ტიტორელი მისი ფსევდონიმია, ნამდვილი გვარი, მართალი გითხრათ, არც კი ვიცი, უკვე რამდენიმე წელია, რაც იგი დროდადრო ჩემს კანტორაში შემოვიღის ხოლმე, მოაქვს პატარ-პატარა ნახატები და ამ ნახატებში — იგი ხომ თითქმის მათხოვარია — მოწყალებასავით ვაძლევ ცოტა-

დენ ფულს. თუმცა ლამაზ პეიზაჟებს ხატავს, ველებს და სხვა ამდაგვარს. ჩვენს საქმიან გარიგებას ორივენი შევეჩვიეთ და შეუფერხებლად მიმდინარეობდა, მაგრამ ამ ბოლო დროს სიარულს მოუხშირა, რის გამოც საყვედური ვუთხარი, შემდეგ საუბარი გავაბით, მაინტერესებდა, როგორ ახერხებდა ამ ნახატებით თავის რჩენას, ჩემდა გასაოცრად გამოირკვა, რომ მისი შემოსავლის მთავარი წყარო პორტრეტების ხატვა ყოფილა. „სასამართლოს ვემსახურები“, — მითხრა მან. „რობელ სასამართლოს?“ — ვკითხე მე. მან დაიწყო სასამართლოზე რალაც-რალაცების მოყოლა. თქვენ ყველაზე უკეთ შეგიძლიათ წარმოიდგინოთ, როგორ გამოაცა მისმა ნაამბობმა. მას შემდეგ ყოველ მის სტუმრობაზე ვგებულობ რაიმე ახალს სასამართლოს შესახებ და ერთგვარი წარმოდგენაც კი შემექმნა იმაზე, რაც იქ ხდება. მართალია, ტიტორელი ყბედია და ხშირად იძულებული ვხდები თავიდან მოვიშორო, და არა მხოლოდ იმიტომ, რომ ტყუის, არამედ უპირველეს ყოვლისა, იმის გამო, რომ საქმის კაცი ვარ, თავსატეხად ჩემი საზრუნავიც მყოფნის და არ მცალია, სხვისი საქმეებისათვის ამდენი დრო ვფლანგო. მაგრამ ამას ისე, სხვათაშორის გეუბნებით. თქვენზე კი, იცით, რა ვიფიქრე, იქნებ ის ტიტორელი რამეში დაგეხმაროთ, სასამართლოში ბევრ მოხვედრას იცნობს, მართალია, პირადად მას დიდი გავლენა არა აქვს, მაგრამ ხომ შეუძლია რჩევა მოგცეთ, გასწავლოთ გზა, საიდან მიუდგეთ გავლენიან პირებს. შეიძლება მისი რჩევა არაფრად ღირდეს, მაგრამ ჩემი აზრით, პირადად თქვენ დიდად გამოგადგებათ, რადგან თითქმის ვეჭილი ბრძანდებით. მე ყოველთვის ვამბობ: რაღა ვეჭილი და რაღა პროკურისტი კი, არა მგონია, თქვენი საქმე ცუდად დამთავრდეს, მაგრამ იქნებ მაინც შეიაროთ ტიტორელისთან. ჩემი ხათრით თქვენთვის რას არ გააკეთებს. ჩემი აზრი ის გახლავთ, რომ მასთან უნდა შეიაროთ. აუცილებელი არაა დღესვე მიხვიდეთ, შეიარეთ როდისმე, როცა შემთხვევა მოგეცემათ. ცხადია, ჩემი რჩევა — ესეც მინდა იცოდეთ — არ გავალდებულებთ, აუცილებლად ინახულოთ მხატვარი. თუ დარწმუნებული ბრძანდებით, რომ უიმისოდაც გაართმევთ საქმეს თავს, მაშინ მოეშვით. იქნებ უკვე გაქვთ შემუშავებული მოქმედების ზუსტი გეგმა და ტიტორელის მხოლოდ ხელის შეშლა შეუძლია. არა, თუ ასეა, მაშინ ნუ მიხვალთ მასთან! რა თქმა უნდა, კაცმა თავს ძალა უნდა დაატანო, რომ ასეთი კაცისაგან რჩევა მიიღო. ერთი სიტყვით, როგორც გენებოთ, აი სარეკომენდაციო ბარათი და მისი მისამართიც.

სასოწარკვეთილმა კ-მ ბარათი გამოართვა და ჯიბეში ჩაიღო. ეს სარეკომენდაციო ბარათი ყველაზე ხელსაყრელ შემ-

თხვევაშიც კი ვერ მოუტანდა კ-ს იმდენ სარგებლობას, რამდენი ზარალიც მიაყენა: მისი პროცესის ამბავი ფაბრიკანტმა უკვე იცოდა და მხატვარი ამ ხმებს სხვაგანაც გაავრცელებდა.

კ-მ დიდი გაჭირვებით აიძულა თავი, კართან მისული ფაბრიკანტისათვის გამოთხოვებისას რალაც მადლობის გამომხატველი სიტყვები ეთქვა:

— მხატვარს ვინახულებ, ანდა რადგან ამჟამად არ მცალია, მივწერ, თვითონ შემოიაროს ბანკში.

— ვიცოდი, საუკეთესო გამოსავალს რომ იპოვიდით, — უთხრა ფაბრიკანტმა, — თუმცა აქამდე ვფიქრობდი, ჯობდა, არ მოგეწვიათ ტიტორელისთანა ხალხი ბანკში და არ გესაუბრათ აქ მასთან თქვენს პროცესზე. გარდა ამისა, არც ის არის მიზანშეწონილი, ასეთ კაცს წერილი ჩაუგდოთ ხელში, მაგრამ თქვენ ალბათ ყველაფერი მოფიქრებული გაქვთ და იცით, რა დროს როგორ უნდა მოიქცეთ.

კ-მ თავი დაუქნია და ფაბრიკანტი მხოლოდ მოსაცდელ ოთახამდე გააცილა. მიუხედავად გარეგნული სიმშვიდისა, მაინც შიშმა შეიპყრო, ტიტორელის წერილს მივწერო, მხოლოდ იმიტომ უთხრა, რომ ფაბრიკანტისათვის დაენახებინა, რომ დიდად აფასებს მის რეკომენდაციას. და ფიქრობს მხატვართან შეხვედრაზე; თუმცა თუ ტიტორელის დახმარებას სასარგებლოდ მიიჩნევდა; უყოყმანოდ მისწერდა ბარათს. მაგრამ ფაბრიკანტის შენიშვნამ დაარწმუნა, რომ ბარათის მიწერას შეიძლება სასიფათო ამბები გამოეწვია. ნუთუ ამაზე მეტად ვერ უნდა ენდოს საკუთარ ჭკუას? თუკი იმის გაფიქრება შეძლო, რომ ვილაც საეჭვო პირი წერილობით მოეპატიებინა ბანკში, სადაც მის და დირექტორის მოადგილის კაბინეტს მხოლოდ კარი ჰყოფდა და ამავე დროს მისთვის რჩევა ეკითხა პროცესთან დაკავშირებით, მაშინ ისიც იყო დასაშვები და შესაძლებელი, რომ სხვა საფრთხესაც ასევე ვერ ამჩნევდა და ორივე ფეხით ებმებოდა ხაფანგში. ყოველთვის ხომ არ ეყოლება გვერდში ვინმე ისეთი, ვინც წინასწარ გააფრთხილებს. სწორედ ახლა, როცა ყველაზე მეტად სჭირდებოდა ძალღონე მოეკრიბა და ხელი გამოეღო, სწორედ ახლა შეეპარა აქამდე გამოუცდელი ეჭვი საკუთარი გონების სიფხიზლეში. ნუთუ ისევე გაუჭირდება პროცესის წარმართვა, როგორც ამჟამად უჭირს ბანკის საქმეების წარმოება? ახლა თვითონაც აღარ ესმოდა, როგორ მოუვიდა თავში აზრი, ტიტორელისათვის წერილი მიეწერა და ბანკში მოეპატიებინა.

იგი ჯერ კიდევ გოცემული აქნევდა თავს, როცა გვერდით შეკრიკი ამოუდგა და შეახსენა, მოსაცდელში სამი კაცი ზისო. ისინი უკვე დიდი ხანია ელოდნენ, როდის შეუშვებდნენ კ-სთან, როგორც კი დაინახეს, კ-ს შეკრიკი გამოე-

ლაპარაკო, მაშინვე ფეხზე წამოდგენ, სათითაოდ შეეცადნენ ესარგებლათ ხელსაყრელი შემთხვევით და კ-ს ხელში ჩაგდება ერთმანეთისათვის დაესწროთ. რაკი ბანკი არ მოერიდა მათ და მოსაცდელში აყურყუტეს ამდენი ხანი, აღარც მათ სურდათ მორიდებოდნენ ვინმეს.

— ბატონო პროკურისტო, — დაიწყო ერთმა, მაგრამ ამ დროს კ-მ შიკრიკს ზამთრის პალტო მოატანინა და სანამ შიკრიკის დახმარებით იცვამდა, სამივეს მიმართა:

— მაპატიეთ, ბატონებო, სამწუხაროდ, ახლა სულ არა მაქვს დრო და ვერაფრით ვერ მიგიღებთ, ძალიან გთხოვთ მაპატიოთ, გადაუდებელი საქმე გამომიჩნდა და დაუყოვნებლივ უნდა წავიდე. თვითონ დაინახეთ, რამდენი დრო დამაკარგვინეს. იქნებ ინებოთ და ხვალ ან სხვა დროს მობრძანდეთ? ან იქნებ დამირეკოთ და საქმე ტელეფონის მეშვეობით მოვაგვართ? იქნებ გსურთ ახლავე მითხრათ სათქმელი მოკლედ და მე დაწვრილებით პასუხს წერილობით გაგცემთ. თუმცა ჯობია ამ დღეებში გამოიაროთ, — კ-მ იმდენი რამ შესთავაზა კაცებს, რომ ისინი გაკვირვებულები ერთმანეთს მღუმარედ შეაშტერდნენ, ნუთუ ამაოდ იცადეს ამდენი ხანი?

— მაშ შევთანხმდით, არა? — იკითხა კ-მ და შებრუნდა შიკრიკისაკენ, რომელიც ქუდს აწვდიდა. კ-ს კაბინეტის ღია კარიდან ჩანდა, გარეთ თოვამ იმატა. ამიტომ კ-მ პალტოს საყელო აიწია და ღილები ბოლომდე შეიკრა.

სწორედ ამ დროს გვერდით კაბინეტიდან დირექტორის მოადგილე გამოვიდა, ღიმილით შეხედა ზამთრის პალტოში გამოწყობილ, კლიენტებთან მოლაპარაკე კ-ს და ჰკითხა:

— თქვენ უკვე მიდიხართ, ბატონო პროკურისტო?

— დიახ, — უპასუხა კ-მ და წელში გაიმართა, — გადაუდებელი საქმე მაქვს.

მაგრამ ამასობაში დირექტორის მოადგილე მამაკაცებისაკენ შებრუნდა.

— ამ ბატონებს რას უპირებთ? ისინი, მგონი, დიდი ხანია იცლიან?

— ჩვენ ეს წუთია შევთანხმდით, — უპასუხა კ-მ, მაგრამ ამ დროს სამივე კლიენტს მოთმინებამ უღალატა, კ-ს ირგვლივ შემოეხვივნენ და განაცხადეს, ამდენ ხანს ტყუილუბრალოდ არ დაგელოდებოდით, დიდი საქმე რომ არ გვქონდეს, ახლავე საფუძკლიანად უნდა მოგელაპარაკოთო ჰირისპირ. დირექტორის მოადგილემ მცირე ხანს უსმინა მათ, შემდეგ ახედ-დახედა კ-ს, რომელსაც ხელში ჩაიღო ეჭირა და აქა-იქ მტვერს აცლიდა და ბოლოს ისევ კაცებს მიუბრუნდა:

— ბატონებო, არის ერთი უბრალო გამოსავალი, თუ ჩემ-

თან მოლაპარაკება დაგაკმაყოფილებთ, სიამოვნებით ვიკისრებ ამას ბატონი პროკურისტის მაგივრად. ეჭვიც არ მეპარება, თქვენი საქმეები დაუყოვნებლივ უნდა გადაწყდეს, ჩვენც საქმის ხალხი ვართ და ვიცით, რა ძვირფასია დრო საქმის კაცისათვის. ხომ არ ინებებთ ჩემს კაბინეტში შემობრძანებას? — დირექტორის მოადგილემ გააღო თავისი მოსაცდელი ოთახის კარი.

როგორ ემარჯვებოდა დირექტორის მოადგილეს მიეთვისებინა ყველაფერი, რაზეც კ. ამჟამად იძულებული იყო ხელი აეღო! იქნებ კ. ვაცილებით მეტს თმობდა, ვიდრე ამას აუცილებლობა მოითხოვდა? სანამ გაურკვეველი და, როგორც გულში აღიარა, ძალზე მცირე იმედით ვილაც უტნობ მხატვართან გაიქცევა, აქ მისი ავტორიტეტი სამუდამოდ შეილახება. ალბათ ბევრად აჯობებდა, ზამთრის პალტო გაეხადა და ყოველ შემთხვევაში ის ორი კაცი მაინც მიეღო, დირექტორის მოადგილის მოსაცდელ ოთახში რომ მოუხდებოდათ ლოდინი და თავისკენ გადმოებირებინა. იქნებ კ. ასეც მოქცეულიყო, თავის კაბინეტში რომ არ დაენახა დირექტორის მოადგილე, რომელიც წიგნების თაროზე ქალაღებში ისე იქექებოდა, თითქოს მისი საკუთრება ყოფილიყოს. როცა აღეღვებულები კ. კარს მიუახლოვდა, დირექტორის მოადგილემ გამოსძახა:

— აჰა, თქვენ ჯერ არ წასულხართ? — და სახე კ-საკენ შემოაბრუნა, მისი სწორი და მკაცრი ნაოჭებით დაღარული სახე უფრო მბრძანებლური ჩანდა, ვიდრე დაბერებული. დირექტორის მოადგილე რალაცის ძებნას განაგრძობდა და თან ამბობდა: — ვეძებ ხელშეკრულებას, ფირმის წარმომადგენელი ამტკიცებს, რომ ასლი თქვენთან ინახება. ხომ არ დამეხმარებით მოძებნაში?

კ-მ მისკენ ნაბიჯი გადადგა, მაგრამ ამ დროს დირექტორის მოადგილემ წამოიძახა:

— გმადლობთ, უკვე ვიპოვე, — და თავის ოთახში გაბრუნებულმა თან წაიღო ქალაღების დიდი შეკვრა, სადაც მარტო ხელშეკრულების ასლი კი არა, ბევრი სხვა საბუთიც ინახებოდა.

— ახლა ამასთან ბრძოლის თავი არა მაქვს, — ჩაილაპარაკა კ-მ, — მაგრამ თუკი ოდესმე ჩემი პირადი ვასაჭირი მოგვარდება, მე მას ჰირველს გადავუხდი სამაგიეროს და რაც შეიძლება მწარედაც. ამ აზრმა კ. ოდნავ დაამშვიდა და შიკრიკს, რომელსაც მისთვის უკვე კარგა ხანია გაეღო დერეფანში გამავალი კარი, დაავალა, როგორც კი შემთხვევა მოგეცემათ. დირექტორს მოახსენეთ, რომ საქმეზე წავედი.

კ. ლამის გაბედნიერებული გავიდა ბანკიდან, მადლობა ღმერთს, საკუთარ საქმეს მაინც მივხედავო რიგინად.

კ. პირდაპირ გავმგზავრა მხატვართან, რომელიც ქალაქის გარეუბანში, სასამართლოს კანცელარიების სრულიად საწინააღმდეგო მხარეს ცხოვრობდა. ეს გარეუბანი კიდევ უფრო უზადრუჟად გამოიყურებოდა, სახლები უარესად იყო ჩაბნელებული, შესახვევებში თოვლი დამდნარიყო და გუბებში ნაგავი ცურავდა. სახლს, სადაც მხატვარი ცხოვრობდა, ალყაფის კარების მხოლოდ ცალი საგდული ჰქონდა ღია, მეორე კი დაბლა გამოტეხილი იყო, საიდანაც სწორედ იმ დროს, როცა კ. მიუახლოვდა, რაღაცნაირი საზიზღარი, მხრჩოლავი ყვირთული სითხე გადმოიღვარა და ამ სითხის შიშით რამდენიმე ვირთხამ არხში ისკუბა. ქვემოთ, კიბის ძირში პირქვე იწვა პატარა ბავშვი და ტიროდა, მაგრამ მისი ხმა ძლივს ისმოდა. ჭიშკრის მოპირდაპირე მხარეს იდგა მეთუნუქის სახელოსნო, საიდანაც გამაყრუებელი ხმაური გამოდიოდა. სახელოსნოს კარი ღია იყო, სამი ქარგალი რომელიც ნაკეთობას დასტრიალებდა გარს და ჩაქუჩებს ურახუნებდნენ. კედელზე დაკიდებული დიდი, თეთრი თუნუქის ფურცლიდან არეკლილი მქრქალი შუქი ორ ქარგალს შუა ატანდა და მათ სახეებსა და წინაფრებს ანათებდა. კ-მ მხოლოდ შეათვალიერა იქაურობა, უნდოდა, რაც შეიძლება სწრაფად მოეთავებინა საქმე, რაღაც მაინც გავგო მხატვრისაგან და მაშინვე უკან გამობრუნებულიყო. მხატვართან მოლაპარაკების დროს თუ მცირე წარმატებას მიღწევდა, ეს კარგ გავლენას მოახდენდა მის დღევანდელ მუშაობაზე ბანკში. მესამე სართულზე ნაბიჯს უკლო, სულს ძლივს ითქვამდა. კიბის საფეხურები და სართულებიც მეტისმეტად მაღალი იყო. მხატვარი, ეტყობა, სულ ზევით, სხვენზე ცხოვრობდა. ჰაერიც უსაშველოდ დაიხუთა. ვიწრო ხვეული და უბაქნო კიბე ორივე მხრივ კედლებს შორის იყო მოქცეული. კედლებში ჰერს ქვემოთ აქა-იქ პატარა ფანჯრები გამოეჭრა. კ. მცირე ხნით შეჩერდა და უცებ ერთ-ერთი ბინიდან გოგონები გამოცვივდნენ და სიცილით აირბინეს კიბე. კ. ნელა გაჰყვა მათ, დაეწია ერთ-ერთს, რომელმაც კიბეზე წაიფორხილა და სხვენს ჩამორჩა, და სანამ ერთმანეთის გვერდით მიაბიჯებდნენ, კ-მ ჰკითხა:

— აქ ცხოვრობს მხატვარი ტიტორელი?

ცამეტიოდე წლის ოდნავ კუზიანმა გოგომ პასუხის მაგივრად მუჭლუგუნი უთავაზა და აღმაცერად ახედა. თუმცა ჯერ კიდევ ნორჩი იყო და ფიზიკური ნაკლიც ჰქონდა, მაინც ეტყობოდა, რომ უკვე სულით ხორცამდე გარყვნილია. გოგოს

არც კი გაუღიმა, კ-ს სერიოზულად, მკაცრად და გამომწვევად შესტკეროდა.

კ-მ მისი უსაქციელობა არაფრად ჩააგდო და კვლავ ჰკითხა:

— იცნობ მხატვარ ტიტორელის?

გოგომ თავი დაუქნია და ახლა თვითონ ჰკითხა:

— რა საქმე გაქვთ მასთან?

კ-მ გადაწყვიტა, ურიგო არ იქნება თუ ტიტორელზე ცოტა რამეს კიდევ შევიტყობო და გოგოს უთხრა.

— მინდა დამხატოს.

— დაგხატოთ? — ჰკითხა გოგომ, პირი დააფჩინა და კ-ს ისე დაჰკრა ხელი, თითქოს რაღაც წარმოუდგენელი სისულელე წამოროშაო, შემდეგ ორივე ხელით აიწია ისედაც ძალიან მოკლე ქვედატანი და რაც ძალა და ღონე ჰქონდა გაიქცა იმ გოგონებისაკენ, რომელთა ყვირილი სადღაც ზევით მიიქარგა.

მაგრამ კიბის შემდეგ მოსახვევში კ. ისევ გადაეყარა გოგობს; კუზიანმა გოგომ, ეტყობა, ამხანაგებს უკვე აცნობა, რა განზრახვითაც მოვიდა კ. და ამკარად მას დარაჯობდნენ. კ-ს რომ თავისუფლად გაველო, გოგონები კიბის ორივე მხარეს კედელს აკვროდნენ და ხელით წინსაფრებს ისწორებდნენ. სახეზეც, მწკრივად დგომაზეც ყველას თანაბრად ეტყობოდა ბავშვობაც და გარყვნილობაც. მეგზურობა კუზიანმა იყისრა და წინ გაიქცა, გოგონები კი კ-ს უკან შემეჭიდროვდნენ და ხმამაღლა იცინოდნენ. კ-მ კუზიანი გოგოს წყალობით ადვილად გაიკვლია გზა. ჯერ გადაწყვეტილი ჰქონდა პირდაპირ ასულიყო ზევით, მაგრამ კუზიანმა ანიშნა, ტიტორელისთან თუ გინდა მოხვდე, გვერდით კიბეს გაჰყევით. მხატვრის ბინისაკენ მიმავალი შვეული კიბე კიდევ უფრო ვიწრო და გრძელი აღმოჩნდა და მთელ სიგრძეზე ჩანდა, რადგან არსად უხვევდა და სწორედ ტიტორელის კართან თავდებოდა. კიბესთან შედარებით კარი უკეთ იყო განათებული სხვენზე ირიბად დატანებული ფანჯრის წყალობით, შეუღლებავ ფიცრის კარზე წითელი საღებავით სქლად გამოეყვანათ ტიტორელის გვარი. კ. მთელი თავისი ამალით ჯერ კიდევ შუა კიბეზე არ იქნებოდა ასული, როცა ზევით — ეტყობა, მხატვარმა ფეხის ხმა გაიგონა — კარი ოდნავ გაიღო და გამოჩნდა მამაკაცი, რომელსაც, გეგონებოდა, მართლამის პერანგი აცვიო.

— ო! — დაიძახა მან, როცა კიბეზე ამომავალი ბრბო დაინახა და მაშინვე გაუჩინარდა. კუზიანმა სიხარულისაგან ტაში შემოჰკრა, ხოლო დანარჩენი გოგონები კ-ს ხელს ჰკრავდნენ, მოუჩქარეო ასვლას.

გაიღო და მხატვარმა მდებარე თავის დაკვირვებით კ. ოთახში შეიპატოჟა. სამაგიეროდ გოგოების შინ შემეშვება არ ისურვა და მიუხედავად მათი თხოვნისა და მცდელობისა ნებადაურთველად შეჭრილიყვნენ ბინაში, დიდი ვაი-ვაგლანით მოიგერიან. მხოლოდ კუზიანი დაუსხლტა ხელიდან, მაგრამ მხატვარი უკან დაედევნა, კაბაში სწვდა, მოიფრიალა და გარეთ გაავლო, დანარჩენებმა ვერ გაბედეს ამ შემთხვევით ესარგებლათ და ბინაში შეცვენილიყვნენ. კ-მ არ იცოდა, ყოველივე ამის დამნაშავეს რა ეფიქრა. ისეთი შთაბეჭდილება შეექმნა, თითქოს მხატვარს და გოგოებს შორის მეტისმეტად მეგობრული ურთიერთობა სუფევდა. კართან გაჩერებული გოგოები რიგ-რიგობით ოგრძელებდნენ კისერს და მხატვარს ხუმრობით ხან რა სიტყვას ეუბნებოდნენ, ხან რას, მათი შინაარსი კ-ს არ ესმოდა, მაგრამ მხატვარი იცინოდა და კუზიანი კინალამ ხელიდან გაუვარდა. ბოლოს კარი დაკეტა, კიდევ ერთხელ დაუკრა თავი კ-ს, ხელი გაუწოდა და გაეცნო:

— მხატვარი-ფერმწერი ტიტორელი.

კ-მ მიუთითა კარზე, რომლის მიღმა გოგოები ჩურჩულებდნენ, და თქვა:

— ეტყობა, ამ სახლში თქვენ ძალიან უყვარხართ.

— ახ, ეს მაიმუნები! — წამოიძახა მხატვარმა და შეეცადა ღამის პერანგის ღილები შეეკრა.

იგი ფეხშიშველა იდგა, მაგრამ ახლა პერანგის გარდა ეცვა ყვითელი ტილოს ფართო შარვალი, რომელიც ქაშრით ჰქონდა დამაგრებული და ქაშრის ბოლო გრძლად დასთრევადა.

— ამ მაიმუნებმა ცხოვრება გამიმწარეს, — განაგრძო მხატვარმა და რადგან პერანგს ბოლო ღილი მოწყდა, შეეკრას მოეშვა. შემდეგ საგარძელი მოაჩოჩა და კ-ს სთხოვა დამჯდარიყო.

— ერთხელ ერთი გოგონა დავხატე; დღეს იგი ამთ შორის არ არის, და მას შემდეგ ყველანი დამდევენ. ჩემთან მხოლოდ მაშინ შემოდიან, როცა შინ ვარ და ამის ნებას ვრთავ, მაგრამ საკმარისია სადმე წავიდე, რომ რომელიმე უსათუოდ შემოიპარება ხოლმე. ჩემი კარის გასაღები გააკეთებინეს. ვერც კი წარმოიდგენთ, როგორ მაწუხებენ. მაგალითად, ვბრუნდები შინ და თან მომყავს ქალბატონი, რომელიც უნდა დავხატო, ვაღებ კარს ჩემი გასაღებით და რას ვხედავ. ზის კუზიანი. ამ ჰატარა მაგიდასთან და იმის მაგივრად, რომ თავის უმცროს და-ძმებს მიხედოს, რომლებიც დარბიან ოთახში და ყველა კუთხე-კუნჭულს აბინძურებენ, ჩემი ფუნ-

ჯით წითლად ითხიანის ტუჩებს, ანდა, ვთქვათ, გვიან საღამოს ვბრუნდები შინ, — სწორედ გუშინ დავბრუნდი გვიან და ამიტომ მაპატიეთ ასე ჩაუცმელი და უწესრიგოდ რომ დავხედით, — ამგვარად, გვიან საღამოს ვბრუნდები შინ და ვახედებ საწოლში ჩაწოლას, ამ დროს ვილაც ფეხზე მჩქმეტს, ვიხედები საწოლის ქვეშ და იქიდან ერთ-ერთი გოგოს გამოთრევა მიწევს. არ ვიცი რა იზიდავთ ასე ჩემკენ, თვითონაც ხედავთ, მათ მაინცდამაინც არ ვათამამებ. ცხადია, მუშაობაშიც მიშლიან ხელს. ეს სახელოსნო რომ უფასოდ არ დაეთმოთ ჩემთვის, აქედან დიდი ხანია გადავბარგდებოდი.

სწორედ ამ დროს კარს იქიდან ვილაცამ შიშით და მორიდებით წაიკნავლა:

- ტიტორელი, შეიძლება შემოვიდეთ?
- არა, — უპასუხა მხატვარმა.
- არც მე შემომიშვებ? — იკითხა იმავე ხმამ.
- არც შენ, — გასძახა მხატვარმა, კართან მივიდა და ჩაკეტა. ამასობაში კ-მ ოთახის შეთვალეირება მოასწრო. პირაკედ მას არასოდეს მოუვიდოდა აზრად, რომ ამ უბადრუკად მისი ვინმე სახელოსნოს უწოდებდა. მისი სიგრიძისა და სიგანის გასაზომად ორი ნაბიჯის გადადგმაც კმაროდა. ყველაფერი, იატაკი, კედლები, ჭერი, ხისა იყო. კოჭებს შორის ვიწრო ჭუჭურუტანები მოჩანდა. კ-ს პირდაპირ, კედელთან იდგა საწოლი, რომელზედაც სხვადასხვა ფერის ქვეშაგები დაევაკვებინათ. შუა ოთახში, მოლბერტზე პერანგგადაფარებული სურათი იყო დამაგრებული, პერანგის სახელოები იატაკს სწვდებოდა. კ-ს ზურგს უკან გაჭრილ ფანჯარას ნისლი მოსდგომოდა და მის მიღმა მხოლოდ მეზობელი სახლის თოვლით დაფარული სახურავის დანახვა შეიძლებოდა.

საკლიტეში გასაღების გადატრიალებამ კ-ს მოაგონა, რომ მალე უნდა ვაბრუნებულიყო უკან. ამიტომ ჯიბიდან ფაბრიკანტის ბარათი ამოიღო, მხატვარს გაუწოდა და უთხრა:

— თქვენზე ერთი თქვენი ნაცნობი, აი ეს ბატონი მესაუბრა და აქ მისი რჩევით მოვედი.

მხატვარმა ბარათს ზერეულად დახედა და საწოლზე დაადო. ფაბრიკანტს რომ ასე დაბეჯითებით არ ელაპარაკა ტიტორელიზე, როგორც კარგ ნაცნობზე და ღარიბ ადამიანზე, რომელსაც მისი წყალობით ედგა სული, კაცს შეიძლებოდა ეფიქრა, ტიტორელი ან სრულიად არ იცნობდა ფაბრიკანტს, ანდა, ყოველ შემთხვევაში, ვერ გაისენა, თანაც მხატვარმა სრულიად მოულოდნელად ჰკითხა: — სურათების ყიდვა გსურთ თუ პორტრეტის შეკვეთა?

გაოცებული კ. მხატვარს მიაშტერდა. ნეტავ რა წერია ბარათში? კ-ს ეგონა, ფაბრიკანტი მხატვარს სწერდა, ამ ბარათში?

თის მომტანს მხოლოდ თავისი პროცესის ამბები აინტერესებსო. ნეტავ რა მოარბენინებდა, გაგონილა ასეთი მოუთმენლობა და წინდაუხედაობა? მაგრამ ახლა რაღაც მაინც უნდა ეპასუხა მხატვრისათვის, ამიტომ მოლბერტს შეხედა და უთხრა:

— ამ სურათზე მუშაობთ?

— დიახ, — უპასუხა მხატვარმა, სურათზე გადაფარებულ პერანგს ხელი სტაცა და ისიც ბარათივით დაადგო საწოლზე, — პორტრეტს ვხატავ, ურიგო არ უნდა გამოვიდეს, მაგრამ ჯერ არ დამიმთავრებია.

ნამდვილად კ-ს სასარგებლოდ შემოტრიალდა ბედის ჩარხი: თითქოს ლანგრით მიართვესო სასამართლოზე სიტყვის ჩამოგდების საბაბი. — სურათზე აშკარად მოსამართლე იყო გამოსახული და ძალიან ჰგავდა ვეჟილის კაბინეტში ნანახ პორტრეტს. მართალია, ამ სურათზე სულ სხვა მოსამართლე ეხატა, მსუქან მამაკაცს დიდი და ხშირი წვერი უფარავდა სახეს, თანაც ის სურათი ზეთის საღებავებით იყო დახატული, ეს კი პასტელით, მქრქალ და ბუნდოვან ტონებში, მაინც სხვაფრივ ძალიან ჰგავდნენ ერთმანეთს, მოსამართლე ამჯერადაც სამეფო ტახტის მსგავს სავარძლის სახელურს ეყრდნობოდა და ისეთი გამომეტყველება ჰქონდა, თითქოს დამუქრებული წამოღვომას აპირებდნო.

„ეს ხომ მოსამართლეა“, — უნდოდა ეთქვა კ-ს, მაგრამ თავი შეიკავა და სურათს ისე მიუახლოვდა, თითქოს გამოწვლილვით სურდა დაეთვალიერებინა. იგი ვერ მიხვდა, რას ნიშნავდა სამეფო ტახტივით სავარძლის საზურგეზე შუაში აღმართული დიდი ფიგურა და მხატვარს ჰკითხა, ეს რა არისო?

— ცოტა დამუშავება აკლია, — განუმარტა მხატვარმა, მაგიდიდან ჰსტელის ფანქარი აიღო და ფიგურის კონტურები რამდენიმე შტრიხით მოხაზა, მაგრამ კ. მაინც ვერაფერს მიხვდა.

— ეს სამართლიანობა გახლავთ, — აუხსნა მხატვარმა ბოლოს.

— ახლა კი ვიცანი, — თქვა კ-მ, — თვალეზახეულს ხელში სასწორი უჭირავს, მაგრამ ჩემის აზრით, ფრთები ქუსლებზე აქვს გამოზმული და სადღაც გარბის.

— დიახ. — უპასუხა მხატვარმა, — როგორც შემიკვებეთეს, ისეთი დავხატე, მართალი რომ გითხრათ, ეს არის სამართლიანობის და გამარჯვების ქალღმერთის ერთსახეობა.

— ასეთი შერწყმა მაინცდამაინც მოსაწონი არ არის, — უთხრა კ-მ ღიმილით, — სამართლიანობა უძრავად უნდა იდ-

გეს, თორემ სასწორი რყევას დაიწყებს და სამართლიანი განაჩენის გამოტანა შეუძლებელი გახდება.

— მე სურათის დამკვეთს ვემორჩილები, — უპასუხა მხატვარმა.

— გასაგებია, — უთხრა კ-მ, რადგან არ უნდოდა ზედმეტი შენიშვნებით მისი განაწყენება, — თქვენ ეს ქალღმერთი ალბათ ისე დახატეთ, როგორც სინამდვილეში დგას ხოლმე სავარძლის უკან.

— არა, — უპასუხა მხატვარმა, — მე არც ქალღმერთი მინახავს და არც მაღალი სავარძელი, სამეფო ტახტს რომ ჰგავს, ეს ყველაფერი მოგონილია, მაგრამ ის კი მიმითითეს, რა უნდა დამეხატა.

— როგორ? — იკითხა კ-მ და ისეთი სახე მიიღო, თითქოს ბოლომდე ვერ გაიგო მხატვრის ნათქვამი, — სავარძელში ხომ მოსამართლე ზის?

— დიახ, — უპასუხა მხატვარმა, — მაგრამ ეს არ არის უზენაესი მოსამართლე, იგი არასოდეს არ მჯდარა ამგვარ სავარძელში.

— და მაინც ასეთ საზეიმო პოზაში გახატვინებთ თავს? იგი ხომ ისე ზის, თითქოს სასამართლოს თავმჯდომარე იყოს.

— დიახ, — უპასუხა მხატვარმა, — ეს ვაჟბატონები დიდად პატივმოყვარენი არიან. მათ ზემო ინსტანციაში დართეს ნება, თავი ასე დაახატონ. თითოეულისათვის ზუსტად განსაზღვრული პოზაა შერჩეული. სამწუხაროდ, ამ სურათის მიხედვით ძნელია სამოსელისა და სავარძლის დეტალებზე მსჯელობა, რადგან ამგვარი მხატვრობისათვის ჰსტელი უვარგისი საღებავია.

— მართალი ბრძანდებით, — უპასუხა კ-მ, — უცნაურია, რომ პასტელის საღებავებითაა დახატული.

— თვით მოსამართლემ ისურვა ასე, — თქვა მხატვარმა, — ეს სურათი ერთ ქალბატონს უნდა მიართვას.

სურათის დანახვამ მხატვარი, ეტყობა, მუშაობის გუნებაზე მოიყვანა, სახელოები დაიკაპიწა, რამდენიმე ფანქარი მოიმარჯვა და კ-მ საკუთარი თვალით იხილა, როგორ წარმოიშვა წვერწამახული ფანქრის მთრთოლვარე მოსმით მოსამართლის თავთან მოწითალო ჩრდილი, რაც სხივებად იფანტებოდა სურათის კიდეებისაკენ. თანდათან ჩრდილთა თამაშმა მოსამართლის თავს ირგვლივ შექმნა რაღაც სამკაულისა თუ გვირგვინის მსგავსი, ხოლო სამართლიანობის ქალღმერთის ირგვლივ ერთგან ოდნავ დაბინდული შარავანდელი მაინც ნათელი დარჩა და შუქჩრდილების ამ თამაშის წყალობით ფიგურა კიდე უფრო მკვეთრად გამოისახა. ახლა იგი აღარც სამართლიანობის ქალღმერთს ჰგავდა და აღარც გა-

მარჯვენისას, ზედგამოჭრილი ნადირობის ქალღმერთი იყო. კ. მისდა უნებურად გაიტაცა მხატვრის მუშაობამ, მაგრამ შოლოს მაინც საკუთარ თავს უსაყვედურა, აქ დიდი ხანი დაეყავი, ჩემი საქმის სასარგებლოდ კი ჯერ არაფერი გამიკეთებია.

— რა გვარია მოსამართლე? — ჰკითხა მან უეცრად მხატვარს.

— ამის თქმის უფლება არა მაქვს, — უპასუხა მხატვარმა და ისე დაიხარა სურათისაკენ, თითქოს არაფრად ავღებდა სტუმარს, რომელსაც სულ ახლახან მოწიწებით შეხვდა. კ-მ ასეთი საქციელი მხატვრის ჭირვეულობად მიიჩნია და გაგულისდა, რამდენ დროს მაკარგვინებსო.

— თქვენ, ალბათ ნდობით აღჭურვილი პირი ხართ სასამართლოში? — უთხრა კ-მ მხატვარს. მხატვარმა ფანქრები მაშინვე განზე გადადო, ხელები მოიფშვინტა, კ-ს ღიმილით შეხედა და უთხრა:

— ახლა კი მოდით გულახდილად ვილაპარაკოთ. თქვენ გინდოდათ რაღაც გაგეგოთ სასამართლოს შესახებ, ყოველ შემთხვევაში, ასე წერია სარეკომენდაციო ბარათში და აქამდე ჩემს ნახატებზე მხოლოდ იმიტომ ლაპარაკობდით, რომ ჩემი გული მოგეგოთ, მაგრამ მე ეს არ მწყინს. საიდან უნდა გცოდნოდეთ, რომ ჩემთან ამგვარი რამ არ გადის. ო, გთხოვთ! — წამოიძახა მან მკვანედ, როცა დაინახა, კ. გამოდავებას აპირებდა და განაგრძო: — სხვათა შორის თქვენ სწორი ვარაუდი გამოთქვით, სასამართლოში მე მართლაც ნდობით აღჭურვილი პირი ვარ.

იგი მცირე ხნით შეჩერდა, თითქოს უნდოდა კ-სათვის დრო მიეცა ამ აზრს შეჩვეოდა. კარს უკან ისევ გაისმა გოგონების ხმა. ისინი ან საკლიტესთან უნდა ყოფილიყვნენ შეჯგუფებულნი, ანდა ფიცრებს შორის ჭუჭრუტანებში იჭყიტებოდნენ. კ-ს არ დაუწყია თავის მართლება, არ უნდოდა მხატვარი მოეცდინა, მაგრამ არც ის უნდოდა, მხატვარი გაყოფილებულიყო და მეტისმეტად შორს დაეჭირა თავი, ამიტომ ჰკითხა:

— ეს რა, ოფიციალური თანამდებობაა?

— არა, — მოკლედ მოუჭრა მხატვარმა ისე, თითქოს ამ შეკითხვამ ლაპარაკის სურვილი დაუკარგაო, მაგრამ კ-ს არ უნდოდა, მხატვარი დადუმებულიყო და უთხრა:

— ხშირად ასეთი არაოფიციალური თანამდებობა უფრო მნიშვნელოვანია, ვიდრე ოფიციალური.

— სწორედ ასეა ჩემი საქმეც, — უპასუხა შუბლშეკრულმა მხატვარმა და თავი დაუქნია. — თქვენი პროცესის ამბავი გუშინ მოვუყევი ფაბრიკანტს და მან მკითხა, ხომ ვერ

დაესმარებოთ რამეშიო. მე ვუპასუხე, შემოიაროს ამ კაცმა ერთხელ ჩემთან-მეთქი და ახლა მოხარული ვარ, რომ ასე სწრაფად მოხვედით. როგორც ჩანს, ეს საქმე ძალზე ახლოს მიგაქვთ გულთან, რაც, ცხადია, სრულიად არ მიკვირს. იქნებ ინებოთ და ჯერ პალტო გაიხადოთ?

კ-ს გადაწყვეტილი ჰქონდა, რაც შეიძლება ნაკლები დრო დაეკარგა, მაგრამ მხატვრის სიტყვები მაინც ძალიან ესიამოვნა. ოთახში ჰაერი სულ უფრო მეტად იხუთებოდა და გაკვირვებულმა რამდენჯერმე გახედა კიდეც კუთხეში მდგარ რეინის პატარა ღუმელს, რომელსაც, ცხადია არ ახურებდნენ და ამიტომ გაუგებარი იყო, რატომ ცხელოდა ამ ოთახში ასე ძალიან. სანამ კ. პალტოს გაიხდიდა და პიჯაკის ღილებს შეიხსნიდა, მხატვარმა მოუბოდიშა:

— ჩემთვის სითბო აუცილებელია, რა სიმყუდროვეა აქ, არა? ამ თვალსაზრისით ოთახი ძალზე მოხერხებულადაა განლაგებული.

კ-მ არაფერი უთხრა, მას სითბო კი არ აწუხებდა, სუნთქვა უჭირდა, რადგან ოთახში მეტისმეტად დახუთული ჰაერი იდგა. ეტყობა, ოთახი დიდი ხანია არ გაუნიავებიათ. უსიამოვნობა კიდეც უფრო გაუმძაფრდა მაშინ, როცა მხატვარმა სთხოვა, საწოლზე ჩამოჯექით, თვითონ კი მოლბერტის წინ ერთადერთ სკამზე დაჯდა. მხატვარი, ეტყობა, ვერ მიხვდა, რატომ ჩამოჯდა კ. საწოლის კიდეზე, იგი დაბეჯითებით სთხოვდა კ-ს, მოხერხებულად დაბრძანდითო, მაგრამ რაკი კ. ყოყმანობდა, თვითონ მიუახლოვდა და საბნებსა და ბლიშვებში ღრმად შეჩურთა. შემდეგ ისევ თავის სკამს დაუბრუნდა და ბოლოს კ-ს პირველი საქმიანი შეკითხვით მიმართა. ამ შეკითხვამ კ-ს ყველაფერი დაავიწყა.

— თქვენ ხომ უდანაშაულო ხართ?

— დიახ, — უპასუხა კ-მ. ამ კითხვაზე სიხარულით გაცა პასუხი, განსაკუთრებით იმის გამო, რომ მხატვარი კერძო პირი იყო და მასთან საუბარში საკუთარი სიტყვებისათვის არავითარი პასუხისმგებლობა არ ეკისრებოდა. ასე გულახდილად მას ჯერ არავინ შეჰკითხვია და სიხარულის შეგრძნება რომ გაუხანგრძლივებინა, კ-მ კიდეც ერთხელ დასძინა: — სრულიად უდანაშაულო ვარ.

— თუ ასეა, — თქვა მხატვარმა და თავი ისე დახარა, თითქოს მძიმე ფიქრებს მიეცა. უეცრად ისევ ასწია თავი და თქვა: — თუ უდანაშაულო ხართ, მაშინ საქმეც მარტივად გადაწყდება.

კ-ს თვალები აემღვრა, სასამართლოს ეს ვითომდაც ნდობით აღჭურვილი პირი უმეცარი ბავშვივით ლაპარაკობდა.

— ჩემი უდანაშაულობა საქმეს არ ამარტივებს. — უთხ-

რა კ-მ. უნებურად მაინც ლიმილი მოერია და თავი ნელა გადააქნია, — ამ საქმეში უამრავი წვრილმანია, რასაც შეუძლია თვით სასამართლოც კი დააბნოს. ბოლოს და ბოლოს რალაც-რალაცაში, თითქმის ცარიელ ადგილას, მოსამართლეები მიძიმე დანაშაულს პოულობენ და დღისსინათლეზე გამოაქვთ.

— დიახ, დიახ, ასეა, — უთხრა მხატვარმა ისე, თითქოს კ-მ ტყუილუბრალოდ გააწყვეტინა ფიქრი, — მაგრამ თქვენ ხომ უდანაშაულო ხართ?

— რა თქმა უნდა, — უპასუხა კ-მ.

— მთავარი სწორედ ესაა, — უთხრა მხატვარმა.

გამოდავებას აზრი არ ჰქონდა, მაგრამ მიუხედავად მხატვრის მტკიცე განცხადებისა, ერთი რამ მაინც გაუგებარი დარჩა: მართლა ასე სჯეროდა, თუ გულგრილობით მოსდიოდა. კ-მ გადაწყვიტა ახლავე გაერკვია ეს საკითხი და მხატვარს უთხრა:

— თქვენ, რა თქმა უნდა, სასამართლოზე ბევრად მეტი იცით, ვიდრე მე. მე მხოლოდ ის ვიცი, რაც საერთოდ სრულიად სხვადასხვა ადამიანებისაგან მსმენია, მაგრამ ერთ საკითხზე ყველა ერთი და იგივე აზრისაა — ზერელ, უსაფუძვლო ბრალდებას არავის უყენებენ და თუ სასამართლომ ვინმეს ბრალი დასდო, ეს იმას ნიშნავს, რომ მტკიცედაა დარწმუნებული ბრალდებულის დანაშაულში და მისი გადაჯერება ძალიან ძნელია.

— თქვენ ამბობთ, ძნელია? — შეუბრუნა მხატვარმა კითხვა და ცალი ხელი ცისკენ აღმართა, — ძნელი კი არა, შეუძლებელია, მე რომ აქ, ტილოზე ყველა მოსამართლე დავხატო ერთმანეთის გვერდით და თქვენ ამ ტილოს წინაშე თავი დაიკვით, შეიძლება მეტ წარმატებას მიაღწიოთ, ვიდრე ნამდვილ სასამართლოში.

— „მართალს ამბობს“. ჩაილაპარაკა კ-მ და დაავიწყდა, მხოლოდ მხატვრის აზრის გაგება რომ სურდა.

გარედან ერთმა გოგომ კვლავ იკითხა:

— ტიტორელი, შენი სტუმარი მალე წავა?

— ხმა ჩაიკმინდეთ! — უყვირა ტიტორელიმ, — რატომ არ გესმით, რომ ამ ბატონთან სალაპარაკო მაქვს?

მაგრამ გოგო ამით არ დაკმაყოფილდა და ისევ ჰკითხა მხატვარს:

— მის დახატვას აპირებ? — ხოლო როცა მხატვარმა პასუხი არ გასცა, გოგომ ისევ შემოსძახა: — გთხოვ, არ დახატო ასეთი მახინჯი ადამიანი. — გოგოები მოწონების ნიშნად აყაყანდნენ და რალაც გაუგებარ სიტყვებს იძახდნენ.

მხატვარი ერთი ნახტომით მიიჭრა კართან, ოდნავ გამო-

აღო — კარის ღრიჭოში გამოჩნდა გოგოების ერთმანეთზე მიჭრილი, მუდართო წინ გაწვდილი ხელები — და გოგოებს უთხრა:

— თუ არ დაწყნარდებით, კიბეზე დაგაგორებთ ყველას, ჩამოსხედით საფეხურებზე და ხმა არ გაიღოთ, — ეტყობა გოგოები იმწამსვე არ დაემორჩილნენ და მხატვარი იძულებული გახდა ებრძანებინა. — აბა ჩქარა, დასხედით! — მხოლოდ ამის შემდეგ ჩამოვარდა სიჩუმე. — მაპატიეთ, — მოუბოდიშა მხატვარმა, როცა კ-სკენ შეტრიალდა. კ-მ არც კი შებრუნებულა კარისაკენ, საკუთარი თავის დაცვა მან მთლიანად მიანდო მხატვარს. თუ მფარველობის გაწევას მოისურვებდა, კიდეც მოახერხებდა ამას. იგი მაშინაც არ განძრეულა, როცა მხატვარი მისკენ დაიხარა და კიბეზე მსხდომთ რომ არ გაეგონათ, ყურში ჩასჩურჩულა: — სასამართლოსთან ამ გოგოებსაც აქვთ კავშირი.

— როგორ? — იკითხა კ-მ, თავი ჩაქინდრა და მხატვარს გვერდულად მიაჩერდა, მაგრამ ამასობაში მხატვარი ისევ სკამზე მოკალათდა და კ-ს ნახევრად ხუმრობით და ნახევრად სერიოზულად უთხრა: — სასამართლოს ამქვეყნად ყველასთან და ყველაფერთან აქვს კავშირი.

— ასეთი რამ მე ჯერ არ შემიმჩნევია, — უპასუხა კ-მ მოკლედ. ამ ზოგადი შენიშვნის შემდეგ მხატვრის ნათქვამი გოგონებზე შემაშფოთებლად აღარ მოეჩვენა. და მაინც დროდადრო კარისაკენ იყურებოდა, რომლის მიღმაც გოგოები ჩუმად ისხდნენ საფეხურებზე. მხოლოდ ერთმა შემოჰყო ბალახის ღერო ფიცრებს შორის დარჩენილ ჭუჭრუტანაში და ზევით-ქვევით ამოძრავებდა.

— ეტყობა ჯერ არავითარი წარმოდგენა არა გაქვთ სასამართლოზე, — უთხრა მხატვარმა, რომელსაც ფეხები ფართოდ გაეშალა და ფეხის წვერებს იატაკზე აკაკუნებდა, — მაგრამ რაკი უდანაშაულო ხართ, თქვენთვის ამის წარმოდგენა აუცილებელი არცაა, მე მართოს შემიძლია თქვენი დახსნა.

— რა გზით? — ჰკითხა კ-მ, — ეს წუთია ბრძანეთ, სასამართლოში არავითარი მტკიცება და დასაბუთება არ ჰქონია.

— არ ჰქონია მხოლოდ ის მტკიცება და დასაბუთება რომელსაც სასამართლოს წარუდგენენ, — უპასუხა მხატვარმა და საჩვენელი თითი ისე ასწია თითქოს კ-ს ძნელად შესამჩნევი რალაც გამოჩნდა, — მაგრამ ყველაფერი იცვლება, როცა ოფიციალური სასამართლოს ზურგს უკან მოქმედებ, მაგალითად, სათათბირო ოთახში, დერეფანში ან თუნდაც აქ, სახელოსნოში.

ახლა კ-ს მხატვრის სიტყვები უფრო დამაჯერებელი მო-

ეჩვენა, რადგან ემთხვეოდა იმ თვალსაზრისს, სხვებისგანაც რომ გაუგონია. ის კი არა, დაიმედდა კიდეც. თუ პირადი ურთიერთობის მეშვეობით, მოსამართლეებზე ადვილად შეიძლებოდა გავლენის მოხდენა, როგორც ვეჭვილი ირწმუნებოდა, მაშინ მხატვრის ურთიერთობა პატივმოყვარე მოსამართლეებთან კიდეც უფრო მნიშვნელოვანი უნდა ყოფილიყო. ყოველ შემთხვევაში, ამის უგულვებელყოფა არაფრით არ შეიძლებოდა. ამგვარად, მხატვარი ემატებოდა იმ ადამიანთა რიცხვს, კ. თანდათანობით ირგვლივ რომ იკრებდა დასახმარებლად. ერთხელ ბანკში ქება შეასხეს მის ორგანიზატორულ ნიჭს და ახლა, როცა საკუთარი თავის ანაბარა დარჩა, მშვენიერი შემთხვევა ეძლეოდა, ბოლომდე შეემოწმებინა, მართალი უთხრეს თუ არა. მხატვარი აკვირდებოდა, რა შთაბეჭდილება მოახდინეს ჩემმა სიტყვებმა კ-ზეო და შემდეგ ერთგვარი შემოფოჟებით უთხრა:

— ხომ შეამჩნიეთ, თითქმის იურისტივით რომ ვლაპარაკობ? ეტყობა, ჩემზე გავლენას ახდენს ბატონ მოსამართლეებთან ყოველდღიური ურთიერთობა. ცხადია, მე ეს ხელს მაძლევს, მაგრამ ჩემს შემოქმედებით აღმაფრენას ფრთები ეკვეცება.

— საინტერესოა, როგორ დაუკავშირდით პირველად მოსამართლეებს? — ჰკითხა კ-მ. მას უნდოდა მხატვრის ნდობა მანამდე მოეპოვებინა, სანამ მისი დახმარებით ისარგებლებდა.

— ძალზე უბრალოდ, — უპასუხა მხატვარმა, — მათთან ურთიერთობა შემკვიდრებოდა მერგო. მამაჩემიც სასამართლოს მხატვარი იყო. ამ საქმეში უცხო პირის ჩაბმა არ შეიძლება. სხვადასხვა რანგის მოხელეთა დასახატავად ნაირსახოვანი, რთული და, უპირველეს ყოვლისა, საიღუმლო წესია დადგენილი, და ეს წესი მხოლოდ თითო-ორი ოჯახმა იცის. აი, ამ უჯრაში დევს მამაჩემის ჩანახატები, რომელთაც არავის ვუჩვენებ. მხოლოდ იმას შესწევს უნარი დახატოს მოსამართლენი, ვინც ამ მასალას იცნობს. კიდეც რომ დავკარგო ჩანახატები, მაინც იმდენი წესი მახსოვს ზეპირად, რომ თანამდებობაში ვერაფერს შემიცილება. ყოველ მოსამართლეს სურს, იგი ისე დახატონ, როგორც ადრე ხატავდნენ სახელმოხვეჭილ მოსამართლეებს, ეს კი მხოლოდ მე შემიძლია.

— მოდი და ნუ შეგშურდება, — თქვა კ-მ და წარმოიდგინა თავისი მდგომარეობა ბანკში, — მაშასადამე, თქვენი მდგომარეობა ურყევია?

— დიახ, ურყევია, — უპასუხა მხატვარმა და მხრები ამაყად შეათამაშა. — სწორედ ეს მაძლევს უფლებას გავბედო

და დავეხმარო ხანდახან იმ საცოდავს, ვის წინააღმდეგაც პროცესია აღძრული.

— კი მაგრამ, როგორ ახერხებთ ამას? — ჰკითხა კ-მ ისე, თითქოს თვითონ არ ყოფილიყო იმის დღეში, წამს უკან რომ მხატვარმა საცოდავი უწოდა. მაგრამ მხატვარს მისთვის ყურადღება არ მიუქცევია და განაგრძო:

— ავიღოთ, მაგალითად, თქვენი შემთხვევა, რაკი სრულიად უდანაშაულო ხართ, შემდეგნაირად ვიმოქმედებ.

მისი უდანაშაულობის განმეორებით ხსენებამ კ. გააღიზიანა. ამგვარი შენიშვნებიდან გამოდიოდა, თითქოს მხატვარი პროცესის კეთილად დამთავრებას თავის დახმარების წინაპირობად თვლიდა, რალა ფასი ჰქონდა ასეთ დახმარებას! მაგრამ მიუხედავად ამ ეჭვისა, კ-მ თავს ძალა დაატანა და მხატვარს სიტყვა არ შეაწყვეტინა. მან მტკიცედ გადაწყვიტა მხატვრის დახმარებაზე უარი არ ეთქვა, რადგან მხატვრის დახმარება ვეჭილისაზე უფრო საეჭვო არ ეჩვენებოდა. ვეჭილთან შედარებით მხატვარს ერთი დიდი უპირატესობა ჰქონდა, აქ მას დახმარებას უფრო გულწრფელად, უფრო, უანგაროდ სთავაზობდნენ.

მხატვარმა სკამი უფრო ახლო მისწია საწოლთან, ხმას დაუწია და განაგრძო:

— დამივიწყდა მეკითხა თქვენთვის, განთავისუფლების როგორი ფორმა გირჩევნიათ? არსებობს სამი შესაძლებლობა: ნამდვილი გამართლება, მოჩვენებითი გამართლება და საქმის გაჭიანურება. რა თქმა უნდა, ყველაზე უკეთესი ნამდვილი გამართლებაა, მაგრამ ვერაფრით ვერ მოვახდენ მათზე ისეთ გავლენას, ამგვარი გადაწყვეტილება რომ გამოვატანინო. საერთოდ, ჩემის აზრით, არ დადის ამქვეყნად ადამიანი, ვისაც შეუძლია თავის გავლენით კაცი ნამდვილად გამართლებინოს. აქ ალბათ გამამწყვეტ როლს ბრალდებულის უდანაშაულობა თამაშობს. და რადგან თქვენ უდანაშაულო ხართ, შეგიძლიათ თამაშობს. და რადგან უდანაშაულობაზე დაამყაროთ. მაგრამ ამ შემთხვევაში არც ჩემი დახმარება გჭირდებათ და არც სხვისი.

აზრთა ასეთმა ზუსტმა ჩამოყალიბებამ კ. თავდაპირველად შეაცბუნა, მაგრამ შემდეგ მხატვარივით დაუწია ხმას და თქვა:

— მე მგონი, თქვენ საკუთარ თავს ეწინააღმდეგებით.

— როგორ? — ჰკითხა მხატვარმა, შემწყნარებლურად გილიმა და მიეყრდნო სკამის საზურგეს. ამ ღიმილმა კ-ს ისეთი გრძნობა შეუქმნა, თითქოს სადაცაა თვითონ დაიწყებდა წინააღმდეგობათა გამოჩხრეკას არა მხატვრის სიტყვებში, არამედ მთელ სასამართლო პროცედურაში. მიუხედავად ამისა, მაინც განაგრძო:

— ცოტა ხნის წინათ ბრძანეთ, სასამართლოში არავითარი

მტკიცება და დასაბუთება არ ჭრისო. შემდეგ მარწმუნებდით, ეს ეხება სასამართლოს ოფიციალურ პროცესს, ახლა კი ამბობთ, უდანაშაულო ბრალდებულს სასამართლოში არავის დახმარება არ სჭირდებაო. მე სწორედ აქ ვხედავ წინააღმდეგობას, გარდა ამისა, ადრე თქვენ ბრძანეთ, პირადად მოსამართლეზე შეიძლება გავლენის მოხდენაო, ახლა კი ამბობთ, ნამდვილი გამართლებისათვის, როგორც თქვენ მას უწოდეთ, არავის არ შეუძლია მოსამართლეზე რაიმე გავლენა მოახდინოსო. მეორე წინააღმდეგობას, აი, აქ ვხედავ.

— ეს წინააღმდეგობანი ადვილი ასახსნელია, — უთხრა მხატვარმა, — აქ ლაპარაკია ორ სრულიად სხვადასხვა საკითხზე, იმაზე, რაც კანონში წერია და იმაზე, რასაც გამოცდილება მკარანახობს; მათი ერთმანეთში არევა არაფრით არ შეიძლება. კანონში, რომელიც მე, რა თქმა უნდა, არ წამიკითხავს, ერთი მხრივ ნათქვამია, რომ უდანაშაულო ადამიანი უნდა გაამართლონ, ხოლო მეორე მხრივ იქ არაფერია ნათქვამი იმაზე, რომ მოსამართლეზე შეიძლება გავლენა მოახდინო. მაგრამ მე გამოცდილებით ვიცი, ყველაფერი პირიქით ხდება. ჯერ არ მსმენია, ვინმე ნამდვილად გაემართლებინოთ, მაგრამ მოსამართლეზე რომ გავლენა მოუხდენიათ, ბევრჯერ გამიგონია. რა თქმა უნდა, შეიძლება ყველა ჩემთვის ცნობილ შემთხვევაში უდანაშაულო არც ერთი ბრალდებული არ იყო, მაგრამ განა ეს დასაჯებელია? ამდენი შემთხვევა და არც ერთი უდანაშაულო? ჯერ კიდევ ბავშვი ვიყავი, როცა გაფაციცებით ვუგდედები ყურს შინ დაბრუნებულ მამას, რომელიც პროცესების ამბებს ყვებოდა, მოსამართლეებიც როცა მასთან სახელოსნოში მოდიოდნენ, სასამართლოზე მოგვითხრობდნენ, საერთოდ, ჩვენს წრეში სხვაზე არაფერზე არ ლაპარაკობდნენ: როგორც კი სასამართლოში წასვლის შესაძლებლობა მომეცა, არც ერთი შემთხვევა არ გამიშვია ხელიდან, უამრავი პროცესის ყველაზე მნიშვნელოვანი ეტაპი მომისმენია, თუ რამე დასანახი იყო, მხედველობიდან არაფერი გამომპარვია და — პირდაპირ უნდა გითხრათ — არც ერთხელ არ გამიგონია ვინმე ნამდვილად გაემართლებინათ.

— ამგვარად, ნამდვილად არავინ გაუმართლებიათ, — თქვა კ-მ ისე, თითქოს საკუთარ თავსა და საკუთარ იმედებს მიმართავდა, — ეს ზუსტად ადასტურებს იმ აზრს, სასამართლოზე რომ შემექმნა. მაშასადამე, ამ მხრივაც არ ჰქონია არავითარი აზრი, რაიმე იღონო. ერთ ჯალათს თავისუფლად შეუძლია შეცვალოს მთელი სასამართლო.

— თქვენ არა გაქვთ განზოგადების უფლება, — უთხრა უკ-მაყოფილად მხატვარმა, — მე მხოლოდ პირად გამოცდილებაზე გელაპარაკებოდით.

— ესეც საკმარისია, — უპასუხა კ-მ, — განა თქვენ გსმენიათ, რომ ძველ დროში მაინც გაემართლებინოთ ვინმე?

— ანობო, იყო გამართლების შემთხვევებიო. — უპასუხა მხატვარმა. — მაგრამ ამის დადგენა ახლა მეტისმეტად ძნელია, სასამართლოს საბოლოო გადაწყვეტილებანი არ ჩვეყნდება, ისინი მოსამართლეებისათვისაც კი ხელშიუწვდომელია. ამიტომ ძველ სასამართლო პროცესებზე მხოლოდ ლეგენდებილა შეგოგვრია. თუმცა ამ ლეგენდებში მეტწილად ლაპარაკია ნამდვილ გამართლებაზე და ეს ამბავი შეიძლება დაიჯერო კიდევ, მაგრამ დასაბუთებით ვერ დაასაბუთებ. თუმცა ისინი მთლიანად მაინც არ უნდა უგულებელყოს კაცმა, ჭეშმარიტების რაღაც ნაწილს ისინიც შეიტყვევენ და, გარდა ამისა, მშვენიერი მოსამენია, მე თვითონ შევქმენი რამდენიმე სურათი, რომელთაც ამ ლეგენდების შინაარსი დაედო საფუძვლად.

— ლეგენდები მე აზრს ვერ შემაცვლევინებენ, — უპასუხა კ-მ, — მათ ალბათ სასამართლოშიც ვერ დაიმოწმებენ.

მხატვარს გაეცინა.

— მართალს ბრძანებთ, — თქვა მან.

— მაშასადამე, ამაზე ლაპარაკს აზრი არა აქვს, — უთხრა კ-მ. — მან გადაწყვიტა ბოლომდე მოესმინა მხატვრის ყველა მოსაზრება, რა დაუჯერებელი და სხვების აზრის საწინააღმდეგოც არ უნდა მოსჩვენებოდა ისინი: ახლა მას არ ჰქონდა იმის დრო, დაედგინა, მართალს ამბობდა თუ არა, არც საკამათოდ ეცალა, უდიდეს მიღწევად ჩათვლიდა, მხატვარი აქედით ლებინა, რამეში დახმარებოდა, თუნდაც ამას გამაწყვეტი მნიშვნელობა არ ჰქონოდა. — დავანებოთ თავი ნამდვილ გამართლებაზე ლაპარაკს, — უთხრა კ-მ, — თქვენ ხომ კიდევ ორი სხვა შესაძლებლობა ახსენეთ.

— მოჩვენებითი გამართლება და საქმის გაჭიანურება. ლაპარაკი მხოლოდ ამ სახის დახმარებაზე შეიძლება, — უპასუხა მხატვარმა. — მაგრამ სანამ ამაზე ვიმსჯელებდეთ, პიჯაკის გახდას ხომ არ ინებებდით? ალბათ გცხელათ.

— დიახ, — უპასუხა კ-მ, — აქამდე იგი არაფერს არ აქცევდა ყურადღებას, გარდა მხატვრის ახსნა-განმარტებისა, მაგრამ სიცხის მარტო ხსენებაზეც კი, შუბლზე ძლიერმა ოფლმა დაასხა. — აუტანელი სიცხეა.

მხატვარმა ისე დაუქნია თავი, თითქოს ძალიან კარგად ესმოდა, რა უსიამო გრძობაც უნდა ჰქონოდა კ-ს.

— ნუთუ ფანჯრის გაღება არ შეიძლება? — იკითხა კ-მ.

— არა, — უპასუხა მხატვარმა, — მინა პირდაპირ ჩარჩონია ჩასმული, ეს ფანჯარა არ იღება.

მხოლოდ ახლა მიხვდა კ., რომ მას მთელი ეს ხანი იმის იმედი ჰქონდა, რომ ან თვითონ მივიდოდა ფანჯარასთან და

ყურთამდე გამოადებდა, ანდა მხატვარი. იგი მზად იყო ნისლიც კი ხარბად ჩაესუნთქა. უპაერობამ თავბრუ დაახვია, მან მსუბუქად აარტყა ხელი გვერდით დადებულ ბუმბულის საბანს და მისუსტებული ხმით თქვა:

— კი, მაგრამ, ასეთი ფანჯარა ხომ მოუხერხებელი და ჯანმრთელობისათვის საზიანოა.

— ო, არა, — უპასუხა მხატვარმა ისე, თითქოს თავის ფანჯარას იცავსო. — იმის გამო, რომ ფანჯარა არ იღება, ეს უბრალოდ მინა უკეთ ინახავს სითბოს, ვიდრე ორმაგი ფანჯარა, ხოლო როცა ოთახის განიავება მინდა, რაც არც ისე აუცილებელია, რადგან ფიცრებს შორის დარჩენილი ჭუჭყურტანებიდან ყოველთვის შემოდის საკმარისი ჰაერი, შემიძლია ვავალო ერთი ან ორივე კარი.

მხატვრის ამგვარმა განცხადებამ კ. ოდნავ დაამწვიდა და მეორე კარის აღმოსაჩენად ირგვლივ მიმოიხედა.

მხატვარმა შენიშნა კ-ს მოძრაობა და უთხრა:

— კარი თქვენს ზურგს უკანაა, იძულებული შევიქენი საწოლი მიმედგა ზედ.

კ-მ მხოლოდ ახლა დაინახა კედელში დატანებული პატარა კარი.

— სახელოსნოსთვის ეს ოთახი მეტისმეტად პატარაა, —

— განაგრძო მხატვარმა ისე, თითქოს სურდა კ-სათვის საყვედურის თქმის საშუალება არ მიეცა, — მაგრამ როგორღაც ხომ უნდა მოვწყობილიყავი. რა თქმა უნდა, კარზე საწოლის მიდგმა დიდ უხერხულობას მიქმნის, მაგალითად, აი ეს მოსამართლე, ახლა რომ ვხატავ, მუდამ ამ კარით შემოდის სახელოსნოში, მე მას კარის გასაღებიც კი მივეცი იმისათვის, თუ შინ არ ვიქნები, დამიცადოს. მაგრამ ჩვეულებრივ იგი დილაადრიან მოდის, იმ დროს, როცა მძინავს. და რა მაგრადაც არ უნდა მეძინოს, მაინც მეღვიძება საწოლის უკან გაჭრილი კარის გაღებაზე. მოსამართლეებისადმი ყოველგვარი პატივისცემა დაგეკარგებათ, ის ლანძღვა-გინება რომ გაგავგონათ. რითაც დილაადრიან ჩემს საწოლზე მბობლავ მოსამართლეს ვუმასპინძლდები. მართალია, შემიძლია გასაღები წავეართვა, მაგრამ მაშინ უარეს დღეში აღმოვჩნდები. აქ ძალ-ღონის დაუძაბავად შეიძლება ყველა კარი ჩამოგლიჯო ანგამებიდან.

სანამ მხატვარი ლაპარაკობდა, კ. იმაზე ფიქრობდა, გაეხანდა ჰიჯაკი თუ არა, ბოლოს მიხვდა, თუ არ გაიხდიდა, აქ დიდხანს ველარ გაჩერდებოდა. ამიტომ ჰიჯაკი კი გაიხნა, მაგრამ მუხლებზე დაიდო იმ მიზნით, რომ მოლაპარაკების დამთავრებისთანავე ჩაეცვა. გაიხნა თუ არა ჰიჯაკი, ერთმა გოგომ იმწამსვე დაიძახა:

— ჰიჯაკი უკვე გაიხნა!

კ-მ გაიგონა, გოგოები ჭუჭყურტანებს მოაწყდნენ, რათა საკუთარი თვალთ ეხილათ ეს სანახაობა.

— გოგოებს ჰგონიათ, თქვენ დახატვას ვაპირებ და პეჯაკი ამის გამო გაიხადეთ, — უთხრა მხატვარმა კ-ს.

— აი, თურმე რა, — თქვა კ-მ საკმაოდ უხალისოდ, რადგან თუმცა ახლა პერანგის ამარა იჯდა საწოლზე, თავს უკეთ მაინც ვერ გრძნობდა. მას ისევ დაავიწყდა მხატვრის ნათქვამი სიტყვები და თითქმის ბუზღუნით ჰკითხა: — რა უწოდეთ იმ ორ შესაძლებლობას?

— მოჩვენებითი გამართლება და საქმის გაჭიანურება, — უპასუხა მხატვარმა, — ახლა თქვენზეა დამოკიდებული, რომელს აირჩევთ, მე ორივე შემთხვევაში შემიძლია დაგეხმაროთ, თუმცა გაურჯელად არც ეს გამოვა, განსხვავება მათ შორის ისაა, რომ მოჩვენებითი გამართლება მოითხოვს ძალ-ღონის დროებით, მაგრამ უკიდურეს დაძაბვას, საქმის გაჭიანურება კი ნაკლებ, მაგრამ ხანგრძლივ დაძაბულობას. თუ ამის სურვილი გაქვთ, თავდება დაგიდგებით და ქალაქზე დავწერ, რომ უდანაშაულო ხართ. ასეთი თავდებობის ტექსტი მამაჩემმა დამიბრუნა და მასში არაფრის შეცვლა არ შეიძლება. ამ ქალაქში ჩამოვუვლი ყველა ჩემს ნაცნობ მოსამართლეს, დავიწყებ იმ მოსამართლიდან, ახლა რომ ვხატავ. ამ საღამოს სენსზე მოვა, ქალაქს წინ დავუდებ, ავუხსნი, რომ უდანაშაულო ხართ და თქვენს უდანაშაულობაში თავდება მე გიდგებით. თანაც ეს ზერეღე, ფორმალური თავდებობა კი არ იქნება, არამედ მოვალეობის დამკისრებელი. — მხატვარმა კ-ს ისე შეხედა, თითქოს უსაყვედურა, რად გინდათ, ასეთი თავდებობის ტვირთი რომ ამკიდოთო.

— დიდად მასამოვნებთ, — უთხრა კ-მ. — ვთქვით დამოსამართლემ დაგიჭერათ, ნამდვილად მაინც არ გამამართლებს?

— აკი მოგახსენეთ, — უპასუხა მხატვარმა. — სხვათა შორის, სრულიად არა ვარ: დარწმუნებული, რომ ყველა მოსამართლე დამიჭერებს, ზოგიერთი იმასაც კი მომთხოვს, პირადად, მიგიყვანოთ მასთან. რას იზამთ, უნდა წამომყვეთ, მაგრამ ასეთ შემთხვევაში საქმი სანახევროდ უკვე მოგებულია, რადგან საფუძვლიანად დაგარიგებთ წინასწარ, ამა და ამ მოსამართლესთან როგორ უნდა მოიქცეთ. უფრო გავგიჭირდება იმ მოსამართლეებთან ურთიერთობა, რომლებიც — ასეც ხდება ხოლმე — მაშინვე უარით გამომისტუმრებენ. მათზე უარი უნდა ვთქვათ, რა თქმა უნდა, მხოლოდ მას შემდეგ, როცა ყველა გზას მოვსინჯავთ, რადგან ამგვარ საქმეში ცალკეული მოსამართლეები გადაწყვეტ როლს არ თამაშობენ. როცა თავდებობის ქალაქზე საკმაოდ ბევრ მოსამართლეს მოგაწერიებ ხელს, მერე ამ საბუთს წავუღებ იმ მოსამართლეს, რომ

მელსაც თქვენი პროცესი მიანდეს. შეიძლება ხელი მასაც მოვაწერირო და მაშინ პროცესი ცოტათი უფრო დაჩქარდება, ვიდრე ეს ჩვეულებრივ ხდება. ამის შემდეგ, საერთოდ არავითარი დაბრკოლება აღარ ვადაგველობება, დადგება ის დრო, როცა ბრალდებული კვლავ იმსჯელება საკუთარი თავისადმი ჩრმენით. საკვირველია. მაგრამ ფაქტია, რომ ამიერიდან დიდი გარჯა და მეცადინეობა საჭირო აღარაა. მოსამართლეს ხელთ აქვს მრავალი მოსამართლის მიერ ხელმოწერილი თავდებობის მოწმობა, შესაძლებლობა ეძლევა უყოყმანოდ გაგამართლოთ, რასაც სხვადასხვა ფორმალური საკითხების მოგვარების შემდეგ აუცილებლად გააკეთებს კიდევ ჩემი და სხვა ნაცნობების გულის მოსაგებად. თქვენ კი სასამართლოდან გამოდინხართ და თავისუფალი ბრძანდებით.

— ამის შემდეგ მართლა თავისუფალი ვიქნები? — ჰკითხა კ-მ ერთგვარი ყოყმანით.

— დიახ, — უპასუხა მხატვარმა, — მაგრამ ეს არის მოჩვენებითი თავისუფლება, ან ზუსტად რომ ვთქვათ, დროებითი თავისუფლება. საქმე ისაა, რომ დაბალი რანგის მოსამართლეებს, რომელთაც ჩემი ნაცნობები განეკუთვნებიან, უფლება არა აქვთ მთლიანად გაგამართლონ, ამის უფლება აქვს მხოლოდ თქვენთვის, ჩემთვის და ყველა ჩვენთაგანისათვის ხელმოწვედომელ-სასამართლოს, როგორ გამოიყურება, იქაურობა, ჩვენ არ ვიცით და სხვათა შორის არც გვინდა ვიცოდეთ. ამგვარად, ბრალდების მოხსნის უფლება ჩვენს მოსამართლეებს არა აქვთ, მათ რჩებათ მხოლოდ ბრალდების აცილების უფლება. ეს იმას ნიშნავს, თუ თქვენ ამ ინსტანციაში გაგამართლეს ბრალდება დროებით აგაცილეს, მაგრამ იგი მაინც გაწევთ მხრებზე და როგორც კი უზენაესი ბრძანება მოვა, მაინც ყველაფერი თავიდან ამოქმედდება. სასამართლოსთან მჭიდრო ურთიერთობა უფლებას მაძლევს ავიხსნათ, რა გარეგნული ნიშნებით განსხვავდება ნამდვილი და მოჩვენებითი გამართლება სასამართლოს კანცელარიაში არსებული განკარგულებების მიხედვით. ნამდვილი გამართლების დროს პროცესის მთელ დოკუმენტაციას საქმიდან იღებენ, ისპობა არა მარტო საბრალდებო დასკვნა, არამედ პროცესის ყველა ოქმიც და თვით გამამართლებელი განაჩენიც კი. სულ სხვა რამ ხდება მოჩვენებითი გამართლების დროს. დოკუმენტაცია უცვლელი რჩება, მხოლოდ ესაა, რომ ემატება უდანაშაულობის დამამტკიცებელი საბუთი, გამამართლებელი განაჩენი და ამ განაჩენის დასაბუთება, საერთოდ კი პროცესი გრძელდება და როგორც ამას კანცელარიებს შორის საქმეების განუწყვეტელი გადაგზავნა-გადმოგზავნა მოითხოვს, დოკუმენტაცია იგზავნება უფრო მაღალ სასამართლოში, საიდანაც კვლავ უბრუნ-

დება უფრო დაბალ სასამართლოს და ასე მოძრაობს აქეთ-იქით ქანქარასავით, ხან მეტ-ნაკლები გაქანებით, ხანაც მეტ-ნაკლები შეყოვნებით. ეს გზები ჩვენთვის ხელმოუწვდომელია. გარედან მაყურებელს შეიძლება ზოგჯერ მოეჩვენოს, რომ დიდი ხანია ყველაფერი დაივიწყეს, დოკუმენტაცია დაიკარგა და გამამართლებელი განაჩენი ნამდვილზე ნამდვილია, მაგრამ საქმეში ჩახედული კაცი ამას არ დაიჭერებს. არც ერთი დოკუმენტი არ იკარგება, სასამართლოს დავიწყება არ სჩვევია. ერთ მშვენიერ დღეს, როცა ამას არავინ არ მოელის, რომელიმე მოსამართლე საბუთებს მეტი ყურადღებით გადახედავს, დარწმუნდება, რომ ბრალდება ჭერ კიდევ ძალაშია და დაუყოვნებლივ გასცემს დაპატიმრების ბრძანებას. ამას რომ გეუბნებით, იმასაც ვვარაუდობ, მოჩვენებით გამართლებასა და ხელახლა დაპატიმრებას შორის ბევრი დრო გადის. ზოგჯერ ეს მართლაც ასე ხდება, მაგრამ მე ისეთი შემთხვევებიც ვიცი, როცა გამართლებული სასამართლოდან შინ მიდის და იქ უკვე ელოდებიან რწმუნებულები, რომ ხელახლა დააპატიმრონ. ამ შემთხვევაში თავისუფლებას საბოლოოდ უნდა დაემშვიდობო.

— და პროცესი თავიდან იწყება? — ჰკითხა კ-მ, რომელსაც მთელი ამ ამბის დაჭერება უჭირდა.

— რა თქმა უნდა, — უპასუხა მხატვარმა, — პროცესი თავიდან იწყება, მაგრამ კვლავ რჩება იმის შესაძლებლობა, რომ უწინდებურად მოჩვენებით გამართლებას მივალწიოთ. ისევ უკიდურესობამდე უნდა დაძაბო მთელი ძალ-ღონე და არაფრით არ დანებდე მათ. — უკანასკნელი სიტყვები მხატვარმა ალბათ იმიტომ თქვა, რომ კ. ფრთებჩამოყრილი მოეჩვენა.

— განა მეორედ უფრო ძნელი არ არის გამოატანინო გამამართლებელი განაჩენი, ვიდრე პირველად? — იკითხა კ-მ ისე, გომი ახსნა-განმარტებისაგან.

— ამასთან დაკავშირებით გარკვეულად არაფრის თქმა არ შეიძლება, — უპასუხა მხატვარმა, — თქვენ ალბათ გგონიათ, რომ მეორედ დაპატიმრება მოსამართლეებზე არასასურველ გავლენას იქონიებს განაჩენის გამოტანის დროს? მაგრამ ასე არ ხდება. როცა მოსამართლეებს გამამართლებელი განაჩენი გამოჰქონდათ, ხელმოკრულ დაპატიმრებას წინასწარ ითვალისწინებდნენ და ამიტომ ეს გარემოება მათზე ნაკლებად მოქმედებს. მაგრამ მოსამართლეთა გუნდის განუწყვეტლობის შეიძლება სხვა უამრავი მიზეზის გამო შეიცვალოს ისევე, როგორც საქმის სამართლებრივი შეფასება იცვლება და ამიტომ მეორედ რომ გაგამართლონ, უნდა იმოქმედო შეცვლილი გარემოებების შესაბამისად და თანაც ისევე თავდაუზოგავად, როგორც

პირველი გამამართლებელი განაჩენის გამოტანამდე მოქმედებდა.

— კი მაგრამ, საბოლოო ხომ არც მეორე გამამართლებელი განაჩენია, — თქვა კ-მ და თავი ისე მიაბრუნა, თითქოს არაფრის გაგება აღარ უნდოდა.

— ცხადია, არა, — უპასუხა მხატვარმა, — მეორე გამამართლებელ განაჩენს მოსდევს მესამე დაპატიმრება. მესამე გამამართლებელ განაჩენს მეოთხე დაპატიმრება და ასე შემდეგ. ამას გულისხმობს თვით მოჩვენებითი გამართლების ცნება. — კ-ს არაფერი უპასუხია. — ეტყობა, მოჩვენებითი გამართლება დიდად არ გეპრიანებათ, — განაგრძო მხატვარმა, — იქნებ საქმის გაჭიანურება უფრო უპრიანი მოგეჩვენოთ, ავიხსნათ მისი არსი?

თანხმობის ნიშნად კ-მ თავი დაუქნია. მხატვარი სკამის საზურგეზე გადაწვა, ღამის პერანგი გაიღელა, ცალი ხელი პერანგის ქვეშ შეიყო და მკერდზე და გვერდებზე მოისვა.

— საქმის გაჭიანურება, — დაიწყო მან და ერთი წუთით ისე მიაშტერდა სივრცეს, თითქოს უნდოდა უზუსტესი განსაზღვრა მოენახა, — საქმის გაჭიანურება იმას ნიშნავს, რომ პროცესი დიდხანს შეაჩერონ ყველაზე დაბალ ინსტანციაში. ამას რომ მიაღწიო, ბრალდებულმა და მისმა ხელის შემწყობმა, განსაკუთრებით ხელის შემწყობმა, მუდმივი კონტაქტი უნდა იქონიოს სასამართლოსთან, ვიმეორებ, ამისთვის არაა საჭირო იმდენი ძალ-ღონის დახარჯვა, რამდენიც მოჩვენებითი გამართლებისათვის, მაგრამ ყურადღების მეტ დაძაბვას მოითხოვს, მთავარია, პროცესი მხედველობიდან არ გამოგრიხს. სისტემატურად უნდა იარო მოსამართლესთან, ყოველნაირად ეცადო შეინარჩუნო მისი კეთილგანწყობილება; თუ მოსამართლეს არ იცნობ, ნაცნობი მოსამართლეების დახმარებით უნდა მოახდინო მასზე გავლენა და თანაც ისე, რომ ამის გამო არავითარ შემთხვევაში არ აიღო ხელი პირადად მასთან მოლაპარაკების ცდაზე. თუ ამ მხრივაც არაფერი გამოგრიხა მხედველობიდან, შეგიძლია დაიმედებული იყო, რომ პროცესი პირველ სტადიას არ გასცდება. მართალია, პროცესი არ შეწყდება, მაგრამ ბრალდებული ისევეა დაზღვეული განაჩენისაგან, თითქოს თავისუფალი ადამიანი იყოს. მოჩვენებით განთავისუფლებასთან შედარებით საქმის გაჭიანურებას ის უპირატესობა აქვს, რომ ბრალდებულისათვის მომავალი უფრო გარკვეულია, მას უეცარი დაპატიმრების საფრთხე აღარ ემუქრება და არ უნდა ეშინოდეს, რომ სწორედ იმ მომენტში, როცა მისთვის ვითარება არახელსაყრელია, ხელახლა მოუწევს იმ სიძნელებებისა და მღელვარების გადატანა, რაც მოჩვენებით გამართლებასთანაა დაკავშირებული. თუმცა საქმის გაჭიანურებასაც ახლავს ბრალდებულისათვის უსიამო, ჩრდილოვანი

მხარეება. თუ გაუთვალისწინებლობაც არაფრით არ შეიძლება. მე ის კი არა მაქვს მხედველობაში, რომ საქმის გაჭიანურების დროს ბრალდებული ერთი წუთითაც არ გრძნობს თავს თავისუფალ კაცად, თუმცა იგი, ამ სიტყვის სრული მნიშვნელობით, რაც მოჩვენებითი გამართლების დროსაა თავისუფალი, ამჯერად სულ სხვაგვარ უსიამოვნებასთან გვაქვს საქმე. პროცესს ვერაფრით ვერ შეაჩერებ, თუ ამისათვის არ გაგაჩნია ცხადი ან ფარული საბაბი. ამიტომ პროცესი ფორმალურად მაინც უნდა მიმდინარეობდეს. ეს კი იმას ნიშნავს, რომ დროდადრო სხვადასხვა განკარგულება გასცენ. ბრალდებული თავიანთონ. გამოძიება აწარმოონ და ასე შემდეგ. ამგვარად პროცესი განუწყვეტლივ ხელოვნურად შემოფარგულ ვიწრო წიგნი უნდა ტრიალებდეს. ცხადია, ბრალდებულისათვის ამას ვარკვეული უსიამოვნებანი მოაქვს, მაგრამ ეს ამბავი მეტისმეტად მუქ ფერებში არ უნდა წარმოიდგინოთ, ყველაფერს მოჩვენებითი ხასიათი აქვს, მაგალითად. დაკითხვები ძალზე მცირე ხანს გრძელდება, ხოლო თუ დაკითხვაზე გამოცხადების არც დრო გაქვს და არც სურვილი, შეგიძლია მოსამართლეს ბოდიში მოუხადო. არც ის გეკრძალება, ზოგიერთ მოსამართლეს წინასწარ შეუთანხმდე და გრძელვადიანი განრიგი შეადგინო. ერთი სიტყვით, ბრალდებული ხარ და დროდადრო შენს მოსამართლესთან უნდა გამოცხადდე.

მხატვარს ჯერ კიდევ არ ჰქონდა ლაპარაკი დამთავრებული, როცა კ-მ ჰიჯაკი მკლავზე გადაიკიდა და წამოდგა.

— წამოღვა! — იყვირეს კარს უკან გოგოებმა.

— წასულას აპირებთ? — ჰკითხა მხატვარმა და თვითონაც წამოდგა, — ალბათ აქაური ჰაერის გამო გარბიხართ. გული მწყდება. თქვენთვის კიდევ მაქვს რალა-რალაცები სათქმელი, იძულებული ვიყავი ძალიან მოკლედ მელაპარაკა, მაგრამ იმედი მაქვს, სწორედ გამიგებთ.

— ო, დამხ, — პასუხა კ-მ, რომელმაც დიდო გაჭირვებით მოისმინა ყველაფერი და ახლა დაძაბულობისაგან თავი სტკიოდა. მოუხედავად დადებითი პასუხისა, მხატვარმა შეაჯამა ნათქვამი და ისე უთხრა კ-ს, თითქოს უნდოდა ვხა დაელოცა და ენუგეშებინა:

— ორივე მეთოდი იმით ჰგავს ერთმანეთს, რომ აბრკოლებს ბრალდებულისათვის განაჩენის გამოტანას.

— ნამდვილ გამართლებასაც ხომ უშლიან ხელს, — თქვა კ-მ ისე წყნარად, თითქოს რცხვენოდა, ამას რომ მიხვდა.

— თქვენ სწორად ჩაწვდით საქმის არსს, — მიუგო მხატვარმა მაშინვე.

კ. თავის პალტოს წაეპოტინა, მაგრამ ისიც კი ვერ მოიფიქრა, ჯერ ჰიჯაკი ჩაეცვა. ყველაფერს ერჩია ტანსაცმლისათვის

ხელი დაეწყო და სუფთა ჰაერზე გავარდნილიყო. იგი გოგონებმაც კი ვერ აიძულეს ტანთ ჩაეცვა, თუმცა წინასწარ უყვიროდნენ ერთმანეთს, იცვამსო.

მხატვარს გულით უნდოდა, კ-ს განწყობილებას ჩასწვდომოდა როგორმე, ამიტომ უთხრა:

— თქვენ, ალბათ ჯერ კიდევ არ გაქვთ გადაწყვეტილი, ჩემი წინადადებიდან რომელი აირჩიით. მე ეს მომწონს. არც გირჩევთ ახლავე მიიღოთ გადაწყვეტილება. უპირატესობასა და ნაკლს შორის მხოლოდ ბეწვის ოდენა განსხვავებაა. საჭიროა ყველაფერი კარგად აწონ-დაწონოთ, მაგრამ არც ბევრი დროის დაკარგვა ივარგებს.

— მალე ისევ გეწვევით, — უთხრა კ-მ დაბეჯითებით, პიჯაკი სწრაფად ჩაიცვა, პალტო მხრებზე მოიგდო და იმ კარი-საკენ გაეშურა, რომლის უკანაც გოგონებმა ისევ ატეხეს ყვირილი. კ-ს ისეთი შთაბეჭდილება შეექმნა, თითქოს მათ დახურული კარიდან ხედავდა.

— სიტყვა უნდა შეასრულოთ, — უთხრა მხატვარმა ისე, რომ მისი გაცილება არ უცდია, — თუ არადა, ამბის საკითხავად ბანკში გესტუმრებით.

— ბოლოს და ბოლოს გააღეთ კარი, — წამოიძახა კ-მ და სახელური მოქაჩა, მაგრამ იგრძნო, რომ გოგონები ვარდნა-სახელურს მაგრად ჩაბლაუჭებოდნენ.

— თუ არ გინდათ გოგონებმა სისხლი გაგიშრონ, ამ კარით გაბრძანდით, — უთხრა მხატვარმა და საწოლის უკან, კედელში დატანებულ კარზე მიუთითა. კ. დაეთანხმა და საწოლისაკენ გაქანდა.

მაგრამ ნაცვლად იმისა, რომ კარი გაეღო, მხატვარი საწოლქვეშ შეძვრა და იქიდან ამოსძახა: — მოითმინეთ კიდევ ერთი წამი; ხომ არ დახედავთ სურათს, რომელიც შემიძლია მოგყიდოთ?

კ-ს არ უნდოდა უზრდელობა გამოეჩინა, მხატვარმა გულთბილად მიიღო, დაპირდა, მომავალშიც დაგეხმარებითო, გარდა ამისა, კ-ს გულმავიწყობის გამო გასამრჯელოზე არაფერი თქმულა, ამიტომ ახლა არ შეეძლო მხატვარი გაეწვილებინა და თუმცა სული ელეოდა, ოღონდ აქაურობისათვის დაეღწია თავი, მაინც დართო ნება სურათი ეჩვენებინა. მხატვარმა საწოლის ქვემოდან უჩარჩო სურათების მთელი დასტა გამოათრია. სურათები სქელი მტვრით იყო დაფარული და როცა ზედა სურათს სული შეუბერა, მტვერი კიდევ კარგა ხანს ტრი-ალბებდა ჰაერში. კ-ს თვალთ დაუბნელდა, სუნთქვა შეეკრა.

— მინდვრის პეიზაჟია, უთხრა მხატვარმა და კ-ს სურათი გაუწოდა, სურათზე მოჩანდა ჩაშავებულ ბალახში ერთმანე-

თისაგან შორიშორ მდგარი ორი უღლეური ხე, მათ უკან კი ჩამავალი მზე ათასფრად ელავდა.

— ლამაზია, — უთხრა კ-მ, — ვყიდულობ. — რაკი კ-მ წინდაუხედავად ასე მოკლედ გამოხატა თავისი აზრი, გაეხარდა, რომ მხატვარი კი არ განწყენდა, არამედ იატაკიდან მეორე სურათი აიღო.

— ეს კი არაფრით არ ჰგავს მაგ სურათს, — უთხრა მხატვარმა. შეიძლება მხატვარს მართლაც ჰქონდა განზრახული რაღაც სხვა დაეხატა, მაგრამ სურათებს შორის სხვაობის აღმოჩენა თითქმის შეუძლებელი იყო. ისეთივე ხეები, ისეთივე ბალახი, უკანა პლანზე კი ისეთივე ათასფრად მოელვარე ჩამავალი მზე. თუმცა კ-ს ეს მსგავსება ნაკლებად აწუხებდა.

— ლამაზი პეიზაჟია, — უთხრა მან მხატვარს, — ორივეს ვყიდულობ და ჩემს კაბინეტში დავკიდებ.

— თქვენ ალბათ თემა მოგწონთ, — უთხრა მხატვარმა და მესამე სურათი გაუწოდა, — რა ბედნიერი დამთხვევაა, რომ კიდევ ერთი მსგავსი სურათი მაქვს.

მაგრამ მსგავსი კი არა წინა სურათის ზუსტი განმეორება იყო. მხატვარმა კარგად გამოიყენა შემთხვევა, ძველი სურათები გაესაღებინა.

— ამასაც ვყიდულობ, — უთხრა კ-მ, — რა ღირს სამივე?

— ფასზე ამ დღეებში მოვილაპარაკებთ, — უპასუხა მხატვარმა, — თქვენ ახლა გეჩქარებათ, ჩვენ ხომ კიდევ შევხვდებით ერთმანეთს. სხვათა შორის მიხარია, რომ სურათები მოგეწონათ, თან გაგატანთ ყველა სურათს, რაც ამ საწოლის ქვეშ მაქვს. აქ მხოლოდ მინდვრის პეიზაჟებია, ამგვარი პეიზაჟი ბევრი მაქვს. ზოგიერთს არ მოსწონს ასეთი სურათები, მეტისმეტად პირქუში ეჩვენება. მაგრამ ზოგს, მათ შორის თქვენც, სწორედ პირქუში სურათები მოგწონთ.

მაგრამ კ-ს ახლა სულაც არ აინტერესებდა მათხოვარი მხატვრის პროფესიული გამოცდილება.

— შეფუთეთ ყველა ერთად! — უყვირა კ-მ მხატვარს და სიტყვა შეაწყვეტინა, — ხვალ შიკრიკს გამოვგზავნი და წამოიღებს.

— რა საჭიროა, — უთხრა მხატვარმა, — ვიმედოვნებ, ახლავე ვიშოვი კაცს, რომელიც თან წამოგყვებათ. — ბოლოს, როგორც იქნა, მხატვარმა საწოლზე გადააბიჯა და კარი გააღო. — ნუ გერიდებთ, პირდაპირ საწოლზე ამოდი, ასე უადის აქ ყველა, — გამოსძახა მან.

მაგრამ კ-ს თხოვნა არც დასჭირვებია, ის იყო ცალი ფეხი უკვე უბოდიშოდ შედგა ბუმბულის საბანზე და ღია კარიდან გარეთ გაიხედა, რომ ფეხი ისევ ძირს ჩამოიღო.

— რა არის ეს? — ჰკითხა მან მხატვარს.

— რამ გაგაკვირვავთ? — ჰკითხა ახლა უკვე თავად გაკვირ-
ვებულმა მხატვარმა. — ეს ხომ სასამართლოს კანცელარიე-
ბია. განა არ იცოდით, რომ აქ სასამართლოს კანცელარიებია?
სასამართლოს კანცელარიები ხომ ყველა სხვეწეა და რაღა
ამ სხვეწე არ უნდა იყოს? მართალი რომ გითხრათ, ჩემი
სახელოსნოც კანცელარიებს ეკუთვნის, მაგრამ სასამართლომ
ერთი ოთახი პირადად მე დამითმო.

კ. იმან კი არ შეაშინა, რომ აქაც სასამართლოს კანცელა-
რიები აღმოჩნდა, არამედ უმთავრესად იმან, რომ ასეთი უმე-
ცარი იყო სასამართლოს საქმეებში. მას ეგონა, ბრალდებუ-
ლის ქცევის ძირითადი წესია, ყველაფრისთვის მზად იყოს,
არაფერმა გააკვირვოს, გულუბრყვილოდ არ გაიხედოს მარჯ-
ვნივ, როცა მარცხნივ მის გვერდით მოსამართლე დგას — მაგ-
რამ რატომღაც სწორედ ამ ძირითად წესს არღვევდა ყოველ-
თვის. მის წინ გაჭიმულიყო გრძელი დერეფანი, საიდანაც ისე-
თი ჰაერი შემოდის, რომელთან შედარებითაც სახელოს-
ნოს ჰაერი გამაცოცხლებელი ეჩვენებოდა. დერეფნის ორივე
მხარეს ზუსტად ისე ჩაემწყვრივებინათ მერხები, როგორც მის-
თვის ნაცნობი კანცელარიის მოსაცდელ ოთახში. ეტყობა, კან-
ცელარიების მოსაწყობად ზუსტი მითითებები არსებობდა. ამ
კანცელარიაში ამჟამად მაინცდამაინც დიდი მიმოსვლა არ იყო,
ვიღაც მამაკაცი მერხზე თითქმის წამოწოლილიყო, სახე ხე-
ლებში ჩაერგო და ალბათ ეძინა. მეორე კი ნახევრად ბნელი
დერეფნის ბოლოში იდგა. კ-მ საწოლს გადააბიჯა, მხატვარმა
კი სურათები ამოიღლია და თან გაჰყვა. მალე სასამართლოს
შიკრიკს გადააწყენენ. კ. ახლა ადვილად სცნობდა სასამართ-
ლოს ყველა შიკრიკს იმ ოქროს ღილის წყალობით, სამოქალა-
ქო პიჯაკის ჩვეულებრივი ღილებისაგან რომ გამოიჩნდოდა.
მხატვარმა შიკრიკს დაავალა კ-ს გაცილება და სურათების წა-
ღება. კ. უფრო ბარბაცებდა, ვიდრე მიდიოდა, პიჯაზე ცხვირ-
სახოცი ჰქონდა აფარებული. ისინი თითქმის გასასვლელ კარ-
თან იყვნენ მისულნი, როცა წინ კვლავ ის გოგონები შემოე-
ფეტნენ. კ-მ ვერც ამ გზით დააღწია მათ თავი. ეტყობა, გოგო-
ებმა დაინახეს, როგორ გაიღო სახელოსნოს მეორე კარი და
იმ მხრიდან რომ დახვედროდნენ, დერეფანს სირბილით შე-
მოუარეს.

— მე ველარ შევძლებ თქვენს გაცილებას! — მიამხა გო-
გონებით გარშემორტყმულმა მხატვარმა სიცილით, — ნახვამ-
დის! — ფიქრს ნუ გადაყვებით.

კ-ს არც მიუხედავს მისკენ. ქუჩაში გასულმა პირველივე
ეტლი დაიჭირავა. უნდოდა, რაც არ უნდა დაჯდომოდა, თავი-
დან მოეცილებინა შიკრიკი, რომლის ოქროს ღილი წამდაუ-
წუმ თვალში ეჩხირებოდა, თუმცა სხვები ამას ალბათ ვერც

ამხნევდნენ. დაუხარელი შიკრიკი უკვე აპირებდა კოფოზე
აბობლებას, მაგრამ კ-მ ძირს ჩააგდო. როცა ბანკში მივიდა,
შუაღლე დიდი ხნის გადასული იყო. ძალიან უნდოდა სურა-
თები ეტლში დაეტოვებინა, მაგრამ შეეშინდა, ვაითუ შემთხ-
ვევით მხატვარმა მოიკითხოსო და კაბინეტში შეიტანა, ხოლო
ერთხანს დირექტორის მოადგილის ცნობისმოყვარე მზერისა-
გან საიმედოდ რომ დაეცვა, მაგიდის სულ ქვედა უჯრაში ჩა-
კეტა.

თავი მერვე

კომერსანტი ბლოკი.

ვექილისათვის უარის თქმა.

ბოლოს კ-მ მაინც გადაწყვიტა ვექილისათვის უარი ეთქვა
პროცესში მონაწილეობაზე. მართალია, ექვი მაინც ღრღნიდა,
ვაითუ სწორად არ ვიქცევით, მაგრამ შინაგანმა რწმენამ გა-
დაძლია, ამ ნაბიჯის გადადგმა აუცილებელიაო.

უარის სათქმელად ვექილთან წასვლაზე ფიქრმა იმ დღეს
მეტისმეტად მოქანცა, ამიტომ უაღრესად ნელა მუშაობდა,
გვიანობამდე დარჩა სამსახურში და როცა ვექილის კარს მი-
ადგა, თერთმეტი უკვე დაწყებული იყო. სანამ ზარს დარეკავ-
და, დაფიქრდა, იქნებ ჯობდეს ვექილს ტელეფონით ან წერი-
ლობით ვუთხრა უარით, რადგან პირადად მასთან ამაზე საუ-
ბარი დიდად საჩოთირო ეჩვენებოდა. მიუხედავად ამისა, ვე-
ქილთან მოლაპარაკებაზე ხელის აღება მაინც არ ისურვა. კ-მ
წინასწარ იცოდა, რანაირადაც არ უნდა ეთქვა უარი, ვექილი
ან სულ არაფერს ეტყოდა, ანდა ერთი-ორი არაფრისმთქმელი
სიტყვით დაკმაყოფილდებოდა და ლენის ჩაურევლად, კ. ვე-
რასოდეს გაიგებდა, როგორ მიიღო ვექილმა მისი გადაწყვეტი-
ლება და ვექილის აზრით რა შედეგები მოჰყვებოდა ამ ნაბიჯს
კ-სთვის; ვექილის აზრი კი ანგარიშგასაწევი იყო. თუ ვექილი
კ-ს პირისპირ იჯდება და მისი უარი გააკვირვებს, თუნდაც
ბევრი არაფერი დასცდეს. საკმარისია კ. მისი სახის გამომეტყ-
ველებასა და ქცევის დააკვირდეს, მაშინვე მიხვდება ყველა-
ფერს, რაც აინტერესებს. არც ის იყო გამორიცხული, ამ სა-
უბრის დროს კ-ს ქუჩაში დასჯდომოდა, დაცვა ისევ ვექილი-
სათვის მიენდო და ხელი აეღო თავის განზრახვაზე.

როგორც ყოველთვის, პირველი ზარის დარეკვა ვექილის
ბინაში უშედეგო აღმოჩნდა. „ნუთუ ლენის არ შეუქლია უფ-
რო ჩქარა მოიბრინოს“, — გაიფიქრა კ-მ, მაგრამ ამჯერად იმი-
თაც კმაყოფილი იყო, რომ სხვა მდგმურები არ ჩარეულან
საქმეში, არც ღილის ხალათში გამოწყობილ მამაკაცს შეუშუ-
10. ფ. კაჯვა

ხეზია თავი და არც სხვა ვინმეს. სანამ კ. მეორედ დააჭერდა თითს ლილას, მოპირდაპირე კარს შეხვდა. ამჯერად ისიც დაკეტილი იყო. ბოლოს კარის საჭკრეტში გამოჩნდა ორი თვალი, მაგრამ ეს არ იყო ლენის თვალები. ვილაცამ კარი გააღო, მაგრამ შიგნიდან მაინც მოაწვა ხელით, მერე საღდაც სიღრმისკენ დაიძახა: „ის არის!“ და მხოლოდ ამას შემდეგ შეუშვა კარს ხელი.

კ. კარს მიაწვა, რადგან მოესმა, რა სწრაფად გადააბრუნეს მის ზურგს უკან საკლიტეში გასაღები. ბოლოს, როცა ბინის კარი გაუღეს, იგი თითქმის შევარდა წინკარში და მხოლოდ იმის დანახვა მოასწრო, როგორ გაიბრინა პერანგის ამარა ლენიმ დერეფანში. კარის გამღებებს გამაფრთხილებელ ძახილზე. კ-მ ქალიშვილს თვალი გააყოლა და შემდეგ კარის გამღებისაკენ შემობრუნდა. მის წინ იდგა მჭლე, წვერმოშვებული, ჩია, კაცი სანთლით ხელში.

— აქ მსახურობთ? — ჰკითხა კ-მ.

— არა, — უპასუხა მამაკაცმა, — მე აქ უცხო კაცი ვარ, საქმე მაქვს, რჩევისათვის მოვედი ვეჭილთან.

— უპიჯაკოდ? — ჰკითხა კ-მ და ხელით ანიშნა. ცოტა არ იყოს შილიფადა ხართ ჩაცმული.

— აჰ, მაპატიეთ! — თქვა მამაკაცმა და სანთელი ისე მიიძინათა, თითქოს თვითონაც პირველად ხედავდა, როგორ იყო მოკაზმული.

— ლენი თქვენი საყვარელია? — ჰკითხა კ-მ ჯიქურად. იგი ოდნავ ფეხგადგმული იდგა და ზურგს უკან გადაჭვარედინებულ ხელებში ქუდი ეჭირა. ამ მჭლე, ჩია კაცთან შედარებით მას ისიც კი ანიჭებდა უპირატესობას, რომ მდიდრული პალატო ეცვა.

— ო, ღმერთო, — წამოიძახა შეშინებულმა მამაკაცმა და სახეზე ისე აიფარა ხელები, თითქოს ვილაცისაგან თავს იცავდა, — არა, არა, როგორ გეკადრებათ ამის თქმა!

— სანდო კაცი ჩანხართ, გიჯერებთ, — უთხრა კ-მ ლიმილით, — მაგრამ მაინც გამომყევით. — კ-მ ქუდი დაუქნია და წინ გაუშვა. — რა გვარი ხართ? — ჰკითხა გზაში.

— ბლოკი, კომერსანტი ბლოკი გახლავართ, — უპასუხა ჩია კაცმა და რომ გასცნობოდა, შემობრუნდა, მაგრამ კ-მ გაჩერების საშუალება არ მისცა.

— ეს თქვენი ნამდვილი გვარია? — ჰკითხა კ-მ.

— რა თქმა უნდა, — უპასუხა კაცმა, — კი მაგრამ, რატომ შეგეპარათ ეჭვი?

— რატომღაც ვიფიქრე, გვარის დამალვის რაღაც მიზეზი უნდა გქონდეთ, — უპასუხა კ-მ. იგი თავისუფლად გრძნობდა თავს უცხოეთში მოხვედრილი კაცივით, უბრალო ხალხთან

ლაპარაკისას გულში რომ ინახავს საკუთარ საწუხარს, სხვებს კი გულგრილად ეკითხება, რა უჭირთ და რა ულბინთ, მათ საკუთარ თვალში ამალდეებს, ხოლო თუ მოესურვება, მათი დამცირებაც შეუძლია.

კ. ვეჭილის სამუშაო ოთახთან შეჩერდა, კარი გააღო და კომერსანტს, რომელიც მორჩილად განაგრძობდა გზას, მიაძახა: — სად მიგეჩქარებთ, აბა ერთი აქაურობა გაანათეთ!

კ. ფიქრობდა, იქნებ ლენი კაბინეტში იმალებაო და ამიტომ კომერსანტი აიძულა ყველა კუთხე-კუნჭული გაენათებინა, მაგრამ ოთახში არავინ აღმოჩნდა მოსამართლის პორტრეტის წინ კ-მ კომერსანტს შარვლის სამხრეებში ხელი მოჰკიდა და მოქანა.

— ამას თუ იცნობთ? — ჰკითხა მან და საჩვენებელი თითი პორტრეტისაკენ გაიშვირა.

კომერსანტმა სანთელი ასწია, თვალები მოჰუტა, ზევით აიხედა და თქვა:

— ეს მოსამართლეა.

— უზენაესი მოსამართლე? — ჰკითხა კ-მ და რომ დაენახა, რა შთაბეჭდილება მოახდინა კომერსანტზე პორტრეტმა, მის გვერდით გაჩერდა.

კომერსანტი აღტაცებული მისჩერებოდა პორტრეტს.

— დიახ, უზენაესი მოსამართლეა.

— ვერადგრი გულთმისანი ყოფილხართ, — უთხრა კ-მ. — დაბალი რანგის სასამართლოს გამომძიებელთა შორის იგი ყველაზე ზატარაა.

— ჰო, გამახსენდა, — თქვა კომერსანტმა და სანთელი დაუშვა, — ეს მე ერთხელ უკვე მითხრეს.

— რა თქმა უნდა, — წამოიძახა კ-მ, — სრულიად გამომჩინა მხედველობიდან, რომ თქვენთვის ეს უნდა ეთქვათ.

— რატომ, რატომ გგონიათ ასე? — ჰკითხა კომერსანტმა, სანამ კ-ს ჯიკავ-ჯიკავით კარისაკენ მიჰყავდა.

როცა დერეფანში გავიდნენ, კ-მ ჰკითხა:

— თქვენ აღბათ იცით, სად იმალება ლენი?

— იმალება? — იკითხა კომერსანტმა, — რატომ უნდა იმალებოდეს, აღბათ სამხარეულოშია და ვეჭილს წვნიანს უხარშავს.

— რატომ თავიდან არ მითხართ? — გაუწყრა კ.

— იქით მიმყავდით, მაგრამ თქვენ უკან დამაბრუნეთ, — უპასუხა ამდენი ურთიერთსაწინააღმდეგო ბრძანებით დაბნეულმა კომერსანტმა.

— თქვენ, ეტყობა, ეშმაკი კაცი გგონიათ თავი, — უთხრა კ-მ, — კარგი, ვამიძებნით წინ!

კ. არასოდეს არ ყოფილა სამხარეულოში, იგი არაჩვეუ-

ლებრივად დიდი და კარგად მოწყობილი აღმოჩნდა. ქურაც კი ჩვეულებრივზე სამჯერ დიდი იყო. იმის დეტალურად დათვალა, თუ რა იდგა სამზარეულოში, ძალიან ჭირდა, რადგან იქაურობას ანათებდა პატარა ნათურა, რომელიც შესასვლელში ეკიდა. ქურასთან იდგა თეთრწინსაფარიანი ლენი და სპირტქურაზე დადგმულ ქვაბში კვერცხებს ახლიდა.

— სალამო მშვიდობისა, იოზეფ, — უთხრა ლენიმ და ალმაცერად გამოხედა.

— სალამო მშვიდობისა, — უპასუხა კ-მ და კომერსანტს მოშორებით მდგარ სავარძელზე ანიშნა, დაჯექიო; კომერსანტი მორჩილად დაეშვა სავარძელში. კ. ლენის ზურგიდან მიუახლოვდა, მისი მხრისკენ დაიხარა და ჰკითხა:

— ვინ არის ეს კაცი?

ლენიმ ცალი ხელით წვნიანს მოუტრია, მეორეთი კი კ-ს მოეხვია, თავისკენ მიიზიდა და უთხრა:

— ერთი საცოდავი კაცია, გაღარბებული კომერსანტი, ვინმე ბლოკი, აბა ერთი შეხედე.

ორივემ ბლოკისაკენ მიიხედა. კომერსანტი იმავე სავარძელში იჯდა, კ-მ რომ მიუჩინა. სულის შებერვით ჩააქრო სანთელი, რომლის შუქი ზედმეტი იყო და ნამწვს ხრიოლვა რომ არ დაეწყო, თითებით მოსრისა.

— რატომ იყავი პერანგის ამარა? — ჰკითხა კ-მ ლენის და თავი ხელით ქურისაკენ მიაბრუნებინა. ლენიმ არაფერი უპასუხა.

— შენი საყვარელია? — განაგრძო კ-მ, ლენის უნდოდა ქვაბისათვის მიეხედა, მაგრამ კ-მ ორივე ხელი დაუჭირა და უთხრა: — მიპასუხე!

— წავიდეთ კაბინეტში, იქ ყველაფერს ავიხსნი, — უთხრა ლენიმ.

— არა, — გაჯიუტდა კ., — მინდა აქვე ამიხსნა. — ქალიშვილი კისერზე ჩამოეკიდა, ცდილობდა ეკოცნა, მაგრამ კ-მ ხელით მოიშორა და უთხრა: — არ მინდა, ახლა მაკოცო.

— იოზეფ, — თქვა ლენიმ და კ-ს მუდარით, მაგრამ პირდაპირ შეხედა თვალებში: — ნუთუ ბატონ ბლოკზე ეჭვიანობ? რუდი! — მიუბრუნდა უეცრად ქალიშვილი კომერსანტს, — დამეხმარე, ხომ ხედავ, ცილს მწამებენ, მოეშვი მაგ სანთელს! თავიდან ისე ჩანდა, თითქოს ბლოკი მათ ყურადღებას არ აქცევდა, მაგრამ აღმოჩნდა, რომ მის სმენას არაფერი გამოჰზარვია.

— არ ვიცი, რა გაქვთ საეჭვიანო, — უთხრა კომერსანტმა კ-ს ოდნავ გამომწვევად.

— სიმართლე რომ გითხრათ, არც მე ვიცი, — უპასუხა კ-მ და ღიმილით შეხედა კომერსანტს.

ლენიმ ხმამაღლა გაიცინა, კ-ს უყურადღებობით ისარგებლა, მკლავზე ჩამოეკიდა და წასჩურჩულა:

— თავი დაანებე, ხომ ხედავ, რა კაციცაა. ცოტათი შემეცოდა, რადგან ვეჭილისათვის სარფიანი კლიენტია, ეს იყო და ეს. შენ როგორ ხარ? დღესვე გინდა ელაპარაკო ვეჭილს? დღეს ძალიან ავადაა, მაგრამ თუ მისი ნახვა გინდა, ახლავე მოვახსენებ. დამე კი აუცილებლად ჩემთან დარჩები. დიდი ხანია არ ყოფილხარ, ვეჭილმაც კი გიკითხა. ნუ მიუშვებ პროცესს თავის ნებაზე! შენთვის ბევრი რამ მაქვს სათქმელი, რალაც-რალაცებს ყური მოგვკარი, მაგრამ ჯერ პალტო გაიხადე!

ლენი კ-ს პალტოს გახდაში მოეხმარა, შემდეგ ქუდიც ჩამოართვა, წინკარისაკენ გაიქცა, ჩამოკიდა, იმწამსვე შემობრუნდა, და წვნიანს დახედა.

— ჯერ ის მოვახსენო, რომ მოხვედი თუ ჯერ წვნიანი მივართვა?

— ჯერ ის მოახსენე, რომ მოვედი, — უთხრა კ-მ.

კ. გულმოსული იყო, უნდოდა ჯერ ლენის მოთათბირებოდა გულდასმით განსაკუთრებით იმ საჭოჭმანო საკითხზე, უარი რომ უნდა ეთქვა ვეჭილისათვის, მაგრამ კომერსანტის იქ ყოფნამ ყოველგვარი სურვილი ჩაუხშო. მიუხედავად ამისა, საქმე იმდენად მნიშვნელოვანი იყო, ჩია კომერსანტის გამო რაიმეს შეცვლა სიბრყველ მიიჩნია, ამიტომ დაუძახა დერეფანში გასულ ლენის, მობრუნდო:

— ჯერ დააპურე, — უთხრა მან ლენის, — დაე, მოლონიერდეს, ჩემთან საუბრის დროს ბევრი ძალ-ღონე დასჭირდება.

— თქვენც ამ ვეჭილის კლიენტი ბრძანდებით? — ჰკითხა კუთხეში მიყუჩულმა ბლოკმა ხაზგასმით, მაგრამ კომერსანტის სიტყვებმა ორივეს უკმაყოფილება გამოიწვია.

— რა თქვენი საქმეა, — უთხრა კ-მ, ხოლო ლენიმ დასძინა:

— ვერ გაჩუმდები! — შემდეგ კი კ-ს მიუბრუნდა: — მაშ ჯერ წვნიანს მივუტან, — და წვნიანი მათლაფაზე გადმოიღო. — ოლონდ მეშინია მალე არ ჩაეძინოს, ჭამის შემდეგ ყოველთვის იძინებს.

— არა უშავს, ჩემი სიტყვები ძილს გაუფრთხობს, — უპასუხა კ-მ.

უნდოდა ლენი მიეხვედრებინა, ვეჭილისათვის უაღრესად მნიშვნელოვანი რამ მაქვს სათქმელიო, ლენი გულის თქმაში ჩავარდებოდა, არ მოეშვებოდა და ისიც მხოლოდ მაშინ ჰკითხავდა რჩევას. მაგრამ ლენი მისი განკარგულების აღსრულებას შეუდგა და როცა სახვე მათლაფით გვერდით ჩაუარა, ალერსიანად წაჰკრა იდაყვი და წასჩურჩულა:

— როგორც კი წვნიანს შეხვრიპავს, მაშინვე მოვახსენებ შენს შესახებ, რაც შეიძლება მალე რომ ჩაგიგდო ხელში.

— კარგი, წადი! — უთხრა კ-მ, — წადი, წადი!

— ნუ ხარ უკმეხი, — უპასუხა კართან მისულმა ლენიმ და კიდევ ერთხელ შემობრუნდა მთელი ტანით მისკენ მათლაფიანად.

კ-მ თვალი გააყოლა; ახლა უკვე საბოლოოდ გადაწყვიტა ხელი აეღო ვეჟილზე. იქნებ უკეთესიც კი იყო, რომ ლენისთან მოლაპარაკება ვერ მოასწრო. მაინც ვერ გაერკვეოდა მთელ ამ ამბავში, დაუწყებდა გადაჯერებას, ალბათ ამჯერად მართლა ააღებინებდა ხელს გადაწყვეტილებაზე და კვლავ გააწამებდა ეჭვები და გაურკვეველობა, რამდენიმე ხნის შემდეგ კი მაინც სისრულეში მოიყვანდა თავის განზრახვას, რადგან ამის დიდი ხნით გადადებდა არაფრით არ შეიძლებოდა. რაც უფრო სწრაფად განახორციელებდა ჩანაფიქრს, მით უფრო ნაკლებ ზიანს მოაყენებდა საკუთარ თავს. შეიძლება კომერსანტსაც აქვს რამე სათქმელი ამ ამბავთან დაკავშირებით.

როგორც კი კომერსანტმა შეამჩნია, კ. ჩემკენ შემობრუნდა, მაშინვე წამოდგომა დააპირა.

— ბრძანდებოდეთ! — უთხრა კ-მ და სავარძელი მისკენ მიაჩოჩა. — დიდი ხანია ამ ვეჟილის კლიენტი ხართ?

— დიახ, — უპასუხა კომერსანტმა, — ძალიან დიდი ხანია.

— რამდენი წელია, რაც თქვენს ინტერესებს იცავს? — ჰკითხა კ-მ.

— არ ვიცი, რა აზრით მეკითხებით ამას. თუ ჩემს საქმიანობას გულისხმობთ — მე მარცვლეულით ვვაჭრობ — ჩემს სამართლებრივ უფლებებს იგი იმ დროიდან იცავს, რაც ამ საქმეს მოვკიდე ხელი და კაი ოცი წელიწადი იქნება, ხოლო ჩემს პირად პროცესში, რასაც თქვენ ალბათ გულისხმობდით, თავიდანვეა ჩაბმული და მას შემდეგ ხუთ წელზე მეტი გავიდა. დიახ, ხუთ წელზე მეტი, — დასძინა მან და ჯიბიდან ძველი საფულე ამოიღო, — აი, აქ მაქვს ყველაფერი ჩაწერილი; თუ გნებავთ ზუსტ თარიღებსაც მოგახსენებთ, ზეპირად ყველაფრის დამახსოვრება ძნელია. ჩემი პროცესი ალბათ გაცილებით მეტ ხანს გრძელდება, რადგან თითქმის ჩემი მეუღლის გარდაცვალებისთანავე დაიწყო, მას შემდეგ კი ხუთნახევარ წელიწადზე მეტი გავიდა.

კ-მ კიდევ უფრო ახლოს მიაჩოჩა კომერსანტისაკენ სავარძელი.

— მამ ვეჟილი ჩვეულებრივ სამოქალაქო საქმეებსაც ჰკიდებს ხელს? — ჰკითხა კ-მ. იმ ამბავმა, რომ სასამართლო და

უფლებრივი ნორმები ურთიერთკავშირში იყვნენ, კ. საოცრად დაამწვიდა.

— რა თქმა უნდა, — უპასუხა კომერსანტმა და ჩურჩულით განაგრძო, — ამბობენ, სამოქალაქო საკითხებში იგი უფრო ვრცევეა, ვიდრე სხვაგვარ საქმეებში.

მაგრამ ბლოკმა მაშინვე იხანა, ეს სიტყვები რომ წამოსცა, კ-ს მხარზე ხელი დაადო და უთხრა:

— ძალიან გთხოვთ ნუ გამცემთ.

კომერსანტი რომ დაემწვიდებინა, კ-მ მუხლზე ხელი მოუთათუნა და უთხრა:

— როგორ გეკადრებათ, მე გამცემი როდი ვარ.

— შურს იძიებს, სამაგიეროს გადამიხდის, — უთხრა კომერსანტმა.

— არა მგონია, თქვენისთანა ერთგულ კლიენტს რამე დაუშავოს, — უპასუხა კ-მ.

— რას ბრძანებთ, როცა გაჯავრებულია, გარჩევა არ იცის. გარდა ამისა, არც ისე ერთგული ვარ მისი, — უთხრა კომერსანტმა.

— როგორ თუ არა ხართ? — ჰკითხა კ-მ.

— არ ვიცი, გენდოთ თუ არა, — თქვა კომერსანტმა ყოყმანით.

— მე მგონი, შეგიძლიათ მენდოთ, — უპასუხა კ-მ.

— კარგი, — უთხრა კომერსანტმა, — ნაწილობრივ გენდობით, მაგრამ ამ შემთხვევაში თქვენც უნდა გამანდოთ რაიმე საიდუმლო, რომ ვეჟილის წინააღმდეგ პირი შეგვკრათ.

— მეტიმეტად ფრთხილი ყოფილხართ, — უპასუხა კ-მ, — მაგრამ მართლა გაგანდობთ ერთ ისეთ საიდუმლოს რაც საბოლოოდ დაგამწვიდებთ. ამგვარად, რაში გამოიხატება თქვენი ორგულობა?

— მე, — დაიწყო კომერსანტმა ყოყმანით და ისეთი ხმით განაგრძო, თითქოს სამარცხვინო ამბავში უნდა გამოტყდესო, — მის გარდა კიდევ მყავს ვეჟილები.

— მერე რა არის აქ ცუდი? — ჰკითხა ოდნავ შემცბარმა კ-მ.

— აქ ასე მიაჩნიათ, — უთხრა კომერსანტმა, რომელიც საიდუმლოს გამხელის მერე ჯერ კიდევ მძიმედ სუნთქავდა, მაგრამ რაკი კ-მ გაამხნევა, უფრო მიმნდობი გახდა. — ეს დაუშვებელია. განსაკუთრებით დაუშვებელია, ეგრეთ წოდებულ ვეჟილთან ერთად იატაკქვეშ მომუშავე ვეჟილების დაქირავება. მე კი სწორედ ეს გავაკეთე და მის გარდა კიდევ ხუთი ვეჟილი ავიყვანე.

— ხუთი! — წამოიძახა გაოცებულმა კ-მ, რა ამბავია ამდენი, — ამის გარდა კიდევ ხუთი ვეჟილი?

კომერსანტმა თავი დაუქნია:

— ამჟამად მეექვსესთან ვაწარმოებ მოლაპარაკებას.

— კი მაგრამ, რად გინდათ ამდენი ვეჭილი? — ჰკითხა კ-მ.

— ყველა მჭირდება, — უპასუხა კომერსანტმა.

— ვერ ამიხსნით, რისთვის?

— სიამოვნებით, — უთხრა კომერსანტმა. — უპირველეს ყოვლისა არ მინდა პროცესი წავაგო, ეს თავისთავად ცხადია. ამიტომ არაფერი არ მინდა გამომჩინო მხედველობიდან ისეთი, რაც ჩემთვის სასარგებლო იქნება; გარკვეულ შემთხვევაში, როცა რაიმე სარგებლობაზე ლაპარაკიც კი ზედმეტია, მაინც არა მაქვს უფლება იმედი გადავიწყვიტო. ამიტომ ყველაფერი რაც მებადა, პროცესს მოვახმარე. მაგალითად, ამოვიღე მთელი ფული, საქმეში რომ მქონდა დაბანდებული. უწინ ჩემს კანტორას თითქმის მთელი სართული ეჭირა, ახლა კი დამრჩა ერთი პატარა ოთახი სახლის უკანა მხარეს, სადაც ჩემს შეგირდთან ერთად ვმუშაობ. ჩემი საქმეები ასე ცუდად იმიტომ კი არ წავიდა, რომ მთელი-ფული დავხარჯე, არამედ იმის გამო, რომ ყველა ჩემი ხელქვეითი დავითხოვე. თუ გინდა პროცესი შენს სასარგებლოდ წარმართო, სხვა რამისათვის ვერ მოიცლი.

— სასამართლოშიც თქვენ დარბიხართ? — ჰკითხა კ-მ, — სწორედ ამის შესახებ მინდოდა გამეგო რამე.

— ამაზე ბევრს ვერაფერს გეტყვით, — უპასუხა კომერსანტმა, — თავიდან ვცადე, დაერბოდი, მაგრამ შემდეგ მოვეშვი. მეტისმეტად დამქანცველია და თითქმის უშედეგო. იქაც მერბინა და მოლაპარაკებაც მეწარმოებინა, ამდენს ვერ გავწვდი, მარტო ჯდომა და ლოდინიც კი დიდ დაძაბულობას მოითხოვს. თქვენ თვითონ კარგად იცით, რა მძიმე ჰაერია კანცელარიებში.

— თქვენ საიდან იცით, რომ მე იქ ნამყოფი ვარ? — ჰკითხა კ-მ.

— მე მოსაცდელ ოთახში ვიჯექი, თქვენ რომ ჩაიარეთ.

— რა დამთხვევაა! — წამოიძახა კ-მ. იგი ამ ამბავმა ისე გააკვირვა, რომ სრულიად დაავიწყდა, რა უბადრუკი მოეჩვენა კომერსანტი წელან. — ასე რომ, თქვენ გინახივართ! მოსაცდელ ოთახში იჯექით, როცა ჩავიარე? დიას, ერთხელ ჩავიარე.

— ეს არც ისეთი მოულოდნელი დამთხვევაა, — უთხრა კომერსანტმა, — მე თითქმის ყოველდღე იქ ვარ.

— ამიერიდან ალბათ მეც უფრო ხშირად მომიწევს მისვლა, — თქვა კ-მ, — მაგრამ ახლა ისეთი მოწიწებით აღარ მიმიღებენ, როგორც მაშინ. ყველა ფეხზე წამოხტა, მე მათ ალბათ მოსამართლე ვეგონე.

— არა, — უპასუხა კომერსანტმა, — ჩვენ მივესალმეთ სასამართლოს შიკრიკს. თქვენ რომ ბრალდებული ხართ, უკვე ვიცოდით. ასეთი ცნობა ელვის სისწრაფით გრცელდება.

— მაშ თქვენ ეს უკვე იცოდით? — იკითხა კ-მ, — მაშინ ჩემი ქცევა ქედმაღლური მოგეჩვენებოდათ, ითქვა ამაზე რამე?

— არა, — უპასუხა კომერსანტმა, — პირიქით. თუმცა ეს სისულელია.

— რას ჰქვია სისულელი? — ჰკითხა კ-მ.

— რატომ მეკითხებით ასეთ რამეს? — უთხრა გაღიზიანებულმა კომერსანტმა, — იმ ხალხს, ეტყობა, ჯერ არ იცნობთ და ბევრი რამე შეიძლება არასწორად გაიგოთ. ერთი რამ უნდა გაითვალისწინოთ, როცა ამგვარ სასამართლოსთან გაქვს საქმე, საუბრის დროს ისეთი ამბები ირკვევა, რასაც გონება ვერ სწვდება უბრალოდ, ძალიან იღვლები, საქმეს გულს ვერ უღებ და ამის ასანაზღაურებლად ცრურწმენას იშველიებ. მართალია, მე სხვებზე ვლაპარაკობ, მაგრამ მათზე უკეთესი არაფრით არა ვარ. ამგვარი ცრურწმენის ნიმუში, მაგალითად, ისაა, რომ ბევრი ირწმუნება, ბრალდებულის სახის გამომეტყველებისა და განსაკუთრებით ტუჩების მოხაზულობის მიხედვით შეიძლება ამოიცნო, რით დამთავრდება პროცესიო. ჰოდა, ისინიც ამტკიცებენ, თქვენი ტუჩების მოხაზულობა ისეთია, რომ მალე გამოგორჩანენ განაჩენს. ვიმეორებ, ეს სასაცილო ცრურწმენაა და უმეტეს შემთხვევაში ფაქტები ძირფესვიანად აცამტკიცებენ მას. მაგრამ როცა ამგვარ საზოგადოებაში ცხოვრობ, ძნელია მსგავს შეხედულებებს თავი აარილო. აბა, ერთი დაუჯივრდით, რა ძლიერ გაიდგა ფესვი ამ ცრურწმენამ. გახსოვთ, იქ ერთ კაცს რომ გამოელაპარაკეთ? მან ძლიერს გააცათ პასუხი. მოსაცდელში, რა თქმა უნდა, მრავალი მიზგიზი არსებობს იქისათვის, კაცს თავგზა აებნეს, მაგრამ ყველაზე მეტად იგი თქვენმა ტუჩებმა გააოგნა. მოგვიანებით, იცით, რა გვითხრა? მისი ტუჩების მოხაზულობაში საკუთარი განაჩენიც ამოვიკითხეო.

— ჩემი ტუჩების მოხაზულობაში? — იკითხა კ-მ, ჯიბის სარკე ამოიღო და ჩაიხედა. — ჩემი ტუჩების მოხაზულობაში განსაკუთრებულს ვერაფერს ვხედავ, თქვენ ხედავთ?

— გერც მე, — უპასუხა კომერსანტმა. — სრულიად ვერაფერს ვხედავ.

— რა ცრუმორწმუნენი ყოფილან! — წამოიძახა კ-მ.

— რას გიოზნებოდათ? — უთხრა კომერსანტმა.

— ნუთუ ბრალდებულნი ასე ხშირად ხედებიან ერთმანეთს და თავიანთ აზრებს უზიარებენ? — ჰკითხა კ-მ. — მე კი აქამდე განზე ვიდექი.

— არც ისე ხშირად, — უპასუხა კომერსანტმა, — იმდენ-

ნი არიან, რომ ეს შეუძლებელიც კია. გარდა ამისა, ინტერეს-
თა დამთხვევაც იშვიათად ხდება. ზოგჯერ რომელიმე ჯგუფი
ირწმუნებს, საერთო ინტერესები გვაქვსო. მაგრამ მალე ირკვე-
ვა, რომ ეს შეცდომა იყო. ამ სასამართლოს წინააღმდეგ ჯგუ-
ფური მოქმედებით ვერაფერს გააწყობ. ყველა შემთხვევას
ცალკე იძიებენ. ეს ხომ ყოვლად კეთილსინდისიერი სასამართ-
ლოა. ამგვარად, ჯგუფური მოქმედებით ვერაფერს გახდები,
მხოლოდ ერთეულები აღწევენ ზოგჯერ მცირე წარმატებას და
ისიც მალულად; ამ ამბავს მხოლოდ მოგვიანებით გეხულო-
ბენ სხვები, მაგრამ არავინ იცის, რა როგორ მოხდა. ერთი სიტ-
ყვით, საერთო ინტერესები მათ არ გააჩნიათ. მართალია,
დროდადრო ისინი ერთმანეთს ხვდებიან მოსაცდელ ოთახში,
მაგრამ იქ დიდ სჯაბაასს ვერ გააბამ. კრურწმენა კი ძველი
დროიდან დამკვიდრდა და თავისთავად მრავლდება.

— მე ხომ ვნახე ის ადამიანები მოსაცდელში, — უთხრა
კ-მ კომერსანტს, — მათი ლოდინი მეტისმეტად უაზრო მომე-
ჩენა.

— არა, ლოდინი უაზრო არ არის, — უპასუხა კომერსან-
ტმა, — უაზრო მხოლოდ ისაა, შენთავად რომ ჩაერევი საქ-
მეში. ხომ გითხარით, ამ ვეჭილის გარდა, კიდევ ხუთი ვეჭი-
ლი მყავს-მეთქი დაქირავებული. თავიდან მეც მეგონა, შეიძ-
ლებოდა საქმის მთლიანად მათთვის მინდობა, მაგრამ ასე
რომ მოვქცეულიყავი, მიუტევებელი შეცდომა იქნებოდა. ახ-
ლა კიდევ უფრო მიძნელებდა საქმე მთლიანად მათ მივან-
დო, ვიდრე მაშინ, როცა ერთი ვეჭილი მყავდა ეს ყველაფე-
რი თქვენთვის ალბათ გაუგებარია?

— მართალს ბრძანებთ, — უპასუხა კ-მ და რომ შეეჩერე-
ბინა და დაემშვიდებინა კომერსანტი, რომელიც მეტისმეტად
ჩქარა ლაპარაკობდა, ხელზე ხელი დაადო. — ჩემი თხოვნაა
ცოტა ნელა ილაპარაკოთ, ეს ყოველივე ჩემთვის ძალზე
მნიშვნელოვანია, აზრის გამოტანა კი მიჭირს.

— კიდევ კარგი რომ შემასხენით, — უპასუხა კომერსან-
ტმა, — თქვენ ხომ ახალბედა, დამწყები ხართ, თქვენი პრო-
ცისი მხოლოდ ნახევარი წლისაა, ხომ ასეა? დიახ, ყური მოგ-
კარი, მეტისმეტად ახალგაზრდა პროცისიაო. მე კი ყოველი-
ვე ამაზე უთვალავჯერ მიფიქრია და ამიტომ ჩემთვის ეს ამ-
ქვეყნად ყველაზე ბუნებრივი რამ არის.

— ალბათ, გიხარიათ, თქვენმა პროცესმა რომ ასე წაი-
წია წინ? — ჰკითხა კ-მ, მას არ უნდოდა ჰირდაპირ ეკითხა
კომერსანტისათვის, როგორ მიდიოდა მისი საქმეები, მაგრამ
გარკვეული პასუხი არც მიუღია.

— ხუთი წელია ჩემს პროცესს ვაკვირდები, — უპასუხა

კომერსანტმა და თავი დახარა, — ეს მცირე მიღწევა არ გე-
გონოთ.

კომერსანტი მცირე ხანს დადუმდა. კ-მ მიაყურადა, ლენი
ხომ არ მოდისო. ერთი მხრივ არ უნდოდა, ლენი გამოჩენი-
ლიყო, საკითხავი ჯერ კიდევ ბევრი ჰქონდა და არ სურდა ამ
გულახდილ საუბარს ქალიშვილი დასწრებოდა, ხოლო მეო-
რე მხრივ ბრაზობდა, თვითონ აქ იყო, ლენი კი დიდხანს
დარჩა ვეჭილთან, გაცილებით უფრო დიდხანს, ვიდრე ეს
საჭირო იყო წვნიანის მისართმევად.

— კარგად მახსოვს ის დრო, — დაიწყო ისევ კომერსანტ-
მა და კ-ც მაშინვე სმენად იქცა, — როცა ჩემი პროცესი და-
ახლოებით იმ ხნის იყო, რამდენისაც ახლა თქვენია. მაშინ
მხოლოდ ეს ვეჭილი მყავდა, მაგრამ დიდად კმაყოფილი არ
ვიყავი.

— „ახლა კი ყველაფერს შევიტყობ“ — გაიფიქრა კ-მ და
ისე ენერგიულად დაუქნია თავი, თითქოს სურდა ამით კო-
მერსანტი გაეთამამებინა და ეთქმევინებინა ყველაფერი, რი-
სი გაგებაც საჭიროდ მიაჩნდა.

— ჩემი პროცესი, — განაგრძო კომერსანტმა, — აღგი-
ლიდან არ იძროდა და ეს მაშინ, როცა გამოძიება ტარდებო-
და, არც ერთი დაკითხვა არ გამიცდენია, ვაგროვებდი მასა-
ლას, სასამართლოს წარვუდგინე ყველა ჩემი საბუღალტრო
დავთარი, რაც, როგორც შემდეგ გამოირკვა, საჭირო არ ყო-
ფილა, ყოველდღე მოვრბოდი ვეჭილთან, მასაც შეჰქონდა
სხვადასხვა შუამდგომლობა სასამართლოში...

— სხვადასხვა შუამდგომლობა? — ჰკითხა კ-მ.

— დიახ, სხვადასხვა, — უპასუხა კომერსანტმა.

— ამის გაგება ჩემთვის დიდად მნიშვნელოვანია, — უთხ-
რა კ-მ, — ჩემს საქმეზე ჯერ კიდევ პირვილ შუამდგომლო-
ბას ადგენს. აქამდე სხვა არაფერი გაუკეთებია. ახლა ვხედავ,
რომ უტიფრად მომავლო ქვა.

— შუამდგომლობა რომ ჯერ მზად არ არის, შეიძლება
სხვადასხვა საპატიო მიზეზით იყოს გამოწვეული, — უპასუ-
ხა კომერსანტმა. — გარდა ამისა, ბოლოს გამოირკვა, რომ
შუამდგომლობებს არავითარი ფასი არ ჰქონია. სასამართლოს
თავაზიანი მოხელის წყალობით ერთი შუამდგომლობა მეც
კი წავიკითხე. მართალია, განსწავლულობის კვალი აჩნდა,
მაგრამ უშინაარსო იყო. უპირველეს ყოვლისა, ვეჭილს ლა-
თინური სიტყვებით აეჭრებინა, მე კი ლათინურისა არა-
ფერი გამეგება. გარდა ამისა, მთელი გვერდები ჰქონდა დათ-
მობილი სასამართლოსადმი მიმართვებს, შემდეგ ეპირფე-
რებოდა ცალკეულ მოხელეებს, რომლებიც დასახელებულნი
არ იყვნენ, მაგრამ საქმეში ჩახედული კაცი მაშინვე მიხვდე-

ბოდა, ვისზე იყო ლაპარაკი, მერე თავს იქებდა, რითაც ძალივით იმცირებდა თავს სასამართლოს წინაშე და ბოლოს ერთვოდა გამოკვლევები წარსულში ჩატარებულ იმ სასამართლო პროცესებზე, ჩემსას რომ წააგავდა. ეს პროცესები რამდენადაც შემძლო მივმხვდარიყავი, საგულდაგულოდ იყო გამოკვლეული. ამას იმიტომ კი არ გეუბნებით, ვეჭილი რამეში დავადანაშაულო. ის შუამდგომლობა, მე რომ წავიკითხე, მრავალთაგან ერთ-ერთი იყო, მაგრამ ყოველ შემთხვევაში, ახლა სწორედ ამაზე მინდა გელაპარაკოთ, მაშინ ჩემი პროცესი ადგილიდან არ იძროდა.

— მაინც რა წინსვლას ელოდით? — ჰკითხა კ-მ.

— გონივრული კითხვაა, — უპასუხა კომერსანტმა ღიმილით, — ამ სასამართლოში საქმე იშვიათად იძვრის ადგილიდან, მაშინ მე ეს არ ვიცოდი, კომერსანტი ვახლავართ, იმ დროს კი უფრო მეტად ვიყავი ჩაფლული კომერციულ საქმეებში, ვიდრე დღეს ვარ. ამიტომ მინდოდა პროცესი თვალსაჩინოდ დაძრულიყო ადგილიდან, ან დასასრულს მიახლოებოდა, ანდა წესისა და რიგის თანახმად წინ წაწეულიყო. ამის მაგივრად თითქმის ერთი და იმავე შინაარსის დაკითხვები გაუთავებლად გრძელდებოდა; პასუხები მამაოჩვენოსავით გავიზებოდა; კვირაში რამდენჯერმე ჩემს სავაჭრო დაწესებულებაში, ბინაში, ყველგან, სადაც კი ჩემი ნახვა შეეძლოთ, სასამართლოს შიკრიკები მაკითხავდნენ; ცხადია, ეს ხელს მიშლდა (ამ მხრივ ახლა საქმე უკეთესადაა, რელიეფონით გამოძახება ნაკლებად მაცდენს). ამასობაში ჩემს დამკვეთებსა და ნათესავებში თანდათან გავრცელდა ხმა ჩემს პროცესზე, ამან დიდად დამაზარაოა, ამავე დროს არავითარი ნიშანი არ ჩანდა იმისა, რომ უახლოეს დროში სასამართლოს პირველ სხდომას მაინც დანიშნავდნენ, მაშინ ვეჭილთან მივიდი და ეს ამბავი შევიჩვილე. მან ბევრი რამ ამიხსნა, მაგრამ მტკიცედ განაცხადა უარი ჩემი მოთხოვნისამებრ ემოქმედა, ასე მიპასუხა, სოლო ერთია, საქმის დაჩქარება მაინც არავის შეუძლია, ხოლო იმის მოთხოვნა შუამდგომლობაში, რაც თქვენ გასურთ, გაუგონარი ამბავია და თქვენც დაგლუპავთ და მეცო. ჩემთვის გავიფიქრე: რისი გავითებაც ამ ვეჭილს არ უნდა ან არ ძალუძს, სხვა მოინდომებს და შეძლებს-მეთქი. ამგვარად, სხვა ვეჭილოების ძებნას შევუღდექი. წინდაწინვე მინდა ვითხრათ: ვერც ერთმა ვერ გაბედა სასამართლოსათვის მოეთხოვა საქმის გარჩევის დანიშვნა, ეს მართლაც შეუძლებელია, თუმცა გამონაკლისის სახით ასეთი რამეც მომხდარა და ამის შესახებ მირჩ მოგახსენებთ: აქედან გამომდინარე ჩემს ვეჭილს მე არ მოვუტყუებოვარ. თუმცა არ მინანია, სხვა ვეჭილებს რომ მიემართე. დოქტორი ჰულოლი ალბათ თქვენც გეტყობდათ რა-

ლაც-რალაცებს იატაკქვეშა ვეჭილებზე. ეჭვი არ მეპარება, საზიზღრად დავიხასიათებდათ მათ და მართლაც ასეთები არიან. მაგრამ, როცა ჰულოლი მათზე ლაპარაკობს და საკუთარ თავსა და კოლეგებს ადარებს, ერთ პატარა შეცდომას უშვებს და შევეცდები მოკლედ ავიხსნათ, რა ხასიათისაა ეს შეცდომა. ჩვეულებრივ, როცა იგი თავისი წრის ვეჭილებზე ლაპარაკობს, მათ მსხვილ ვეჭილებს ეძახის, ეს კი მართალი არაა, რა თქმა უნდა, ყველას შეუძლია თავის თავს „მსხვილი“ უწოდოს, თუკი ამას მოისურვებს, მაგრამ ამ შემთხვევაში გადამწყვეტი სასამართლოს თვალსაზრისია. თუ სასამართლოს დაეუჭერებთ, იატაკქვეშა ვეჭილების გარდა, არსებობენ მსხვილი და წვრილფეხა ვეჭილები. ჩვენი ვეჭილი და მისი კოლეგები ეკუთვნიან წვრილფეხა ვეჭილთა რიცხვს, ხოლო მსხვილი ვეჭილები, რომელთა შესახებ მხოლოდ მსმენია, ნახვით კი არასოდეს მინახავს, რანგით გაცილებით უფრო მაღლა დგანან წვრილფეხა ვეჭილებზე, ვიდრე წვრილფეხანი საძულველ იატაკქვეშეთელებზე.

— ვინ არიან ეს მსხვილი ვეჭილები? — ჰკითხა კ-მ. — როგორ შეიძლება კაცი მათთან მოხვდეს?

— მაშ თქვენ მათ შესახებ აქამდე არაფერი გსმენიათ? — თქვა კომერსანტმა. — არ არსებობს თითქმის არც ერთი ბრალდებული, რომელიც გარკვეული ხნის მანძილზე არ იცნებობდეს მათთან მოხვედრაზე იმ დღიდან, რაც მათი არსებობა გაიგო. ჯობია ნუ აწყვებით ცდუნებას. ვერ დავისახელებთ ვერც ერთ შემთხვევას, რომელზედაც დანამდვილებით შეიძლება ითქვას, საქმეში მართლაც მსხვილი ვეჭილები ჩაერივნენო. ვილაც-ვილაცებს თურმე კი იცავენ. მაგრამ საკუთარი სურვილით ამას ვერ მიაღწევ. ისინი მხოლოდ იმას იცავენ, ვისი დაცვაც სურთ. საქმე, რომელსაც ისინი ხელს ჰკიდებენ, დაბალი ინსტანციიდან უკვე მაღალ ინსტანციამა გადატანილი. მაგრამ უმჯობესია მათზე არ იფიქრო, რადგან მაშინ სხვა ვეჭილებთან მოლაპარაკება, მათი რჩევა და დარიგება გულისამრევი და უაზრო მოგვიჩვენება. მე ეს საკუთარ თავზე გამოვცადე. ამის შემდეგ გინდა ყველაფერს მიაფუროთხო. ლოგინში ჩაწვე და ყურები დაიხშო. მაგრამ ესეც დიდი სისულელეა, რადგან დიდხანს ვერც ლოგინში მოისვენებ.

— მაშ თქვენ არც ადრე გიფიქრიათ მსხვილ ვეჭილებზე? — ჰკითხა კ-მ.

— ვფიქრობდი, მაგრამ ცოტა ხანს, — უპასუხა კომერსანტმა და კვლავ გაიღიმა, — სამწუხაროდ, მათი მთლიანად გულიდან ამოვდება არ ხერხდება; ამგვარი ფიქრები განსაკუთრებით დამლამობით ავეშლება ხოლმე. მაგრამ მაშინ მე

მინდოდა დაუყოვნებლივ მიმეღწია სასურველი შედეგისათვის და ამიტომ იატაკქვეშა ვეჭილებს მივმართე.

— რა მეგობრულად მოგიკალათებიათ! — გაისმა ამ დროს ლენის ხმა. იგი მათლაფიანად დაბრუნებულიყო უკან და კარებში გაჩერებულიყო. ისინი მართლაც გვერდიგვერდ ისხდნენ და ოდნავ მობრუნებაზეც შეიძლებოდა თავით ერთმანეთს შეხლოდნენ. ისედაც ტანდაბალი კომერსანტი მოკუნტული იჯდა და ყველაფერი რომ კარგად გაეგონა, კ. იძულებული შეიქნა მისკენ დახრილიყო.

— ერთი წუთი გვატალე! — გასძახა კ-მ ქალიშვილს, მას ლენის თავიდან მოცილება უნდოდა და მოუთმენლად შეუტოკდა ხელი, რომელიც ისევ ვაჭრის ხელზე ედო.

— მთხოვა, თქვენს პროცესზე მიამბეთო, — უთხრა კომერსანტმა ლენის.

— უამბე, უამბე, — წახალისა ქალიშვილმა. ლენი კომერსანტს ალერსიანადაც მიმართავდა და ქედმაღლურადაც, რაც კ-ს არ მოეწონა. იგი მიხვდა, რომ კომერსანტი მაინც ღირსეული პიროვნება იყო, ყოველ შემთხვევაში, გამოცდილება არ აკლდა, ამბის მოყოლაც მშვენივრად ეხერხებოდა და აბუჩად ასაგდები არაფერი სჭირდა. ეტყობა, ლენი ცდებოდა მის შეფასებაში. გულმოსული კ. უყურებდა, როგორ გამოართვა ლენიმ კომერსანტს სანთელი, აქამდე რომ მაგრად ეჭირა ხელში, როგორ გაუწმინდა წინსაფრით ხელი, მერე კი მის გვერდით ჩაცუცქდა და წმენდა დაუწყო შარვალზე დაწვეთებულ სანთლის ნალღენს.

— თქვენ რაღაცას მიყვებოდით იატაკქვეშა ვეჭილებზე, — უთხრა კ-მ კომერსანტს და ყოველგვარი შენიშვნის გარეშე გასწია ლენის ხელი განზე.

— რა გინდა! — შეუბღვირა ლენიმ კ-ს, მსუბუქად გაჰკრა ხელი და თავის საქმე განაგრძო.

— დიახ, იატაკქვეშა ვეჭილებზე, — თქვა კომერსანტმა და შუბლზე ისე გადაისვა ხელი, თითქოს აღარ ახსოვდა, რას უყვებოდა. კ-მ გადაწყვიტა კომერსანტს მიხმარებოდა და უთხრა:

— გინდოდათ დაუყოვნებლივ მივეღწიათ სასურველი შედეგისათვის და ამიტომ იატაკქვეშა ვეჭილებს მიმართეთ.

— მართალს ბრძანებთ, — უპასუხა კომერსანტმა, მაგრამ სიტყვა აღარ გაუგრძელებია.

„იქნებ ლენის თანდასწრებით არ სურს ამ თემაზე საუბარი“, — გაიფიქრა კ-მ და თუმცა უსაშველოდ უნდოდა ახლავე გაეგო ყველაფერი, სურვილი დიოკა და კომერსანტს აღარ ჩასციებია.

— ვეჭილს მოახსენე, რომ აქა ვარ? — ჰკითხა კ-მ ლენის.

— რა თქმა უნდა, — უპასუხა ქალიშვილმა, — გელოდებოდა. დაანებე ახლა ბლოკს თავი, მასთან საუბარს მერეც მოასწრებ, იგი ხომ აქ რჩება.

კ. ერთხანს მერყეობდა, მაგრამ შემდეგ მაინც ჰკითხა კომერსანტს:

— თქვენ აქ რჩებით?

კ-ს უნდოდა კომერსანტს თვითონ გაეცა პასუხი, არ მოსწონდა, ლენი რომ ისე ლაპარაკობდა კომერსანტზე, თითქოს აქ არ მჯდარიყოს. საერთოდ დღეს ისედაც გულმოსული იყო ლენიზე.

მაგრამ პასუხი ისევ ლენიმ გასცა:

— მას ხშირად სძინავს აქ.

— აქ სძინავს? — წამოიძახა კ-მ. მას კი ეგონა, სანამ ვეჭილს სწრაფად ეტყოდა სათქმელს, ბლოკი აქ დაელოდებოდა, შემდეგ კი ერთად გავიდოდნენ აქედან და სადმე სხვაგან, სადაც ხელს არავინ შეუშლიდათ, ყველაფერზე საფუძვლიანად მოილაპარაკებდნენ.

— დიახ, — უთხრა ლენიმ კ-ს, — ყველას შენსავით როდი უშვებენ, იოზეფ, ნებისმიერ დროს ვეჭილთან, შენ მგონი არც გიკვირს, რომ მიუხედავად ავადმყოფობისა, ვეჭილი ღამის თერთმეტ საათზე გღებულობს. ყველაფერს, რასაც შენი მეგობრები შენთვის აკეთებენ, ისე იფერებ, თითქოს ასეც უნდა იყოს. რა თქმა უნდა, შენი მეგობრები ყველაფერს სიამოვნებით აკეთებენ, განსაკუთრებით მე. მართალი გითხრა, არც ვთხოვლობ არავითარ საზღაურს გარდა იმისა, რომ გიყვარდე.

„მიყვარდე?“ — გაიფიქრა კ-მ ანაზღად, მაგრამ მაშინვე ასეთმა აზრმა გაუელვა: — ცხადია, მიყვარს“. — და მაინც ხმამაღლა სულ სხვა რამ უთხრა ლენის:

— ვეჭილი იმიტომ მღებულობს, რომ მისი კლიენტი ვარ. მასთან შესვლაზეც თუ სხვისი დახმარება დამჭირდა, მაშინ ყოველ ნაბიჯზე უნდა ვიმართხოვრო და მადლობა ვიხადო.

— რა ცუდია დღეს, არა? — უთხრა ლენიმ კომერსანტს.

„ახლა ჩემზეც ისე ლაპარაკობს, თითქოს აქ არ ვიყო“, — გაიფიქრა კ-მ.

ლენის უზრდელობას კომერსანტმაც აუბა მხარი და თქვა:

— ვეჭილი მას იმის გამოც ღებულობს, რომ მისი პროცესი ჩემსაზე უფრო საინტერესოა. გარდა ამისა, ბატონი კ-ს პროცესი ახლახან დაიწყო და ჯერ კიდევ არ არის მაინც-დამაინც აბურღულ-დაბურღული, ამიტომაც სიამოვნებით მოჰკიდა ხელი, მაგრამ შემდეგ ყველაფერი შეიცვლება.

ამაზე კ. გაბრაზდა.

— დიახ, დიახ, — თქვა ლენიმ სიცილით და კომერსანტს

შეხედა, — თმლად ენად არ გაიკრიფა! მაგრამ შენ ამას არაფერი დაუჯერო. — მიმართა ლენიმ ახლა უკვე კ-ს.

— საყვარელი კაცი კია, მაგრამ საშინელი ყბედია. შეიძლება ვეჭილი სწორად ამის გამო ვერ იტანს. ყოველ შემთხვევაში, მხოლოდ მაშინ ლეზულობს, როცა კარგ გუნებაზეა. რა არ ვიღონე იმისათვის, რომ ეს მდგომარეობა შეშეცვალა, მაგრამ არაფერი გამომივიდა. წარმოიდგინე, ზოგჯერ მოვახსენებ, ბლოკი მოვიდა-მეთქი და იგი მას მხოლოდ მესამე დღეს ლეზულობს. მაგრამ თუ ბლოკი აქ არ აღმოჩნდა იმ დროს, როცა ვეჭილი მის მიღებას მოისურვებს, ყველაფერი წყალში იყრება და მისი აქ ყოფნა ხელახლა უნდა მოვახსენო. ამიტომაც დავრთე უფლება ბლოკს, აქ დიდიხნოს. ზოგჯერ ისეც ხდება, ვეჭილი ღამით დარეკავს და ბლოკს მოიკითხავს ხოლმე. ახლა ბლოკი ღამეც მზადაა მასთან გამოსაცხადებლად. მაგრამ ზოგჯერ ვეჭილი რომ გაიგებს, ბლოკი აქაო, თავის გადაწყვეტილებას ცვლის და მიღებაზე უარს ეუბნება.

კ-მ კომერსანტს ისე გახედა, თითქოს ეკითხებოდა, მართალია ეს თუ არაო. აქამდე სირცხვილისაგან ნირწამხდარმა კომერსანტმა თავი დაუქნია და ისევ გულახდილად უთხრა, როგორც წელან ელაპარაკებოდა:

— დიახ, რაც დრო გადის, სულ უფრო მეტად ხარ დამოკიდებული ვეჭილზე.

— ბლოკი განზრახ წუწუნებს, — თქვა ლენიმ. — აქ სიამოვნებით ათევის ხოლმე ღამეს, თვითონ უთქვამს არაერთხელ. — ლენი პატარა კართან მივიდა და ხელის კვრით გაალო: — გინდა ნახო, სად სძინავს?

კ. ლენის მიუახლოვდა და ზღურბლიდან შეიხედა დაბალჭერიან, უფანჯრო ოთახში, რომელიც მთლიანად დაეკავებინა ვიწრო საწოლს. დასაძინებლად საწოლის თავიდან უნდა გადამძვრალიყავი. სასთუმალთან კედელში პატარა თახჩა ჩანდა. თახჩაზე წესიერად დაეღაგებინათ სანთელი, სამელნე, კალმისტარი და ქაღალდების დასტა, რაც ალბათ პროცესისათვის საჭირო საბუთები იყო.

— მოახლის ოთახში გძინავთ? — ჰკითხა კ-მ კომერსანტს და მისკენ შებრუნდა.

— ეს ოთახი ლენიმ დამითმო, ძალზე მოხერხებულია, — უპასუხა ბლოკმა. კ. დიდხანს შესცქეროდა ბლოკს. ეტყობა, პირველი შთაბეჭდილება, კომერსანტმა რომ მასზე მოახდინა, უფრო შეესაბამებოდა სიმართლეს, ბლოკს გამოცდილება არ აკლდა, მისი პროცესი ხომ დიდი ხანია გრძელდება, მაგრამ ეს გამოცდილება ძვირად უჯდებოდა. უეცრად კ-მ იგრძნო, რომ ამ კაცის დანახვა აღარ შეეძლო.

— თუ ასეა, ჩააწვინე ლოგინში, — უყვირა კ-მ ლენის, რომელიც, ეტყობა, ვერაფერს მიხვდა.

კ-მ გადაწყვიტა თვითონ შესულიყო ვეჭილთან და დაცვაზე ხელი აეღებინებინა, რაც არა მარტო მისგან გაანთავისუფლებდა, არამედ ლენისა და კომერსანტისგანაც.

მაგრამ სანამ კართან მივიდოდა, კომერსანტმა წყნარად დაუძახა:

— ბატონო პროკუროსტო! — კ. გაცეცხლებული შემობრუნდა. — ჰირობა დაგავიწყდათ, — თქვა კომერსანტმა და სავარძლიდან მუდარით წამოიწია. — აქი შემპირდით ერთ საიდუმლოს გაგიმხელთო.

— მართალია, — უპასუხა კ-მ და თვალი შეავლო ლენისაც, რომელიც ყურადღებით უმზერდა, — მაშ მომისმინეთ, თუმცა ახლა ეს საიდუმლოება აღარცაა. ვეჭილთან იმისთვის მივდივარ, რომ ჩამოვიშორო.

— უარს ეუბნება! — წამოიძახა კომერსანტმა, სავარძლიდან წამოხტა და ხელებშემართულმა სამზარეულოში დაიწყო სირბილი. — ვეჭილს უარს ეუბნება! — ყვიროდა იგი დროგამოშვებით.

ლენის უნდოდა კ-ს მივარდნოდა, მაგრამ კომერსანტმა გზა გადაუღობა და ამისათვის ლენის მუშტებიც დაიმსახურა, ამა-სობაში კ. დერეფნისაკენ დაიძრა, მუშტებშეკრული ლენი უკან დაედევნა, მაგრამ კ-მ საკმაოდ გაასწრო და როცა ლენი დაეწია, იგი უკვე ვეჭილის ოთახში იყო შესული. კ-მ კარის დაკეტვა დააპირა, მაგრამ ლენიმ კარს ფეხი დაუდო, მერე კ-ს იდაყვიში ჩააფრინდა და ცდილობდა ოთახიდან გამოეთრია, მაგრამ კ-მ ისე მაგრად მოუჭირა მაჯაში ხელი, რომ ქალიშვილს კენესა აღმოხდა და იძულებული გახდა ხელი გაეშვა. ლენიმ ოთახში შესვლა ვერ გაბედა, კ-მ ამით ისარგებლა და კარი შიგნიდან გასაღებით ჩაკეტა.

— რამდენი ხანია გელოდებით, — უთხრა მწოლიარე ვეჭილმა. ქაღალდი, რომელსაც სანთლის შუქზე კითხულობდა, საწოლთან პატარა მაგიდაზე დაღო, სათვალე გაიკეთა და დაკვირვებით მიაჩერდა კ-ს. მობოდიშების ნაცვლად კ-მ უთხრა:

— მალე გავბრუნდები უკან.

ვეჭილს მისი სიტყვებისათვის ყურადღება არ მიუქცევია და რადგან კ-მ ბოდიში არ მოუხდა, უპასუხა:

— სხვა დროს ასე გვიან არ მივიღებთ.

— ჩემი სურვილიც ეს არის, — უთხრა კ-მ.

გაკვირვებულმა ვეჭილმა კ-ს თვალი შეავლო და შემდეგ უთხრა:

— დაბრძანდით.

11. ფ. კაფკა

— რაჯი თქვენ ასე გსურთ, — უპასუხა კ-მ, საწოლთან მდგარ მაგიდასთან სავარძელი მიაჩოჩა და დაჯდა.

— მომეჩვენა, თუ მართლა ჩაკეტეთ კარი გასაღებით? — ჰკითხა ვეკილმა.

— დიახ, ჩავკეტე, — უპასუხა კ-მ, — ლენის გამო. — კ-არავის დანდობას არ აპირებდა.

— კვლავ გაბეზრებთ თავს? — ჰკითხა ვეკილმა.

— რა თქვით, მამეზრებს? — გაიმეორა კ-მ.

— დიახ, — უთხრა ვეკილმა და გაიცინა, სიცილისაგან ხველა აუტყდა და როცა გაუარა, ისევ გაიცინა. — ალბათ თავადაც შეამჩნიეთ, რა გადაკიდება იცის, — განაგრძო ვეკილმა და შემცბარ კ-ს ხელზე მოუთათუნა ხელი, მაგიდაზე რომ ედო. კ-მ ხელი მაშინვე უკან წაიღო. — ეტყობა, ამ ამბავს დიდ მნიშვნელობას არ ანიჭებთ, — უთხრა ვეკილმა, როცა კ-სგან პასუხი ვერ მიიღო და განაგრძო: — კიდევ კარგი, თორემ ბოდის მოხდა დამჭირდებოდა. ეს ლენის უცნაურობაა, და სხვათა შორის, დიდი ხანია ვაპატიე. არც ახლა ვიტყვოდი რამეს, თქვენ რომ კარი არ ჩაკეტებთ. ამ უცნაურობას მე არ უნდა ვიხსნიდეთ, მაგრამ ისე შემცბარი მიყურებთ, იძულებული ვარ გაგარკვეოთ. მისი უცნაურობა ისაა, რომ ბრალდებულთა უმრავლესობა ლამაზ ადამიანებად მიიჩნია. იგი ყველას კისერზე ეკიდება, ყველა უყვარს. თუმცა როგორც ვხედავ, ლენიც უყვარს ყველას. მე რომ გამართოს, ზოგჯერ მათ შესახებ რალაც-რალაცებს მიყვება, ცხადია, ჩემი ნებართვით. პირადად მე ეს ამბავი სრულიად არ მიკვირს. აი, თქვენ კი გიკვირთ. თუ თვალი გიჭრის, ბრალდებული შეიძლება მართლაც ლამაზი მოგეჩვენოს, თუმცა გარკვეული თვალსაზრისით ეს ბუნებრივ მოვლენად უნდა მივიჩნიოთ. რა თქმა უნდა, თვით ბრალდება სრულიად არ იწვევს რაიმე მკვეთრ ზუსტად განსაზღვრულ ცვლილებებს გარეგნობაში. აქ ხომ ისეთი რამ არ ხდება, როგორც სხვა სასამართლო საქმეებში უმეტესობა ჩვეულებრივი ცხოვრებით ცხოვრობს, ჰყავთ კარგი ვეკილი, რომელიც მთელ საზრუნავს თავის თავზე იღებს, და ასეთ შემთხვევაში პროცესიც კი არაფერში უშლით ხელს. და მაინც ამ საქმეში დიდად გამოცდილი კაცი უზარმაზარ ბრბოშიც კი სათითაოდ გამოიცნობს ყოველ ბრალდებულს. თქვენ ალბათ მკითხავთ, რა ნიშნებითო. ჩემი პასუხი, რა თქმა უნდა არ დაგაკმაყოფილებთ. უბრალოდ, ბრალდებულნი ყველანი ლამაზები არიან. მაგრამ მათ დანაშაული კი არ ალამაზებს, ყოველ შემთხვევაში ვალდებული ვარ ასე ვილაპარაკო, თუნდაც იმიტომ, რომ ვეკილი ვარ და ყველანი დამნაშავედ როდი მიმაჩნია, არც დამსახურებული სასჯელის მოლოდინი ანიჭებთ მათ სილამაზეს, რადგან ყვე-

ლას არ სჯიან, ამიტომ მიზეზი უნდა ვეძიოთ მხოლოდ მათ წინააღმდეგ აღძრულ საქმეში, რაც რალაცნაირ დაღს ასვამს მათ. მართალია, ამ ლამაზ ადამიანებს შორის არიან ულამაზესნიც, მაგრამ საერთოდ ყველა ლამაზია, ბლოკიც კი, ეს საცოდავი ჭია.

როცა ვეკილმა სათქმელი დაამთავრა, კ. ისევ გონს მოეგო, ვეკილის უკანასკნელი სიტყვების პასუხად გამომწვევადაც კი დააქნია თავი, თითქოს ამით თავის ადრინდელ თვალსაზრისს ადასტურებდა: ვეკილი როგორც ყოველთვის, ამჯერადაც ცდილობს ზოგადი საუბრით გამართოს, ისეთი რალაც მითხრას, რასაც საქმესთან არავითარი კავშირი არ აქვს, გვერდს უვლის მთავარ საკითხს — პროცესის სასარგებლოდ იღონა თუ არა რამე. ეტყობა, ვეკილმა შეამჩნია, რომ ამჯერად კ. უფრო მეტ წინააღმდეგობას უწევდა, ვიდრე სხვა დროს და დადუმდა, იქნებ თავად წამოიწყოსო ლაპარაკი, მაგრამ რაკი კ. ხმას არ იღებდა, ისევ თვითონ ჰკითხა:

— თქვენ დღეს გარკვეული მიზნით ხართ მოსული ჩემთან?

— დიახ, — უპასუხა კ-მ და ვეკილი რომ უკეთ დაენახა, სინათლის შუქი ხელით ოდნავ მოიჩრდილა, — მე იმის სათქმელად მოვედი, რომ დღეიდან აღარ გაძლევთ უფლებას, ჩემი ინტერესები დაიცვათ სასამართლოში.

— ყური ხომ არ მატყუებთ? — ჰკითხა ვეკილმა, საწოლზე სანახევროდ წამოჯდა და ცალი ხელით ერთმანეთზე დაწყობილ ბალიშებს დაეყრდნო.

— არა, მგონია, — უპასუხა კ-მ, რომელიც წელგამართული და გაფაციცებული იჯდა.

— რა გაეწყობა, შეგვიძლია ეს გეგმაც განვიხილოთ, — უთხრა ვეკილმა კ-ს მცირე ხნის დუმის შემდეგ.

— ეს აღარ არის გეგმა, — უპასუხა კ-მ.

— შეიძლება ასეცაა, მაგრამ, მოდით ჩვენ მაინც ნუ ავჩქარდებით, — უთხრა ვეკილმა და სიტყვა „ჩვენ“ ისე წარმოთქვა, თითქოს კ-ს ხელიდან გაშვებას არ აპირებდა და, თუ მისი ინტერესების დაცვის უფლება არ ექნებოდა, უნდოდა მის მრჩევლად მაინც დარჩენილიყო.

— მე არ ავჩქარებულვარ, — უპასუხა კ-მ, შემდეგ ნელა წამოდგა და სავარძლის უკან გაჩერდა, — ამაზე დიდხანს ვფიქრობდი, შეიძლება მეტისმეტად დიდხანსაც და ამიტომ ჩემი გადაწყვეტილება საბოლოოა.

— რაკი ასეა, რამდენიმე სიტყვის თქმის უფლება მომეცით, — თქვა ვეკილმა, ბუმბულის საბანი გადაიძრო და საწოლის კიდზე ჩამოჯდა. შიშველი, ჭაღარა ბალნით დაფარუ-

ლი ფეხები სიცივისაგან უკანკალებდა, ამიტომ კ-ს სთხოვა დივანზე დაგდებული პლედი მომაწოდეთო.

კ-მ პლედი მოუტანა და უთხრა:

— ტყუილუბრალოდ რად იცივებთ თავს.

— რას ჰქვია ტყუილუბრალოდ, საქმე ფრიად მნიშვნელოვანია, — უთხრა ვეკილმა, სანამ ბუმბულის საბანს ტანზე შემოიხვევდა, შალს კი ფეხებზე, — ბიძატყვენი ჩემი მეგობარია და ამ ხნის მანძილზე თქვენც შემოიყვარდით. ამას გულახდილად ვაღიარებ, სამარცხვინო აქ არაფერია.

კ-ს ერთობ ეჩოთირა, მოხუცს რომ ასეთი გულისამაჩუყებელი სიტყვები დასცდა, ეს ამბავი იძულებულს ხდიდა დაწვრილებით აეხსნა ყველაფერი, რასაც სიამოვნებით აარიდებდა თავს. გარდა ამისა, როგორც საკუთარ თავს გულახდილად გამოუტყდა, ამგვარმა სატყვებმა თავგზა აუბნია, თუმცა გადაწყვეტილება არ შერყევია.

— მაღლობას მოგახსენებთ, ჩემდამი რომ ასე კეთილად ხარტ განწყობილი, — უთხრა კ-მ. — მე იმასაც ვაღიარებ, რომ გულით მოეკიდეთ ჩემს საქმეს და რაც შეეძლოთ, ყველაფერი იღონეთ, რათა საქმე ჩემს სასარგებლოდ წაგემართათ. რა თქმა უნდა, ვერ გავბედავ და თავს ვერ მოგახვევთ ჩემს თვალსაზრისს, ჩემზე ბევრად უფროსი და გამოცდილი კაცი ბრძანდებით და თუ ოდესმე უნებურად შეგბედეთ რამე, მაპატიეთ, მაგრამ საქმე, როგორც თქვენ ბრძანეთ, საკმაოდ მნიშვნელოვანია და ჩემი ღრმა რწმენით, უფრო აქტიურ ჩარევას მოითხოვს პროცესში, ვიდრე ეს აქამდე ხდებოდა.

— მესმის თქვენი, — უპასუხა ვეკილმა, — მოუთმენელი ბრძანებულხართ.

— რა შუაშია მოუთმენლობა, — უთხრა ცოტათი გაღიზიანებულმა კ-მ და თავაზიან სიტყვა-პასუხს მოეშვა. — ჩემი პირველი სტუმრობის დროს, როცა აქ ბიძაჩემთან ერთად მოვედი, ალბათ, შეამჩნიეთ, რომ ამ პროცესით დიდად დაინტერესებული არ ვიყავი და თუ ძალად არ შემახსენებდნენ, პირწმინდად მავიწყდებოდა. მაგრამ ბიძაჩემმა დაიყინა, ჩემი საქმის დაცვა თქვენთვის მომენლო და ხათრი ვერ გავუტყებე. ამის შემდეგ მეგონა, პროცესი ჩემთვის ნაკლებად შემაწუხებელი იქნებოდა, ვიდრე მანამდე იყო, ვეკილს ხომ იმისთვის ქირაობენ, ნაწილობრივ მაინც შეიმსუბუქონ ტვირთი, მაგრამ ყველაფერი პირიქით მოხდა. არასოდეს არ მქონია იმდენი თავსატეხი ამ პროცესთან დაკავშირებით, რამდენიც მას შემდეგ გამიჩნდა, რაც თქვენ ჩემს საქმეს ხელი მოჰკიდეთ. როცა მარტო ვიყავი, პროცესისათვის თითოც არ გამინძრევია და თითქმის ვერაფერს ვგრძნობდი, მას შემდეგ კი, რაც თქვენ მოგენდეთ, საქმე ისე მიდიოდა, თითქოს რაღაც უნდა მომ-

ხდარიყო, ყოველდღიურად შეუწელებელი დაძაბულობით ველოდი თქვენს ჩარევას, მაგრამ ამაოდ, მართალია, სასამართლოს შესახებ ბევრი რამ მაცნობეთ ისეთი, რასაც სხვა ვერაგინ მეტყოდა, მაგრამ ახლა, როცა პროცესი, უბრალოდ რომ ვთქვათ, ჩასაფრებულებით გვიახლოვდება, ეს საკმარისი აღარ არის.

კ. მთელი ტანით წამოიმართა, სავარძელი გასწია და პიჯაკის ჯიბეებში ხელები ჩაიწყო.

— როგორც პრაქტიკა გვიჩვენებს, — უპასუხა ვეკილმა ხმადაბლა და მშვიდად, — გარკვეული პერიოდიდან მოყოლებული პროცესში არსებითი და ახალი არაფერი ხდება. თქვენსავით რამდენი კლიენტი მდგარა პროცესის ამ ეტაპზე ჩემს წინ და იგვე უთქვამთ.

— ეს იმას ნიშნავს, — უთხრა კ-მ, — რომ კლიენტებიც ჩემსავით მართალი იყვნენ. თქვენმა სიტყვებმა მე ვერაფერში დამარწმუნა.

— არც ვცდილვარ თქვენს დარწმუნებას, — უპასუხა ვეკილმა, — დამატებით მხოლოდ იმის თქმა მინდოდა, რომ თქვენგან მეტ გონიერებას მოველოდი, ვიდრე სხვებისაგან, რადგან უფრო ღრმად ჩაგახედეთ სასამართლოს არსსა და ჩემს მოღვაწეობაში, ვიდრე რომელიმე სხვა კლიენტი. ახლა კი ვხედავ, რომ მიუხედავად ყველაფრისა მაინც არ მენდობით ისე, როგორც საჭიროა და სრულიად არ მიაღვილებთ საქმეს.

ვეკილი მეტისმეტად იმცირებდა თავს კ-ს წინაშე და სულ დაავიწყდა პროფესიული თავმოყვარეობა, ყველაზე მეტად სწორედ ასეთ დროს რომ ილახება. რატომ იქცეოდა ასე? ეტყობა კლიენტები ბლომად ჰყავდა, სიმდიდრე არ აკლდა და ერთი კლიენტის დაკარგვა დიდად არ დაახარალებდა, გარდა ამისა, ხშირად ავადმყოფობდა და თვითონვე უნდა ცლიყო ნაკლებად დაეტვირთა თავი. და მაინც კ-ს ებლაუტებოდა! რისთვის? ბიძამისის ხათრით, თუ პროცესი მართლაც უჩვეულო ეჩვენებოდა და იმედი ჰქონდა, თავს გამოიჩენდა? მაგრამ ვის წინაშე? კ-ს წინაშე — არც ეს იყო გამორიცხული — თუ სასამართლოს თანამშრომლების წინაშე? კ. მოუარიდებლად, გაფაციცებული აკვირდებოდა ვეკილს, მაგრამ მის სახეზე ვერაფერი ამოიკითხა. კაცს ეგონებოდა, ვეკილმა განგებ მიიღო ასეთი შეუვალი გამომეტყველება და ელოდა, რა შთაბეჭდილება მოახდინა მისმა სიტყვებმა კ-ზე. მაგრამ კ-ს დუმილი მან აშკარად თავის სასარგებლოდ ახსნა და ისევ ალაპარაკდა:

— თქვენ ალბათ შეამჩნიეთ, თუმცა დიდი კანცელარია მაქვს, თანაშემწეები არა მყავს. ადრე საქმე სხვაგვარად იყო,

მაშინ რამდენიმე ახალგაზრდა იურისტი მემსახურებოდა, ახლა კი მარტო ვმუშაობ. ნაწილობრივ ეს გამოწვეულია ჩემი პრაქტიკის შეცვლით, ანუ იმით, რომ ძირითადად იმგვარი სასამართლო საქმეებით შემოვიფარგლე, როგორც თქვენია, ნაწილობრივ კი იმით, რომ ამ შემთხვევებმა გამოცდილება შემმატეს. ბოლოს მივხვდი, თუ არ მინდა ცოდვა ჩავიდინო ჩემი კლიენტების წინაშე და ვუღალატო იმ მოვალეობას, თავს რომ ვიდე, უფლება არა მაქვს სხვებს მივანდო საქმე. მაგრამ ამ გადაწყვეტილებას, პირადად მეწარმოებინა ყველა საქმე, ბუნებრივი შედეგებიც მოჰყვა: იძულებული შევიქენი დაცვაზე უარი მეთქვა თითქმის ყველა კლიენტისათვის და მხოლოდ იმათ არ ვისტუმრებდი უარით, ვისი საქმეც საინტერესო მეჩვენებოდა, მაგრამ რა გამოლევს ამქვეყნად პირუტყვს, ისინი ჩემს მახლობლად ბევრნი არიან და ჩემი გადაყრილი ნამცეცხებით იკვებებიან, ბოლოს გადავიღალე, ავიღ გავხდი. და მაინც არ ვნანობ, ამგვარი გადაწყვეტილება რომ მივიღე, იქნებ უფრო მეტი კლიენტისათვის უნდა მეთქვა უარი, მაგრამ ის ამბავი, რომ მთელი სულითა და გულით ჩავები პროცესებში, რომელთა წარმოებაც თავს ვიდე, აუცილებელი აღმოჩნდა და წარმატებითაც დაგვირგვინდა. ერთ დოკუმენტში წავიკითხე შესანიშნავად ჩამოყალიბებული განსაზღვრა, რა განსხვავებაა ჩვეულებრივ სასამართლოსა და ამ სასამართლოში ბრალდებულის ინტერესების დაცვას შორის. იმ დოკუმენტში ეწერა: პირველ შემთხვევაში ვეჭილს კლიენტი ძაფზე გამობმული მიპყავს განაჩენამდე, მეორე შემთხვევაში კი ზურგზე იკიდებს განაჩენამდე და ასე გრძელდება განაჩენის შემდეგაც. ეს მართლაც, ასეა. თუმცა მთლად მართალი არ ვიყავი, როცა ვითხარით, არასოდეს არ მინანია ასეთი მძიმე შრომა რომ ვიტვირთე-მეთქი. ცოტაოდენი სინანულის გრძნობა მხოლოდ მაშინ მიპყრობს, როცა ასე უარყოფენ ჩემს შრომას.

ამგვარმა ლაპარაკმა კ. უფრო გააღიზიანა, ვიდრე დაარწმუნა. მოეჩვენა, თითქოს ვეჭილს კილოს მიხედვითაც შეეძლო განესაზღვრა, რა მოელოდა, თუ დათმობაზე წავიდოდა. ისევ დაიწყებოდა დაიმედება, გადაკვრით ლაპარაკი იმაზე, რომ შუამდგომლობაზე მუშაობა წინ მიიწევს, რომ სასამართლოს მოხელეები უკეთ არიან განწყობილნი მის მიმართ და რა თქმა უნდა, იმ დიდ სიძნელეებზე, მუშაობას რომ აბრკოლებს — ერთი სიტყვით, ვეჭილი კვლავ გამოიყენებდა ნაცნობ, გულის ამრევ ხერხებს იმისათვის, რომ კ. ბუნდოვანი იმედით მოეტყუებინა და გაურკვეველი მუქარით გაეწამებინა. „ერთხელ და სამუდამოდ ამას ბოლო უნდა მოეღოს“, — გაიფიქრა კ-მ და თქვა:

— რას ილონებთ, საქმე რომ თქვენს ხელში დავტოვო? ვეჭილი ამ შეურაცხმყოფელ შეკითხვასაც შეურიგდა და უპასუხა:

— იმასვე განვაგრძობ, რასაც აქამდე ვაკეთებდი.

— ასეც ვიცოდლი, — თქვა კ-მ, — ამიტომ ლაპარაკს აზრი აღარ აქვს.

— არა, მე კიდევ ერთხელ შევეცდები, — უთხრა ვეჭილმა ისე, თითქოს ის, რის გამოც კ. ლელავდა, პირადად მას შემთხვეოდეს და არა კ-ს. — იცით, მე მგონია, რომ არა მარტო ჩემი პროფესიული ალღოს შეუფასებლობა, არამედ მთელი თქვენი ქცევა გამოწვეულია ერთი ამბით: თუმცა ბრალდებული ხართ, აქამდე მაინც კარგად გეპყრობოდნენ, ან უფრო ზუსტად, გეპყრობოდნენ მოჩვენებითი დაუდევრობით. მაგრამ ამასაც აქვს თავისი მიზეზი; ზოგჯერ ჯობს ბორკილი გედოს, ვიდრე თავისუფლად დადიოდე. ამიტომ მინდა დავანახოთ, როგორ ექცევიან სხვა ბრალდებულებს, იქნებ ამის შემდეგ დაფიქრდეთ და ჰქუა ისწავლოთ. ახლავე დაუფიქრებ ბლოკს, გააღეთ კარი და აი, ამ პატარა მაგიდასთან დაჯექით.

— სიამოვნებით, — უპასუხა კ-მ და ყველაფერი ისე გააკეთა, როგორც ვეჭილმა უთხრა; იგი მუდამ მზად იყო, რამე ესწავლა.

— თქვენ ხომ არ დაგავიწყდათ, რომ ჩემი ინტერესების დაცვისაგან განთავისუფლებთ? — უთხრა კ-მ ვეჭილს მხოლოდ იმიტომ, რომ თავი დაეზღვია.

— დიან, — უპასუხა ვეჭილმა, — მაგრამ შეიძლება დღესვე შეიცვალოთ აზრი.

ვეჭილი ისევ საწოლში ჩაწვა, ბუმბულის საბანი ნიკაპამდე დაიფარა, კედლისაკენ შებრუნდა და ზარი მხოლოდ ამის შემდეგ დარეკა.

ლენი იმწამსვე შემოვიდა ოთახში ზარის ხმაზე, სწრაფად შეათვალიერა იქაურობა და შეეცადა გაეგო, რა მოხდა. რომ დაინახა კ. მშვიდად ზის ვეჭილის საწოლთან, დაწყნარდა, და ღიმილით დაუკრა თავი კ-ს, რომელიც თვალს არ აშორებდა.

— ბლოკი მოიყვანე, — უთხრა ვეჭილმა ლენის.

მაგრამ იმის ნაცვლად, რომ მოსაყვანად წასულიყო, ლენი მხოლოდ კართან მივიდა და დაიძახა:

— ბლოკ, ვეჭილი გიხმობს! — ლენიმ ისარგებლა იმით, რომ ვეჭილი კედლისკენ იყო შებრუნებული, — ყურადღებას არაფერს აქცევდა და კ-ს საფარძლის უკან გაძვრა. იმ წუთიდან მოსვენებას აღარ აძლევდა, ხან საფარძლის ზურგზე გადმოიხრებოდა, ხან თმაზე ეფერებოდა მეტისმეტად ნაზად და ფრთხილად, ხანაც ლოყაზე უთათუნებდა ხელს. გაბეზრებული კ-მ გადაწყვიტა ბოლო მოეღო ამისათვის, ხელში

სწვდა და თუმცა ქალიშვილი ცოტათი გაუძლიანდა, ხელი მაინც არ დაანება.

ბლოკი დაძახებისთანავე გამოცხადდა და ისე გაჩერდა კარებში, თითქოს არ იცოდა, შესულიყო თუ არა. შემდეგ წარბები მალა აზიდა, თავი დახარა და გაინაბა, ვეჭილთან გამოცხადდო, კიდევ ხომ არ მიბრძანებენო. კ-ს შეეძლო გამზნევებინა, ეთქვა შემოდო, მაგრამ გადაწყვიტა მარტო ვეჭილთან კი არა, ყველაფერთან გაეწყვიტა კავშირი, რაც ამ ოთახში ხდებოდა და ამიტომ გაუნძრევლად იჯდა. ხმას არც ლენი იღებდა. ბლოკი დარწმუნდა, ჩემს გაგდებას არავინ აპირებსო და ფეხის წვერებზე შემდგარი შემოვიდა ოთახში. სახედაძაბულს ხელები ზურგსუკან ჰქონდა გადაჭიდებული. კარი ღია დატოვა, იქნებ უკან დახევა დამჭირდესო. კ-სკენ საერთოდ არ გაუხედავს, მთელი მისი ყურადღება მიპყრობილი იყო ბუმბულის რბილი საბნისაკენ, რის ქვეშაც თითქმის კედელს მიკრული ვეჭილი არც კი ჩანდა.

მაგრამ უეცრად ოთახში მისი ხმა გაისმა:

— ბლოკი აქ არის? — იკითხა მან. ამ სიტყვების გაგონებისთანავე ბლოკი, რომელიც უკვე საკმაოდ ანლოს იდგა საწოლთან, ისე შეტორტმანდა, თითქოს ჯერ მკერდში ჰკრეს ხელი, შემდეგ კი ზურგზე და ასად მოკეცილმა მორჩილად თქვა:

— მიმსახურეთ.

— რა გინდა? — ჰკითხა ვეჭილმა, — ისევე უდროოდ დროს მოხვედი.

— მე ხომ დამიძახეს? — უთხრა ბლოკმა უფრო საკუთარ თავს, ვიდრე ვეჭილს, შემდეგ ხელები თავდაცვის მიზნით წინ აიფარა და გასაქცევად მოემზადა.

— მართალია, დაგიძახეს, მაგრამ შენ მაინც უდროოდ დროს მოხვედი, — გაუმეორა ვეჭილმა, მცირე ხნის დუმილის შემდეგ კი დასძინა: — ყოველთვის უდროოდ დროს მოდიხარ.

იმ წუთიდან, რაც ვეჭილმა ხმა ამოიღო, ბლოკი საწოლისაკენ აღარ იყურებოდა, კუთხეს მიშტერებოდა და ისე უგდებდა ყურს, თითქოს ვეჭილისაკენ გახედვა თვალს მოსჭრიდა და ამას ვერ გაუძლებდა. მაგრამ აღვილი არც ყურისგდება იყო, რადგან კედლისკენ შებრუნებული ვეჭილი ჩუმად და ჩქარა ლაპარაკობდა.

— თუ გნებავთ, წავალ, — თქვა ბლოკმა.

— რაკი აქა ხარ, დარჩი! — უთხრა ვეჭილმა.

კაცი იფიქრებდა, ვეჭილმა ბლოკის სურვილი კი არ დააკმაყოფილა, არამედ გაროზგვით დაემუქრა, რადგან ბლოკი მთელი სწეულით აკანკალდა.

— გუშინ მესამე მოსამართლესთან ვიყავი, — თქვა ვეჭილ-

მა, — ჩემს მეგობრებთან და საუბარში ნელ-ნელა შენზე შევაპარე სიტყვა. გინდა იცოდე, რა თქვა?

— ძალიან მინდა, გთხოვთ, — უპასუხა ბლოკმა, რადგან ვეჭილმა ჰასუხი მაშინვე არ გასცა, ბლოკმა კიდევ ერთხელ გაიმეორა თხოვნა და ისე მოიკუნტა, თითქოს მუხლებზე დამხობას აპირებდნო. მაგრამ ამ დროს კ-მ დაუყვირა:

— რას აკეთებ?

ლენიმ სცადა კ. გაეჩუმებინა, მაგრამ მან მეორე ხელიც დაუჭირა მაგრად. ეს არ იყო სიყვარულით ხელის მოჭერა, ძალით აკავებდნენ, ქალიშვილი კვნესოდა და ხელების განთავისუფლებას ცდილობდა. მაგრამ კ-ს შეძახილისათვის ისევ ბლოკი დაისაჯა, რადგან ვეჭილმა მაშინვე ჰკითხა:

— ვინ არის შენი ვეჭილი?

— თქვენს გარდა არავინ, — უპასუხა ბლოკმა.

— ჩემს გარდა კიდევ ვინა გყავს? — ჰკითხა კვლავ ვეჭილმა.

— თქვენს გარდა არავინ, — უპასუხა ბლოკმა.

— ამიტომ ნურავის ნუ უგდებ ყურს, — უთხრა ვეჭილმა.

ბლოკმა ეს ბუნებრივად მიიჩნია, კ-ს მწყურალად შეხედა და უარყოფის ნიშნად თავი გააქნია. მისი ქცევა რომ სიტყვებით ყოფილიყო გამოხატული, უხეში ლანძღვა-გინება გამოვიდოდა, აი, ასეთ კაცთან აპირებდა კ. საკუთარი საქმეზე მეგობრულად საუბარს!

— აღარ შევიშლი ხელს, — უთხრა კ-მ კომერსანტს და სავარძლის ზურგს მიეყრდნო, — გინდა მუხლებზე დაემხე და გინდა დაოთხილმა იცოცე, რაც გინდა ის ქენი. შენთვის თავს აღარ შევიწუხებ.

მაგრამ, ეტყობა, ბლოკს კიდევ შერჩა რაღაც თავმოყვარეობის მაგვარი, რადგან კ-ს სიტყვები იუკადრისა, მუშტების ქნევით დაიძრა მისკენ და თუმცა ვეჭილის რიდი ჰქონდა, მაინც უყვირა:

— რა უფლება გაქვთ ასე მელაპარაკოთ, რატომ მაყენებთ შეურაცხყოფას? და ისიც ბატონი ვეჭილის თანდასწრებით, რომელიც ჩვენ ორივეს, თქვენცა და მეც, მხოლოდ იმიტომ გვითმენს, რომ ვებრალეებით. რით ხართ ჩემზე უკეთესი ადამიანი? თქვენც ჩემსავით ბრალდებული ბრძანდებით და პროცესი თქვენს წინააღმდეგაცაა აღძრული. ხოლო თუ თქვენი თავი დიდ კაცად მივაჩნიათ, მაშინ მეც დიდი კაცი ვარ და იქნებ თქვენზე უფრო დიდიც, ამიტომ კეთილ ინებეთ და ასე ნულარ დამელაპარაკებით. დიას! შესაძლოა მხოლოდ იმითა ხართ ჩემზე წინ, რომ ზიხართ აქ სავარძელში და მშვიდად ისმენთ ყველაფერს, მე კი იძულებული ვარ, თქვენი სიტყვებით რომ ვთქვა, დაოთხილმა ვიცოცო; თუ ასე ფიქრობთ, მა-

შინ მინდა გაგახსენოთ ერთი ძველი სამართლებრივი შეგონება: ექვმიტანილისათვის მოძრაობა სიმშვიდეზე უკეთესია, რადგან როცა მშვიდად ხარ, შეიძლება ვერ გრძნობდე, რომ სასწორზე აღმოჩნდი და მთელი შენი ცხოვრებიანად საცაა აგწონიან.

კ-ს არაფერი უბასუხნია, მხოლოდ გაცეხული მიაჩნდა ამ თავზაბანულ კაცს. როგორ შეიცვალა სულ რაღაც ერთ საათში! ნუთუ პროცესმა ისე მოშალა, რომ აღარც კი იცის, ვინ მტერია და ვინ მოყვარე? ნუთუ ვერ ხედავს, ვეჭილი რომ განგებ ამცირებს და ამჯერად მისი ერთადერთი მიზანია, კ-ს თავი მოაწონოს უფლებამოსილებით და ამ გზით მისი დამორჩილებაც სცადოს?! მაგრამ თუ ბლოკს ამის მიხვედრის უნარი არ შესწევს ან ისე ეშინია ვეჭილის, რომ მიხვედრის უნარიც ვერას არგებს, მაშინ როგორ ბედავს, როგორ ახერხებს ვეჭილის მოტყუებას და იმის დამალვას, რომ მის გარდა კიდევ ხუთი ვეჭილი ჰყავს? ან რისი იმედით ესხმის თავს პირადად კ-ს, ვისაც ყოველ წუთს შეუძლია მისი საიდუმლო გათქვას?

მაგრამ ბლოკმა მარტო ეს კი არ გაბედა, ვეჭილის საწოლთანაც მივიდა და პირიქით კ-ზე დაუწყო ჩივილი.

— ბატონო ვეჭილო, ხომ გესმით, როგორ მელაპარაკება ეს კაცი. მისი პროცესი იმდენი საათი გრძელდება, რომ შემიძლია თითებზე ჩამოვთვალო და უკვე გაუჩნდა იმის სურვილი, ჰკუთას მასწავლოს მე, ვინც პროცესს ხუთი წელია თავს დავტრიალებ. თანაც ილანძღება, არაფერი არ იცის და ილანძღება, მე კი თავი არ დამიზოგავს, ზუსტად შევისწავლე ყველაფერი, რასაც წესიერება, მოვალეობა და სასამართლო პრაქტიკა მოითხოვს.

— ნურავის ნუ აქცევ ყურადღებას, — უთხრა ვეჭილმა. — ისე მოიქეცი, როგორც სწორად მიგაჩნია.

— რა თქმა უნდა, — უბასუხა ბლოკმა ისე, თითქოს საკუთარ თავს ამხნევებსო, შემდეგ აღმაცერად გაიხედა გვერდზე და საწოლის წინ მუხლებზე დაემხო: — ჩემო ვეჭილო, მე უკვე დავემხე მუხლებზე.

მიუხედავად ამისა ვეჭილმა ხმა მაინც არ ამოიღო. ბლოკმა ცალი ხელი ფრთხილად გადაუსვა ბუმბულის საბანს. ამასობაში ლენიმ ხელები გაინთავისუფლა და ირგვლივ გამეფებულ სიჩუმეში მხოლოდ მისი ხმა გაისმა:

— ხელები მატკინე, გამიშვი, ბლოკთან მივიდივარ!

ქალიშვილი მართლაც გადავიდა მათ მხარეს და საწოლის კიდეზე ჩამოჯდა. ბლოკი ძლიერ გაახარა მისმა თანადგომამ და განხალისებულმა მუნჯურად ანიშნა მაშინვე, სიტყვა შემაწიე ვეჭილთანო. ეტყობა, ბლოკს დიდად სჭირდებოდა დაეტყუ-

ებინა ვეჭილისათვის. რა თქვა მასზე მოსამართლემ, ალბათ მხოლოდ იმ მიზნით, რომ ეს ცნობები სხვა ვეჭილებს მის საარგებლოდ გამოეყენებინათ. ლენიმ, ჩანს, ზუსტად იცოდა, რით შეიძლებოდა ვეჭილის გულის მოგება. ბლოკს თვალეზით ვეჭილის ხელზე მიანიშნა და ტუჩები ისე დაამრგვალა, თითქოს საკოცნელად ემზადებო. ბლოკმა იმწამსვე აკოცა ვეჭილს ხელზე და ლენის ნიშანზე კიდევ ორჯერ დაეკონა. მაგრამ ვეჭილი მაინც ჯიუტად დუმდა. მაშინ ლენი ვეჭილისკენ დაიხარა, საწოლზე ისე გადაწვა, რომ მთლიანად გამოჩნდა მისი ლამაზი სხეული, ხელი ვეჭილისაკენ წაიღო და გრძელ, ჭაღარა წვერზე მიეფერა. ვეჭილმა ამას ველარ გაუძლო და ხმა ამოიღო:

— ვერ გადამიწყვეტია, ვუთხრა თუ არა, — თქვა ვეჭილმა და ლენის შეხება რომ უკეთ ეგრძნო, თავი ოდნავ გააქნია. ბლოკი თავჩაქინდრული უსმენდა ვეჭილს და ისეთი გამომეტყველება ჰქონდა, თითქოს რაღაც უკანონობას სჩადიოდა.

— რატომ ვერ გადაგიწყვეტია? — ჰკითხა ლენიმ ვეჭილს. კ-ს ეჩვენებოდა, თითქოს დასწავლილ საუბარს ისმენდა, რაც ბევრჯერ განმეორებულა და კიდევ მრავალჯერ განმეორდება, მაგრამ ბლოკისათვის მაინც არ კარგავდა სიახლეს.

— როგორ იქცეოდა დღეს? — ჰკითხა ვეჭილმა ლენის პასუხის ნაცვლად.

სანამ ლენი თავის აზრს გამოთქვამდა, ბლოკს შეაცქერდა, რომელსაც მისკენ მუდარით გაეწვდინა ხელები და ერთ ხანს აკვირდებოდა, ბოლოს ლენიმ ღინჯად დაუქნია თავი ბლოკს, ვეჭილისაკენ შებრუნდა და უთხრა:

— დღეს დამიჯერა და მუყაითი იყო.

ხანში უესული, გრძელწვერა კომერსანტი ახალგაზრდა ქალს ემუდარებოდა, კეთილი სიტყვა შემაწიეო. იქნებ ბლოკს ფარული აზრი ამოძრავებდა, მაგრამ მაინც არავითარ გამართლებას არ იმსახურებდა მოყვასის თვალში. როგორ იფიქრა ვეჭილმა, რომ ამგვარი სანახაობა კ-ს გადაწყვეტილებაზე ხელს ააღებინებდა. ადრევე რომ არ ეთქვა ვეჭილისათვის უარი, ამ ამაზრუნეი სცენის შემდეგ მაინც ჩამოიშორებდა, რადგან ასეთი საქციელი მაყურებელსაც კი ამცირებდა. მაშასადამე, ვეჭილის მეთოდი იყო — კიდევ კარგი ამ მეთოდის ზეგავლენას მალე აარიდა თავი — კლიენტი ისეთ დღეში ჩაეგდო, რომ ბოლოს ყველაფერი დავიწყებოდა და იმ იმედით დასდგომოდა მცდარ გზას, პროცესის დამთავრებამდე როგორმე მივჩანჩალდებო. თუმცა ბლოკი კლიენტი აღარ იყო, იგი ძალად იქცა და ვეჭილს რომ მისთვის ებრძანებინა, საწოლის ქვეშ შეძვერი როგორც საძალღეში და აყეფდიო, ბლოკი სიამოვნებით გააკეთებდა ამას. კ. ისეთი ყურადღებით,

ისეთი დაფიქრებული ისმენდა ყველაფერს, თითქოს დაავალეს ზუსტად დაემახსოვრებინა, შემდეგ რომელიღაც მაღალ ინსტანციაში მოეხსენებინა და წერილობითი ახსნა-განმარტება დაერთო ზედ.

— რას აკეთებდა მთელი დღე? — ჰკითხა ვეჭილმა ლენის.

— ჩემთვის რომ მუშაობაში ხელი არ შეეშალა, მოახლის ოთახში ჩავკეტე, — უპასუხა ლენიმ, — სადაც ჩვეულებრივ არის ხოლმე. დროდადრო ჭუჭრუტანაში ვიხედებოდი, მინდოდა გამეგო, რას აკეთებდა. მთელი დღე მუხლმოდრეკილი იდგა საწოლზე, დოკუმენტები, შენ რომ ათხოვე, ფანჯრის რაფაზე გაეშალა და კითხულობდა. მისი საქციელით დიდად კმაყოფილი დავრჩი; საქმე ისაა, რომ ფანჯარა სავნტილაკიო ჭაურშია გაჭრილი და სინათლე თითქმის არ შემოდის. მიუხედავად ამისა, ბლოკი მაინც კითხულობდა, ამან დამარწმუნა, რომ მეტისმეტად გამგონეა.

— ძალზე მიხარია ამის გაგონება, — თქვა ვეჭილმა, — მაგრამ ესმოდა კი, რასაც კითხულობდა?

ამ საუბრის დროს ბლოკი განუწყვეტილად აცმაცუნებდა ტუჩებს, წინასწარ ადგენდა იმ პასუხებს, ლენისაგან რომ სურდა მოესმინა.

— ამ კითხვაზე რა თქმა უნდა ზუსტ პასუხს ვერ გავცემ, — უპასუხა ლენიმ, — ყოველ შემთხვევაში, როცა ოთახში ვიყურებოდი, ვხედავდი, რა ყურადღებით კითხულობდა მთელი დღე ერთსა და იმავე გვერდს და სტრიქონებს თითო აყოლებდა. შევიხედავ ოთახში და მესმის მისი ოხვრა, იტყობა, წაკითხულის გაგება უჭირდა. დოკუმენტები, შენ რომ ათხოვე, ალბათ ძნელი გასაგებია.

— დიახ, — უპასუხა ვეჭილმა, — მართლაც ძნელი გასაგებია, არც მჯერა, რამე გაიგო. დოკუმენტებმა მხოლოდ წარმოდგენა უნდა შეუქმნას იმაზე, თუ რა ძნელია ბრძოლა, მის დასაცავად რომ ვეწევი. და მერე ვისთვის ვიბრძვი ასე თავდადებით? თითქმის სასაცილოც კია ამის თქმა — ბლოკისათვის. დაე, იმასაც მიხვდეს, თუ რას ნიშნავს ეს. შეუსვენებლად კითხულობდა?

— თითქმის შეუსვენებლად, — უპასუხა ლენიმ, — მხოლოდ ერთხელ მთხოვა წელი, ჭიქა პატარა სარკლიდან მივაწოდე. რვა საათზე გამოვუშვი და ცოტა დავაპურე.

ბლოკმა ისე აღმაცერად შეხედა კ-ს, თითქოს მასზე სასიქადულო ამბებს ჰყვებოდნენ და ამოწმებდა, რა შთაბეჭდილება მოახდინა კ-ზეო. იტყობა, ბლოკს ისევ მოეცა იმედი. რადგან უფრო თავისუფლად მოძრაობდა და მუხლებზეც კი დაიწყო ფოფხვა.

— შენ ამას აქვს, — უთხრა ვეჭილმა ლენის, — და სწო-

რედ ამიტომ მიჭირს ლაპარაკი. მოსამართლეს კარგი არაფერი უთქვამს არც ბლოკზე და არც მის პროცესზე.

— კარგი არაფერი? — ჰკითხა ლენიმ, — კი მაგრამ, რატომ?

ამ სიტყვების გაგონებაზე ბლოკი გახევდა და ისეთი მუდარით შეხედა ლენის, თითქოს ქალიშვილს შესწევდა უნარი, მის სასარგებლოდ შეეცვალა მოსამართლის მიერ კარგა ხნის წინ ნათქვამი სიტყვები.

— დიახ, კარგი არაფერი, — განაგრძო ვეჭილმა, — მას სახეც კი დაემანჭა, როცა ბლოკზე ჩამოვუვდე სიტყვა. „ნუ რაფერს მეტყვით მაგ ბლოკზე“, — მითხრა მან. „ჩემი კლიენტია-მეთქი“, — ვუპასუხე მე. „იგი თქვენ ბოროტად გიყენებთ“, — მითხრა მოსამართლემ. „ეს საქმე უიმედოდ არ მიმაჩნია-მეთქი“ — ვუთხარი მე. „დიახ, იგი თქვენ ბოროტად გიყენებთ“, — გამიმეორა მან. „არა მგონია“, — ვუთხარი მე. — ბლოკი გულმოდგინედ ეკიდება პროცესს და ყოველთვის საქმის კურსშია-მეთქი. რომ არაფერი გამოჩნდეს, თითქმის დასახლდა ჩემთან. ასეთი გულმოდგინება იშვიათია. მართალია, პირადად არასასიამოვნო პიროვნებაა, საზიზღარი ჩვეულები აქვს, ბინძურია. მაგრამ პროცესუალური თვალსაზრისით უზადოა-მეთქი. უზადო იმიტომ ვუთხარი, რომ ფასი ამეწია. ამის პასუხად კი მან, აი, რა მითხრა: „ბლოკი უბრალოდ, ეშმაკი კაცია, დიდი გამოცდილება შეიძინა და იცის, როგორ გააჭიანუროს პროცესი, მაგრამ მისი უმეცრება ბევრად აღემატება მის ეშმაკობას. საინტერესოა, რას იტყვის, როცა გაიგებს, რომ მისი პროცესი ჯერ კიდევ არ დაწყებულა, ის კი არა, პროცესის დაწყების მაუწყებელი ხარის კი არ დარჩილა“. მშვიდად ბლოკ. — უთხრა ვეჭილმა, როცა შეამჩნია, მუხლებში ძალაგამოცლილმა ბლოკმა წამოდგომა და ახსნა-განმარტების მოთხოვნა დააპირა.

ეს იყო პირველი შემთხვევა, ვეჭილი რომ უშუალოდ ბლოკს დაელაპარაკა. ვეჭილის დაღლილი თვალები ხან სივრცეს მისჩერებოდნენ, ხანაც ბლოკს კომერსანტმა ამგვარ მზერასაც კი ვერ გაუძლო და ნელ-ნელა ისევ მუხლებზე დაეშვა.

— შენთვის არაერთი მნიშვნელობა არა აქვს მოსამართლის აზრს, — უთხრა ვეჭილმა ბლოკს, — და ყოველ სიტყვაზე შიშით ნუ კვდები. თუ ამგვარი რამ კიდევ ერთხელ განმეორდა, აღარაფერს გეტყვი. კაცს სიტყვა ვერ უთქვამს, ისეთი თვალებით შიშტერდები ხოლმე, თითქოს სასიკვდილო განაჩენი გამოგიტანესო. ჩემი კლიენტისა მაინც შეგრცხვეს! ლამის ნღობა დააკარგვინო ჩემი. საერთოდ რა გინდა? ჯერჯერობით ცოცხალი ხარ და ჩემი მფარველობის ქვეშ იმყო-

ფები. რამ დაგაფრთხო ასე უსაშველოდ. შენ ალბათ, სადღაც წაიკითხე, რომ ზოგჯერ ასეც ხდება, სასიკვდილო განაჩენს მოულოდნელად გამოგიტანს ნებისმიერი პირი. ნებისმიერ დროს. მართალია, ეს ასეა, მაგრამ სხვა მრავალი პირობაცაა გასათვალისწინებელი, ამავე დროს მართალია ისიც, რომ შენი სიმხდალე ზიზღს მგვრის და ამ სიმხდალეში მე საჭირო ნდობის ნაკლებობას ვხედავ. ბოლოს და ბოლოს რა გითხარი ასეთი? გავიმეორე ერთი მოსამართლის სიტყვები, მაგრამ შენ ხომ იცი, რომ სასამართლოს ყოველი საქმის ირგვლივ იმდენი სხვადასხვაგვარი აზრი იყრის თავს, რომ რაიმეს გარკვევით დანახვა შეუძლებელია. მაგალითად, ზემოხსენებული მოსამართლე პროცესის დასაწყისად სხვა თარიღს მიიჩნევს, მე კი სხვას. აი, მას ჰქვია აზრთა სხვადასხვაობა. ძველი ჩვეულების მიხედვით, როცა პროცესი გარკვეულ სტადიაში შევა, ზარი რეკავს. მოსამართლის აზრით პროცესი სწორედ ამ წუთიდან იწყება. ახლა ვერ აგისხნი ყველაფერს, რაც ამ აზრის უარყოფელია, თუმცა შენ ამას მაინც ვერ გაიგებ, შენთვის ისიც საკმარისია, რომ საწინააღმდეგო აზრით ბევრი არსებობს.

შეცბუნებული ბლოკი საწოლის წინ დაგებულ ხალიჩას წიწკნიდა, ეტყობა, მოსამართლის ნათქვამმა ისე დააფრთხო, სულ დაავიწყდა ვეჭილის მონა-მორჩილი რომ იყო, მხოლოდ საკუთარ თავზე ფიქრობდა და მოსამართლის სიტყვებს ყოველმხრივ უსინჯავდა კბილს.

— ბლოკ, — უთხრა ლენიმ გამაფრთხილებელი კილოთი, საყელოში ხელი ჩაავლო და ოდნავ წამოსწია, — თავი გაანებე ხალიჩის წიწკნას და ვეჭილს დაუგდე ყური.

(ეს თავი დამთავრებული არ არის)

თავი მეცხრე

ტაძარში.

კ-ს დაავალეს, ეჩვენებინა ხელოვნების ზოგიერთი ძეგლი ამ ქალაქში პირველად ჩამოსული იტალიელი კლიენტისათვის, რომელსაც ბანკი დიდად აფასებდა. სხვა დროს ამგვარ დავალებას კ. საპატიოდ მიიჩნევდა, მაგრამ ახლა, როცა ბანკში პრესტიჟის შენარჩუნება მისგან დიდ დაძაბულობას მოითხოვდა, უხალისოდ დათანხმდა. კაბინეტის კედლებს მიღმა გატარებული ყოველი საათი მოსვენებას უკარგავდა; უწინდელივით ველარც სამუშაო დროს იყენებდა შედევიანად, ზოგჯერ საათები მიიზღაზნებოდა და კ. ძლივს ახერხებდა, სხვებისათვის მოეჩვენებინა, მართლაც მუშაობაში ვარ ჩაფ-

ლულიო, მაგრამ მით უფრო ძლიერი მოუსვენრობა ეუფლებოდა, როცა ბანკიდან გადიოდა. ამ დროს ეჩვენებოდა, თითქოს ხედავს, როგორ შედის მის კაბინეტში დირექტორის მოადგილე, რომელიც ისედაც მუდამ თვალს ადევნებდა, როგორ ჯდება მის მაგიდასთან, იქექება მის ქალაქებში, ლებულობს იმ კლიენტებს, ვისთანაც კ-ს წლების მანძილზე მეგობრობა აკავშირებდა და ცდილობს ისინი მის წინააღმდეგ განაწყოს, იქნებ მის ნაწერებში შეცდომებსაც პოულობს, რაც ბოლო დროს მუშაობაში ყოველ მხრივ საფრთხეს უქმნიდა და რასაც ვერაფრით ვერ დააღწია თავი. ამიტომ, როცა კ-ს ავალებდნენ ესა თუ ის საქმე მოეგვარებინა ან მცირე ხნით სადმე გამგზავრებულყო, თუნდაც ეს დავალება დიდად საპატიო ყოფილიყო — ბოლო დროს კი ამგვარმა დავალებებმა სრულიად შემთხვევით იმატა, — მუდამ ეჭვი ებადებოდა, განგებ ხომ არ მისტუმრებენ კაბინეტიდან, რომ ჩემი მუშაობა შეამოწმონ ან იმას ხომ არ ფიქრობენ, უიმისოდაც იოლად გავართმევთ საქმეს თავსო. კ-ს თავისუფლად შეეძლო ბევრ ასეთ დავალებასზე უარი ეთქვა, მაგრამ ვერ ბედავდა; თუ მის ეჭვებს მცირედი საფუძველი მაინც ჰქონდა, მაშინ უარის თქმა სიმხდალის აღიარება იქნებოდა. ამიტომ სხვების თვალის ასახვევად დავალებას გულჯრილად ლებულობდა. ამას წინათ, როცა ორი დღით მივლინებაში უნდა გამგზავრებულიყო რომელიღაც საქმის მოსაგვარებლად, კ-მ არ გაამხილა რომ ძალიან იყო გაცივებული, რადგან არ უნდოდა მივლინება გაეუქმებინათ მისთვის შემოდგომის წვიმიანი ამინდის გამო.

როცა მივლინებიდან საშინელი თავის ტკივილით დაბრუნდა, ბანკში ამბავი დაახვედრეს, ხვალ იტალიელ სტუმარს უნდა გაუწიო მეგზურობაო. კინალამ აჰყვა გულისთქმას, ამჯერად მაინც ეთქვა უარი, მით უმეტეს, რომ თავს მოხვეჭილი დავალება უშუალოდ არ იყო დაკავშირებული მის სამსახურებრივ მოვალეობასთან. მართალია, ბანკისათვის ამ საზოგადოებრივი დავალების შესრულებას დიდი მნიშვნელობა ჰქონდა, მაგრამ პირადად მისთვის არაფერს ნიშნავდა; მან კარგად იცოდა, რომ სამსახურის შენარჩუნება მხოლოდ ნაყოფიერი შრომით შეიძლებოდა და თუ ამას ვერ მოახერხებდა, მაშინ იმასაც კი არ ექნებოდა ფასი, იტალიელი მოულოდნელად რომ მოეჩადოვებინა კიდეც; კ-ს არ უნდოდა, თუნდაც ერთი დღით მოწყვეტოდა სამუშაო გარემოს, რადგან ძალზე ეშინოდა, აქაურობას აღარ გამაჟარებინო. თუმცა ისიც ესმოდა, რამდენად გახვიადებული იყო მისი შიში, მაგრამ გული საგულეში მაინც არ უჩერდებოდა, ამჯერად თითქმის შეუძლებელი იყო უარის სათქმელად საპატიო მიზეზის გამოჩენა. თუმცა კ-მ იტალიური ძალიან კარგად არ იცოდა, მაგრამ თავს

არ შეირცხვენდა და რაც მთავარია, ახალგაზრდობიდანვე ერ-
კვეოდა ხელოვნების ისტორიის საკითხებში; ეს ამბავი კიდევ
უფრო გააზვიადეს ბანკის თანამშრომლებმა, როცა გაიგეს,
ერთ დროს კ., თუმცა საქმიანი მოსაზრებების კარნახით,
მაგრამ მაინც ქალაქის ძეგლთა დაცვის საზოგადოების წევრი
ყოფილა. და რადგან იტალიელი, როგორც ხმა გავრცელდა,
ხელოვნების მოყვარული აღმოჩნდა, თავისთავად ცხადია, გი-
დის როლი მას უნდა ეკისრა.

როცა მომავალ დღეზე ფიქრით გაღიზიანებული კ. დილის
შვიდ საათზე კაბინეტში შევიდა, გარეთ წვიმდა და ქარი ქრო-
და; რომ არ მომცდარიყო, კ-ს უნდოდა სტუმრის მოსვლამდე
ცოტა წაემუშავა, მაგრამ უსაშველოდ დაღლილი იყო. ცოტა-
თი მაინც რომ გაწაფულიყო, შუალამემდე იტალიური ენის
გრამატიკას ჩაჰკირკიტებდა; საუბედუროდ, ფანჯარა, რომელ-
თანაც ბოლო დროს ძალიან ხშირად იჯდა, უფრო იზიდავდა,
ვიდრე, საწერი მაგიდა, მიუხედავად ამისა, სურვილი დაიოკა
და მუშაობას შეუდგა. სამწუხაროდ, მალე შიკრიკი შემოვიდა
და მოახსენა, დირექტორმა გამომგზავნა, გამიგეთ, ბატონი
პროკურისტი თუა აქ და თუ არის, ხომ არ ინებებს ჩემს მო-
საცდელ ოთახში შემობრძანებას, იტალიელი სტუმარი უკვე
მოსულიათ.

— მოვდივარ, — უთხრა კ-მ, პატარა ლექსიკონი ჯიბე-
ში ჩაიღო, ქალაქის ღირსშესანიშნობათა ალბომი, სტუმრი-
სათვის რომ უნდა ეჩუქებინა, ამოიღოლია და დირექტორის
მოადგილის კაბინეტის გავლით დირექტორის მოსაცდელ ოთა-
ხისაკენ გაემართა. იგი თავს ბედნიერად გრძნობდა, რომ ასე
ადრე გამოცხადდა სამუშაოზე და იმწამსვე შეეძლო დირექ-
ტორის განკარგულების აღსრულება, რასაც ალბათ არავინ
არ ელოდა. დირექტორის მოადგილის კაბინეტი, ცხადია,
ჯერჯერობით ისევე ცარიელი იყო, როგორც გვიან ღამით. იქ-
ნებ დირექტორმა მასაც გაუგზავნა შიკრიკი და თავის მოსაც-
დელ ოთახში მიიპატიჟა, მაგრამ მოადგილე ადგილზე არ აღ-
მოჩნდა. როცა კ. მოსაცდელ ოთახში შევიდა, მასთან შესახ-
ველრად ღრმა სავარძლებიდან ორი მამაკაცი წამოდგა. დირ-
ექტორმა ხალისიანად გაუღიმა, ეტყობოდა, ძალიან გაუხარ-
და მისი მოსვლა და იმწამსვე წარუდგინა იტალიელს, იტალი-
ელმა მაგრად ჩამოართვა ხელი და ღიმილით ვილაცას ხის წვერ-
ზე მძინარე ჩიტი უწოდა. კ. თავიდანვე ვერ მიხვდა, ვის გულის-
ხმობდა იტალიელი, აზრიც რაღაცნაირი გაუგებარი იყო და მხო-
ლოდ მოგვიანებით ჩასწვდა მისი სიტყვების შინაარსს. კ-მ რამ-
დენიმე არაფრის მთქმელი ფრაზა წარმოთქვა. იტალიელმა
კვლავ გაიცინა და რამდენჯერმე გადაისვა ნერვულად ხელი
ყორნის ფრთასავით შავ, ჭაღარაშერეულ ხშირ უღვაშებზე.

უდაგო იყო, რომ იტალიელს უღვაშზე ნამდვილად სუნამო მიე-
პყურებინა, კაცს ძალაუვნებურად მოგინდებოდა მიახლოვებოდი
და დაგეყნოსა. როცა სამივენი დასხდნენ და შესავლის მაგ-
ვარი, მოკლე საუბარი გააბეს, კ-ს ელდა ეცა, იტალიელის ნათ-
ქვამიდან ბევრი რამ არ ესმოდა. როცა იტალიელი მშვიდად
ლაპარაკობდა, თითქმის ყველაფერს იგებდა, მაგრამ ასეთი
რამ იშვიათად ხდებოდა, რადგან სტუმრის სიტყვები მეტწი-
ლად ნაკადულივით მოსჩქეფდა და თან ხალისიანად იქნევდა
თავს, უფრო უარესი ის იყო, რომ სწრაფად ლაპარაკის დროს
წარამარა რომელიღაც დიალექტს იშველიებდა, რასაც იტა-
ლიურის ნიშან-წყალიც კი არ ეცხო; სამაგიეროდ დირექტორს
მშვენივრად ესმოდა მისი და იტალიელს ამ დიალექტზე ესა-
უბრებოდა კიდევ. თუმცა კ-ს ეს ამბავი უნდა გაეთვალისწი-
ნებინა, სტუმარი წარმოშობით სამხრეთ იტალიელი იყო, ხო-
ლო დირექტორი ხომ იქ რამდენიმე წელი ცხოვრობდა. ყო-
ველ შემთხვევაში, კ. მიხვდა, იტალიელთან საერთო ენის გა-
მონახვა საქნაოდ გაუჭირდებოდა, იტალიელი ვერც ფრანგუ-
ლად ლაპარაკობდა მაინცდამაინც გასაგებად, ამასთანავე ტუ-
ჩებს უღვაშში უფარავდა, თორემ იქნებ კ-ს ტუჩების მოძრა-
ობაზე მაინც ამოეცნო მისი სიტყვები. კ. მიხვდა, ბევრ უსია-
მოვნებას ვადაეყრებოდა და ჯერჯერობით მოეშვა იმის ცდას,
იქნებ იტალიელს რამე გაუფგო — ესეც არ იყო. დირექტო-
რის თანდასწოებით, რომელსაც მშვენივრად ესმოდა იტალიე-
ლის ლაპარაკი. ეს ძალ-ღონის ტყუილუბრალო ხარჯვა იქნე-
ბოდა, — და მხოლოდ იმას დასჯერდა, რომ გაგულისებული
აკვირდებოდა, რა მოხდენილად იჯდა იტალიელი ღრმა სავარ-
ძელში, როგორ ქაჩავდა ხშირ-ხშირად კარგად მორგებული
მოკლე პიჯაკის კალთას, როგორ აღმართა უცბად ხელები, თა-
ვისუფლად გაიქნ-გამოიქნია და ცდილობდა გამოეხატა რა-
ღაც ისეთი, რასაც კ. ვერაფრით ვერ ხვდებოდა. თუმცა მთე-
ლი ტანით წინ გადახრილიყო და იტალიელის ხელებს თვალს
არ ამორებდა. მაგრამ ბოლოს კ-მ, რომელიც უსაქმურობისა-
გან უაზროდ შესცქეროდა ხან ერთ ხან მეორე მოსაუბრეს, წე-
ლანდელი დაღლილობა იგრძნო და გულგახეთქილმა, საბედ-
ნიეროდ, დროზე შეიკავა თავი, რომ ყურადღებაგაფანტული
არ წამოდგარიყო, მათთვის ზურგი არ შეექცია და ოთახი-
დან არ გასულიყო. ამ დროს იტალიელმა საათს დახვდა და
წამოხტა. იგი დირექტორს გამოემშვიდობა. ხოლო კ-სთან
ისე ახლოს მივიდა, სავარძელი უკან რომ არ დაეწია, ვერ
წამოდგებოდა. დირექტორმა კ-ს გამოხედვაზე შეატყო, რა
გაჭირვებაც ადგა ამგვარი იტალიურის გამო და ლაპარაკში
ჩაერია, თანაც ისე თავაზიანად და გონივრულად, თითქოს უმ-
ნიშვნელო რჩევა-დარიგებას აძლევდა თავის ხელქვეითს, სი-

ნამდვილეში კი მოკლედ უხსნიდა, რას ამბობდა იტალიელი, რომელიც დირექტორს წამდაუწუმ სიტყვას აწყვეტინებდა. დირექტორისაგან კ-მ გაიგო, რომ უპირველეს ყოვლისა იტალიელს რაღაც საქმე აქვს მოსაგვაოებელი, სწუხს, რომ ცოტა დრო რჩება და არამც და არამც არ სურს ზერელედ დაათვალიეროს ყველა ღირსშესანიშნაობა და თუ კ. დათანხმდება, გადამწყვეტი სიტყვა ხომ კ-ს ეკუთვნის — განზრახული აქვს დაათვალიეროს მხოლოდ ტაძარი, მაგრამ რაც შეიძლება საფუძვლიანად. იგი დიდად ნასიამოვნები იქნება, თუ ტაძარს დაათვალიერებს ასეთი თავაზიანი და განათლებული ადამიანის თანხლებით — ეს სიტყვები ეხებოდა კ-ს, რომელიც იტალიელს ყურს არ უგდებდა და მხოლოდ იმას ცდილობდა, დირექტორს ახსნა-განმარტებას ჩასწვდომოდა — ამიტომ სთხოვს, თუ კ-საც სცალია, შეხვდეს ტაძარში ორი საათის შემდეგ, დაახლოებით ათ საათზე, თავად მას კი იმედი აქვს, ამ დროისათვის აუცილებლად მივა ტაძარში. კ-მ ის უპასუხა, რაც ასეთ ვითარებაში მიღებულია, ამის შემდეგ იტალიელმა ვერ დირექტორს ჩამოართვა ხელი, შემდეგ კ-ს, მერე ისევ დირექტორს და ორივეს თანხლებით, სანახევროდ მათკენ შემობრუნებული, ლაპარაკ-ლაპარაკით კარისაკენ წავიდა. კ. მცირე ხანს კიდევ დარჩა დირექტორთან, რომელიც დღეს ძალიან ცუდად გამოიყურებოდა. დირექტორმა იფიქრა, კ-სთან ბოდიში მაქვს მოსახდელიო, და უთხრა — ისინი შინაურულად იდგნენ ერთმანეთის გვერდით — თავიდან განზრახული ჰქონდა თვითონ გავყოლოდი იტალიელს, მაგრამ შემდეგ — დირექტორს მიზეზი არ დაუხსანებია — გადაწყვიტე თქვენ გამესარჩეთ, მაინცდამაინც ნუ დაიბნევით თუ უცებ ვერ გაუგებთ იტალიელს, დარწმუნებული ვარ, მალე გამონახავთ საერთო ენას, და თუ ზოგ რამეს ვერ გაიგებთ, არც ეს არის დიდად სავალალო, რადგან იტალიელისათვის მნიშვნელობა არ აქვს გაუგებენ თუ არა. გარდა ამისა, არ მოველოდი, თუ ასე კარგად იცოდით იტალიური და ამიტომ ეჭვი არ მეპარება, მშვენივრად გაართმევთ საქმეს თავსო.

ამის შემდეგ დირექტორმა კ. დაითხოვა. დარჩენილ დროში კ-მ ლექსიკონიდან ამოიწერა იშვიათი სიტყვები, ტაძრის დათვალიერების დროს რომ გამოადგებოდა. ეს საქმე საოცრად გულის გამაწყალბელი იყო, თანაც შიკრიკებს შემოჰქონდათ ფოსტა, მოხელეები ცნობების მისაღებად შემოდიოდნენ და რომ ხედავდნენ, კ-ს არ სცალიაო, კარებში ჩერდებოდნენ და იქამდე არ იცვლიდნენ ფეხს ადგილიდან, ვიდრე კ. არ მოუსმენდა. სხვებთანაც დირექტორის მოადგილე ჩამორჩა და ცდილობდა ხელი შეეშალა კ-სათვის. იგი განზრახ შემოდიოდა ოთახში, ხელიდან ართმევდა ლექსიკონებს და უაზროდ ფურ-

ცლავდა, ხოლო როცა კარი იღებოდა, ნახევრად ბნელ მისაღებ ოთახში მომლოდინე კლიენტები ჩანდნენ. ისინი გაუბედავად უკრავდნენ თავს — იქნებ ყურადღება მოგვაქციოსო, მაგრამ დარწმუნებულნი არ იყვნენ ხედავდა თუ არა მათ პროკურისტი, — ყველაფერი ეს ისე ტრიალებდა კ-ს ირგვლივ, თითქოს ცენტრი ყოფილიყო; ამასობაში ჩამოწერა საჭირო სიტყვები, შემდეგ მონახა ლექსიკონებში, ამოიწერა, გამოთქმაში ივარჯიშა და ბოლოს შეეცადა ზეპირადაც დაესწავლა. მაგრამ ერთ დროს კარგი მენსიერება ახლა თითქოს დაატოტობდა. კ. დროდადრო ისე ბრაზობდა იტალიელზე, ვისი გულისთვისაც ამდენს წვალობდა, რომ ლექსიკონს ქაღალდებქვეშ დებდა მტკიცე გადაწყვეტილებით, აღარ ავიღებ ხელშიო, მაგრამ შემდეგ გულში გაივლებდა, გაჩუმებული ხომ ვერ ვივლი იტალიელთან ერთად ტაძარში, მუნჯივით ხომ ვერ მივაჩერდები ხელოვნების ნაწარმოებებსო და კიდევ უფრო გაცოფებული გამოაძრობდა ლექსიკონს ქაღალდებიდან.

ზუსტად ათის ნახევარზე, ის იყო წასვლა დააპირა, რომ ტელეფონმა დარეკა. ლენიმ დილა მშვიდობისა უსურვა და ჰკითხა, თავს როგორ გრძნობო. კ-მ საჩქაროდ გადაუხადა მადლობა და უთხრა, ახლა სალაპარაკოდ არ მცალია, ტაძარში მივდივარ და შეჩქარებაო.

— ტაძარში? — გაუკვირდა ლენის.

— დიახ, ტაძარში.

— კი მაგრამ, რა გინდა ტაძარში?

კ-მ სცადა მოკლედ აეხსნა საქმის ვითარება, მაგრამ დაწყებაც კი ვერ მოასწრო, რომ ლენიმ მაშინვე გააწყვეტინა სიტყვა:

— ამოგხადეს სული?

კ. ვერ იტანდა მეტიჩრულ და მოულოდნელ თანაგრძნობას, ამიტომ ლენის ორიოდ სიტყვით დაემშვიდობა, მაგრამ როცა ყურმილს ჰკიდებდა, მაინც ჩაილაპარაკა თავისთვის ან იქნებ უკვე შორს მყოფი ქალიშვილის გასაგონად, რომელსაც მისი ხმა ვეღარ მისწვდებოდა:

— დიახ, ამომხადეს სული.

ამასობაში დრო გავიდა, შესაძლებელია დავიანებოდა კიდევ. ქუჩაში მანქანა დაიჭირავა, უკანასკნელ წუთში გაახსენდა ალბომი, რომელიც ვერ იქნა და ვერ გადასცა იტალიელს და ამიტომ ახლა თან მოჰქონდა. ალბომი მუხლებზე ედო და მთელი გზა მოუსვენრად უკაცუნებდა თითებს. წვიმამ იკლო. მაგრამ ირგვლივ ნესტი, სიცივე და სიბნელე იყო გამეფებული. ტაძარში ალბომი რაიმეს დანახვა გაჭირდებოდა და, რა თქმა უნდა, ისედაც გაცივებული ქვის ცივ ფილებზე დიდხანს დგომისაგან უარესად იგრძნობდა თავს.

ტაძრის მოედანი დასარიელებული დახვდა. კ-ს გაახსენდა, ჯერ კიდევ ბავშვობაში შეამჩნია, რომ ვიწრო მოედნის ირგვლივ სახლებში ფანჯრებზე ფარდები მუდამ ჩამოშვებული იყო. თუმცა ასეთ ამინდში ეს უფრო ბუნებრივი ეჩვენებოდა, ვიდრე სხვა დროს. ტაძარშიც კაციშვილი არ ჭაჭანებდა. ალბათ არც არავის მოუვიდოდა აზრად ამ დროს აქ მოსულიყო. კ-მ შემოიარა ორივე გვერდითი ეკვდერი და თავშალმობურული დედაბრის მეტი არავინ შეხვედრია. დედაბერი მუხლებზე იდგა ღვთისმშობლის ხატის წინ და თვალს არ აცილებდა, შორიდან კ-მ დაინახა კიდევ, როგორ გაუჩინარდა კედელში დატანებულ კარს უკან ამ ტაძრის კოჭლი მსახური, კ. ზუსტად დროზე მოვიდა, როცა ტაძარში შედიოდა, საათმა ათი დარეკა, მაგრამ იტალიელი ჯერ არსად ჩანდა. კ. მთავარ შესასვლელთან დაბრუნდა, მცირე ხანს იქ იდგა მორიდებით, შემდეგ კი, მიუხედავად წვიმისა, ტაძარს ირგვლივ შემოიუარა, უნდოდა დარწმუნებულიყო იტალიელი რომელიმე გვერდით შესასვლელთან ხომ არ მელოდებოდა, მაგრამ ვერც აქ დალანდა. ნუთუ დირექტორმა სწორად ვერ გაიგო, რა დრო დაუნიშნა იტალიელმა? თუმცა რას გაუგებ ასეთ აღამიანს? ასეა თუ ისე, ნახევარი საათი მაინც უნდა დაელოდოს. რადგან ძალიან დაღლილი იყო, დაჯდომა მოუნდა და ისევ ტაძარში შევიდა. კიბის ერთ საფეხურზე ხალოის პატარა ნაგლეჯი დაინახა, ფეხის წვერით მერხთან მიაჩოჩა. პალტო მჭიდროდ შემოიტმამსა ტანზე, საყელო აიწია და მერხზე ჩამოჯდა. გასართობად ალბომი გადაშალა, მცირე ხანს ფურცლა, მაგრამ ბოლოს იძულებული შეიქნა ამაზედაც ხელი აეღო, რადგან ისე ჩამობნელდა, რომ გვერდით ეკვდერშიც კი არაფერი ჩანდა.

შორს, მთავარ საკურთხეველთან დიდ სამკუთხედად ჩაღმული სანთლები ციმციმებდნენ. კ. ვერ იტყოდა დანამდვილებით, ეს სანთლები აღრევე დაინახა თუ არა. იქნებ მხოლოდ ახლა აანთეს. ეკლესიის მსახურნი ისე უხმოდ ასრულებდნენ თავიანთ მოვალეობასაც, ვერც შეამჩნევდი. როცა კ-მ შემთხვევით უკან მიიხედა, სვეტზე დამაგრებული, მაღალი, მსხვილი სანთელი დაინახა. თუმცა სანთელი ლამაზი სანახავი იყო, მაგრამ საკურთხეველის მხატვრობის გასანათებლად სრულიად არ კმაროდა; სურათები მეტწილად წყვილიად იქიდა საკურთხეველის მარცხნივ და მარჯვნივ, სუსტი შუქი მხოლოდ ამუქებდა წყვილიან. იტალიელი რომ არ მოვიდა, უზრდელად კი მოიქცა, მაგრამ გონივრულად; მაინც ვერაფერს დაინახავდა და სურათების დათვალიერება ნაწილ-ნაწილ მოუხდებოდა კ-ს კიბის ელექტროფარნის შუქზე. რომ შეემოწმებინა, რა ნაყოფს გამოიღებდა ამგვარი დათვალიერება, კ.

გვერდით ეკვდერში გავიდა, რამდენიმე საფეხურით მარმარილოს დაბალ მოაჯირამდე ავიდა და მოაჯირზე გადახრილმა კიბის ფარანი მიანათა საკურთხეველის კედელზე გამოსახულ სურათს. საკურთხეველის წინ მოციავე უქრობი კანდელი მხოლოდ ხელს უშლიდა. პირველი, რაც კ-მ ნაწილობრივ დაინახა და ნაწილობრივ გამოიცნო, სურათის კედელზე დახატული ჯავშანში ჩამჯდარი რაინდის უზარმაზარი ფიგურა იყო. რაინდი შიშველ, მიწაში ჩარჭობილ მახვილს ეყრდნობოდა. მიწის ზედაპირზე აქა-იქ მხოლოდ ბალახის რამდენიმე ლერო ჩანდა. ეტყობოდა, რაინდი ყურადღებით აკვირდებოდა რალაცას, რაც მის წინ ხდებოდა, უცნაური ის იყო, რომ გაქვავებული იდგა და ადგილიდან ფეხს არ იცვლიდა. დარაჯად ხომ არ დააყენეს აქ, გაიფიქრა კ-მ. კარგა ხანია, სურათისათვის თვალი არ შეუვლია და ახლა დიდხანს ათვალიერებდა რაინდს, თუმცა ფარნის აუტანელ მწვანე შუქზე თვალებს წამდაუწუმ ახამხამებდა. როცა კ-მ ფარნით სურათის დანარჩენი ნაწილი გაანათა, დაინახა ქრისტეს კუბოში ჩასვენების ჩვეულებრივი ვარიანტი, თუმცა სურათი საკმაოდ ახალი იყო. კ-მ ფარანი ისევ კიბეში ჩაიდო და თავის ადგილზე დაბრუნდა.

იტალიელის ლოდინს აზრი აღარ ჰქონდა, მაგრამ ქუჩაში უთუოდ კოკისპირულად წვიმდა და რადგან ტაძარში არც ისე ციოდა, როგორც კ-ს ეგონა, გადაწყვიტა წვიმის გადაღებას აქ დალოდებოდა. მის გვერდით აღმართული იყო მთავარი კათედრა, რომლის პატარა, მრგვალ თაღზე იდო ორი ოქროსკონტურებიანი ჯვარი, ჯვრები ისე იყო დახრილი, რომ თავედენი სვეტისაკენ მიმართულ გადასასვლელზე ამოტივტივლი იყო მწვანე ფოთლები. ფოთლებისათვის ხელი ჩაეჭიდათ პატარა ანგელოზებს, ზოგს ხალისიანად, ზოგსაც მშვიდად. კ. კათედრას მიუახლოვდა და ყოველი მხრიდან დაკვირვებით შეათვალიერა. ქვა არაჩვეულებრივი ოსტატობით იყო დამუშავებული. ისეთი შთაბეჭდილება იქმნებოდა, თითქოს მუქი ჩრდილები დაეტყვევებინათ და ფოთლებსა და ფონში ჩაეჭსოვათ.

კ-მ ხელი ბნელ ღრმულში ჩაჰყო და ქვა ფრთხილად მოსინჯა, აღრე მან არც კი იცოდა, აქ თუ ასეთი კათედრა არსებობდა. უეცრად კ-მ მომდევნო მერხების რიგს მიღმა შემთხვევით თვალი მოჰკრა ეკლესიის მსახურს, რომელსაც გრძელი, ფართო ნაოჭებიანი ტანსაცმელი ეცვა, მარცხენა ხელში ბურნუთის კოლოფი ეჭირა და კ-ს თვალს ადევნებდა. „ნეტავ რა უნდა ამ კაცს? — გაიფიქრა კ-მ, — საეჭვო პიროვნებად ხომ არ ვეჩვენები? იქნებ ფულს ელის ჩემგან?“ მაგრამ ამ დროს მსახურმა დაინახა, რომ კ-მ შეამჩნია და მარჯვენა ხე-

ლით, რომლის ორი თითით ჯერ კიდევ ბურნუთის მწიკვი ეჭირა, კ-ს საითკენდაც, გაურკვეველი მიმართულებით მიანიშნა, კ. ვერ მიხვდა, რა უნდოდა მსახურს, მცირე ხანს შეიცადა, მაგრამ მსახური ისევ ხელით საითკენდაც უთითებდა და თავსაც დაბეჯითებით უქნევდა.

— ნეტავ რა უნდა, — ჩაილაპარაკა კ-მ ჩუმად, რადგან დაძახება ვერ გაბედა. ბოლოს ჯიბიდან საფულე ამოიღო და მსახურამდე რომ მიეღწია, მახლობელ მერხებს შორის გაძვრა.

მაგრამ მსახურმა უარის ნიშნად ხელი გააქნია, მხრები აიჩეჩა და კოჭლობით გაეცალა იქაურობას. იგი სწრაფად ჩაბუქნავდა და გაიმართებოდა ხოლმე. ასე ბუქნავდა კ. ბავშვობაში, როცა გაჭენებულ ცხენზე ამხედრებულ კაცს ბაძავდა. „ბერიკაცი ეტყობა გაბავშვდა, გაიფიქრა კ-მ, ახლან ჭკუა ალბათ მხოლოდ იმისათვის ჰყოფნის, ეკლესიას ემსახუროს, რა უცნაურად ჩერდება, როცა მე ვჩერდები და როგორ მამოწმებს, მივდეგ თუ არა“, კ. ღიმილით გაჰყვა უკან მსახურს გვერდით ეკვდერის გასწვრივ თითქმის მთავარ საკურთხევლამდე, ბერიკაცი კი ისევ და ისევ ანიშნებდა რაღაცას, მაგრამ კ. ვანზრახ არ აბრუნებდა თავს იქითკენ. ეტყობა, ამ მინიშნებას ის მიზანი ჰქონდა, რომ კ-სთვის გზა-კვალი აერია. ბოლოს კ. ჩამორჩა. არ უნდოდა მეტისმეტად დაეფრთხო ბერიკაცი. გარდა ამისა, თუ იტალიელი მოვიდოდა, კარგი იქნებოდა ეს ღირსშესანიშნაობაც ეჩვენებინა.

როცა კ. მთავარ სამლოცველოში დაბრუნდა და იპოვა ის ადგილი, სადაც ალბომი დატოვა, ერთ-ერთ სვეტთან, საკურთხევლის ზემოთ, პატრონიკეს მახლობლად დაინახა პატარა, სადა გვერდითი კათედრა. რომელიც მოთეთრო ქვისაგან იყო გამოთლილი. კათედრა ისე პატარა ჩანდა, რომ შორიდან ცარიელ თახჩას ჰგავდა, სადაც წმინდანის ქანდაკების დადგმა დავიწყებით. მქადაგებელი ალბათ ერთი ნაბიჯითაც ვერ მოსცილდებოდა მოაჯირს. გარდა ამისა, ქვის თალი, რომელსაც არავითარი ორნამენტი არ ამშვენებდა, მეტისმეტად დაბლა იწყებოდა, თანდათან მალლა მიიწვევდა. იგი ისე იყო დახრილი, რომ საშუალო ტანის მამაკაცი წელში ვერაფრით ვერ გაიმართებოდა, მოაჯირზე გადმოხრილი უნდა მდგარიყო. გეგონებოდა, ეს კათედრა მქადაგებლის გასაწამებლად არის შექმნილი. კ. ვერაფრით ვერ მიხვდა, რა დანიშნულება ჰქონდა ამ კათედრას, როცა გვერდით დიდი და ოსტატურა დმოჩუქურთმებული კათედრა იდგა.

კ. ცხადია, ვერ შეამჩნევდა ამ პატარა კათედრას, ზევით ლამაზა რომ არ დაემაგრებინათ, რომელსაც ჩვეულებრივ ქადაგების წინ ანთებდნენ. ნუთუ ახლა ამ ცარიელ ტაძარში ვინ-

მე ქადაგებას დაიწყებს? კ-მ დახედა კიბეს, რომელიც სვეტს ეკვროდა და კათედრისაკენ მიდიოდა. კიბე ისე ვიწრო იყო, რომ სვეტის სამკაულს უფრო ჰგავდა, ვიდრე ასასველელ-ჩამოსასველელს. ამ დროს კ-მ გაცემისაგან გაიღიმა, რადგან კიბის ძირში მართლაც იდგა მღვდელი და ხელი ისე დაედო მოაჯირზე, თითქოს კათედრაზე ასვლას აპირებო. მღვდელი ერთხანს უყუტრებდა, შემდეგ ოდნავ დაუქნია თავი, რის პასუხადაც კ-მ ჰირჯვარი გადაიწერა და წელში მდაბლად მოიხარა, თუმცა წესით პირველი თვითონ უნდა მისალმებოდა, უეცრად მღვდელი შებრუნდა და სწრაფად ავიდა კათედრაზე. ნუთუ მართლა იწყება ქადაგება? ეტყობა, ეკლესიის მსახური მთლად გამოტყენებული არ ყოფილა, ასე მინიშნებ-მინიშნებით კ. მქადაგებელთან რომ მიიყვანა, რაც სწორედ რომ საჭირო იყო ამ ცარიელ ტაძარში. ნეტავ ის დედაბერიც აქ მოეყვანა, ღვთისმშობლის ხატთან რომ იდგა მუხლმოყრილი. კარგი, ვთქვათ და ქადაგება მართლა იწყება, რატომ არ უკრავს ორგანი? მაგრამ ორგანი დუმდა და სადღაც მალა დიდად უკუნეთში სუსტად ბრწყინავდა.

კ-მ გაიფიქრა, ხომ არ ჯობს, რაც შეიძლება სწრაფად გაცვალო აქაურობას, ახლა თუ არ წავედი, ქადაგების დაწყების შემდეგ გვიან იქნება და მანამდე მომიწევს დარჩენა, სანამ ქადაგება არ დამთავრდება. მან კი ისედაც ბევრი დრო დაკარგა სამსახურის გარეთ და აღარ იყო მოვალე იტალიელს დალოდებოდა. კ-მ საათს დახედა. თერთმეტი შესრულებულიყო. ნუთუ მართლა დაიწყება ქადაგება, ნუთუ მართლაც კ. გასწევს მთელი მრევლის მაგივრობას? ხომ შეიძლებოდა უცხოელი ყოფილიყო, რომელსაც მხოლოდ ტაძრის დათვალიერება სურდა. აკი სინამდვილეშიც ამისთვის მოვიდა აქ. უგუნურობა იყო იმის ვაფიქრებაც კი, რომ ახლა, თერთმეტ საათზე, სამუშაო დღეს, ამ საშინელ ამინდში აქ ქადაგება დაიწყებოდა. ღვთისმსახური — ეს ახალგაზრდა, სახეგადატყეცილი, შავგვრემანი კაცი, უდავოდ მღვდელი იყო — ალბათ იმისთვის ავიდა კათედრაზე, რომ შეცდომით ანთებული ლამაზა ჩაეჭრო.

მაგრამ ყველაფერი სულ სხვაგვარად წარიმართა. მღვდელმა ლამაზის შუქი შეათვალიერა, პატრუქს კიდევ უფრო აუწია, შემდეგ ნელა დაიხარა მოაჯირისაკენ და ორივე ხელით ჩაეჭიდა და გამოშვერილ კიდეს. ერთხანს ასე, თავმიუბრუნებლად იდგა და ტაძარს ათვალიერებდა. კ-მ კარგა დიდი მანძილით დაიხია უკან და იდაყვებით წინა მერხს დაეყრდნო. მან თვალი მოჰკრა, ზუსტად ვერც კი იტყოდა სად, მხრებში მოხრილ ეკლესიის მსახურს, რომელიც თითქოსდა მნიშვნელოვანი დავალების შესრულების შემდეგ მშვიდად მოკრუნხულიყო თავისთვის. ტაძარში საოცარი სიჩუმე ჩამოწვა, მაგრამ კ. იძუ-

ლებული გახდა ეს სიჩუმე დაერღვია, რადგან სულაც არ სურდა, აქ დარჩენილიყო; თუ მღვდელს ევალბოდა განსახლვრულ საათებში ექადაგა გარემოებისა მიუხედავად, მაშინ კ-ს დაუხმარებლად შეძლებდა ამას, მით უმეტეს, რომ კ-ს აქ ყოფნა ქადაგების შემოქმედების ძალას ვერ გაზრდიდა.

ამრიგად კ. ხელა, ფეხაკრფით, ხელის ფათურით დაიძრა ადგილიდან, მერხებს შორის გაიარა, გავიდა ფართო შუა გასასვლელში და აქაც დაუბრკოლებლად გაიკვლია გზა. მხოლოდ ეს იყო, ქვის იატაკი ფეხის ოდნავ დაკარებაზეც ხშირად, თაღებში კი სუსტად, მაგრამ განუწყვეტლივ, მრავალგზის და თანაზომიერად ისმოდა ნაბიჯების გამოძახილი. კ-მ ერთგვარი სიმართოვე იგრძნო, როცა ცარიელ მერხებს შორის თავისთვის მიიკვლევდა გზას, — მღვდელი ალბათ თვალს არ აშორებდა, — ისიც აგრძნო, ადამიანი უძლური იყო გამკლავებოდა ამ ტაძრის სიდიადეს. ბოლოს იმ ადგილთან მივიდა, სადაც იჯდა. მერხზე დარჩენილ ალბომს სწრაფად დაავლო ხელი, ის იყო მერხებს გასცდა და გასასვლელისაკენ დაიძრა, რომ პირველად მოესმა მღვდლის ძლიერი, ნავარჯიშები ხმა. როგორ ამოავსო ამ ხმამ მთლიანად მომლოდინე ტაძარი! მაგრამ მღვდელმა მრევლს როდი უხმო, ძახილი გარკვევით გაისმა და მისგან თავის დაღწევა არაფრით არ შეიძლებოდა. — იოზეფ კ.! — დაიძახა მღვდელმა.

კ. წაბორძკდა და იატაკს დააჩერდა. ვიდრე ჯერ კიდევ თავისუფალი ერქვა, შეეძლო გზა განეგრძო, გასულიყო საიდანმე ერთ-ერთ პატარა, მახლობელ ჩამუჭებულ ხის კარში და აქაურობას გასცლოდა: ვითომ დაძახება ვერ გაიგონა ან თუ გაიგონა, არაფრად ჩაავდო. რომ შემობრუნებულიყო, მაშინვე თავს გასცემდა, მაშასადამე, მიხვდა მე მიხმობენ და მზადა ვარ დაემორჩილო ძახილსო. მღვდელს რომ კიდევ ერთხელ დაეძახა, კ. უეჭველად გავიდოდა ტაძრიდან, მაგრამ მიუხედავად კარგა ხნის ლოდინისა. ირგვლივ მხოლოდ სიჩუმე სუფევდა და მან ოდნავ მოაბრუნა თავი, უნდოდა დაენახა, რას აკეთებდა ამჟამად მღვდელი. იგი უწინდებურად მშვიდად იდგა კათედრაზე. მაგრამ კ-ს თავის მოძრაობა კი ნამდვილად შეამჩნია. კ. რომ ახლა მთელი ტანით არ შემობრუნებულიყო, ეს ამბავი ბავშვების დამალობანას თამაშს დაემსავავსებოდა. ამიტომ შემობრუნდა და მღვდელმაც მაშინვე თითოთი მოიხმო. რაკი ყველაფერს ფარდა აეხადა, კ-მ ჩქარი, გრძელი ნაბიჯებით მიიბრინა კათედრასთან — ცნობისმოყვარეობაც ჰქვავდა და თანაც უნდოდა საქმე არ გაჭიანურებულიყო. კ. პირველი რიგის მერხების წინ შეჩერდა, მაგრამ მღვდელს, ეტყობა, ეს მანძილი ეშორა, ხელი წინ გაიშვირა და საჩვენებელი თითით გარკვევით ანიშნა, აქ გაჩერდიო. კ. მის

ნებას დაჰყვა, კათედრასთან ისე ახლოს მივიდა, მღვდელი რომ დაენახა, უკან თავგადაგდებული უნდა მდგარიყო.

— შენა ხარ იოზეფ კ.? — ჰკითხა მღვდელმა და ცალი ხელი მოაჯირზე უცნაურად შეათამაშა, მალა ასწია.

— დიახ, — თქვა კ-მ და გაიფიქრა, რა თავისუფლად წარმოთქვამდა წინათ თავის გვარს და რა მძიმე ტვირთად დააწვა ბოლო დროს, ახლა მისი გვარი იმ ადამიანებმაც იცოდნენ, ვისაც პირველად ხვდებოდა. რა ჯობდა იმას, ადრე, როცა ვინმეს გაიცნობდა, ჯერ ეტყოდა ხოლმე, ესა და ეს გახლავართო.

— შენ ბრალდებული ხარ, — უთხრა მღვდელმა მეტისმეტად ჩუმად.

— დიახ, — თქვა კ-მ, — ასე გამომიცხადეს.

— მაშ შენ ის კაცი ყოფილხარ, ვისაც ვეძებ. — უთხრა მღვდელმა, მე ციხის კაპელანი ვარ.

— აი, თურმე რა, — თქვა კ-მ.

— შენი თავი მე დავაბარებინე აქ, მინდოდა შენთან მე საუბრა, — უთხრა მღვდელმა.

— მე ეს არ ვიცოდი, — უპასუხა კ-მ, — მე აქ იმიტომ მოვედი, რომ ერთი იტალიელისათვის ტაძარი უნდა დამეთავალიერებინა.

— მოევი მაგ წვრილმანებზე ლაპარაკს, — უთხრა მღვდელმა, — რა გიჭირავს ხელში? ლოცვანი?

— არა, — უპასუხა, კ-მ, — ეს გახლავთ ჩვენი ქალაქის ღირსშესანიშნაობათა ალბომი.

— დადგე სადმე! — უბრძანა მღვდელმა და კ-მ ისე მაგრად მოისროლა ალბომი, რომ წიგნი გადანიშალა და დაჭმუჭნული ფურცლებით იატაკზე გასრიდა. — თუ იცი, რომ შენი პროცესის საქმე ცუდადაა? — ჰკითხა მღვდელმა.

— მეც ასე მგონია, — უპასუხა კ-მ, — ბევრი რამ ვიღონე, მაგრამ ჯერჯერობით უშედეგოდ. თუმცა უშამდგომლობა ჯერ კიდევ არა მაჩქეს შედეგინილი.

— როგორ წარმოგიდგენია დასასრული? — ჰკითხა მღვდელმა.

— ადრე მეგონა, ყველაფერი კარგად დამთავრდება-მეთქი, — უპასუხა კ-მ, — მაგრამ ახლა ეჭვი მეპარება. არ ვიცი, საქმე რით დამთავრდება, შენ იცი?

— არა, — უპასუხა მღვდელმა, — მაგრამ ვუიშობ, რომ ცუდად დამთავრდება. დამნაშავედ გთვლიან. შენი პროცესი შეიძლება ანაბელი ინსტანციის სასამართლოს საერთოდ არ გასცილდეს. ყოველ შემთხვევაში, ჯერჯერობით მაჩინიათ, რომ შენი დანაშაული დამტკიცებულია.

— კი მაგრამ, მე ხომ უდანაშაულო ვარ, — უთხრა კ-მ, —

შეცდომაა. და საერთოდ, როგორ შეიძლება ადამიანი დამნაშავე იყოს, ჩვენ კი აქ ყველა ადამიანები ვართ, რა მე და რა სხვა.

— მართალია, — უბასუხა მღვდელმა, — მაგრამ დამნაშავენი ყოველთვის ასე ლაპარაკობენ.

— შენც ჩემს წინააღმდეგ ხარ განწყობილი? — ჰკითხა კ-მ.

— არა, მე არ ვარ შენს წინააღმდეგ განწყობილი, — უბასუხა მღვდელმა.

— გმადლობთ, — უთხრა კ-მ, — აი, დანარჩენები კი, ვინც ამ პროცესში მონაწილეობს, ჩემს წინააღმდეგ არიან განწყობილი. ამ აზრს იმათაც უნერგავენ, ვინც პროცესში არ მონაწილეობს. ჩემი მდგომარეობა სულ უფრო და უფრო უარესდება.

— შენ ვერ ერკვევი საქმის არსში, — უთხრა მღვდელმა, — განაჩენი ერთბაშად არ გამოაქვთ, საქმის გარჩევა თანდათან გადაიზრდება ხოლმე განაჩენში.

— აჰ, ასეა, — თქვა კ-მ და თავი დახარა.

— რის გაკეთებას აპირებ შენი საქმისათვის ახლო მომავლში? — ჰკითხა მღვდელმა.

— კვლავ განვაგრძობ იმათ ძებნას, ვინც დამეხმარება, — უბასუხა კ-მ და რომ დაენახა, რა შთაბეჭდილება მოახდინა ჩემმა სიტყვებმა მღვდელზე, თავი ასწია, — არის კიდევ სხვა შესაძლებლობანი, რომლებიც არ გამოიყენებია.

— შენ სულ დახმარებას ეძებ, განსაკუთრებით ქალების იმედი გაქვს, — უთხრა მღვდელმა გამკიცხავი ხმით, — ნუთუ ვერ ხვდები, რომ ამგვარი დახმარება ნამდვილი არაა.

— ზოგ რამეში, ის კი არაა, ბევრ რამეშიც გეთანხმები, — უთხრა კ-მ, — მაგრამ ყველაფერში არა. ქალები დიდ ძალას წარმოადგენენ. რომ შემეძლოს გავლენა მოვახდინო ზოგიერთ მათგანზე, ყველანი ერთად ჩემს სასარგებლოდ ვამუშაო, ჩემსას გავიტანდი. განსაკუთრებით ამ სასამართლოში, რომელიც თითქმის მთლიანად მექალთანეთაგან შედგება. დაანახე მოსამართლეს ქალი თუნდაც შორიდან და იგი მზადაა მაგიდასაც გადაახტეს და ბრალდებულსაც, ოღონდ ქალი ხელიდან არ გაუშვას.

მღვდელმა თავი მოაჯირისაკენ დახარა. ისეთი შთაბეჭდილება იქმნებოდა. თითქოს კათედრის თაღის სიმძიმე მხოლოდ ეს წუთია იგრძნო. რა ცუდი ამინდია ალბათ გარეთ. ახლა იქ მოქუფრული დღე კი არა, უკუხეთი ღამე იდგა. დიდი ფანჯრების ვიტრაჟები ერთი ბეწოთითაც კი ვერ ანათებდნენ ბნელ კედელს. სწორედ ამ დროს ეკლესიის მსახურმა ზედოზედ ჩააქრო სანთლები მთავარ საკუროთხეველზე.

— მიწურები? — ჰკითხა კ-მ მღვდელს, — ეტყობა, არ ვიცი, როგორ სასამართლოს ემსახურები.

მღვდელს პასუხი არ გაუცია.

— რაც გითხარი, ჩემი გამოცდილების ნაყოფია, — განაგრძო კ-მ.

მღვდელი ხმას არ იღებდა.

— შენი განაწყენება არ მინდოდა, — დასძინა მან.

უეცრად მღვდელმა ზემოდან უყვირა: — ნუთუ ორ ნაბიჯზეც ვერაფერს ხედავ?

ყვირილი გაისმა მრისხანედ. მაგრამ ეს იყო იმ ადამიანის მრისხანება, ვინც ხედავს, როგორ ეცემა მეორე ადამიანი და რადგან თვითონაც შეშინებულია, უნებურად ყვირის.

ორივენი დიდხანს დუმდნენ. რა თქმა უნდა, მღვდელს არ შეეძლო ჩამოწოლილ სიბნელეში დაენახა ქვემოთ გაჩერებული კ., სამაგიეროდ კ. გარკვევით ხედავდა მღვდელს პატარა ლამპის შუქზე. რატომ არ ჩამოდის ძირს? სულ ერთია, ქადაგება მაინც არ წაუკითხავს, მხოლოდ ზოგი რამ შეატყობინა, რაც კ-ს, თუ კაცი კარგად ჩაუკვირდებოდა, უფრო ავნებებს, ვიდრე დაეხმარება. კ-ს ეჭვი არ ეპარებოდა მღვდლის კეთილ განზრახვაში, იმასაც კი ფიქრობდა, მალე დაბლა ჩამოვა და ყველაფერში შევთანხმდეთო, იქნებ მღვდელმა ისეთი მნიშვნელოვანი რჩევა მომცეს, რასაც გამოვიყენებ, მაგალითად, მასწავლის არა იმას, რა გზით მოვახდინო შემოქმედება პროცესზე, არამედ საერთოდ როგორ ავუარო გვერდი პროცესს, როგორ დავუძვრე ხელიდან, როგორ ვიცხოვრო მის გარეშე, ხომ უნდა არსებობდეს ამგვარი გზაც, ბოლო დროს კ. ხშირად ფიქრობდა ამაზე. თუ მღვდელმა იცის, ვთხოვ და იქნებ გამიმხილოს, რა გზას დავადგეო. მერე რა რომ სასამართლოს მოხელეა და როცა კ-მ სასამართლო გათათხა, თავაზიანობა დაივიწყა და უყვირა კიდევ.

— ძირს ხომ არ ჩამოხვალ? — ჰკითხა კ-მ, — ქადაგების წაკითხვა მაინც არ მოგიწევს. ჩამოდი დაბლა.

— ახლა მართლაც შემეძლია ჩამოვიდე, — უთხრა მღვდელმა. ალბათ სინდისი ქენჯინა, რომ უყვირა. მღვდელმა კაუჭიდან ლამპა ჩამოხსნა და დასძინა: — პირველად შორიდან უნდა მელაპარაკა შენთან, რადგან ადვილად ვეჭვევი სხვისი გავლენის ქვეშ და ჩემი მოვალეობა მაგიწყდება.

კ. ქვემოთ, კიბესთან ელოდა. ჩამოსვლისას მღვდელმა ჯერ კიდევ ზედა საფეხურიდან გამოუწოდა ხელი.

— ცოტა დროს ხომ ვერ დამითმობთ? — ჰკითხა კ-მ.

— იმდენს, რამდენიც დაგჭირდება, — უთხრა მღვდელმა და პატარა ლამპა ხელში მიაჩეჩა, წამოიღეო. მღვდელს ახლოდანაც რაღაც საზეიმო ელფერი დაჰკრავდა.

— დიდ გულითადობას იჩენ ჩემ მიმართ, — უთხრა კ-მ, როცა მათ გვერდიგვერდ დაიწყეს წინ და უკან სიარული. ბნელ ეკვდერში, — შენ გამონაკლისი ხარ სასამართლოს მოხელეთა შორის, იმათზე მეტ ნდობასაც იმსახურებ, ვისაც კი ვიცნობ. შენთან შემიძლია გულახდილად საუბარი.

— სცდები — უთხრა მღვდელმა.

— მაინც რაში ვცდები? — ჰკითხა კ-მ.

— სასამართლოს შეფასებაში, — უპასუხა მღვდელმა, — კანონთა კრებულის წინასიტყვაობაში ამ შეცდომის შესახებ, აი, რა არის ნათქვამი: კანონის კარის წინ დარაჯი დგას. მოდის ერთი სოფლელი კაცი და სთხოვს, კანონთან შემიშვიო. მაგრამ მეკარე ეუბნება, ჯერ შესვლის უფლებას ვერ მოგცემო. სოფლელი ერთხანს დაფიქრდება, შემდეგ შეეკითხება, მერე თუ შექნება შესვლის უფლებათ. შესაძლოა, უპასუხებს მეკარე, მაგრამ ახლა შესვლა არ შეიძლებაო. რადგან კანონის კარი, როგორც ყოველთვის, ღია იყო, ხოლო მეკარე განზე გადგა, სოფლელი დაიხარა და ცდილობდა კანონის საუფლოში შეეხედა. ამის დამნაშავეა მეკარემ გაიცინა და სოფლელს უთხრა: თუ ასე გაინტერესებს ჩემს აკრძალვას ყურადღებას ნუ მიაქცევ და შიგ შესვლა სცადე, მაგრამ დამინახოვრე: დიღია ძალა ჩემი, თუმცა ყველაზე დაბალი რანგის დარაჯად ვითვლები, იქაც დარბაზიდან დარბაზამდე ერთიმეორეზე ძლიერი დარაჯნი დგანან. მესამე დარაჯის დანახვას მეც კი ვერ ვუძლებო. სოფლელი ამგვარ დაბრკოლებას არ მოელოდა, კანონი ხომ ყველასათვის ხელმისაწვდომი უნდა იყოს მუდამო, გაიფიქრა მან და დაკვირვებით შეათვალიერა ბეწვის ქურქში გახვეული მეკარე, შეხედა მის დიდ, წაწვეტიბულ ცხვირს, გრძელ, შავ და თხელ თათრულ წვერს და გადაწყვიტა მანამდე დაეცადა აქ, სანამ კანონთან შესვლის უფლებას არ მისცემდა. მეკარემ ჯორჯო გაუწოდა და ნება დართო კარის შორიანხლო დამჯდარიყო. და ზის იგი იქ დილიდან საღამომდე, წლიდან წლამდე. თხოვს და თხოვს მეკარეს, შემიშვიო კანონთან, თავს აბეზრებს, მაგრამ ამაოდ. დარაჯმა მრავალჯერ დაკითხვა მოუწყო, ჰკითხა მშობლიური კუთხის ამბები, ამ მთისა და იმ ბარისა, მაგრამ ვკითხებოდა გულგრილად, როგორც ეს დიდ კაცებს სჩვევიათ და მუდამ ერთსა და იმავეს უმეორებდა, ჯერ ვერ შეგიშვებო. სოფლელი, რომელმაც საგზლად ბევრი რამ წამოიღო, არაფერს იშურებდა, ოღონდ დარაჯი მოექართა, მეკარე კი ყველაფერს ართმევდა და ეუბნებოდა: ამას მხოლოდ იმიტომ გართმევ, არ იფიქრო, რამე ხომ არ გამომჩნიაო. გავიდა წლები, სოფლელს კი მთელი გულისყური მხოლოდ ამ დარაჯისკენ ჰქონდა მიპყრობი-

ლი, სულ დააფიქცდა. რომ სხვა დარაჯებიც დგანან კანონის მისაღვრებთან და ეს მცველი მიაჩნდა ერთადერთ დაბრკოლებად. პირველ ხანებში სოფლელი ქაქანებდა და თავბედს იწყევლიდა. მერე სიბერე მოეძალა და თავისთვისა ბუზღუნებდა რაღაცას. ბოლოს გაბავშვდა და რადგან დიდი ხანია დარაჯს აკეზდებოდა და მისი ბეწვის ქურქის საყელოში ყოველი რწყვილიც კი იცოდა, ახლა ამ რწყვილებსაც ეხვეწებოდა. დამუხმარეთ დარაჯის გულის მოგებაშიო. ამასობაში თვალის ჩინი დააკლდა და ვეღარ არჩევდა, ირგვლივ მართლა სიბნელემ დაისადგურა თუ თვალი ატყუებდა. სწორედ ამ დროს შეამჩნია, რომ კანონის საუფლოდან ჩაუქრობელი ნათელი გამოჰერთოდა. მისი სიცოცხლე დასასრულს უახლოვდებოდა. სიკვდილის წინ ყველაფერი, რაც ხანგრძლივი დროის მანძილზე განიცადა, მის გონებაში ერთ შეკითხვად შეიკრა, ამგვარი შეკითხვით მას ჯერ მეკარისათვის არ მიუშართავს. სოფლელი თავის გაშეშებულ სხეულს ვეღარ ერეოდა და წამოდგომის თავი აღარ ჰქონდა. მეკარე ხელით მოიხმო. მეკარე იძულებული გახდა მეტისმეტად დაბლა დახრილიყო, რადგან სოფლელი საოცრად დაილია. „კიდევ რისი გაგება გასურს? — შეეკითხა დარაჯი სოფლელს, — შე უძლებო ადამიანო!“ „ყველა ხომ კანონს ეძებს — თქვა მომაკვდავმა, — როგორ მოხდა, რომ ამდენი წლის მანძილზე ჩემს მეტს არავის მოუთხოვია ამ კარში შეშვება?“ დარაჯი ხედავდა, რომ სოფლელი სულს დაფავდა და სმენადანშულს რომ გაეგონა, რაც ძალა და ღონე ჰქონდა ყურში ჩასძახა: „აქ შემოსვლის უფლება არავის არ ჰქონდა, ეს კარი მხოლოდ შენთვის იყო განკუთვნილი, ახლა კი წავალ და დავკეტავ“.

— გამოიღოს, მეკარემ სოფლელი მოატყუა. — თქვა კ-მ სულმოუთქმელად, რადგან ამ იგავმა დიდად გაიტაცა.

— ნუ ჩქარობ, — უთხრა მღვდელმა, — და სხვის თვალსაზრისს შეუმოწმებლად ნუ გაიზიარებ. იგავი ზუსტად ისე გიამბე, როგორც წინასიტყვაობაში წერია. მოტყუებაზე იქ არაფერია ნათქვამი.

— კი მაგრამ, ეს ხომ ცხადზე ცხადია, — უპასუხა კ-მ, — და შენი პირველი განმარტება სავსებით სწორი იყო. მეკარემ მხოლოდ მაშინ გაუმხილა სოფლელს რა იხსნიდა, როცა ვეღარაფერა უშველიდა.

— მაშინ, მაგრამ აღრე მისთვის ეს არ უკითხავთ, — უთხრა მღვდელმა, — ნურც იმას დაიგოწყებ. რომ იგი მხოლოდ მეკარე იყო და თავისი ვალი პირნათლად მოიხადა.

— რატომ გგონია, რომ თავისი ვალი მოიხადა? — ჰკითხა კ-მ, — ჩემის აზრით მას თავისი ვალი პირნათლად არ მო-

უნდა, მისი მოვალეობა შესაძლოა ის იყო, რომ არც ერთი გარეშე პირი არ შეეშვა კარში, მაგრამ ის სოფლელი კაცი კი, ვისთვისაც განკუთვნილი იყო ეს კარი, უნდა შეეშვა.

— შენ საკმარის პატივს არ სცემ კანონთა კრებულს, — უთხრა მღვდელმა, — და ამიტომ გადასხვაფერე ეს იგავი. იგავში კი დარაჯი ორჯერ ახსენებს კანონის საფულოში შესვლის პირობას: ერთს თავში, მეორეს ბოლოში. პირველ შემთხვევაში იგი სოფელს ეუბნება, ახლა ვერ მოგცემ შესვლის უფლებასო, ხოლო მომავლადეს უთხრა, ეს შესასვლელი მხოლოდ შენივის იყო განკუთვნილი. ამ ორ განცხადებას შორის რომ რაიმე წინააღმდეგობა იყოს, მაშინ შენ მართალი იქნებოდი, და ვიტყოდით, მეკარემ მართლაც მოატყუა სოფლელი, მაგრამ არავითარი წინააღმდეგობა არ არსებობს. პირიქით, პირველი მეორეს არ გამოორიცხავს, იმის თქმაც კი შეიძლება, რომ მეკარე მხოლოდ მაშინ ლაღატობს თავის მოვალეობას, როცა სოფელს იმედს აძლევს, მომავალში შეგიშვებენ კანონთან. იმეამად მისი ერთადერთი მოვალეობა იყო, სოფლელი არ შეეშვა კარებში და კანონთა კრების წინასიტყვაობის ბევრ განმმარტებელს მართლაც აკვირებებს, მეკარეს რომ საერთოდ ამგვარი რამ დასცდა, რადგან უყვარს სიზუსტე და დაკისრებულ მოვალეობას მკაცრად ასრულებს. მას ხომ მრავალი წლის მანძილზე არ მიუტოვებია საგუშაგო და კარი მხოლოდ სულ ბოლოს დაკეტა; მეკარეს ღრმად აქვს შეგნებული თავისი სამსახურის მნიშვნელობა და პირდაპირ აცხადებს: დიდია ძალა ჩემიო; იგი უფროსების წინაშე მოწიწებას იჩენს და ამბობს: ყველაზე დაბალი რანგის დარაჯად ვითვლებიო; იგი არც ყბედია, რადგან მრავალი წლის მანძილზე როგორც იგავშია ნათქვამი, სოფელს მხოლოდ ცალი ყბით ეკითხებოდა ხან რას ხან რას. ამავე დროს მოუსყიდველიცაა, როცა საჩუქარს იღებდა, პირდაპირ ეუბნებოდა: ამას მხოლოდ იმიტომ გართმევ, არ იფიქრო, მხედველობიდან რამე ხომ არ გამომჩიო, ხოლო როცა მოვალეობის აღსრულებაზე მიდგება საქმე, მას ვერც გულს მოულობს ვინმე და ვერც გააშმაგებს: იგავში პირდაპირაა ნათქვამი, თხოვნით მეკარეს თავი მოაბეზრაო, და ბოლოს მის პედანტურ ხასიათზე მისი გარეგნობაც მეტყველებს: დიდი, წაწვეტილებული ცხვირი, გრძელი, შავი და თხელი თათრული წვერი. განა შეიძლება არსებობდეს დარაჯი, მოვალეობის გრძნობა უფრო ღრმად რომ ჰქონდეს გამჭდარი ძვალ-რბილში? მაგრამ მეკარეს სხვა არსებითი თვისებებიც გააჩნია, რაც მეტისმეტად ხელსაყრელია იმისთვის, ვინც კანონთან შეშვებას თხოულობს და გასაგებს ხდის, თუ რატომ გადაუხვია თავის

მოვალეობას მეკარემ ოდნავ, როცა სოფელს მომავალში კანონთან შეშვების იმედი მისცა. რა დასაძალია, იგი ცოტათი გონებაზეზღუდულია და ამიტომ ცოტათი მედიდურიც. თუ მისი სიტყვები საკუთარი და სხვა დარაჯების სიმდიერეზე, რომელთა დანახვას თვითონაც კი ვერ უძლებს, თუ მისი სიტყვები-მეთქი სიმართლეს, შეესაბამება, მაინც ისეთიარად გამოთქვამს თავის აზრს, ცხადად ჩანს, რომ მის აღქმას სიჩლუნგისა და მედიდურობის დაღი აზის. ამის თაობაზე განმმარტებლები ამბობენ: საკითხის სწორი გაგება და ამავე საკითხის მცდარი გაგება ერთმანეთს მთლიანად არასოდეს არ გამოორიცხავენო. თუმცა უნდა ვალიართ, სულ მცირე გონებაზეზღუდულობა და მედიდურობაც კი დარაჯს ნაკლად ეთვლება და ხელს უშლის შესასვლელი მტკიცედ დაიცვას. გარდა ამისა, უნდა ითქვას, მეკარე ბუნებით უგულო კაცი არაა, რადგან ყოველთვის ისე არ იქცევა, როგორც ოფიციალური პირი. პირველ წუთებში თავს ირთობს და სოფელს ეპატიჟება, შედიო, თუმცა ეს მკაცრად აკრძალულია და განკარგულების დარღვევას არ აპირებს, ხოლო ამის შემდეგ კი არ ისტუმრებს, არამედ ჯორჯოს აწვდის და კართან შორიასლო დაჯდომის უფლებას აძლევს. ახლა მის მოთმინებას არ იკითხავ, წლების მანძილზე უძლებს სოფელის მუდარას, ხანდახან თვითონ ეკითხება რაღაცას, იღებს მისგან საჩუქრებს და რა კეთილშობილურად ითმენს სოფელის წყევლას და ჩივილს საკუთარ უიღბლობაზე, რაღა სწორედ ეს დარაჯი დააყენეს აქ კარის მცველადო — ეს ყველაფერი უფლებას გვაძლევს დავასკვნათ, რომ მეკარე სოფელს თანაუგრძნობდა. მის ადვილას ყველა ასე არ მოიქცეოდა. და ბოლოს, მომაკვდავმა სოფელმა ხელით რომ მოიხმო, მეტისმეტად დაბლა დაიხარა მისკენ, რათა უკანასკნელი შეკითხვა გაეგონა. ცოტაოდენ მოუთმენლობას — მეკარემ ხომ იცის, რომ ყველაფერი გათავებულია — მაშინ ამჯღავნებს, როცა სოფელს მიმართავს, შე უძლებო ადამიანო. ზოგიერთებს ამ წამოძახილის განმარტებისას მეტისმეტი მოსდით და მიაჩნიათ, რომ სიტყვებში „შე უძლებო ადამიანო“ თავისებური მეგობრული აღტაცებაც კია გამოხატული, რასაც თან ახლავს ერთგვარი შემწყნარებლური დამოკიდებულება. ყოველ შემთხვევაში, მეკარის სახე სულ სხვაგვარად იკვეთება, ვიდრე შენ წარმოგიდგენია.

— შენ ეს იგავი უფრო დიდი ხანია იცი და უკეთესადაც იცი, ვიდრე მე, — უთხრა კ-მ. ისინი მცირე ხანს მღუმარედ დადიოდნენ. — მაშ შენ გგონია, რომ სოფლელი არ მოუტყუებიათ? — ჰკითხა კ-მ.

— უკუღმა ნუ გესმის ჩემი სიტყვები, — უთხრა მღვდელ-

მა, — მე მხოლოდ გავაცანი ყველა ის თვალსაზრისი, რაც ამ საკითხზე არსებობს, მაგრამ სხვების აზრებს დიდი ყურადღება არ უნდა მიაქციო. კანონთა კრებულის წინასიტყვაობა უცვლელია, ამის გამო ხშირად სასოწარკვეთილებას ეძლევიან და თვალსაზრისთა სხვადასხვაგვარობაც მხოლოდ ამის შედეგია. არსებობს ისეთი თვალსაზრისიც, რომლის მიხედვითაც მეკარე რჩება მოტყუებული.

— ამის მოქმედს მეტისმეტი მოსვლია, — უთხრა კ-მ, — კი მაგრამ, როგორ ასაბუთებთ ამას?

— დასაბუთებას საფუძვლად უდევს მეკარის გონებრივი შეზღუდულობა. იგავში ნათქვამია, რომ მეკარემ არ იცის, რა ხდება კანონის საუფლოში, მისთვის მხოლოდ ის ბილიკია ცნობილი, კარის წინ რომ ტყეპნის დღე და ღამე. მისი წარმოდგენა კანონის საუფლოზე ბავშვურად მიაჩნიათ და ფიქრობენ, რომ თვითონ დარაჯს ეშინია იმისა, რითაც სოფელს ამინებს. უფრო მეტიც, მისი შიში ბევრად უფრო ძლიერია, ვიდრე სოფელისა, რადგან სოფელს მას შემდეგაც სურს შევიდეს კარში, როცა გაიგებს, რა საშინელებაც არიან იქაური დარაჯები, მეკარეს კი არავითარი სურვილი არა აქვს შესვლისა, ყოველ შემთხვევაში ამაზე არაფერია ნათქვამი იგავში. თუმცა ზოგიერთები ამბობენ, რაკი ის კანონის სამსახურში ჩააყენეს, ოდესღაც ნამყოფი უნდა იყოს კანონის საუფლოში, აბა სხვაგვარად როგორ დანიშნავდნენო. მაგრამ ამაზე სხვები ჰასუხობენ, ალბათ მეკარედ დანიშნა ვიღაცის ხმამ, რომელიც კანონის საუფლოს წიაღიდან მოისმაო, და გარდა ამისა, ეს დარაჯი კანონის საუფლოში ღრმად არასოდეს შესულა, რადგან მესამე დარაჯის დანახვასაც კი ვერ გაუძლოო. იგავი არაფერს გვამცნობს იმაზეც, რომ მეკარეს მრავალი წლის მანძილზე დარაჯების ხსენების გარდა რაიმე დასცდენოდეს კანონის საუფლოზე. შეიძლება აკრძალული ჰქონდა, მაგრამ არც ამ აკრძალვაზე უთქვამს რამე. აქედან კი ასკვნიან, რომ მან არ იცის, რა ხდება კანონის საუფლოში; არც ის, რა მნიშვნელობა აქვს ყოველივე ამას და ამიტომ უდებდა ხოლმე, იმასაც ვარაუდობენ მეკარე სოფელელთან ურთიერთობაშიც ვერ გაერკვა, რადგან თვითონაც არ იცოდა, ისე ემორჩილებოდა მას. მეკარე რომ სოფელს ისე ექცევა, როგორც ხელქვეითს, ამაზე ბევრი რამ მიგვითითებს და შენ ალბათ ვერ კიდევ გახსოვს, მაგრამ ამ თვალსაზრისიდან ასევე ნათლად ვამომდინარეობს ის ფაქტიც, რომ თვითონ ექვემდებარება სოფელს. უპირველეს ყოვლისა თავისუფალი ადამიანი ხელფენშეკრულზე მაღლა დგას. სოფელი უდავოდ თავისუფალი ადამიანია და შეუძლია სადაც უნდა წავიდეს, მას მხოლოდ კანონთან შესვლა აქვს აკრძალული და

იმასაც ერთადერთი კაცი, მეკარე უკრძალავს. სოფელი კარის შორიანლო ჯორჯოზე ჯდება და მთელ სიცოცხლეს იქ ატარებს, ეს ხდება ნებაყოფლობით, იგავში არაფერია ნათქვამი იძულებაზე. მეკარე კი პირიქით თავის თანამდებობის გამო მიჯაჭვულია საგუშავოს და უფლება არა აქვს გავცალოს იქაურობას, მაგრამ როგორც დავინახეთ, არც კანონის საუფლოს წიაღში შესვლის უფლება აქვს. თუნდაც ძალიან ნდომოდა იქ შესვლა, გარდა ამისა, მართალია, იგი კანონის მსახურია. მაგრამ მხოლოდ ამ შესასვლელს ემსახურება, ესე იგი, იმ სოფელს, ვისთვისაც შესასვლელია განკუთვნილი. ეს ფაქტიც იმას ადასტურებს, რომ მეკარე სოფელს ემსახურება. ახლა ესეც გავითვალისწინოთ, მეკარე მრავალი წელი, მთელი თავისი შეგნებული ცხოვრება ტყუილად მსახურობდა, რადგან იგავში ნათქვამია, რომ მასთან მოვიდა სოფელი კაცი, მაშასადამე, დაეჯკაცებული მაშაქაცი, მეკარე კი იძულებული იყო დიდხანს ეცადა, სანამ თავის მოვალეობის აღსრულებას შეუდგებოდა, ეცადა იმდენ ხანს, რამდენიც სოფელს მოესურებოდა, იგი ხომ თავის ნებით მოვიდა, მაგრამ მეკარის სამსახურის დასასრულსაც სოფელის სიცოცხლის დასასრული განაპირობებს, ამრიგად იგი ბოლომდე ემსახურება მას. ამავე დროს, იგავში არაერთხელაა ხაზგასმული, რომ მეკარეს ამ მორჩილებაზე წარმოდგენა არა აქვს. მაგრამ ამ ამბავში განმმარტებლები განსაკუთრებულს ვერაფერს ხედავენ, რადგან ამ თვალსაზრისით მეკარე კიდევ უფრო მწარედ ცოდება, როცა საქმი მის სამსახურს ეხება. სახილდობრ, ბოლოში იგი ამბობს, ახლა კი წავალ და დავეკრტაო. მაგრამ იგავის დასაწყისში ნათქვამია, რომ კანონის კარი, როგორც ყოველთვის, ღია იყო, ხოლო თუ მუდამ ღიაა, მიუხედავად იმ სოფელი კაცის სიცოცხლის ხანგრძლივობისა, ვისთვისაც იგი განკუთვნილია, მაშინ მეკარე ვერ დაეკრტავს მას. აქ აზრი იყოფა: რისი თქმა უნდა მეკარის, როცა აცხადებს, კარი უნდა დაეკრტო, მხოლოდ პასუხი გასცის მომავლადეს, სამსახურებრივი მოვალეობით თავი მოიწონოს თუ სიკვდილის იამს სოფელი სინანულის გრძნობა აღუძრას და დაამწყობროს. მაგრამ ერთ აზრს ყველა იზიარებს, კრძობს იმას, რომ მეკარის კარის დაკრტვა არ შეუძლია. ზოგი იმასაც კი თქვამს, სიკვდილის იამს სოფელი კაცის მომართვის ძიების თვალსაზრისითაც დაჩაგრა მეკარე, რაოიან კანონთა წიაღიდან გამომკრთალი ჩაუქრობილი ნათელი იხილა. ხოლო მეკარე, რომელიც ალბათ ზორგით იღვა კარისაკენ, არაფრით არ ამყდავენებს. რომ რაიმე ცვლილება შეამჩნიო.

— ყველაფერი ეს კარგადაა დასაბუთებული, — უთხრა 13. ფ. კახკა

კ-მ და ამავე დროს თავისთვის ჩუმად იმეორებდა ცალკეულ ადგილებს მოვდლის ახსნა-განმარტებებიდან,—მართლაც კარგადაა დასაბუთებული და ახლა მეც მჯერა, რომ მოტყუებუ-ლია მეკარე, მაგრამ ჩემი მტკიცება მაინც ძალაში რჩება, რად-გან ნაწილობრივ ორივე აზრი ერთმანეთს ემთხვევა. არავი-თარი ვადამწყვეტი მნიშვნელობა არა აქვს, მეკარეს ნათლად ესმის ყველაფერი ეს თუ ტყუფლება. მე ვითხარი, სოფლე-ლია მოტყუებული-მეთქი. თუ მეკარეს ნათლად ესმის ყველა-ფერი, მაშინ ეს საეჭვო იქნებოდა, მაგრამ თუ მეკარე მოტყუ-ებულია, ეს მოტყუება აუცილებლად ვრცელდება სოფლელ-ზეც. ამ შემთხვევაში მეკარე მატყუარა არ არის, მაგრამ იმ-დენად გონებაჩლუნვია, რომ დაუყოვნებლივ უნდა დაეთხო-ვათ სამსახურიდან. ისიც გაითვალისწინე, ტყუილი, რომლის ხლართებშიც მეკარეა ვაბმული, პირადად მას არაფერს ვნებს, სოფლელს კი დიდად.

— ამ საკითხშიც სრულიად საწინააღმდეგო აზრს წააწყ-დები, — უთხრა მღვდელმა. — ბევრი განმმარტებლის აზ-რით, იგავი არავის არ აძლიერს მეკარის განსჯის უფლებას. რო-გორც არ უნდა მოგჩვენოს, მაინც კანონის შესახებია, ეს კი იმას ნიშნავს. რომ კანონთანაა დაკავშირებული და ადამიანებს მისი განსჯის უფლება არა აქვთ. ამ შემთხვევაში რე-ოარც იმას ვიტყვით, რომ მეკარე სოფლელს ემორჩილება. იგი კანონთან თუნდაც იმიტთა დაკავშირებული, რომ მცდე-ლად დგას კართან და ეს ბევრად უფრო მნიშვნელოვანია, ვიდრე ამქვეყნად თავისუფლოდ ცხოვრება. სოფლელი მხო-ლოდ მოდის კანონთან, ხოლო მეკარე უკვე იქ დგას, კანონ-მა იგი მსახურად გაიხილა და ამიტომ მეკარის ღირსებებში ეჭვის შეტანა თვით კანონში დაეჭვებას ნიშნავს.

— აი, ამ აზრს კი ვერ დავეთანხმები, — უთხრა კ-მ და უარყოფის ნიშნად თავი გაიქნია. — რადგან თუ ამას აღიარებ, მაშინ ყველაფერი, რასაც მეკარე ამბობს, სიმართლედ უნდა მიიჩნიო. შენ კი აგერ ახლა საფუძვლიანად დასაბუთე, რომ ეს შეუძლებელია.

— არა; — უპასუხა მღვდელმა. — სავალდებულო არაა ყველაფერი სიმართლედ მიიჩნიო, მაგრამ ამის აუცილებლო-ბა უნდა შეიგნო.

— სავალდებულო თვალსაზრისია, — უთხრა კ-მ. — მაშინ ხომ მსოფლიო წესრიგს სიკრუე დაედება საფუძვლად.

კ-მ ეს სიტყვები ისე წარმოთქვა, თითქოს ამით ყველა-ფერს აჯამებდა, მაგრამ საბოლოო დასკვნა მაინც ვერ გამოე-ტანა. ბოლომდე რომ განეჭვრიტა, რა აზრი გამოემდინარეობ-და ამ იგავიდან, მეტისმეტად დაღლილი იყო; გარდა ამისა, აზრთა ამგვარი დინება ერთიანობადა, რაღაც არარეალურს

შეიცავდა და ამ საკითხებზე სასამართლოს მოხელეთა წრეში უკეთ იმსჯელებდნენ, ვიდრე თვითონ. უბრალო იგავმა სახე დაკარგა, კ-ს უნდოდა აღმოეფხვრა იგი მენსიერებიდან და მღვდელმა, რომელმაც დიდი გულისხმიერება და მოთმინება გამოიჩინა, უკანასკნელ შენიშვნაზე არაფერი უპასუხა, თუმცა გუნებაში ალბათ არ ეთანხმებოდა მის აზრს.

ერთხანს მღვდარედ დადიოდნენ. კ. ცდილობდა, რაც შე-იძლება ახლოს ყოფილიყო მღვდელთან, რადგან არ იცოდა, სად იმყოფებოდა. ლამაზი დიდი ხანია ჩაუქრა ხელში. უეცრად ზუსტად მის პირდაპირ რომელიღაც წმინდანის ვერცხლის ქანდაკებაზე ვერცხლისავე ანარეკლი აციაგდა და მაშინვე სიბნელეში დაინთქა. კ-ს არ უნდოდა მთლიანად მღვდელზე ყოფილიყო დამოკიდებული და ამიტომ ჰკითხა:

— ჩვენ მგონი კარიბჭის მახლობლად ვართ?

— არა, — უპასუხა მღვდელმა, — ჩვენ ძალზე შორსა ვართ კარიბჭიდან, შენ რა, წასვლას აპირებ?

ერთი წუთის წინ კ-ს წასვლა აზრად არ მოსვლია, მაგრამ ახლა აჩქარებით უპასუხა:

— დიახ, წასვლას ვაპირებ. ბანკში პროკურისტად ვმუშა-ობ, იქ კლიენტები მელოდებიან. აქ იმისათვის მოვედი, რომ ერთი უცხოელი კომპანიონისათვის ტადარი დამეთვალთვრე-ბინა.

— რა გაეწყობა, — უთხრა მღვდელმა და კ-ს ხელი გა-უწოდა, — თუ ასეა, წაბრძანდი!

— ამ სიბნელეში მარტო გზას ვერ გავიკვლევ!

— გაპყვევი მარცხენა კედელს, — ურჩია მღვდელმა, — ნუ მოსცილდები, პირდაპირ იარე და გასასვლელთან გახვალ. მღვდელმა რამდენიმე ნაბიჯის გადადგმა ძლიერ მოასწ-რო, კ-მ ძალიან ხმამაღლა დაუყვირა:

— გთხოვ მოიცადო!

— ვიცდი, — უპასუხა მღვდელმა.

— ჩემგან მეტი არაფერი გინდა? — ჰკითხა კ-მ.

— არაფერი, — უპასუხა მღვდელმა.

— შენ მე კეთილად მომექეცი. — უთხრა კ-მ, — ყველაფერი ამიხსენი. ახლა კი ისე მიშორებ, თითქოს სრულიად არ გა-ინტერესებს ჩემი ბედი.

— აკი წასვლა გინდოდა. — უპასუხა მღვდელმა.

— მართალი ხარ. — უთხრა კ-მ. — შენ ეს უნდა გაიგო.

— ჯერ შენ უნდა გაიგო, ვინ ვარ მე, — თქვა მღვდელმა.

— შენ ციხის კაპელანი ხარ, — უპასუხა კ-მ და კვლავ მიუ-ხლოვდა მღვდელს, ისე დასცდა, თორემ სულაც არ ეჩქარე-ოდა ბანკში დაბრუნება. შეეძლო კიდევ რამდენიმე ხანს მიეჩლიყო აქ.

— მაშასადამე, სასამართლოს ვემსახურები, — უთხრა მღვდელმა. — რა უნდა მინდოდეს შენგან, სასამართლოს შენგან არაფერი არ უნდა. როცა მოდიხარ, სასამართლო გღებულობს, როცა მიდიხარ, გიშვებს.

თავი მათი

დახასრული.

დაახლოებით საღამოს ცხრა საათზე, როცა ქუჩაში სიჩუმე სუფევდა, — მეორე დღეს კ-ს ოცდათერთმეტი წელი უსრულდებოდა — კ-ს ბინაში ორი მამაკაცი შევიდა, კაცებს სერთუკები ეცვათ. გაფითრებულნი და ჩასუქებულნი იყვნენ, ცილინდრები ისე ეხურათ თავზე, თითქოს დაწებებული ჰქონდათ. ბინის შესასვლელ კართან მცირე ხნით შეყვინდნენ, ერთმანეთს გზას უთმობდნენ, იგივე განმეორდა კ-ს ოთახის კართანაც, ოღონდ თავპატიუს უფრო დიდხანს იდებდნენ. თუმცა კ. არავის გაუფრთხილებია, სტუმრად გეწვევითო. იგი მაინც შავ ტანსაცმელში გამოწყობილი ისე იჯდა სავარძელში კარის მახლობლად, თითქოს სტუმრებს ელოდა და ნელ-ნელა ირგებდა თითებზე ახალ ვიწრო ხელთათმანებს. კ. მაშინვე წამოდგა სავარძლიდან და მამაკაცებს ცნობის-მოყვარეობით შეაჩერდა სახეში:

— მაშ თქვენ ჩაგაბარეს ჩემი თავი? — ჰკითხა კ-მ მათ.

კაცებმა თავი დაუქნიეს და ცილინდრიანი ხელი ერთმანეთისაკენ გაიშვირეს. კ. თავს გამოუტყდა, სულ სხვა ხალხს ველოდო. იგი ფანჯარასთან მივიდა და კიდევ ერთხელ გახედა ბნელ ქუჩას. მოპირდაპირე მხარეს თითქმის ყველა ფანჯარა ჩაბნელებული იყო. ზოგიერთებს ფარდებიც კი ჩამოეშვათ, ზედა სართულის ერთ-ერთ განათებულ ფანჯარასთან, გისოსებს უკან პატარა ბავშვები თამაშობდნენ, მათ ჭერ კიდევ არ შესწევდათ ძალა დამოუკიდებლად გაეგლოთ და პაწია ხელებს ერთმანეთს უთათუნებდნენ.

„მობერებულად, ყავლგასული მსახიობები გამოუგზავნი-ათ, — ჩაილაპარაკა კ-მ და კიდევ ერთხელ რომ დარწმუნებულოყო თავის მოსაზრებაში, უკან მოიხედა. — რა იაფფასიანი ხერხით ცდილობენ მომიღონ ბოლო“. უეცრად კ. მთელი ტანით შემობრუნდა და მამაკაცებს ჰკითხა:

— რომელ თეატრში თამაშობთ?

— თეატრში? — მიმართა ერთმა მამაკაცმა მეორეს, ისე თითქოს რჩევას ეკითხებო და ტუჩის კუთხეები შეუტოკდა. მეორე იმ მუნჯივით დაიმანჭა, რომელიც ყოველნაირად ცდილობს დასძლიოს საკუთარი უძლურობა. „ეტყობა, ასეთ

კითხვებზე პასუხის გასაცემად მომზადებული არ არიან“. — ჩაილაპარაკა კ-მ ისევ და ქულის ასაღებად გავიდა.

მამაკაცებს ჭერ კიდევ კიბეზე უნდოდათ მისთვის მკლავში მკლავი გაეყარათ, მაგრამ კ-მ თქვა:

— აქ არა, მხოლოდ ქუჩაში, მე ავადმყოფი როდი ვარ.

როგორც კი ჭიშკარს მიაღწიეს, მამაკაცები ისეთნაირად ჩამოეკიდნენ მკლავებზე, კ-ს რომ არ მოსწრებია თავის სიცოცხლეში; უკნიდან მხრებით მჭიდროდ მიეკვრნენ მხრებზე, მკლავები მკლავებზე შემოჰხვიეს და ათასგზის გაწაფულ-ნავარჯიშები ხელები მაჩვენებელ საღმრთოვით მოუჭირეს. კ. წელში გამართული მიაბიჯებდა მათ შორის და სამივე ისე იყო შეკრული ერთ სხეულად, ერთისთვის რომ დაგერტყა, სამივეს მოხვდებოდა. ასეთი მთლიანობა მხოლოდ უსულო საგნებისთვისაა დამახასიათებელი.

თუმცა ასეთ გადაჭდობილ სიარულში ძნელი იყო თავის მობრუნება, კ. მაინც ყოველი ლამპიონის შუქზე ცდილობდა, უკეთ შეეთვალიერებინა თანამგზავრები, ვიდრე ეს თავის ბინდით მოსილ ოთახში მოახერხა. „იქნებ ტენორები არიან“, — გაიფიქრა კ-მ და თვალი შეავლო მათ მძიმე ლაბაბებს, მამაკაცების სუფთად გაპარსული სახეები ზიზღს გვრიდა, ისეთი გრძნობა ჰქონდა, თითქოს იმ ხელს ხედავდა, მათ რომ თვალის უბეები ამოუწმინდა, ტუჩები დაუზილა და ნიკაპზე დაყრილი ნაოჭებიდან ჭუჭყი ამოუფხვია.

როგორც კი კ-მ ეს შეამჩნია, მაშინვე შეჩერდა, შეჩერდნენ მისი თანამგზავრებიც. ისინი იდგნენ დაცარიელებული, ნარგავებით გამწვანებული ფართო მოედნის კიდესთან.

— რაღა მაინცდამაინც თქვენ გამოგზავნეს! — კი არ ჰკითხა, უფრო უყვირა კ-მ მათ. მამაკაცებმა არ იცოდნენ, რა ეპასუხათ და ხელებჩამოშვებულნი ისე ელოდნენ კ-ს, როგორც სანიტრები ელიან სულის მოსათქმელად შეჩერებულ ავადმყოფს.

— აქედან ფეხსაც არ მოვიცვლი, — თქვა კ-მ მათ გამოსაცდელად. მამაკაცებს პასუხის გაცემა არ უფიქრიათ, ოღონდ უფრო მაგრად მოუჭირეს ხელი და ძალით შეეცადნენ ადგილიდან დაეძრათ, მაგრამ კ-მ წინააღმდეგობა გაუწია. „ამიერიდან ძალ-ღონე არაფერში დამჭირდება, ამიტომ ახლა უნდა გამოვიყენო მთლიანად“, — გაიფიქრა კ-მ და გაახსენდა როგორ მოსწყდებოდა ხოლმე ბუხებს ფეხები, როცა ცდილობენ წებოვან წვეპლას თავი დააღწიონ. „ამ ბატონებს დიდი ჯაფა ადგებათ“.

უეცრად პატარა კიბეზე, რითაც ერთ-ერთი ქუჩა მოედანს უერთდებოდა, ფროილან ბიურსთნერი გამოჩნდა. კ. მთლად დარწმუნებული არ იყო, მართლა მას ხედავდა თუ სხვას, მაგ-

რამ ჰკავდა კი ძალიან: თუმცა ახლა კ-სთვის არავითარი მნიშვნელობა არ ჰქონდა, ეს ქალი ფროილან ბიურსტენერი იყო თუ სხვა ერთი კია, იმწამსვე შეიგნო, რომ წინააღმდეგობის გაწევა უაზრობაა. ვერაფერი გმირობა იქნებოდა, ამ ვაჟბატონებს თუ გაუძლიანდებოდა, ზედმეტად გააწვალებდა, თავს დაიცავდა და ეცდებოდა სიცოცხლის უკანასკნელი ნაპერწკლის გაელვებით დამტკბარიყო. ამიტომ ადგილიდან დაიძრა და ის სინარული, რაც ამით თანამგზავრებს მიანიჭა, ცოტათი მასაც გადაედო. ამჯერად კაცები დაჰყვნენ კ-ს ნებას — გზა თვითონ აერჩია და კ-ც იმ ქუჩას გაჰყვა, ქალიშვილი რომ მიიბიჯებდა, მაგრამ არა იმიტომ, დასწვოდა და რაც შეიძლება დიდხანს ედევნებინა თვალი მისთვის, არამედ უნდოდა არ დაევიწყებინა ია ავისმომასწავებელი წიშანი, ამ ქალის დანახვისას რომ იგრძნო. „ერთადერთი, რის გაკეთებაც მე ახლა შემეძლია“, უთხრა კ-მ საკუთარ თავს, და ისეთი შთაბეჭდილება შეექმნა, თითქოს მისი და თანამგზავრთა თანაზომიერი ნაბიჯები მის აზრს ადასტურებდნენ, „ერთადერთი, რის გაკეთებაც მე ახლა შემეძლია, ბოლომდე უნდა შევიწინარჩუნო ნათელი აზრი და სალი გონება. ყოველთვის ვცდილობდი ოცი ხელით ჩაგებლავებოდი სამყაროს, თანაც არც ისე სანაქებო მიზნით, ეს კი სწორი არ იყო. ნუთუ ახლა ვინმეს უნდა დავანახო, რომ ერთი წლის პროცესშიც კი ჰქუა ვერ მასწავლა? ნუთუ ამ ქვეყნიდან გონებაჩლუნგი ადამიანის სახელით უნდა წავიდე? ნუთუ ვინმეს უნდა ვათქმევინო, პროცესის დასაწყისში მისი დამთავრებისკენ ილტვოდა, ახლა კი, ბოლოში, იავე მისი დაწყება სურსო? არა, არ მინდა ჩემზე ეს თქვან. მაღლობელი ვარ იმისთვისაც, რომ ამ გზაზე ნახევრად მუწვი, შეუსმენელი ვაჟბატონები გამომაცოლეს და შემეძლია საკუთარ თავს ის ვუთხრა, რაც საჭიროდ მიმაჩნია“.

ამასობაში ქალიშვილმა გვერდით ქუჩაზე გაუხვია, მაგრამ ახლა კ-ს იგი აღარ სჭირდებოდა და მსლებლების ნებას დამორჩილდა. სამივემ ერთსულოვნად გადაიარეს მთვარით განათებული ხიდი. ორივე მამაკაცი მდუმარედ მიჰყვებოდა კვალში კ-ს და როცა იგი მოაჯირისაკენ შეტრიალდა, ისინიც მთელი ტანით იქითკენ შებრუნდნენ. მთვარის შუქით მოსარკულ და მოლივლივე წყალს შუაზე ჰყოფდა ერთი პატარა კუნძული, სადაც ზმირფოთლოვანი ხეები და ბუჩქები ერთმანეთს ჩაწნოდნენ. ხრეშმოყრილი ბილიკები — ახლა ისინი არსად ჩანდა — მიიმართებოდა მოხერხებული სკამებისკენ, რომლებზეც ზაფხულობით კ. ზმირად იშხლართებოდა და სიამოვნებისაგან იზმორებოდა.

— სულაც არ მიფიქრია აქ შევჩერებულიყავი, — უთხრა მსლებლებს მათი დამყოლი ხასიათით დარცხვენილმა კ-მ. მას

მოეჩვენა, რომ ერთმა კაცმა მის ზურგს უკან მეორეს ოდნავ უსაყვედურა, ვერ მივუხვდით და შევჩერდითო, ამის შემდეგ კვლავ დაიძრნენ ადგილიდან.

მათ გაიარეს რამდენიმე აღმართს შეყოლილი ქუჩა, — აქაი პოლიციელები ხედებოდნენ, ისინი ან თავიანთ პოსტზე იდვნენ ანდა დასეირნობდნენ და სამეული ხან შორიდან ჩაუვლიათა ზოგს, ხან სულ ახლოს. ერთ ზმირფოვანა პოლიციელს, რომელსაც ხელი ხმლის ვადაზე ედო, სამეული საიქვო ჯგუთად მოეჩვენა და მიუახლოვდა. მამაკაცები შეყოვნდნენ და ის იყო პოლიციელს რაოცა უნდა ეთქვა, რომ კ-მ ღონივრად გაიწია წინ და თანამგზავრებიც თან გაიყოლია, დაწინაურებული კ. მალე მალე ფრთხილად იაყურებოდა უკან, პოლიციელი ხომ არ მოგვედევსო, ხოლო როცა პოლიციელს თავი თაღწიეს და ქოჩის კუთხეში შეუხვიეს, კ-მ სირბილით განაგრძო გზა, აქლოშინებული მამაკაცებიც იძულებული გახდნენ ადევნებოდნენ.

მალე ისინი ქალაქგარეთ აღმოჩნდნენ, სადაც ტრიალი მინდვრები იწყებოდა. პატარა მიტოვებული და გაპარტახებული ქვის სამტეხლო ვერ კიდევ შემორჩენილ ერთ ქალაქური ტიპის სახლის მახლობლად მდებარეობდა. ორივე მამაკაცი შეჩერდა. მათ ან წინასწარ შეარჩიეს ეს ადგილი, ანდა ძალიან დაიღალნენ და სირბილის თავი აღარ ჰქონდათ. მამაკაცებმა კ-ს ხელი შეუშვეს და იგი ახლა უხმოდ ელოდა, რას მოიმოქმედებდნენ. მათ კოლინდრები მოიხადეს და სანამ ქვის სამტეხლოს თაოს მოალოებდნენ, ცხვირსახოცი თუბლიდან ოთლი მოიწმინდეს: ირგვლივ ყოველგვარ მთვარის ისეთი ბუნებრივი და უმფოთელი შუქი დაჰნათოდა, როგორც არც ერთი სხია შუქი არ შეიძლება იყოს.

მას შემდეგ, რაც მამაკაცებმა ზრდილობიანად გაარჩიეს, ვის უნდა შეესრულებინა დავაობის მომდევნო ეტაპი — ეტაპობა, მათი მოვალეობა თავიანთ არ იყო ზუსტად განსაზღვრული. — ერთი მათგანი კ-სთან მივიდა და ჯერ პიჯაკი დახაოა, შემდეგ ქილეტი და ბოლოს პირანაიკი კი. კ. სიცივი-საგან უნებურად შეაგრა, მამაკაცმა გასამხნეებლად ზურგზე ხელი დაჰკრა. იმავე მამაკაცმა ისე გოლომდგინდ დაკაცა მისი ტანსაცმელი, თითქოს კითხუ ჩაიცვამდა ვინმე, ოღონდ ცოტა მოგვიანებით. იგი ღამეში რომ სულ უმოდართო არ მდგარიყო, მამაკაცმა კ-ს მკლავში ხელი გაუყარა და მასთან ერთად დაიწყო წინ და უკან სიარული. ამასობაში მეორე მამაკაცი ქვის სამტეხლოში მოხერხებულ ადგილს იძებდა. როგორც კი იპოვა. მათ ხელი დაუქნია და პირვილმა მამაკაცმა კ. იმ ადგილას მიიყვანა. სანგრედი კედლის ახლოს ჩამოტეხილი ქვა ეგდო. მამაკაცებმა კ. მიწაზე დასვეს, კედელთან მი-

რამ
ვნელ
თუ
გაწე
ტონს
დაიქ
კლდ
და
თი
გზა
მიაბ
ბა და
დაე
ნახვ
ლა
ბეჭ
ზომ
რის
ნარ
ლო
ისე
მეს
მასწ
ხელ
ცეს
ბო
ეს
რად
მიდ

ახლ
მო
გან
კვა
მთ
ქუ
ქუ
ნე
არ
რო
ამ

მხ
198

აწვინეს და თავი ქვაზე დაადებინეს. რა არ იღონეს, კ-ც ეხ-
მარებოდა. პოზა მაინც ნაძალადევი და არაბუნებრივი ჰქონ-
და. ამიტომ ერთმა კაცმა მეორეს სთხოვა, მე მაცალე და
უფრო მოხერხებულად დაგაწვირო, მაგრამ ვერც ამან მიაღ-
წია სასურველ შედეგს. ბოლოს მოეშენინ და როგორც იწვა,
ისე დატოვეს, თუმცა ამაზე უკეთაც შეიძლებოდა დაეწვი-
ნათ. ამის შემდეგ ერთმა მამაკაცმა სერთუკი შეიხსნა და
ქარაშიდან, ყილირის ზემოთ შემორტყმულ ქამარზე რომ
ეკიდა, ამოიღო ყასბის, გრძელი, წვრილი, ორლესული დანა,
მაოლა ასწია და შუაზე გახედა, ქარგად თუა გაღესილიო.
მამაკაცებმა ისევ დაიწყეს ზიზღისმომგვრელი პატიჟი. შირ-
იგომა დანა კ-ს თავზე გადაატარა და მეორეს გადასცა, მეო-
რემ ასევე დაუბრუნა უკან. უიკრად კ. მიხედა, იმასაც ავა-
ლებდნენ მათთვის დანა წაერთმია, მის თავს ზემოთ ხელიდან
ხელში რომ გადადიოდა და საკუთარ გულში ჩაეცა. მაგრამ კ.
ასე არ მოიქცა, ამის მაგივრად მოაბრუნა კისერი, რომელსაც
ჯერ კიდევ არ შეხებოდნენ და ირგვლივ მიმოიხედა. ბო-
ლომდე მაინც ვერ გაუძლო გამოცდას, ხელისუფალთა მთე-
ლი სამუშაოს შესრულება არ იკისრა და ამ უკანასკნელი შეი-
ღომისათვის პასუხი იმან უნდა აგოს, ვინც ამისათვის საჭირო
ძალ-ღონის უკანასკნელი მისხალი დააკლო. მისი მზერა ჩკის
სამტეხლოს მომიჯნავე სახლის ბოლო სართოლს მისწვდა.
უიკრად, როგორც შუაში გამოკრთება საიდანაც, ისე გაიღო
იმ სახლის ერთი ფანჯარა და ვილაც სულიერი, ამ სიშორეზე
სუსტი და თხილი რომ ჩანდა, სხარტად გადმოიხარა ფანჯრი-
დან და ხელები კიდევ უფრო შორს გაიწვდიანა. ნიჭავ ვინ
იყო? მიაგობარი? კეთილი ადამიანი? ვინმე ისეთი, ვინც თანა-
უგრძნობს? ვინმე ისეთი, ვისაც სურს დაეხმაროს? მარტო
იყო? თუ გვირდში ყველანი იდგნენ? კიდევ ეშველება რამე?
იქნებ იყო ერთი-ორი არგუმენტი, რითაც მათ გააცამტვერებ-
და, და გამორჩათ? ცხადია, იქნებოდა, თუმცა ლოგიკა ურ-
ჩივია, მაინც ვერ აღუდგება წინ იმ ადამიანს, ვისაც სიცო-
ცხლოე სწყურია. სად არის მოსამართლე, რომელსაც არასო-
დის უნახავს? სად არის უზენაესი სასამართლო, სადაც ვერა-
ორით ვერ მოახერხა შეღწევა? კ-მ ხელები ასწია და ათივე
თითი გაფარჩხა.

მაგრამ ამ დროს კ-ს ყელზე ერთ-ერთი მამაკაცის ხელე-
ბი შემოეჭდო, მეორემ კი დანა ორმად ჩაასო გულში და ორ-
ჯერ გადაატრიალა. კ-მ მიმჭრალი თვალებით დაინახა, რო-
გორ ადევნებდნენ თვალს მის აღსრულებას ლოყა-ლოყაზე
მიდებული მამაკაცები.

— ძალღვივით დამკოეს, — თქვა კ-მ ისე, თითქოს ეს სირ-
ცხვილი მასზე მეტხანს იარსებებდა.